

北京圖書館 編

北京圖書館藏珍本
年譜叢刊

叢刊

第 8 冊

DUXIU.COM

北京圖書館出版社


□北京圖書館 編

北京圖書館藏珍本

年譜
叢刊

北京圖書館出版社

第 8 册



第八冊目錄

魏陳思王年譜	一
許真君歷年表	一七
孝侯公年譜	四七
陸士衡年譜	六五
右軍年譜	八九
王羲之年譜	一九一
慧遠大師年譜	三〇九
陶靖節先生年譜	三二五
柳村譜陶	三七三
靖節先生年譜考異	四一七
晉陶靖節年譜	五六三
晉陶征士年譜	五八一
陶靖節年譜	六一七
華陽譜	六九一

魏陳思王年譜

山陽丁晏編

昔文中子有言陳思王可謂達理者也以天下讓時人莫之知也初王以仁孝智達魏祖特見寵愛幾爲太子者數矣卒以天性簡易不自彫飾其兄迺以矯詐御之交結左右日夜爲之陳說而王一任其兄所爲恪守藩侯之職豫章行云子臧讓于乘季札慕其賢血誠之言可謂至德矣魏祖召王兄丕偪而醉之其後臣下希指誣植醉酒悖慢觀其酒賦乃以爲淫荒之源先王所禁君子所斥是豈耽酒者哉媒孽之辭何所不至陳王之不得立魏之不幸亦漢之不幸也夫陳王固未嘗忘漢也魏旣受禪王發喪悲

哭其情詩曰遊者歎黍離行者歌式微送應氏詩曰洛陽何寂寞宮室盡燒焚故宮禾黍之感有餘痛焉贈丁儀王粲詩曰皇佐揚天惠四海無交兵稱其父曰皇佐大義凜然服事之忠唯王能守臣子之節使其嗣位豈有篡漢之事哉天不佑魏子桓承祚父喪在殯大饗受朝設伎樂百戲不忠不孝其罪上通於天矣而陳王事兄如父終無怨尤易世之後猶思敦本睦親上疏求試彼猜忌之君烏能望其感悟乎且司馬氏之禍陳王固先知之矣審舉一疏極論當權者謀能移主威能懾下取齊者田族非呂宗也分晉者趙魏非姬姓也籍田說以齊諸田晉六卿魯三桓

爲^考侯之蝎令陳王得掌朝政必能戢司馬之權而奪其柄王之見疏魏之所以速亡而亦天厭老瞞之奸摧其賢嗣促其國祚天之絕魏也甚矣王旣不用自傷同姓見放與屈子同悲乃爲九愁九詠遠遊等篇以擬楚騷又擬宋玉之辭爲洛神賦託之宓妃神女寄心君王猶屈子之志也而俗說乃誣爲感甄豈不謬哉余嘗歎陳王忠孝之性溢於楮墨爲古今詩人之冠靈均以後一人而已梁鍾記室品其詩譬以人倫之有周孔可云知言爰排比時事及其箸譔輯爲斯譜論世知人其亦有取乎此也

漢獻帝初平三年壬申 一歲

初平四年癸酉 二歲

興平元年甲戌 三歲

興平二年乙亥 四歲

建安元年丙子 五歲

建安二年丁丑 六歲

建安三年戊寅 七歲

建安四年己卯 八歲

建安五年庚辰 九歲

建安六年辛巳 十歲 本傳年十歲餘誦讀詩論及辭

賦數十萬言

建安七年壬午 十一歲

建安八年癸未 十二歲

建安九年甲申 十三歲

建安十年乙酉 十四歲

建安十一年丙戌 十五歲

建安十二年丁亥 十六歲

建安十三年戊子 十七歲

建安十四年己丑 十八歲

建安十五年庚寅 十九歲 時鄴銅爵臺新成

本紀建安十五

年太祖悉將諸子登臺使各為賦植拔筆立成可觀太

祖甚異之

建安十六年辛卯 二十歲 封平原侯太祖以丕爲五官中郎將置官屬爲丞相副魏軍西討馬超太子留監國侯從焉作離思賦 公讌詩公子敬愛客李善注公子謂文帝五官中郎也

建安十七年壬辰 二十一歲 荀彧薨有光祿大夫荀侯誄

建安十八年癸巳 二十二歲 天子策命太祖爲魏公加九錫始建魏社稷宗廟天子娉公三女爲貴人少者待年於國 敘愁賦序時家二女弟故漢皇帝聘以爲

貴人家母見二弟愁思故令予作賦

建安十九年甲午 二十三歲 徙封臨菑侯太祖征孫

權本紀建安十九年秋七月使侯畱守鄴戒之曰汝年亦二十三矣

可不勉歟侯旣以才見異而丁儀丁廙等爲之羽翼太

祖狐疑幾爲太子者數矣 魏畧曰丁儀與臨菑侯親

善數稱其奇才丁廙嘗從容謂太祖曰臨菑侯天性仁

孝發於自然而聰明智達其殆庶幾至於博學淵識文

章絕倫當今天下之賢才君子不問少長皆願從其遊

而爲之死實天下所以種福於大魏而永受無窮之祚

也太祖深納之 侯典禁兵衛宮省魏師征吳作東征

賦 與吳質書典畧曰質出為朝歌長臨淄侯與質書

集有贈丁儀丁廙詩

建安二十年乙未 二十四歲 贈丁儀王粲詩從軍度

函谷驅馬過西京李善注建安二十年西征張魯

建安二十一年丙申 二十五歲 天子進太祖爵為魏

王 與楊修書僕少好辭賦迄至於今二十有五年矣

文選有楊修荅臨淄侯牋

建安二十二年丁酉 二十六歲 增邑五千并前萬戶

太祖以五官中郎將丕為太子 賈詡傳文帝為五

官將而臨菑侯植才名方盛文帝使人問詡自固之術

太祖又嘗屏除左右問詡詡曰思袁本初劉景升父子也於是太子遂定 侍太子坐詩 王仲宣誄

建安二十三年戊戌 二十七歲

建安二十四年己亥 二十八歲 太祖以楊修頗有才

策而又袁氏之甥也於是以罪誅修 典畧在建安二十四年 侯益

內不自安 太祖以植爲南中郎將行征虜將軍欲遣

救曹仁植醉不能受命於是悔而罷之 魏氏春秋植

將行太子偃而醉之

魏文帝黃初元年庚子 二十九歲 太祖崩謚曰武有

武帝誄子不嗣位改延康元年魏受漢禪改元黃初封

漢帝爲山陽公有慶文帝受禪表 魏志蘇則傳初則
及臨菑侯植聞魏氏代漢皆發服悲哭帝在洛陽嘗從
容言曰吾應天受禪而聞有哭者何也注引魏畧曰初
則在金城聞漢帝禪位以爲崩也乃發喪臨菑侯植自
傷失先帝意亦怨激而哭後文帝出遊追恨臨菑 文
帝卽位誅丁儀丁廙植與諸侯竝就國元會詩初歲元
祚吉日惟良 三月黃龍見有龍見表

黃初二年辛丑 三十歲 監國謁者灌均希指奏植醉
酒悖慢劫脅使者帝以太后故貶爵安鄉侯有初封安
鄉侯表改封郵城侯有雜詩六首李善注別京已後在

鄆城思鄉而作

黃初三年壬寅 三十一歲 立爲鄆城王邑二千五百戶 朝京師濟洛川作洛神賦 魏畧初植未到關自念有過乃微行入見清河長公主欲因主謝而關吏以聞使人逆之不得見太后以爲自殺也對帝泣會植科頭負鈇鑕徒跣詣闕下帝太后乃喜及見之帝猶嚴顏色不與語又不使冠履植伏地泣涕太后爲不樂詔乃聽服王服 文館詞林有曹植誠令毀鄆城故殿令文館詞林爲近時僞書不可取信

黃初四年癸卯 三十二歲 徙封雍邱王朝京都上疏

并責躬應詔詩帝嘉其辭義優詔答勉之 魏氏春秋
是時待遇諸國法峻任城王暴薨有任城王誄白馬王
彪還國欲同路東歸監國使者不聽發憤告離而作詩
曰謁帝承明廬云云

黃初五年甲辰 三十三歲 集有黃初五年令

黃初六年乙巳 三十四歲 帝東征還雍邱幸植宮增

戶五百集有黃初六年令

黃初七年丙午 三十五歲 帝崩諡日文有文帝誄

明帝太和元年丁未 三十六歲 徙封浚儀 鄴都故

事魏明帝太和中築門雜臺集有門雜詩

太和二年戊申 三十七歲 復還雍邱上疏求自試

曹休薨有大司馬曹休誄 明帝紀帝還洛陽宮裴注
引魏畧是時譎言云帝已崩從駕羣臣迎立雍邱王魏
之臣民屬望雍邱久矣

太和三年己酉 三十八歲 徙封東阿 世說新語文

帝嘗令東阿王七步中作詩不成者行大法應聲爲詩
按煮豆詩或疑其僞且東阿徙自太和年文帝時無此
封號小說之誣甚矣 初學記天部引魏明帝與東阿
王詔曰昔先帝時甘露屢降於仁壽殿前靈芝生芳林
園中自吾建承露盤以來甘露屢降芳林園仁壽殿集

有承露盤銘并序 陳琳答東阿王牋并示龜賦集有神龜賦 吳質荅東阿王書

太和四年庚戌 三十九歲 六月太皇太后崩七月武宣卞后祔葬於高陵有卞太后誄上卞太后誄表

太和五年辛亥 四十歲 上疏求存問親戚復上疏陳審舉之義魏畧是後大發士息王上書 冬詔諸王朝

太和六年壬子 四十一歲 二月以陳四縣封爲陳王邑三千五百戶有改封陳王謝恩章謝妻改封東阿王妃爲陳王妃表 時法制待藩國峻迫常汲汲無歡遂發疾薨年四十一遺令薄葬諡曰思子苗志嗣苗封高

陽鄉公志封穆鄉公有封二子爲公謝恩章志徙封濟
北王女金瓠生十九旬而天有哀辭

逍遙山萬壽宮志卷之三

表一

歷年 小序

賢哲之生德與年俱盛業與日俱新不必問其生有
自來逝有所爲第就其寓形宇內觀之總以法天行
健者所其無逸求無忝也會何計歷年或永或不永
彼徒矜毛髓幾更究無裨身世于萬一者無足論已
世艷稱旌陽先生飄然仙舉終古無期而不察其憂
勤之歲月歷歷可紀也噫此豈知旌陽者哉作歷年

表

			漢後主 延熙
四年辛酉	三年庚申	二年巳未	
吳赤烏四年	魏正始二年	吳赤烏二年	魏景初三年
真君三歲	真君二歲	作一歲	許真君生
<small>按舊真君生于南昌縣長定鄉益塘陂今慈母里許仙村即其地真君稟太陽之精故生于赤烏時後誅大蛇會仙峯有赤鳥飛過蓋赤烏即陽精之符兆</small>			

九年丙寅	八年乙丑	七年甲子	六年癸亥	五年壬戌
魏正始七年 吳赤烏九年	魏正始六年 吳赤烏八年	魏正始五年 吳赤烏七年	魏正始四年 吳赤烏六年	魏正始三年 吳赤烏五年
真君八歲	真君七歲	真君六歲	真君五歲	真君四歲
		是時卽知孝事二親 凡所言行卽與道合	入學讀書	

十四年辛未	十三年庚午	十二年己巳	十一年戊辰	十年丁卯
魏嘉平三年 吳太元元年	魏嘉平二年 吳赤烏十三年	魏嘉平元年 吳赤烏十二年	魏正始九年 吳赤烏十一年	魏正始八年 吳赤烏十年
真君十三歲	真君十二歲	真君十一歲	真君十歲	真君九歲

舊按是時已解經書大意

十五年壬申	十六年癸酉	十七年甲戌	十八年乙亥	十九年丙子
魏嘉平四年 吳建興五年	魏嘉平五年 吳建興二年	魏正元元年 吳五鳳元年	魏正元二年 吳五鳳二年	魏甘露元年 吳太平元年
真君十四歲	真君十五歲	真君十六歲	真君十七歲	真君十八歲
		射鹿悔過	自折弓矢後一意勤修聖賢道學	

卷之三

二二

			後主 景耀	
二十年丁丑	元年戊寅	二年己卯	三年庚辰	四年辛巳
魏甘露二年 吳太平二年	魏甘露三年 吳永安元年	魏甘露四年 吳永安二年	魏景元元年 吳永安三年	魏景元二年 吳永安四年
真君十九歲	真君二十歲	真君二十一歲	真君二十二歲	真君二十三歲

	晉武 太始		後主 炎興	
五年壬午	元年乙酉	甲申	元年癸未	
魏景元三年	魏甘露元年是歲 魏亡晉代凡二國	魏咸熙二年	魏景元四年 吳永安六年 <small>是歲漢亡</small>	吳永安五年
真君二十四歲	真君二十七歲	真君二十六歲	真君二十五歲	真君二十八歲
此時好方外遊				

皇紀一萬三千二百一十

三年丁亥	四年戊子	五年己丑	六年庚寅	七年辛卯
吳寶鼎二年	吳寶鼎三年	吳建衡元年	吳建衡二年	吳建衡三年
真君二十九歲	真君三十歲	真君三十一歲	真君三十二歲	真君三十三歲
<p>從事吳猛悉傳其秘</p> <p>舊按舉公孝廉者累辭不就或云范甯荐者非</p>				

	武帝 咸寧			
八年壬辰	九年癸巳	十年甲午	元年乙未	二年丙申
吳鳳凰元年	吳鳳凰二年	吳鳳凰三年	吳天冊元年	吳天璽元年
真君三十四歲	真君三十五歲	真君三十六歲	真君三十七歲	真君三十八歲
<small>下居逍遙山金田村之桐園</small> <small>舊按郡舉孝廉不就或云筮仕于此時者誤</small>				

	世祖 大康			
三年丁酉	吳天紀元年	真君三十九歲		
四年戊戌	吳天紀二年	真君四十歲		
五年己亥	吳天紀三年	真君四十一歲		
元年庚子	吳天紀四年 是年吳滅	真君四十二歲		
二年辛丑		真君四十三歲		

還金燈擎

舊按是年起為蜀郡
旌陽縣令循聲異績
遺愛無窮詳實錄又
邑志山川類蜀水注
晉元帝時南昌大疫
諸許旌陽請救與水
一器令投上流飲者
皆愈今考帝王世紀

三年壬寅

四年癸卯

五年甲辰

六年乙巳

七年丙午

真君四十四歲

真君四十五歲

真君四十六歲

真君四十七歲

真君四十八歲

晉武帝在位二十五年
 惠帝在位十七年
 懷帝在位六年
 愍帝在位四年
 元帝在位六年
 若元帝時尚在
 蜀是真君宦遊不下
 三十五六年矣而懷
 帝永嘉之末又何緣
 在家斬蛇耶故施水
 救疫必在懷惠之間
 此載筆之訛也識者
 宜辨之

皇朝通志

卷之四十一

通鑑紀事本末卷之六十一

元康 惠帝	永熙 惠帝			
元年辛亥	元年庚戌	十年巳酉	九年戊申	八年丁未
真君五十三歲	真君五十二歲	真君五十一歲	真君五十歲	真君四十九歲
遊新吳五女童獻劍		致仕歸里		

二年壬子

三年癸丑

四年甲寅

五年乙卯

六年丙辰

真君五十四歲

真君五十五歲

真君五十六歲

真君五十七歲

真君五十八歲

謁丹陽謹母

公既得神劔漸有為
民除害之意按先是
蛟虎傷人周處已嘗
射虎斬蛟公亦同此
志也

永寧 惠帝	永康 惠帝			
元年辛酉	元年庚申	九年巳未	八年戊午	七年丁巳
眞君六十三歲	眞君六十二歲	眞君六十一歲	眞君六十歲	眞君五十九歲

卷之三十一

十一

光 惠帝 熙		永 惠帝 興		大 惠帝 安
元年丙寅	二年乙丑	元年甲子	二年癸亥	元年壬戌
漢元熙三年 成晏平元年	漢元熙二年	漢元熙元年 成建興元年 <small>凡僭國二</small>		
真君六十八歲	真君六十七歲	真君六十六歲	真君六十五歲	真君六十四歲
<p>是時曾亨時荷甘戰 施岑輩間公孝道法 皆接踵受學焉</p>				

尚書
卷之二十二

				懷帝 永嘉
五年辛未	四年庚午	三年巳巳	二年戊辰	元年丁丑
成玉衡元年	漢嘉平元年	漢烈宗劉聰 光興元年	漢永鳳元年	漢元熙四年
真君七十三歲	真君七十二歲	真君七十一歲	真君七十歲	真君六十九歲
			舊按施藥求賢化炭 作婦	

			建興	愍帝	
四年丙寅	三年乙亥	二年甲戌	元年癸酉	六年壬申	
漢麟嘉元年	漢建元元年	漢嘉平四年	漢嘉平三年	漢嘉平二年	
真君七十八歲	真君七十七歲	真君七十六歲	真君七十五歲	真君七十四歲	
<p>舊按是年海昏誅蛇 時杜嶷冠蜀詳實錄 併吳仙傳自海昏誅 蛇而外今皆不紀年 矣</p>					

			元帝 大興	東晉 建武
四年辛巳	三年庚辰	二年巳卯	元年戊寅	元年丁丑
趙光初四年 後趙三年	趙光初三年 後趙二年	漢改號趙光初 二年後趙石勒 元年凡四僭國	漢主劉曜光 初二年	漢麟嘉二年 涼建興五年 凡僭國三
真君八十三歲	真君八十二歲	真君八十二歲	真君八十歲	真君七十九歲

ナ

咸和 成帝			明帝 大寧	元帝 永昌
元年丙戌	三年乙酉	二年甲申	元年癸未	五年壬午
後趙八年	後趙七年	後趙六年	後趙五年	後趙四年
趙光初九年	趙光初八年	趙光初七年	趙光初六年	趙光初五年
真君八十八歲	真君八十七歲	真君八十六歲	真君八十五歲	真君八十四歲
<small>舊按王敦擒璞真君與吳真人擲杯化鴿以避詳實錄</small>				

六年辛卯	五年庚寅	四年己丑	三年戊子	二年丁亥
趙建平二年	趙建平元年	趙光初十二年 後趙太和二年 趙亡凡三僭國	趙光初十一年 後趙太和元年	趙光初十年 後趙九年
真君九十三歲	真君九十二歲	真君九十一歲	真君九十歲	真君八十九歲

舊按干支異名強圉丁也大困猷亥也涂月十二月也此載于鐵券昭昭可考者但前之丁亥真君僅廿五歲方事修煉惟是年為八十九道已大成以其壽計之此後尚四十六年游于塵世而實錄本傳斬蛟俱左永嘉之末與券不符豈斬除在先而制伏在後歟惜無可考矣附此存疑

	咸寧 成帝			
二年丙申	元年乙未	九年甲午	八年癸巳	七年壬辰
趙建武二年	趙王石虎建武元年 成主李期至恒元年	趙王石弘延 熙元年	趙建平四年	趙建平三年
真君九十八歲	真君九十七歲	真君九十六歲	真君九十五歲	真君九十四歲

皇紀
卷之八十一

七年辛丑	六年庚子	五年巳亥	四年戊戌	三年丁酉
趙建武七年	趙建武六年	趙建武五年	趙建武四年 <small>改號漢漢興元年 代建國元年 凡四僭國</small>	趙建武三年
真君百三歲	真君百二歲	真君百一歲	真君一百歲	真君九十九歲

	永和 穆帝		建元 康帝	
二年丙午	元年乙巳	二年甲辰	元年癸卯	八年壬寅
漢嘉寧元年	趙建武十二年 燕主慕容皝十 二年凡五僭國	趙建武十一年 漢李勢元和元年	趙建武九年	趙建武八年
真君百八歲	真君百七歲	真君百六歲	真君百五歲	真君百四歲

皇極經世一書三十一
卷之二十一

三

<p>三年丁未</p> <p>趙建武十三年</p> <p>是歲漢亡凡三</p> <p>僭國</p>	<p>四年戊申</p> <p>趙建武十四年</p>	<p>五年巳酉</p> <p>趙太康元年</p>	<p>六年庚戌</p> <p>趙永寧元年魏</p> <p>僭國</p>	<p>七年辛亥</p> <p>趙永寧二年魏</p> <p>永興二年秦黃</p> <p>始元年是歲趙</p> <p>亡凡五僭國</p>
<p>真君百九歲</p>	<p>真君百十歲</p>	<p>真君百十一歲</p>	<p>真君百十二歲</p>	<p>真君百十三歲</p>

八年壬子	九年癸丑	十年甲寅	十一年乙卯	十二年丙辰
魏永興三年秦 黃始二年燕元 璽元年是歲魏 亡凡僭國四	秦黃始三年 燕元璽二年	秦黃始四年 燕元璽三年 涼和平元年	秦壽光元年燕元 璽四年涼去年號	秦壽光二年 燕元璽五年
真君百十四歲	真君百十五歲	真君百十六歲	真君百十七歲	真君百十八歲

真君百十八歲

				穆帝 升平
五年辛酉	四年庚申	三年己未	二年戊午	元年丁巳
秦甘露三年 燕建熙二年 涼奉升平之號	秦甘露二年 容暉建熙元年	秦甘露元年	秦永興二年 燕光壽二年	秦永興元年 燕光壽元年
真君百三歲	真君百三歲	真君百三歲	真君百二十歲	真君百十九歲

<p>帝奕 太和</p>			<p>哀帝 興寧</p>	<p>哀帝 隆和</p>
<p>元年丙寅</p>	<p>三年乙丑</p>	<p>二年甲子</p>	<p>元年癸亥</p>	<p>元年壬戌</p>
<p>秦建元二年 燕建熙七年</p>	<p>秦建元元年 燕建熙六年</p>	<p>秦甘露六年 燕建熙五年 涼張天錫二年</p>	<p>秦甘露五年 燕建熙四年</p>	<p>秦甘露四年 燕建熙三年</p>
<p>真君百二十八歲</p>	<p>真君百二十七歲</p>	<p>真君百二十六歲</p>	<p>真君百二十五歲</p>	<p>真君百二十四歲</p>

晉書卷一百一十五 載記第五十五 慕容皝

一

<p>簡文 咸安</p>				
<p>元年辛未</p>	<p>五年庚午</p>	<p>四年巳巳</p>	<p>三年戊辰</p>	<p>二年丁卯</p>
<p>秦建元七年</p>	<p>秦建元六年燕 建熙十一年是 歲燕亡凡四僭國</p>	<p>秦建元五年 燕建熙十年</p>	<p>秦建元四年 燕建熙九年</p>	<p>秦建元三年 燕建熙八年</p>
<p>真君百三十三歲</p>	<p>真君百三十二歲</p>	<p>真君百三十一歲</p>	<p>真君百三十歲</p>	<p>真君百二十九歲</p>

			烈宗 康寧	
		二年甲戌	元年癸酉	二年壬申
		秦建元十年	秦建元九年	秦建元八年
		真君百三十六歲	真君百三十五歲	真君百三十四歲
<p>舊按是年八月朔有二仙降詔旨告真君以冲舉之期至望日拔宅飛昇雞犬隨之罷志邑乘載朔朝冲舉誤也詳實錄</p>				

卷之二十一

二七

新編山言言三
卷之三

孝侯公年譜

裔孫

湛霖輯註

漢廷熙
吳赤烏

五年壬戌四月八日生註侯父關丙公年及四旬

而艱於嗣禱於山川之神一夕夢有偉丈夫絳衣博帶

劍佩而入遂驚醒越日生侯

見任昉
述異記

癸亥二歲

甲子三歲

乙丑四歲關丙侯致仕註關丙侯守鄱陽十三年賞善罰

惡威恩並行後以親老罷歸

參三國
志吳書

丙寅五歲

丁卯六歲

戊辰七歲九月關內侯疾尋瘳**註**關內公患心疼病侯朝
夕反側以分痛致廢寢食公病愈乃已蓋純孝其天性

也 參單子發
續風土記

己巳八歲

庚午九歲

延熙十四年辛未十歲讀書南嶽山聞父疾即還**註**侯讀
吳大元元

書南嶽僧舍距家數十里一日天已晚聞父恙即單身

赴道歷深谷出入虎穴不稍懼咸大奇之 見吳紱梓
里舊聞

三月鄱陽太守關內侯子魚府君卒**註**關內公卒侯哀

毀骨立晝夜哭不輟及大父廣平公再三撫慰之哀始

稱止見續風土記

延熙十五年年壬申十一歲
吳建興元年

癸酉十二歲八月十九日大父廣平公卒註廣平公棄養

侯哀毀如喪關內公時祭葬如禮見續風土記

甲戌十三歲

乙亥十四歲

延熙十九年丙子十五歲築禮斗壇註侯於國山之陽築土

為壇拜斗以祈母壽參王升今壇址尙存按國山在縣西南五十里

吳陸墨山相連廣平公始居於此

丁丑十六歲

漢景耀元年戊寅十七歲由國山遷居陽山之麓謝侯奉

母谷夫人遷居縣東北鄉之陽山為守墓也按陽山西

之墓在焉江南通志彰善寺在周孝侯故居旁按寺今在陽山麓

長子玘生

己卯十八歲獵於國山謝侯未弱冠膂力絕人任俠不羈

好馳騁田獵見晉書孝侯傳參沈敕荆溪外記

庚辰十九歲

辛巳二十歲獵於國山漁於章溪章溪即蒲墅謝侯立志

不仕故字子隱以漁獵為業出常負弓矢帶劍節萬嗣

射虎記

壬午二十一歲仲子靖生

漢安興元年癸未二十二歲秋大饑散財振濟誼侯素任

俠仗義遇懦弱貧厄人常周卹之因歲饑僅散家財濟

鄉里全活甚眾

參梓里舊聞并
斬蛟射虎記

漢安興二年甲申二十三歲獵於君山誼君山卽荆南山

俗名銅官山在縣西南二十里爲一邑之鎮邑志

漁於龍溪誼龍溪一名五雲溪卽今盛家渡河爲侯配

盛夫人祖居地

參桃源
客語

晉泰始元年乙酉二十四歲

晉泰始二年丙戌二十五歲潘十八爲暴於鄉射斃之誼

侯過潘華材

今潘射頭

見有潘族之豪名十八者強取華氏

女華不允登門攫之侯目擊不平援矢射其顛貫頂

參邑

志 駭聞 節 斬 裝射虎記

丁亥二十六歲

戊子二十七歲獵於都山註都山一名工字山上有孝侯

遺蹟

見邑志 劉學 周工字山記

晉泰始五年 吳建衡元年己丑二十八歲三子札生

庚寅二十九歲王姓有悍婦虐姑侮夫執而鞭之婦遂改

行註近塘橋悍婦曰王雌黑虎每侮夫而虐其姑逐使

居外負有膂力族黨弗能禁侯執而數之鞭至百血流

徧體後遂謹事其姑因改名橋曰化穀

見邑志軼開按橋今名化醅橋

辛卯三十歲獵於岳山

岳山在縣北二十里

註岳山東有挂弓山

傳山多大樹侯出獵時曾架弓於此

見王超東野語參蔣捷文集

晉泰始八年吳鳳凰元

年壬辰三十一歲

癸巳三十二歲

甲午三十三歲四月入荆南山射虎斃之

註侯聞南山出

白額虎暴甚遂入山伺虎至隱一大樹間射之一矢貫

其睛兩矢洞其喉虎立斃患遂息

節斬蛟射虎記參晉書并通鑑綱目

六月搏蛟於荆溪三日獲蛟斬之

註侯聞荆溪有蛟為

害邑人患之因投水搏蛟蛟或沈或浮行數十里侯與

之俱經三日三夜追至大浦港獲之登其背洞其腹貫以鐵索曳至長橋斬焉時晉武帝泰始十年六月十四

日也

見晉書參通鑑綱目並邑志軼聞

勵志讀書國侯自此砥行好學折節讀書從善鄉以此

名

見王升邑志

十月入吳從陸機陸雲受學國機雲陸抗之子善屬文名重於世侯入吳郡見陸雲曰甫欲自修年已蹉跎恐無及奈何雲曰古人貴朝聞夕改但患志不立何憂年

乎侯遂克己勤學無稍怠

節周濟晉畧參揚遠懷鄉評備考

晉咸寧元年吳鳳凰四年

年乙未三十四歲僑寓雲間篤志勵學國二陸

居近雲間侯執經門下故僑寓於此松江舊有孝侯讀

書臺今遺址尙存

參蔣汝誠忠義集

晉咸寧二年吳天璽元

年丙申三十五歲著默語證侯爲文操筆立就

著默語三十篇

參晉書并江南通志及唐鶴徵常州府志

晉咸寧三年吳天璽元

年丁酉三十六歲州府交辟

戊戌三十七歲吳徵爲太子洗馬兼無難督不就證萬球

云侯未嘗仕吳唐仲冕國山碑記云陳壽云皓遣董朝

孝侯封禪國山乃觀國山碑載丞相沈太尉璆并董朝

張悌華覈丁忠等名甚詳而不及孝侯非得斯碑正之

奚以爲侯辨誣哉

見邑志

據此則侯未仕吳可知

己亥三十八歲孫勰生

晉太康元年庚子三十九歲

辛丑四十歲

壬寅四十一歲

癸卯四十二歲仕晉為東觀左丞國侯砥節勵行志存義

烈言必忠信名聞於朝屢辟就徵

參晉書并鄉評備攷

孫彝生

甲辰四十三歲宦寓金陵國江南通志周孝侯臺在江甯

府城東南隅鹿苑寺後相傳侯仕東觀左丞時曾讀書

於此

見忠義集

今臺址尚存

孫懋生

乙巳四十四歲遷總統拜諮議郎除討虜護軍誥侯靖恭

夙夜恪居官次匡熙庶績一載三遷

見臧榮緒晉書參陸機碑記

丙午四十五歲正月遷新平太守誥侯既之任興養立教

威惠並行百姓向化政簡刑清

參蔣汝誠忠義集

孫筵生

丁未四十六歲叛羌來歸雍土美之誥新平即今陝西邠

州地近西戎侯撫和諸戎叛羌歸附雍人感戴立侯生

祠歲時祀之

見儲惠碎金集參一統志邠州名宦

長子玘舉秀才

幼子碩生

孫浚生

戊申四十七歲四月轉廣漢太守

年不決者侯至詳其枉直一朝決遣案無留牘

節晉書
參一統

志成都府
按廣漢即今四川成都府

孫贊生 孫澹生

己酉四十八歲五月以母疾罷歸

馳數百里既之家築壇於宅西之墩每日露禱拜斗籲

天天感其誠墩生甘草侯取煎飲母疾尋瘳

節徐階鳳
荆南墨農

集

承熙元年庚戌四十九歲三月除楚內史四月徵散騎常

侍

註

侯先之楚楚經喪亂白骨被野侯招集撫綏教養

兼至未及朞月化行俗易郡稱大治

節虞預
晉書

撰風土記註侯敘述吳越風土及楚地風俗分編歲時

地理人事器物等類撰成十卷名曰風土記

見唐書藝文志參隋

書經
籍志

孫縉生

元康元年辛亥五十歲二月就徵散騎常侍註侯居近侍

因上用入鮮當多所規諷政有不可輒力爭之

節晉畧
參陸機

碑記并蔣汝
誠忠義集

壬子五十一歲三月遷御史中丞石崇夏侯駿不稱職奏

劾之註侯奏劾征虜將軍石崇安西將軍夏侯駿正繩

隨筆羅蒙囊肅節王軍不崇光可

癸丑五十三歲撰吳書賦賦賦賦賦候酒吳平後即撰集吳書至

是始賦賦為三十卷參晉書并江南通志

甲寅五十五歲左職奮勉賦賦賦遠灑深文按之賦侯居諫垣

元繼劫承避寵戚奏駁不瀆一月章三上由是朝臣多有

蘇係者節王隱晉書
參通鑑綱目

乙卯五十四歲三子札舉孝廉

丙辰五十五歲十月詔授建威將軍隸夏侯駿西征賦秦

雍氏羌悉反其帥齊萬年僭帝號圍涇陽朝廷推賢以

侯才兼文武詔授建威將軍與振威將軍盧播俱隸安

西將軍夏侯駿以討之

節晉書通鑑綱目參陸機碑記

十一月奉命出征慷慨就道**註**時梁王彤為征西大將

軍督關中侯知彤銜前隙必陷己自以人臣盡節不宜

辭憚乃慷慨即路志不生還中書令陳準以彤駿皆非

將帥才請詔孟觀為前驅上不從萬年聞之曰周府君

有文武才若專斷而來不可當也受制於人此成禽耳

節晉書參通鑑綱目

丁巳五十六歲正月討齊萬年戰於六陌弦絕矢盡援兵

不至力戰死之**註**齊萬年屯梁山有眾七萬梁王彤夏

侯駿令侯以五千兵擊之侯與盧播解系攻萬年於六

陌自日至暮斬首萬級矢殫弦絕播系承彤旨不救左
右勸退侯按劍曰是吾効節致命之日也何退為力戰

而歿時正月癸丑日也

節晉畧參
通鑑綱目

建武元年丁丑冬十一月追贈平西將軍清流亭侯諡曰

孝賜錢百萬葬地一頃京城地五十畝為第又賜王家

近田五頃

節晉書

大興二年己卯正月十日賜葬於義興舊原幼子碩奉勅

營墓

節陸機碑記
參王升邑志

謹按 孝侯年譜原編敘列尙略且半係歿後封典

茲謹重輯悉本諸晉書晉畧本傳及資治通鑑朱子

綱目陸機碑記并引證各書詳爲註明纂訂成帙覽
斯譜者庶於 侯之一生德業略知其大概云咸豐

丙辰中春

六十三世孫湛霖

謹跋

陸士衡史

華陽李澤仁惠生編

弁言

吾師劉鑑泉先生說

吾於文學所見日進至于近年乃專宗陸士衡庶人不達且將疑為變改故特詳說吾初為文頗好馳騁未知有法度派別也先子每戒之謂縱筆侈口反不若八比之能深細命題課文必以經義吾頗苦其拘然自是始知重義矣及從兄師學首問厚肆之途師曰經太醇子太肆史其醇肆之間乎命專治漢書柳文吾治之而好焉遂與吞吐學史記轉折描歐會者異趨又取游選姚纂彙讀之則頗以方姚為弱而喜會文正始向于綜合駢散矣時會徧閱桐城派諸人論文書見張廉卿言諸體惟論最難作因知彼所謂神氣不傳之秘施之說邇不免削趾適屬得章先生書（按此指會稽章實齋）又知文以宗旨為尚而日登韓蘇議論皆不堅實既讀汪容甫包慎伯書而綜合駢散之旨愈堅校讎益精見文益多派別利病益明遂有辭派圖之作標厚雅和文質彬彬為宗舉漢至劉宋為準吾說於是大成然既知昭明所選止是詩流與諸子異登所謂綜合駢散之彬彬者止詞而已若以意論則所謂不能持論者不獨文學為然專學曹劉其弊未始不與歐會等求入代之館彙子質者稽阮則嫌固宏明集則嫌質真彬彬者獨有士衡士衡子書未成論文僅成五等又因辨論封建彌登其金湯之固下求其嗣僅有顧延之而功止於琢句上求其先則子建固以作史為志史重言外之意固不可繩以論理也讀書本以明理時值橫流責在扞衛藝道說義之文固重於記

事言情理文百一錄之選即此志也（見所著文學述林中）



這便是我所以做此文的動機。

本來每種學問。各有其派別。每個家數。各有其面目。要論其文。必先論其人。要論其人。必先論其世。我這篇文章。分爲兩段。上段是世系和年譜。下段是著述。年譜後面附論他的德行。著述後面附論他的文學。自來評論士衡之文行。有可論之價值者。一概收納。

乙丑，十二，十，澤仁

上篇譜系

按陸士衡的先世。○隋書經籍志有陸氏譜卷。○亡不著錄。○章宗源考證說。○世說文學篇注。○陸遏仕至光祿大夫。○史記酈生陸賈傳。○索隱注。○并引陸氏譜。○考索隱注云。○齊宣公支子達食采於陸鄉。○號曰陸侯達。○達生發。○發生臯適楚。○賈其子孫也。○又注引陳留風俗傳云。○陸氏春秋時。○陸渾國之後。○此皆溯源之論。○陸士龍文集裏。○有祖考頌一篇。○其序云。○

雲之世族承黃虞之苗裔靈根之遺芳用能枝播千條穎振萬葉繁衍固于三代饗祀存乎百世豈非皇慶之積祐神明之祥者哉在國之衰有媯之後將育於姜而貞龜發鳴鳳兆周史表之觀國之繇故能光宇營上奄有東海庶庶而胤祚昌大矣遭世多難子孫蕩折逐我南土烈祖丞相那侯顯考大司馬武侯明德淑哲沉雄特秀固上天所以繼述前期惡成後願者也

此雖不十分清晰。○也可做個旁證。○然士衡的本支。○實著于漢末。○而所謂遭世多難逐于南土者。○亦即在此時。○近人章太炎說。○

機之族始于陸績設易明玄爲經術大師績女鬱生十三喪夫誓死不踐二庭其國風家儀可知也及丞相大司馬父子武以克敵忠以匡君血誠之辭下感百世又譏劉屢刑務禮穆此三代之英近古之大儒

也子姓漸染閨門之教雅素
則……太炎文錄卷二

故今為陸氏世系。始于績四世祖闕。我且先把我所據以為世系者簡單彙鈔於左。

後漢書獨行陸績傳字世初會稽吳人也世為族姓祖父闕字子春建武中為尚書令美姿貌喜著越布單衣光武見而好之自是常勅會稽郡獻越布績幼孤為郡門下掾太守尹興以楚王英謀反徵詣洛陽詔獄就考赦還鄉里禁錮終身以老病卒長子稠廣陵太守有理名中子逢樂安太守少子褒力行好學不慕榮名連徵不就褒子康

又陸康傳字季常祖父績在獨行傳父褒有志操連徵不至康少仕郡後拜唐江太守獻帝即位詔策加忠義將軍秩中二千石時袁術屯兵壽春部曲飢餓遣使求委輸兵甲康以其叛閉門不通內修戰備將以禦之術大怒遣其將孫策攻康二年城陷月餘發病卒年七十宗族百餘人遭離飢厄死者將半朝廷愍其守節拜子儻為郎中少子績仕吳為鬱林太守博學善政見稱當時

吳志陸績傳字公紀父康漢末為廬江太守績為鬱林太守既有覽疾又意在儒雅非其志也雖有軍事著述不廢作渾天圖注易釋立皆傳于世自知亡日年三十二卒長子宏會稽南甌郡尉次子叙長水校尉又注績子鬱林生女名鬱生(見前)姚信集有表請褒績女鬱生文按姚信陸遜外生也見遜傳

又陸瑁傳瑁字子璋丞相遜弟也少好學篤義從父績早亡一男一女皆數歲以瑁瑁迎攝養至長乃別州郡輟舉皆不就嘉禾元年徵拜議郎還曹尚書赤烏二年卒子熹亦涉文籍好人倫孫皓字時為選曹

尙書注引吳錄曰喜字文仲瑄第二子也入晉爲散騎常侍瑄孫暉士光全軍
騎將軍儀同三司準弟玩字士璠晉廷秋稱玩器量淹雅位至司空追贈太尉

又陸遜傳遜字伯言吳郡吳人也世江東大族少孤從祖廬江太守康在官袁術與康有隙將攻康康遣
遜還吳遜年長於康子績數歲爲之綱紀門戶赤烏七年代顧雍爲丞相卒年六十三長子延早天次子

抗嬰

又注引陸氏世頌曰遜祖紆字叔盤敏淑有思學守城門
校尉父駿字季才淳懿信厚爲邦族所懷官至九江都尉

文選陸士衡贈從兄車騎詩注引道瞻吳地記曰海鹽縣東二百里有長谷昔陸
遜陸凱居此谷東二十里有崐山父祖葬焉按海鹽今浙江海鹽縣清屬嘉興府

吳志陸抗傳抗字幼節孫策外孫也歷官至大司馬荊州牧鳳凰三年秋卒子晏嗣晏及弟晏元機雲分
領抗兵晏爲裨將軍夷道監景字士仁以尙公主拜騎都尉封毗陵侯既領抗兵拜偏將軍中夏督漢身

好學著書數十篇晏爲王濬別軍所殺景亦遇害年三十一景妻孫皓適妹與景俱張承外孫也按抗不
載卒年本傳云遜卒時抗年二十考遜以赤烏八年卒抗之卒在鳳凰三年據此推之抗卒時當年四十

也九

又注引文士傳曰陸景母張承女諸葛恪誅景母坐
見黜景少爲祖母所有養及祖母亡爲之心喪三年

燕文類聚三十七士衡有吳貞獻處
士陸君誄注云機第三兄元早卒

晉書王游傳太康元年二月壬戌剋荆門夷道二城獲將軍陸晏乙丑剋樂鄉獲水軍都督陸景

北堂書鈔一百五十八士衡有毗陵侯君誄

吳志陸凱傳凱字敬風丞相遜族子也寶鼎元年遷左丞相建衡元年疾病皓遣中書令董朝問所欲言凱陳姚信樓元武邵張悌邵夔薛瑩滕修及族弟喜抗或清白忠勤或委才卓茂皆社稷之禎幹國家之

良輔卒年七十二子神嗣初為黃門侍郎凱亡後入太子中庶子

又陸允傳允字敬宗凱弟也永安元年徵為西陵督封都亭侯後轉虎林中書丞卒子式嗣為柴桑督揚武將軍天策元年與從子樟俱徙建安天紀二年召還建業復將軍侯

晉書機本傳二子蔚夏同被害

又陸雲傳字士龍為清河內史機之敗也并殺雲年四十二有二女無男所著文章三百四十九篇又按新書十篇并行于世弟耽為平樂酒亦有清譽與雲同遇害

又陸喜傳字恭仲又瑀吳吏部尚書喜仕吳累遷吏部尚書晉太康中以為散騎常侍尋卒子育為尚書郎弋陽太守

又陸騰傳字士光吳郡吳人也伯父喜吳吏部尚書父英高平相員外散騎常侍騰少有雅望從兄機每稱之曰我家不衰矣成帝踐祚拜左光祿大夫開府儀同三司蘇峻之亂以騰吳士之望不敢加害峻

平加衛將軍以勳進爵為公封次子緞新康子和中求歸拜墳墓以疾卒年七十四謚子散騎常侍

何法盛晉中興書吳郡顯錄曰顯榮
上言陸士光等皆南金也書奏納之

又會稽陸錄曰陸騰童亂從兄機
稱之爲陸氏室我家不世之才也

又陸玩傳玩字士瑤蘇峻反與兄騰俱守宮城以有
德望遷侍中司空薨年六十四子始嗣歷侍中尙書


又陸納傳納字祖言累官吏部尙書加奉翊都尉衛將軍謝安嘗欲詣納而納無子供辦其兄子儼密爲
之具納大怒杖之四十後以愛子長生有疾求解官營視殊兄子儼又犯法乞免官謝詔特許輕降頃長
生小佳喻還攝職尋選尙書僕射轉左僕以加散騎常侍俄拜尙書令常侍如故除左光祿大夫
開府儀同三司未拜而卒卽以爲贈長生先卒無子以弟道隆嗣元熙中爲廷尉按納玩之子也

湯球輯本晉諸公別傳曰陸玩
字士瑤祖瑁父英在郡有譽

世說新語文學門謝太傅問主簿陸退云劉注引陸氏譜曰退字黎
民吳郡人高祖凱吳丞相祖卽吏部郎父伊州主簿退仕至光祿大夫

據右列諸條。我們可以爲他畫一個世系如左。

陸閔—某—績—褒



右所列有兩點要申明。一陸遜傳。遜稱陸康爲從祖。所謂從
○明次于至親也。爾雅父之世父叔父爲從祖。如遜之稱。康
確爲此義。則康與遜祖紆是同父兄弟。而皆褒之子。然如後
漢書楊震傳。再從兄亦可稱從。則恐再從祖亦可稱從祖也。
今無他證。姑從古義列之。二晉書說陸喜是士衡的從父兄。
則喜父瑁當亦與士衡父抗皆爲遜之子。而瑁傳乃稱爲遜弟。
此中當有訛處。然按陸曄傳。曄稱喜爲伯父。而稱士衡爲從兄。
○何法盛晉中興書會稽陸錄同則士衡當亦喜之猶子。而喜父瑁之爲士衡祖遜
之弟也。無誤。且士衡集中有贈從兄車騎五言一首。文選注
說是陸士光。按士光曄字也。曄喜姪也。故爲士衡之從兄。若
如喜傳所云。喜爲士衡從父兄。不將曄爲士衡姪乎。
士衡樂府悲哉行。亦有句云。四姓實名家。李善注引張勃吳

錄曰。四姓朱張顧陸也。但必有遺漏。世說又有一段說。孫皓問丞相陸凱。卿門宗在朝有幾人。凱曰。二相五侯將軍十餘人。可見他近支尙多。但不能一一知其名了。

年譜

我們明白了他的世系。知他也是會稽族。所以世說新語說。吳四姓舊目云。張文朱武。陸忠顧厚。劉孝標注引吳錄士林曰。吳郡有顧陸朱張爲四姓。三國之間四姓盛焉。我們現在從他本傳和他書及他的詩文裏考出確實的年代。來爲他做個年譜列在下面。

年歲	本傳及其他書	文
永安四年 辛巳 一歲	<p>本傳 永安初遇害於軍中時年四十三 資治通鑑 永安二年八月穎引 兵屯朝歌以平原內史陸機爲都 督冬十月殺之 按據右二說逆推上四十三年 即當此年</p>	

吳景帝休

歸命侯皓

元興元年甲申歲	建衡二年庚寅歲	鳳凰元年壬辰歲	二年癸巳歲	三年甲午歲
	吳志陸抗傳建衡二年大司馬施績卒拜抗都督信陵夷道樂鄉公安諸軍事治樂鄉	吳志陸抗傳鳳凰元年抗加拜都護	吳志陸抗傳二年春抗就拜大司馬荊州牧	本傳身長七尺其聲如鐘少有異才文章冠世伏膺儒術非禮不動抗卒領父兵為牙門將吳志陸抗傳三年夏疾病上疏云云其秋遂卒子晏嗣晏及弟景元機雲分領抗兵

陸士衡史

六

志景書塾印

<p>天元三年 乙未 歲十五</p>	<p>天元四年 丙申 歲十六</p>	<p>天元紀年 丁酉 歲十七</p>	<p>三年 己亥 歲十九</p>	<p>四年 庚子 歲二十</p>
				<p>本傳二十年而吳滅退居舊里閉門 勤學積有十年以孫氏在吳而祖父 世為將相有大勳于江去深慨孫皓</p>
		<p>思親賦 按賦中有句云兄瓊芳而蕙茂弟蘭發 而玉輝故當在此前後二年中若天紀四年則 其兄晏景俱因吳亡遇害不得云瓊芳蕙茂矣</p>	<p>吳貞獻處士陸君誄 嚴可均曰機第三兄玄早 卒按玄早卒時當在機作思親賦後吳亡之前</p>	<p>辨亡論 按此篇不定在此年然要在吳滅之後 入洛之前從本傳文列于此又文集有祖德賦 遠先賦當亦與辨亡論同時</p>

炎帝武晉

太康二年辛丑
四月十歲

舉而乘之乃論權所以得皓所以亡
又欲述其祖父功業遂作辨亡論其
上篇曰云云其下篇曰云云

吳志孫皓傳天紀四年三月王濬

順流臨近境皓遣使奉書于濬委

質請命濬受降遣使送皓舉家西

遷以太康元年五月丁亥集于京

邑詔賜號歸命侯

按晉武帝太康元年即吳主皓天

紀四年也

世說新語注引入王故事曰華亭

吳由拳縣郊外墅也有清泉茂林

吳平後陸機兄弟共遊於此十餘

年按機臨刑歎曰華亭鶴唳可復

聞乎蓋謂此也

毗陵侯君誄 按毗陵侯機第二兄陸景也吳志

陸抗傳景字士仁以尚公主拜騎都尉封毗陵

侯既領抗兵拜偏將軍中夏督深身浴德著書

數十篇委以王濬別軍所殺景亦遇害

文賦 藝文類聚陸機二十作文賦

惠帝

<p>永平元年 辛亥 三十 一歲</p>	<p>太熙元年 庚戌 三十歲</p>	<p>十年 己酉 二十 九歲</p>
<p>本傳會駿誅屢遷太子洗馬著作郎 按資治通鑑元康元年春正月改 元永平（胡注永平楊駿所改也） 駿誅改元元康三月辛卯孟觀 李肇啓帝夜作詔誣駿謀反皆夷 三族壬辰赦天下改元（胡注改</p>	<p>本傳張華薦之諸公後太傅楊駿辟 爲祭酒 按楊駿傳惠帝卽位進駿爲太傅 大都督假黃鉞錄朝政百官總已</p>	<p>本傳至太康末與弟雲俱入洛造太 常張華華素重其名如舊相識曰伐 吳之役利獲二俊 晉書張華傳華性好人物誘進不 倦初陸機兄弟自以吳之名家初 入洛不推中國人士見華一面如 舊欽華德範如師資之禮焉華誅 後作誄又爲詠德賦以悼之</p>
<p>桑賦并序繁賦并序 右二賦序均云皇太子云云知在此年也 皇太子宴玄圃宣猷堂有令賦詩一首四言中有 句云篤生我后文選注我后謂太子也機爲洗 馬故稱我后 贈熊文熊遷斥邱令一首四言文選注文熊爲太</p>		<p>赴洛五言二首 · 又赴洛道中五言二首 按文選注引集云上篇赴太子洗馬時作下篇 云東宮作而此同云赴洛誤也澤仁按今集無 此數語然下篇首句卽云總轡登長路當是赴 洛道中作也又上篇有句云託身承華側注謂 爲太子洗馬是也</p>

元康

又按本傳記機所歷官特合首尾言之耳為著作郎尚在為尚書郎後所謂元康八年以臺郎出補著作者也又按惠帝紀太熙元年立廣陵王遼為皇太子

子洗馬遷斥郎令贈以此詩澤仁按文熊首書無傳惟見名字於其父統傳末與機交好文選機謝平原內史表云中書侍郎馮熊注云字文熊當即此人又按此詩有句云出自幽谷及爾同林注謂俱為洗馬也故知此詩作時在此年又有句云借曰未洽亦既三年按機以太康十年入洛及此正三年也

於承明作與士龍一首五言

按士龍清河集有答兄機詩一首文選注士衡前為太子洗馬時贈別士龍今答之

元康

二年

壬子

三十

二歲

本傳吳王晏出鎮淮南以機為郎中令遷尚書中兵郎轉殿中郎

按武十三王何吳敬王晏太康十年受封食丹陽吳興并吳三郡惟不言出鎮淮南在何年機集答賈謐詩序有云余昔為太子洗馬積年出補吳王郎令故知機隨吳王出鎮在此年也特其遷中兵郎轉殿中郎不悉確在何年耳

詔吳王表 按表中有句云殿下東到淮南發詔以

臣為郎中令

謝吳王表 按表中有句云殿下以臣為郎中令轉

中兵郎復以顏涉文學見轉為殿中郎

吳王郎中令時從梁陳作一首五言中有句云誰謂

伏事淺契關隴三年

又文選有潘正叔贈陸機出為吳王郎中令詩一首

行思賦 中有句云涉四載而遠期於機自入洛至

本傳好遊權門與賈謐理善以進越
獲譏

賈謐傳元康初謐開閣延賓海內
輻湊或著文章以稱美以方賈誼
渤海石崇榮陽潘帝吳國陸機陸
雲皆傳會於謐號曰二十四友其
餘莫得預焉按機特與謐文字往
還耳非必好遊權門也說詳後

入為尚書郎 說見下格答賈謐詩
序

元康六年
內辰三十
六歲

此正四年

思歸賦并序 序云以元康六年冬取急歸而光虜
作亂王師遠征戰典中兵與聞軍政

答賈謐詩并序 序云余昔為太子洗馬賈公以散
騎常侍東宮積年余出補吳王郎中令元康六
年入為尚書郎魯公贈詩一篇作此詩答之云爾
按潘安仁有公賈謐作贈陸機四言一首歷敘機
作官升轉其詳中有句云齊轡羣龍光讚納言文
選注云謂為尚書郎也機詩當即答此
策問秀才紀瞻第六首

按紀瞻傳不詳以何年對問惟曰尚書郎陸機策

永康	元康八年 戊午 三十 八歲	由尙書郎出補著作郎 說見下格弔魏武序 是年十二月廢皇太子適為庶人	本傳趙王倫輔政引為相國參軍豫
張華詠 詠德賦	<p>弔魏武帝文并序 序曰元康八年機始以臺郎出補著作遊乎秘閣而見魏武帝遺令云云 答張士然五言一首</p> <p>按此詩首句云繫身躋秘閣當是此年</p> <p>三祖紀 史通外篇云晉史洛京時著作郎陸機始撰三祖紀又清河集與兄平原書有云三祖贊云云按此文已佚</p> <p>荐武康令賀循表 按賀循被荐不詳何年臧榮緒晉書曰循為武康令政教大行著作郎陸機上書荐循 北堂書鈔 縣令類引 按稱機為著作郎當在此年也</p>	<p>之云云故知是此年也</p> <p>贈弟士龍四言十首</p> <p>按此見陸士龍集題云兄平原贈有句云自往迄茲曠年八祀士龍答詩亦云自我不見遯哉八齡按士衡兄弟自太康末至此正八年</p>	

誅諸功賜爵中侯

元年 庚申 四十 歲
興帝紀永康元年四月癸巳趙王倫矯詔廢賈后為庶人侍中賈謐及黨羽數十人皆伏誅甲午倫自為相國都督中外諸軍事如宣文輔魏故事

本傳倫將篡位以為中書郎

永寧 元年 辛酉 四十 一歲
惠帝紀永寧元年春正月乙丑趙王倫篡位於黃遷帝於金墉城號太上皇
趙王倫傳遷奪天子璽綬以乘輿法駕迎倫惠帝出居金墉城尙書和郁兼侍中散騎常侍琅邪王容中書侍郎陸機從到城下而反

本傳倫之誅也齊王問以機職在中書九錫文及禪文疑機與馮遂收機

張華傳云華誅機作誄又為詠德賦以頌之按華之誄在此年作此二文當亦在此年借軼不傳耳

款近賦并序 序有云余年方四十而懿親戚屬亡多存寡哀可知矣乃作賦曰云云
愍懷太子誄 惠帝紀永康元年二月癸未賈后詔詔庶人遜於許昌六月壬寅葬愍懷太子於顯平陵愍懷太子傳賈庶人死乃葬於顯平陵故臣江統陸機並作誄頌焉

與趙王倫荐戴淵箋 按淵即若思也戴若思傳

云名犯高祖廟諱是也傳又載陸機入洛若思劫之事世說新語自新篇載此惟若思被荐不知何年本傳但云後舉孝廉入洛機荐之於趙王倫曰云云今姑列此蓋倫輔政之年也

園葵五言一首 文選注晉書趙王倫篡位遷帝於金墉城後諸王共誅倫復帝位齊王問諧機為論作禪文賴成都王穎救之免死故作此詩以葵為喻謝穎是也
見原後謝表 按漢魏六朝百三家集張溥曰趙

等九人付廷尉韜成都王穎吳王宴
並救理之得減死徙邊遇赦而止

惠帝紀永寧元年三月平東將軍

齊王冏起兵以討倫傳檄州郡征

北大將軍成都王穎征西大將軍

河間王顥常山王乂皆舉兵應之

四月入宮逐倫歸第即日乘輿反

正誅趙王倫及倫之黨

本傳時中國多故顧榮戴若思等咸

勸機還吳機負其才望而志匡世難

故不從

顧榮傳榮祖雍吳丞相吳平與陳

機兄弟同入洛時人號爲二俊

戴若思傳若思祖烈吳左將軍父

昌會壽太守若思少好遊俠不拘

操行遇陸機赴洛云云世說新語

載此並機荐若思文

本傳固既矜功自伐受爵不讓機惡

之作豪士賦以刺其序曰云云固不

王倫以陸士衡爲中書侍郎齊王收士衡付廷
尉出後謝表是也

與吳王表 按表中有云臣以職在中書本以筆

札見知又云禪文本草見在中書一字一蹟自

可分別

謝成都王牋 嚴可均輯本止兩句云慶雲照露

止於落葉注曰文選齊安陸王碑文注

之悟而竟以敗

齊王問傳同輔政沉於酒色權寵親昵南陽處士鄭方嚴版極諫主簿王豹屢有箴規問並不能用遂奏豹殺前賊曹屬孫惠復上諫云云問不納之

豪士賦并序

按機集別有丞相箴與豪士賦意俱主諷刺或同時作也

太安

元年

壬戌

四十

二歲

本傳機又以聖王經國義在封建因探其遺旨著五等論曰云云

熹帝紀太安元年十二月丁卯河間王顥表齊王問窺伺神器有無君之心與成都王穎新野王歆范陽王晞同會洛陽請廢問還第長沙王乂率乘輿屯兩止車門攻問殺之

五等諸侯論

按傳全載其文而不明著其年然吾意機必有感於趙齊之迭敗而為此也依傳次之當在此年

謝平原內史表

本傳時成郡王穎推功不居勞謙下士機既感全濟之恩又見朝廷屢有變難謂穎必能康隆晉室遂委身焉穎以機參大將軍軍事表為平原內

史

成郡王穎傳齊王冏自以首建大謀遂擅威權穎入朝拜謝曰此大司馬臣冏之勤臣無豫焉穎形美而神昏不知書然器性敦厚及齊王冏廢侈無有於是衆望歸之詔除輔政并使受九錫穎猶讓不拜

太安二年癸亥四十三歲

本傳太安初河間王顥起兵討長沙王乂假機後將軍河北大都督機以三世爲將道家所忌乂竊旅入官頓居羣士之右而王粹張秀等皆有怨心固辭都督穎不許機鄉人孫惠亦勸讓都督於粹機曰將謂吾爲首鼠避賊適所以速禍也遂行列軍自朝歌至於河橋長沙王乂奉天子與機戰於鹿苑機軍大敗初官人孟玖弟並爲穎所寵超領萬人爲小都督戰

至洛與成郡王晟 中有句云機以驚暗董率諸軍

移百官文 文心雕龍檄移篇曰陸機之移百官言約而事顯武移之要者也黃注云云按此文已佚說見後 臨刑與成郡王穎晟 本傳張秀兵至機謂秀曰

不受機節度輕兵圍進而沒玳疑機
殺之遂謂機於穎言機有異志穎使
牽秀密收機秀至機釋戎服著白帔
與秀相見神色自若遂遇害於軍中
時年四十三

惠帝紀太安二年八月河間王顥
成都王穎起兵討長沙王乂帝以
乂爲大都督帥軍禦之穎遣其將
陸機牽秀石超等來逼京師
成都王穎傳穎與顥伐京師以平
原內史陸機爲前鋒都督前將軍
假節爲孟玖所譖穎收機斬之夷
其三族吳志陸抗傳注引機雲別
傳曰機行後將軍都督諸軍二十
萬士龍著南征賦以美之按士龍
清河集有南征賦一篇序云乃作
南征賦以揚匡霸之勳云爾
孫惠傳父祖並仕吳成都王穎荐
惠爲大將軍參軍領衛威將軍白

吾以重恩辭不獲已今日受誅豈非命也因與
穎牋詞甚悽惻按此文亦已佚

沙督穎將征長沙王又以陸機爲
前鋒都督黑與機同鄉里憂其致
禍勸機讓都督於王粹及機兄弟
被戮甚傷之

陸雲傳大將軍參軍孫惠與淮南
內史朱誕書曰不意三陸（機與
弟雲及族弟耽）相攜開朝一旦
湮滅道業淪喪痛酷之深荼毒難
言國喪僞望燕豈一人其爲州里
所痛悼如此其後東海王越討穎
移檄天下亦以機雲兄弟枉害罪
狀穎云

序

魯通甫孝廉以所作王右軍年譜見示而乞爲之序余
細閱之其生卒之歲及與人書帖之年月非獨于張懷
瓘黃長睿諸人有所糾正卽史傳之差誤亦因是而得
之其用心可謂密矣夫古人不易言知也在善論其世
而已于並世之人事相涉者得其先後本末而一人之
先後本末可因以定矣朝政之得失人材之進退得其
梗概而一人之升沉與意氣之盛衰可推而見矣考義
之生平前則庾亮許其裁鑒後惟與殷浩相契獨深浩

既用事深爲引重遂有馳驅關隴之志時朝廷方用浩以擬桓溫羲之固知其非溫敵也然使浩不求度外之功自取覆敗溫雖內忿其因勢而抵巇亦不至若是速也浩敗于姚襄而溫之威名盛于平蜀廢浩之事行溫勢益專而廢立之禍見矣此羲之所以深阻北伐之師而太息于殷生之見廢也誓墓之作當殷浩廢而王述代爲揚州之年豈非以同志摧阻不復有意于當世耶然非鈎校年月得其情事亦安知其非冥安江沱之人而以一藝名後世者哉吾故以通甫之用心爲不可及

也昔曾子固作臨川墨池記以爲羲之不可強以仕而
極東方出滄海又嘗徜徉肆恣而自休于此似未詳其
曾守臨川者則是譜也亦可補曾記之缺云咸豐五年
五月聊城楊以增序

不
行
全
三
日
一
月

二

叢談

羲之七子晉書本傳載其五玄之疑之徽之操之獻之
本集與郗家論婚書載其六玄之疑之下有肅之黃長
睿東觀餘論云王氏疑操徽渙獻書蹟俱傳皆得家範
而體各不同疑之得其韻操之得其體徽之得其勢渙
之得其貌獻之得其源王元美云長睿以渙之爲右軍
子當有的據可補史傳之缺

王氏譜云徽之右軍弟五子操之字子重右軍弟六子
則七子次序當日玄之疑之

字叔平本傳不載見王氏譜

肅之渙之

徽之操之獻之 玄之善草行見羊欣能書人名

延期帖云十一月十三日告期等下云阿耶告知告姜帖亦有耶告字七子中不知期姜是何人小字

書斷引虞龢云謝靈運子敬之甥故能書特多王法按虞龢論書表靈運母劉氏子敬之甥張氏引虞脫其三字所失遂遠世說桓玄問劉太常曰我何如謝太傅劉答曰公高太傅深又曰何如賢舅子敬答曰攄梨橘柚各有其美劉孝標注云劉瑾字仲璋南陽人祖遐父暢暢娶王羲之女生瑾瑾有才力歷尚書太常卿据此則

靈運乃瑾甥也

孔元舒在窮記郝夫人王羲之之妻也甚工書世說王
尚書惠嘗看王右軍夫人問耳眼未覺惡不答曰髮白
齒落屬乎形骸至于耳眼關於神明那可便與人隔劉
孝標注曰婦人集載謝表曰妾年九十孤骸獨存願蒙
哀矜賜其鞠養蓋右軍卒後三十餘年夫人尚在也按
右軍帖云老婦頃疾篤救命又云賢姊大都轉差年衰
疾久亦非可倉卒郝夫人素故善病而享大年知珍攝
之功矣

世說王右軍年減十歲時大將軍甚愛之恒置帳中眠大將軍嘗先出右軍猶未起須臾錢鳳入屏人論事都忘右軍在帳中便言逆節之謀右軍覺既聞所論知無活理乃剔吐汗頭面被褥詐熟眠敦論事造半方意右軍未起相與大驚曰不得不除之及開帳乃見吐唾從橫信其實熟眠于是得全于時稱其有智此事史載爲王允之考敦反時逸少年已十六不得云年減十歲也若年減十歲時元帝方爲丞相無緣有敦逆節事也史稱允之信矣

右軍帖云想小大皆佳知賓猶爾耿耿想得夏節佳也
念君勞心賢姊大都轉差然故有時嘔食不已此帖當
與方回賓者嘉賓郝超字

吾有七兒一女皆同生婚娶以畢惟一小者尙未婚耳
一女卽劉暢妻小者謂獻之娶郝曇女名道茂生一女
不育帖所云官奴小女是也新語注獻之咸甯中尙餘
姚公主與郝家離婚按晉年號有咸安甯康無咸甯獻
之生于建元二年歷永和升平隆和興甯太和太元至
十三年而卒年四十五

此從新語注若書斷則以爲十
一年卒年四十三要皆生于建

元甲辰耳孝標爲謬誤矣本傳以爲尙新安公主所傳異詞帖云今內外孫有十六人按逸少諸孫楨之淳之靜之外孫劉瑾餘無所聞也

誓墓文云夙邁閔凶母兄鞠育義之十二歲時父曠尙在想不久遂卒兄名無聞帖云兄靈柩垂至永惟崩慕痛貫心膺計慈顏幽翳十三年而吾忽忽不知堪臨始終不又云伏想媿安和自下悉佳松上下至乖隔十八年復得一集且悲且慰何指喻媿疾至篤憂懷甚深穆松難爲情地又云建安靈柩至慈蔭幽絕垂卅年

或云三十

或云十三者蓋兄見背三十年其藁葬則又云亡媪居
十三年也以歿則云幽絕以葬則云幽翳又云亡媪居
長清所鍾奉始獲奉集冀遂至誠展其情願何圖至此
未盈數旬奄見背棄情至乖喪莫此之甚兄子荼毒備
嬰不可忍見又云周媪背棄再周忌日大服終此晦感
摧傷悼穆松垂祥除不可居處又云日月如馳媪背棄
再周去月穆松大祥奉瞻廓然永惟悲摧情如切割据
此諸帖義之兄當亦早逝不知云何停喪異地至十許
年乃得迎柩周媪奉集旋見背棄情辭摧崩翰札反復
逸少至性孝友豈力有所不能或世故阻絕南北乖異

卻不當云母兄鞠養也既蒙鞠養逸少少依丞相大將軍之重雖無膺仕清宦內外弗輟于時何乃不克奉迎曠年幽隔意所疑惑不得其故後乃卻悟亡嫂居長義之殆非一兄當淮南渡江軍府初立公私搶攘伯兄于時遊宦建安卒厝于此建安去建康二千餘里逸少解褐臨川年僅三十初時孤露櫬不時返揆之事理未爲乖謬若祭墓所陳又是一人簡記無存其所不知蓋闕如也 又一帖墳墓在臨川行欲改就吳中又吳興帖葬事不可倉卒當在九月初云云逸少先人自尙書郎

正以上墓並在北在臨川者卽淮南太守曠之墓必逸少爲太守時葬改就吳中則爲會稽內史時所遷葬也右軍諸帖中有梅妹大都可行袁妹極得石散力又云梅妹可得袁妹腰痛又云袁妹當來又云武妹小大佳也又道護帖有曹妹累喪兒女不可爲心想皆逸少諸女弟矣

帖云吾老矣餘願未盡惟在子輩耳一旦哭之垂盡之年將無復理按立之早卒或謂此

世說何平叔云服五石散非惟治病亦覺神明開朗孝

標注云秦丞相寒食散論曰寒食之方雖出漢代而用

之者寡魏尚書何晏首獲神效由是大行于世服者相

尋也王世懋曰六朝貴族每病輒云散動以為佳蓋金

石之毒也按右軍諸帖中尤屢見如云仁祖服石散一

齊夏中感患散乃委頓比服寒食酒如似為佳延期妹

極得散力同動散即佳為慰宏遠袁妹極得石散力野

帖以大近不復服散嘉賓得散力疾重而邇道長想當

轉得散力德孝知足下散動護之冀以散力問慰想散

患得差同旦復服散行之同知足下散勢小差昨紫石

散未佳

紫石散帖

逸少雅好服食亦是性中一事也

帖云方回遂舉爲侍中凡再見按晉書郗愔本傳無爲侍中事史不具當据此補之

郗新婦帖云李母猶小小不和伏想行平康按李名意如獻之保母善屬文能草書子敬嘗爲之志亦異人也
郗新婦則子敬妻道茂

陶隱居答梁武啟逸少自吳興以前諸書猶爲未稱凡厥好迹皆是向在會稽時永和十許年中者從失郡告靈不仕以後略不復自書皆使此一人世中不能別也

見其緩異呼爲末年書逸少亡後子敬年十七八全倣
此人書故遂成與之相似今聖旨標題足使眾識頓悟
于逸少無復末年之譏按此說甚異當時止有張翼右
軍自書表穆帝令翼寫題後答右軍右軍當時不別久
方覺云小子幾欲亂眞又有張彭祖吳郡人官至龍驤
將軍善隸書右軍每見其緘牘輒存而翫之二人可謂
庶幾今宏景所云事同景響大令少承家學爰自勝衣
每爲過庭所見稱許殆天授絕足而貞白以爲倣此一
人游談無據殆不足採又逸少亡後子敬年果十七八

不應官奴小女已及四歲此又一誤也

逸少體素多病見于諸帖中者不一而足如僕腳中不堪沈陰重痛不可言又云羲之腳不踐地十五年無由奉展是有腳疾也吾翫髀上下黨夏腰骨拘痛俛仰欲不得又云僕左邊大劇是有腰疾也吾腫得此霖雨轉劇又云僕近下數日勿勿腫劇是有腫疾也吾涉冬月便覺風動日日增甚又云風大動舉體急痛是有風疾也吾故苦心痛不得食又云胃中惡不欲食又云胃中淡悶干嘔食不可強是有胃病疾也又云吾齩痛是有

齒疾也至謂吾頃無一日佳衰老之弊日至雖雅好服食所謂不去人間而欲求方外此或速弊逸少固自言之矣

右軍諸帖中多方藥如陟釐丸紫石散女婁丸鸕鷀鷹嘴之類然莫精于疾高難下治一語直探靈素之蘊故知右軍最深于醫

逸少書帖于當時人稱字稱官至親卑幼則稱小字惟于宣武屢稱桓公黃伯思論來禽帖因謂逸少視桓公位殊遼絕與書不當爾耳竊謂桓彝之死溫年十五少

于逸少六歲年輩相次後以尙主之重超居方鎮而逸少曾爲護軍品居第二不當云遼絕也桓雖上游遙執朝權逸少譽貴骨鯁豈復苟相媚悅自取輕賤原溫曾爲琅琊太守州將之義古人斯重特所加敬于義爲宏若不緣此是趨勢謬恭有同庸瑣者也蔡謨亦稱蔡公者謨年長逸少二十六歲與茂宏年位均敵有同父執又先帝師傅服事累世出總方鎮入躋台輔清德宿望無二于時禮加崇敬所以致其殊異自爾以降又有范公阮公劉公馮公必皆耆德篤老古人稱謂不爲苟然

亦立身行己之一端也

宋明帝文章志曰有問義之云世論卿書不逮獻之答曰殊不爾也他日見獻之問尊君書何如獻之不答又問論者云君固當不如獻之笑而答曰人那得知之也書家義獻譬猶二曜繼明人情自熹輒相輕抑父子之間容無排競果若所云悖理傷道比于晉史抑又甚焉良由有識好事推測各以性之所近輕重率于胸懷高下隨其臆鑒文皇則敷義而抑獻懷瓘則屈父而伸子抑獻者斥同餓隸屈父者病其拘縛且如大令充悅何

至比于枯槎右軍龍虎豈謂未臻變化者也私論未鑿
乃復假其兩世自相輕詆孫氏據爲談說重病中令謂
同面牆論古若斯豈達識乎

陳書世祖九王傳是時征北軍人于丹徒盜發晉郗曇
墓大獲晉右軍將軍王羲之書事覺其書並沒縣官藏
于秘府按曇于右軍同時年輩于其葬也已將真迹閉
藏不待昭陵繭紙矣又王敬仁嘗求書右軍爲寫東方
朔畫讚敬仁亡其母見平生所悉內棺中蓋當時爲人
所寶貴如此

唐書藝文志有王羲之許先生傳一卷

溫州府志永嘉自東晉置郡爲之守者若王羲之謝靈運並以循吏稱有王謝祠在華蓋山下有五馬坊謂羲之守郡嘗控五馬出游又萬厯舊志有墨池在墨池坊右軍臨池作書于此今在郡署東偏按羲之未嘗守永嘉而郡縣舊志皆承宋元數修之後必有所因又甌江逸志云溫州自百里坊至平陽峙百里皆荷羲之自南門登舟賞荷于此又舊志載城北八里有華嚴山中有黃巖洞其石可爲硯右軍帖云近得華嚴石硯頗佳又

引謝靈運與弟書云問道惡溪中九十九里五十九灘
王右軍游此嘗歎其奇絕遂書突星瀨于石又云郭公
山有富覽亭額乃右軍書字迹猶存竊考右軍止一守
臨川入爲護軍于永和七年以右軍將軍出爲會稽內
史凡五年去郡誓墓不出中間無緣守永嘉也惟郗愔
傳遷黃門侍郎轉臨海太守臨海太甯中分置永嘉臨
海治章安縣永嘉治永甯縣右軍帖云方回遂舉爲侍
中不知卒行不比得其書云山海間民逃亡殊異永嘉
乃以五百戶去深可憂深可憂似永嘉雖分郡或爲臨

海兼攝而與會稽固判然也考逸少去郡之日正方回
在郡之時爾時東游山海必嘗時至永嘉帖云吾前東
周旋五千里所在皆爾況與方回優游爲樂凡諸名蹟
皆所經涉無疑後人加以附會遂以山陰之厲公廁臨
海之循吏不亦過乎

右軍年譜

山陽魯一同編次

丁卯晉懷帝永嘉元年 羲之生

本傳羲之卒年五十九不著所卒何年惟右軍集題
衛夫人筆陣圖後時年五十有三永和十四年四月
十三日書溯當生于惠帝光熙元年丙寅卒于哀帝
興甯二年甲子考永和盡于十二年不當有十四年

決為偽託不足据證筆陣圖云之許見鍾繇梁鵠書
之洛見蔡邕石經書時惟桓溫
嘗一入洛旋即敗退遂少當官無軍旅之羊欣筆陣
任不當無故游踪至洛亦偽託之一證

圖則云羲之年三十三書蘭亭敘据此上推當生于
元帝太興四年辛巳其明年爲永昌元年周顛已死
逸少裁及週歲何得有十三歲謁顛之事元敬親師
大令乃不悉其家世其所差繆至十餘年斯可怪焉
至唐張懷瓘作書斷始謂羲之升平五年卒則當生
于太安二年癸亥東觀餘論廣川書跋皆用其說然
考本集有桓公以江州還臺帖桓溫自江陵入朝乃
興甯二年七月事其移鎮姑孰則在興甯三年二月
于是固讓內錄遙領揚州故謂之還臺升平以前未

嘗有還臺事也再考郝曇卒于升平五年而郝愔傳
載愔自曇卒益無處世意在郡優游與姊夫王羲之
高士許詢俱棲心絕穀脩黃老之術世說又載右軍
與王敬仁許立度並善二人亡後右軍爲議論更克
孔巖誠之曰明府昔與王許周旋有情及逝沒之後
無愼終之好民所不取詳其年月許後曇卒王又後
許優游盛于當年周旋稱其疇昔進退相準不當與
重熙同年歿謝稔矣又書斷載王洽升平三年卒年
四十二按洽本傳升平二年卒年三十六王恬升平五年卒年三十

六恬實洽兄兄既後凋年乃謝弟凡此之類牴牾甚明何必右軍獨爲可据相傳十七帖乃逸少與周益州歷代鑒別殆無異論中一帖云足下今年政七十耶吾年垂耳順推之人理得爾以爲厚幸益州名撫鎮蜀二十年按史稱三十年考永和三年滅蜀下至興甯三年劣得二十年則三十爲未審卒于興甯三年六月据此則年垂耳順正五十九歲逸少之卒又不得至興甯三年之後矣故援證諸帖推尋紀傳斷以永嘉元年爲公生之歲是年琅琊王睿鎮建鄴按右軍父曠爲淮南太守元帝過江曠

首倡議與諸王相隨南渡推尋誓墓之文夙邁閔凶
不蒙過庭之訓母兄鞠育則曠當不究其年

戊辰二年 二歲

巳巳三年 三歲

庚午四年 四歲

辛未五年 五歲是年琅琊王以王敦督諸軍

壬申 六歲是年天下無主 秦王業入長安

癸酉 愍帝建興元年 七歲始學書見筆勢傳 是年懷

帝見弑太子業卽位于長安以琅琊王睿爲左丞相

甲戌二年 八歲

乙亥三年 九歲

丙子四年 十歲是年劉曜陷長安帝出降丞相睿移檄

北征

丁丑元帝建武元年 十一歲是年丞相睿即晉王位于

建康

戊寅太興元年 十二歲筆勢傳云羲之年十二見前代

筆論于曠枕中竊而讀之曠曰汝何來吾所數也羲之笑而不答其母曰汝年幼小看用筆法未能曉解

縱獲父教恐復不能秘惜曠乃語羲之曰待汝成人
吾當授汝羲之拜曰願早授之使得成人已爲暮學
曠語以大綱羲之學功日進 又羲之年十二衛夫
人一見語太常王策曰此小兒必見用筆訣也近觀
其書便有老成之智因流涕曰此子必蔽吾書名矣
己卯二年 十三歲本傳羲之幼訥于言人未之奇年十
三嘗謁周顛顛察而異之時重牛心炙坐客未噉顛
先割陷羲之由是知名

庚辰三年 十四歲

四年 十五歲

上永昌元年 十六歲是年徵郗鑒爲領軍將軍 本
傳太尉郗鑒使門生求女婿于導導令就東廂徧觀
子弟門生歸謂鑒曰王氏諸少並佳然聞信至咸自
矜持惟一人在東牀坦腹食獨若不聞鑒曰此正佳
婿耶訪之乃羲之也遂以女妻之按郗鑒咸康四年
始爲太尉此乃追書之 王氏譜曰郗夫人名璿字
子房 是年王敦反寇長沙三月據石頭殺戴淵周
顛帝崩太子紹卽位王導輔政

未癸明帝太甯元年 十七歲是年王敦移屯姑孰王導

爲司徒 本傳深爲從伯敦導所器重時陳畱阮裕

有重名爲敦主簿敦嘗謂羲之曰汝是吾家佳子弟

當不減阮主簿裕亦曰羲之與王承王悅爲王氏三

少

甲二年 十八歲是年敦復反帝親征之敦死封郗鑒

高平縣侯

乙酉三年 十九歲是年明帝崩太子衍立王導卞壺庾

亮輔政

丙戌 成帝咸和元年 二十歲

丁亥 二年 二十一歲是年十一月蘇峻祖約舉兵反

戊子 三年 二十二歲是年溫嶠陶侃討峻斬之

己丑 四年 二十三歲

庚寅 五年 二十四歲是年陶侃鎮武昌

辛卯 六年 二十五歲

壬辰 七年 二十六歲

癸巳 八年 二十七歲

甲午 九年 二十八歲是年陶侃卒庾亮督江荆豫益梁

雍六州諸軍事進號征西將軍鎮武昌 本傳起家
秘書郎庾亮請爲參軍嘗以章草答庾亮亮弟翼深
加歎服因與書曰吾昔有伯英章草十紙過江顛狽
遂乃亡失常歎妙跡永絕忽見足下答家兄書煥若
神明頓還舊觀按逸少爲秘書郎不知在何時 晉
中興書義之自會稽王友改授臨川太守按此當在
爲秘書郎之後征西參軍之前史不具 世說王脩
齡問王長史我家臨川何如君家宛陵宛陵謂述也
按述傳康帝爲驃騎將軍召補功曹出爲宛陵令再

按康帝紀咸和九年拜散騎常侍加驃騎將軍正庾亮鎮武昌之歲想逸少爲臨川亦其時也

乙未 咸康元年 二十九歲

丙申 二年 三十歲

丁酉 三年 三十一歲

戊戌 四年 三十二歲是年王導爲丞相裒鑒爲太尉庾

亮爲司空 右軍集報殷浩書云吾素自無廊廟直

王丞相時果欲納吾誓不許之手跡猶存由來尙矣

按本紀是年六月改司徒爲丞相以太傅王導爲之

右軍書語謂此時也當琅琊渡江賴王氏以立國淮南首倡大謀茂宏處仲分筦內外領軍衛軍侍中光祿並居清要宗族羣從二十餘人參與朝列逸少其時裁作秘書郎會稽王友一守小郡去參征幕不樂廊廟發于信誓豈直棲心皓素澹懷圭組哉原王氏之盛也遭遇江左草創君臣綢繆悉心委託家門上下並蒙殊寵忠勤勲幹固有可言然而太陽至于降尊百僚議其私敬雖深自謙抑而有識固已懼矣永昌犯順訟導爲詞導之忠款中外共亮然而衅肇于

才劉禍延于周戴推原心跡渠無介介平南逸少叔
父忠雅素稱譙王之死親承逆旨比于錢沈有何殊
異凡百舉動豈逸少之所趨哉曩令于湖遂其悖節
京師盡其兵勢天下且以導虜爲能明目張膽不無
賴而生乎屬金行未燿凶醜再夷成彼周召之勲無
負願託之重而門戶之見鞅鞅未除元規作鎮內不
能平幾邁嫌衅蓋孔門之論君子未仁積微成章積
章成鉅微卻啟于障扇鉅釁成乎貽鳩將使宮府爲
之乖異賢戚因而喪心逸少慨然遠鑒託誠征府遠

彊盛之勢銷形跡之嫌內明素正之懷外藉調和之美可謂貞志淵識矜然獨邁者也觀彼誓墓之文仰詠老氏周任之誠常恐斯亡無日憂及宗祀亦足明念亂之本懷識處躬之大節而世不察謂志在名山滄海是猶求焦明于藪澤喻羲曜于槃燭烏足測其標舉睹其光潔者哉 世說庾太尉在武昌秋夜氣佳景清使吏殷浩王胡之之徒登南樓理詠音調始適聞函道中有屐聲甚厲定是庾公俄而率左右十許人步來諸賢欲起避之公徐曰諸君少住老子于

不直全言
此處興復不淺因便據胡牀與諸人詠諠竟坐甚得
任樂後王逸少下與丞相言及此事丞相曰元規爾
時風範不得不小頽逸少答曰惟邱壑獨存

己亥五年三十三歲是年七月王導卒八月郗鑒卒

以庾冰爲揚州刺史督揚豫兗三州軍事冰辟謝安
下郡縣敦逼赴召月餘告歸 謝安傳嘗與羲之共
登冶城悠然遐想有高世之志羲之曰夏禹胼胝文
王旰食今四郊多壘宜思自效而虛談廢務浮文妨
要恐非當今所宜按史載此于安爲尙書僕射後時

羲之已歿故當在此年也

庚子六年 三十四歲是年正月庾亮卒 本傳參庾亮

軍累遷長史亮臨終上疏稱羲之清貴有裁鑒遷甯遠將軍江州刺史

辛丑七年 三十五歲有敬倫帖按王劭字敬倫導弟五

子厯東陽太守吏部郎司徒左長史丹楊尹遷吏部尚書尚書左僕射領中領軍出爲建威將軍吳國內史帖云九月三日羲之報敬倫遮諸人去晦祥禪情以酸割念卿傷切諸人豈可堪處按去晦者八月晦

也導以五年七月庚申薨再期大祥逾月而禮故以
七年八月晦日禫也遮當是小字導六子悅恬洽協
劭蒼次遮于敬倫遮豈蒼耶 又有遮何日西帖

又一帖庾雖疾篤謂必得治力豈圖凶問奄至痛惋

情深半年之中禍毒至此尋念相摧不能已已況弟

清當作情

何可任遮等荼毒殆

一作備

盡當可忍視言之

酸心奈何奈何按庾元規以六年正月薨距茂宏道
徽之歿相去半年茂宏逸少從伯國之宗祏道徽嬖
翁元規府主並有知己之感故其辭氣悽酸如此蒼

爲茂宏幼子遮荼毒備盡當謂是矣

劉孝標新語注
薈別字小奴似

不當再字遮然王珣小字法護亦字阿瓜此之
兩字何不可耶 此帖當係六年以類附于此

壬寅 八年 三十六歲是年帝崩琅琊王岳卽位

癸卯 康帝建元元年 三十七歲是年詔議經略中原庾

翼移鎮襄陽有一昨得安西書帖 稚恭遂進鎮帖

按翼鎮荊州以石虎衰暴婁表北伐康帝及朝士皆

遣使譬止帖云一昨得安西六日書無他無所知說

故不復付送讓都督表亦復常言耳則逸少所見之

表卽論北伐事稚恭此舉朝論異同故逸少亦謂常

言及聞其遷襄陽乃言稚恭遂進鎮東西齊舉想尅
定有期則始同羣議而終以爲當然矣翼嘗遣使東
至遼東西到涼州要結一方欲同大舉慕容張駿並
請師期觀其廣農穡穀綏來招納之宜陳甲彎弧經
略深遠之致若天假之年奮其絕足乘石羯之內亂
屬兩隅之向風必當汎掃園陵廓清河朔豈與夫殷
淵源謝豫州同日而語哉逸少遠識洞鑒于殷謝勲
懃誠諫而深注安西期以尅定抑有繇已

甲
二年 三十八歲獻之生
劉孝標世說新語注獻之
以太元十三年卒年四十

五書斷及東觀餘論云獻之太元十一年卒年四十三皆當生于此年按法書要錄有

與郗家論婚書上云敢致書司空高平郗公足下下

云子敬少有清譽云云子敬生時距司空歿已六年

其為偽託居然可見且書中稱謂乖錯脫謬前人了

無糾正斯為疏矣

世說郗司空在北府桓宣武惡其居兵權謂郗方回也或據此謂論

婚書所云司空當指愔不知愔至太元中方徵為司空不拜旋卒若羲之存時愔正作黃門侍郎臨海太守

守是年以謝尚為西中郎將督揚州之六郡諸軍事

豫州刺史假節鎮厯陽 秋帝崩太子暉即位

巳 穆帝永和元年 三十九歲是年詔會稽王昱錄尚

書六條事 庾翼卒以徐州刺史桓溫為安西將軍

都督荆司雍益梁甯六州諸軍事領南蠻校尉荆州

刺史

丙午二年 四十歲是年以左光祿大夫蔡謨領司徒錄

尚書六條事與會稽王昱輔政 三月以前司徒左

長史殷浩為建武將軍揚州刺史 本傳羲之既少

有美譽朝廷公卿皆愛其才器頗召為侍郎吏部尚

書皆不就後授護國將軍又推遷不拜揚州刺史殷

浩素雅重之乃遺書曰悠悠者以足下出處足觀政

之隆替如吾等亦謂爲然至如足下出處正與隆替對豈可以一世之存亡必從足下從容之適義之報書略云若蒙驅使關隴巴蜀皆所不辭吾雖無專對之能直謹守時命宣國家威德故當不同于凡使必令遠近咸知朝廷留心于無外此所益殊不同居護軍也漢末使太傅馬日磾慰撫關東若不以吾輕微無所爲疑宜及初冬以行吾惟恭以待命卒用爲護軍逸少志存仇敵義在折衝向平婚嫁之志故是有託而逃而朝廷投之散職近是違材易務矣苦求外

不
年
公
言
三
三
出
不
數
年
而
棄
郡
優
游
東
土
豈
其
心
乎
是
年
十
一
月
桓
溫
率
征
虜
將
軍
周
撫
等
伐
蜀
帖
云
十
四
日
諸
問
如
昨
云
西
有
伐
蜀
意
復
是
大
事
速
送
袍
來

丁
未
三
年
四
十
一
歲
是
年
桓
溫
克
成
都
以
周
撫
督
梁
州
諸
軍
事
遷
平
西
將
軍
益
州
刺
史
按
右
軍
十
七
帖
黃
伯
思
以
爲
皆
與
周
益
州
書
楊
慎
四
川
總
志
載
十
七
印
竹
諸
葛
譙
周
山
川
諸
奇
講
堂
嚴
君
平
鹽
井
八
帖
爲
與
周
益
州
其
旃
蜀
胡
桃
帖
亦
似
與
益
州
也
撫
名
父
之
子
而
爲
王
氏
私
人
咸
和
初
王
導
又
嘗
以
撫
爲
從
事
中
郎
又

從溫嶠討平蘇峻咸和四年遷監沔北軍事鎮襄陽
明年石勒將郭敬率騎攻撫撫不能守率所領奔於
武昌坐免官尋遷建威將軍豫章太守後代母邱奧
蓋巴東諸軍事益州刺史尋進征虜將軍加督甯州
諸軍事永和初從溫伐蜀帖云十七日先書郗司馬
未去卽日得足下書爲慰郗司馬者謂郗曇簡文帝
以咸康六年進撫軍將軍引曇爲司馬此帖雖與益
州乃在未入蜀之前若撫旣入蜀曇不復爲撫軍司
馬且曇不得至蜀與書意未合也 一帖云往在都

見諸葛顯曾具問蜀中事按草法或云是顯然考蜀志有諸葛顯顯父攀攀父喬喬瑾次子也瞻未生前瑾命喬入蜀為亮後恪既族攀仍後瑾至顯乃與瞻孫京同移河東華陽國志云平蜀之明年移蜀大臣宗預廖化諸葛顯等于東下至元帝建武元年蓋五十四年右軍故及見之此用安吳包氏說惟包氏以平蜀明年至建武元年為五十二年一帖云朱處仁今所在往得其書信遂不取答是時有龍驤將軍朱壽與撫同平益州處仁當其字也一帖云多分張念足下懸情武昌諸子亦多遠

官足下兼懷按咸和五年陶侃鎮武昌九年卒庾亮
鎮武昌咸康六年卒庾翼鎮武昌撫奔武昌侃方在
鎮其遷建威監巴東刺益州正當二庾相繼作鎮時
逸少以咸和九年參庾亮軍事遷長史時必與撫周
旋所謂武昌諸子蓋征西幕中若殷淵源庾稚恭王
脩齡范立平之徒又孟嘉亦嘗在庾武昌幕孫盛嘗
爲庾公記室參軍爾時南樓獻詠才俊如林安吳包氏十七
帖疏證武昌謂陶士行十七子九子舊史有又亮子
名撫妹士行子婦也故云兼懷亦存一說
龢字道季好學有文章年十五嘗以書諫庾翼翼甚

奇之升平中代孔巖爲丹楊尹帖中所謂庾丹楊也

戊申四年 四十二歲是年以謝尙爲安西將軍加桓溫

征西大將軍 十二月寫樂毅論 按通鑒以逸少

爲護軍在此年

己酉五年 四十三歲是年四月石虎死子世嗣五月石

遵廢世而自立朝廷欲緩輯河洛以王胡之爲西中

郎將司州刺史假節胡之字脩齡故有風眩疾固辭

未行而卒有司州供給寥落帖 太常司州領軍諸

人帖帖云司州供給寥落去無期也不果者公私之

望無理或復是福云云是年六月桓溫屯安陸遣諸將討河北七月褚裒進彭城遣部將王龕李邁及石遵將李農戰於代陂王師敗績此云或復是福若先見矣 又適太常司州領或作鎮軍諸人廿五六書皆佳司州以爲平復此慶慶可言餘親親皆佳大奴比還吳也冀或見之按王彪之傳遷尙書僕射不拜徙太常領崇德衛尉 王洽字敬和導諸子中最知名弱冠歷散騎中書郎中軍長史司徒左長史建武將軍徵拜領軍 蒼字敬文除吏部郎侍中建威將軍

吳國內史徵補中領軍不拜徙尚書領中護軍復為
 征虜將軍吳國內史轉督浙江東五郡左將軍會稽
 內史進號鎮軍將軍据此諸傳則太常為彪之司州
 為胡之領軍為洽王劭亦嘗領中領軍鎮軍則蒼又世說王敬
 倫風姿似父作侍中加授桓公公服從大門入桓公
 望之曰大奴固自有鳳毛大奴劭小字也 一帖云
 諸從並數有問粗平安惟脩載在遠音問不數懸情
 司州疾篤不果西公私可恨足下所云皆盡事勢吾
 無間然云云按此帖舊亦以為與周益州脩載名者

之王廩之子胡之之弟爲鄱陽太守故云在遠此與
司州供給帖爲一時事矣 是年以荀羨爲使持節
監徐兗二州諸軍事北中郎將徐州刺史

庚六年 四十四歲是年正月加中軍將軍殷浩督揚

豫徐兗青五州軍事假節十二月免蔡謨爲庶人

辛七年 四十五歲自護軍出爲右軍將軍會稽內史

有辭郡帖 恭命帖 殊遇帖 會稽帖 此郡帖

凡在郡論事諸帖 如上虞縣事諸帖暨餘姚諸帖皆是 皆在後四年中

但不可殊晰耳 本傳爲會稽不著何年知者按王

述傳出補臨海太守遷建威將軍會稽內史母憂去職服闋代殷浩為揚州刺史穆帝紀永和十年二月廢揚州刺史殷浩為庶人以前會稽內史王述為揚州刺史據此上推則述之居憂去職當在今年逸少代述故知為會稽在此年也

壬子八年 四十六歲是年三月使北中郎將荀羨鎮淮

陰據帝紀按羨傳鎮淮陰下邳在免蔡謨之先當移前二年四月安西將軍謝尚

帥姚襄與張遇戰于許昌之誠橋王師敗績八月中軍將軍殷浩帥眾北伐次泗口有諫殷浩北伐書此書

本集 殷侯帖

癸丑 九年 四十七歲是年三月三日與太原孫統等四

十一人脩禊於山陰之蘭亭揮豪製敘興樂而書用

蠶繭紙鼠須筆凡二十八行三百二十四字同時會

者司徒陳郡謝安司徒當作琅琊王友司徒左西屬陳郡謝萬

左司馬太原孫綽 行參軍徐豐之 前餘姚令

太原孫統 王凝之 王宿之 廣漢王彬之 王

徽之 陳郡袁嶠之以上並羲之十一人各散騎常

侍高平郗曇 前參軍王豐之 前上虞令華茂

穎川庾友 鎮軍司馬虞說 郡功曹魏滂 郡五

官佐謝懌一作穎川庾蘊 前中軍參軍孫嗣 行

參軍曹茂之 徐州西平曹華一作曹華平 滎陽桓偉

王元之 太原王蘊之 王渙之以上十五人一篇成 侍郎謝

瑰 鎮國大將軍掾卞迥 行參軍事印邱髦 王

獻之 行將軍羊模 參軍孔熾 參軍劉密 山

陰令虞谷 府功曹勞夷 府主簿后綿一作前長

岑令華者 前餘姚令謝滕 府主簿任儼一作任

城呂系 任城呂本 彭城曹禮一作禮以上十六人詩不成罰酒三

巨觥按何延之蘭亭記又有釋支遁今不在四十二人之數

宋桑世昌蘭亭考引

李兼一條云羊欣筆陣圖云羲之年三十三書蘭亭敘王師乾右軍祠堂碑云右軍自內史後峻誓墳塋捐棄龜組曲水蘭亭自爲之敘黃長睿東觀餘論云永和十年右軍年三十八時已去會稽郡矣所記右軍出處年歲皆不同晉書傳云羲之初渡浙江有終焉之志會稽佳山水名士多居之嘗與同志讌集山陰之蘭亭爲之敘以申其志如列傳則蘭亭之遊乃右軍隱居時也兼按通鑑云永和四年殷浩以江州

刺史王羲之爲護軍八年羲之遺殷浩書諫北伐十

年以前會稽太守

當作內史

王述爲揚州刺史十一年三

月羲之稱疾去郡以此推之永和九年其時爲會稽

內史無可疑者晉書旣脫略羊欣王師乾所記皆舛

黃長睿號該洽嘗跋右軍破羌帖云永和十二年去

會稽郡已歲餘此語良是至東觀餘論則自相牴牾

有不可解右軍生于惠帝太安二年癸亥歿于穆帝

五年辛酉蘭亭之遊時年正五十有一云云一同按

李氏此論亦仍舊說與書斷書跋皆同辨已見前至

謂黃氏自相牴牾則東觀餘論無永和十年右軍年

三十八之語循究晉書亦未嘗指蘭亭為右軍隱居

時事且謂右軍卒于穆帝五年穆帝下脫升平二字

嫌是永和疏脫甚矣恐當誤後生故附辨于此書苑精華

戴白雲先生筆訣未畧云永和九年三月六日右將軍王羲之記按羲之為右軍將軍非右將軍晉有左

右前後四將軍又有左右前後四軍將軍四將軍品高四軍將軍品卑此記恐未足據是年四

月以安西將軍謝尚為尚書僕射有與尚書僕射謝

尚書 本傳羲之為會稽時東土饑荒輒開倉振貸

朝廷賦役繁重吳會尤甚羲之每上書爭之事多見

從又遺尙書僕射謝安書云云按逸少去會稽在永和十一年三月此時謝安尙在東山安為僕射在孝武之初何得逸少尙存正為謝尙固無疑焉 十月

中軍將軍殷浩進次山桑使平北將軍姚襄為前鋒

襄叛反擊浩浩退保譙城十一月浩使劉啟王彬之

討襄復為襄所敗有與會稽王賧陳殷浩不宜北伐

又與殷浩書諫再舉北伐事二書見本傳又帖云得孔

彭祖十七日具問為慰孔彭祖名巖時為殷浩揚州別駕云襄徑還

蠡是反善之誠也于殷必得速還無復道路之憂又

云得豫章書爲慰想以具問昨得都十七日書賊徑還蠡臺不攻譙是其反善之誠也想殷生得過此者猶令人憂期諸處分猶未定羊參軍旦夕至也按晉書載記姚弋仲以永和七年遣使請降八年卒子襄南奔晉處襄于譙城遣五弟爲任單騎渡淮見豫州刺史謝尙於壽春尙去仗衛幅巾以待之一面交欵便若平生襄少有高名雄武冠世好學博通雅善談論殷浩憚其威名乃囚襄諸弟頗遣刺客殺襄客皆推誠告實浩潛遣將軍魏憬襲襄斬憬而并其眾

浩惡之乃使將軍劉啟守譙遷襄于梁國蠡臺復遣
謝萬討襄襄逆擊破之會聞關中有變浩率眾北伐
襄乃要擊浩于山桑大敗之浩遣劉啟王彬之伐山
桑襄擊滅之鼓行濟淮屯于盱眙遣使建鄴罪狀殷
浩並自陳謝據此襄之背叛乃浩激成之浩力小任
重駕馭乖方逸少深所歎惋至於再四其與會稽賤
略云願殿下更垂三思解而更張令殷浩苟羨還據
合肥廣陵許昌譙郡梁彭城諸軍皆還保淮爲不可
勝之基須根立勢舉謀之未晚與殷書云今軍破于

外資竭于內保淮之志非復所及莫過還保長江都督將各復舊鎮自長江以外羈縻而已又云若猶以前事爲未工故復求之于分外宇宙雖廣自容何所反復開譬可謂極拳拳之忠謀而當時朝論務求度外之功以抗拒上游連年喪敗公私騷驛卒使權臣得所藉口東陽放廢事不由中太阿假于雄藩強枝披其弱幹江左不振職此之由曩令簡文納其嘉謨淵源捐其忿介將相和同無生嫌衅溫雖雄很未有窺覷之漸也石氏內亂羌姚輸誠興復之機無逾此

日誠如逸少本謀先固根本因循所長然後撫輯士
眾招揖河洛連綴關輔縱不百勝規撫所及或未易
量卽萬萬不然亦未至離披若斯之甚也彼其言曰
今雖有可欣之會內求諸已而所憂乃重于所欣自
非聖人外甯必有內憂揆厥深衷此語當桓氏矣咸
康之始釁生王庾永和之世憂在殷桓小國多門斯
亡無日殷懃彌縫冀隆大業渡江名賢識此蓋鮮安
石少宏雅量遂隆孝武之業而洞達斯同勤實猶逐
率斯以談逸少卓犖偉抱政當于北土求之未知于

叔于輩何如耳過江以還所未有也 又有郡荒帖

斷酒帖 增運帖增運帖略云吾于時地甚卑疏

致言誠不易然以在大臣之末要爲居時任豈可坐
視危難今便極言于相並與殷謝書皆封示卿勿廣
宣之于人皆謂盡當今事宜直恐不能行耳相謂會
稽王殷謝書卽前書矣

甲寅十年 四十八歲是年二月桓溫帥師伐關中 廢

殷浩爲庶人以前會稽內史王述爲揚州刺史有與
孔彭祖帖云殷廢責事便行也歎悵無已蓋浩廢後

致孔歎吾謀不用卒至傾蹙 四月桓溫及苻健子
萇戰于藍田大敗之 六月苻健將苻雄悉眾及溫
戰于白鹿原王師敗績九月糧盡引還有渭南帖
方軌帖按二帖似與桓公帖云二十三日發至長安
云渭南患無他然云苻健眾尚七萬苻及最近雖眾
由匹夫耳卽今尅此一段不知歲終云何守之想勝
才宏之自有方耳又云賊勢可見此云方軌萬萬如
志但守之尙足令智者勞心此回書桓懷湯火處事
不易豈惟公道前書計當藍田克捷之先言賊眾不

足畏但克終爲難後書白鹿原敗喪之先言方軌如
志不足喜但使賊守險不戰尙足使智者勞心推尋
事理良繇糧運不繼利在速戰不利持久此之料事
亦云奇中元規賞其裁鑒豈虛語也

乙卯十一年 四十九歲三月稱病去郡有祭墓文 與

吏部郎謝萬書

按謝萬傳未嘗爲
吏部郎史不具

羊參軍帖帖云今

又告誠先靈以文示足下感懷慟心蓋指誓墓文也

本傳時驃騎將軍王述與羲之齊名而羲之甚輕
之由是情好不協述先爲會稽以母喪居郡境羲之

代述止一弔遂不重詣述每聞角聲謂羲之當候已
輒灑掃待之如是累年而竟不顧深以爲恨及爲揚
州刺史將就徵周行郡界而不過羲之臨發一別而
去先是羲之嘗謂賓友曰懷祖正當作尙書耳投老
可得僕射再求會稽便自邈然及述蒙顯授羲之恥
爲之下遣使詣朝廷求分會稽爲越州行人失辭大
爲時賢所笑旣而內懷媿歎謂其諸子曰吾不減懷
祖而位過懸邈當由汝等不及坦之故耶述後檢察
會稽郡辨其刑政主者疲于簡對羲之深恥之遂稱

病去郡于父母墓前自誓按此蓋前史之陋竊推心迹以爲不然逸少清夷宏粹澹于榮利何獨懷祖不能相容橫生嫌衅觀其本集有與王會稽借人書當時懷祖外惟彪之敬文嘗爲會稽乃其羣從兄弟不當云王會稽明爲懷祖審矣又一帖云懷祖可呼賀祭酒俱似與懷祖有所要約何云頓絕周旋哉當殷桓水火移書苦諫欲畫廉藺于屏風往事幾何不當明于責人懷祖雖頗傷躁急旣躋重位深用柔克無亦憤詬面壁終日又何與逸少獨介介也且逸少以

超世邁往之姿值始興當國以家門過盛深懷沈默
淵源枋用舉爲護軍始迥尙平之志欲馳驅關隴巴
蜀宣國威于無外此之未展乃苦求小郡回翔而已
會稽之授舍逸就勞固已非其本志曩令少改從容
之適奮其才譽藉文獻之門伐倚高平之葭苧出征
西之麾幕赴機蹈會不出數年可以超總大藩入參
機要乃以投老之年與藍田區區計較榮位遷怒燕
翼取笑時賢爲世林婆婆之事乎原其解組志非一
朝中興以來處內外之任者非驕悍陸梁則虛廢迂

遠罔有深謀大度而疲竭根本欲以一隅經緯天下
既上游代有強翰朝廷軍食專倚東南賦役繁重饑
荒相仍觀其與仁祖陳說滯振荒斷酒務崇寬約
因循更始爲不可拔之計雖時獲允納猶十一不舉
懷祖繼以嚴峻苛察之政檢對煩複文符披猖而事
已屈于當權不能俯順同異重傷本懷茲所以深用
歎悔決不終日者也且其言曰若風教可宏令忠著
于上義行于下雖古之逸士亦將眷然觀頤舉厝君
子之道盡矣推原乃心可謂明白審矣夫載筆纂言

非識罔濟蘭亭獻詠風流千載乃謂逸少白媿季倫
陋識謫言莫斯爲甚至如王濟癡叔時望歸之公輔
懷祖躁急初譽亦云沈靜載記之體蓋如斯乎 是
年進豫州刺史謝尚督并冀幽三州諸軍事鎮西將
軍鎮馬頭

丙辰十二年 五十歲是年三月姚襄入于許昌以桓溫
爲征討大都督以討之八月溫及襄戰于伊水大敗
之襄走平陽使毛穆之等鎮洛陽 十月慕容恪攻
段龕于廣固荀羨救之有羌賊故在許下帖 九日

帖 破羌帖 伏想清和帖 荀侯帖 羌賊帖云昨

暮得無弈阿萬此月二日書甚近清和耳羌賊故在

許下自當了也桓公未有行日阿萬定缺吳興按此

帖當在是年三月桓溫受命征討之後無弈謂謝奕

時爲溫司馬阿萬謂謝萬時爲吳興太守 九日帖

者是年九月九日也時溫已破襄而書云久當至洛

告捷尙未至當陽去月九日書者溫自江陵北伐路

出當陽遲遲可憂者按溫北伐者三白鹿原之戰以

軍糧不屬而退枋頭之戰以軍糧竭盡而敗惟伊水

之戰僅而獲濟入洛之後不能久留當亦糧運不繼
故爾蔡公者蔡謨也謨遷司徒不拜以忤旨廢永和
十二年卒正當此時史不著卒月當在秋冬之際仁
祖委篤者溫平洛陽疏請謝尙爲都督司州諸軍事
將鎮洛陽病不行 破羌帖王略始及舊都及仁祖
小差云云正一時事 清和帖桓公十月末書爲慰
云所在荒甚可憂又在破羌帖後殷生數問北事勢
謂浩也想安西以至能數面不或云頓歷陽爾耶張
氏溥以安西爲庾稚恭竊謂得安西六日書爲庾安

西此乃謝安西也知者稚恭爲安西將軍時溫方爲
徐州刺史名望未著與書中稱桓公不合翼鎮襄陽
溫雖贊成其計未嘗相從共事又翼未嘗鎮厯陽故
知非庾安西也尙始以西中郎將豫州刺史鎮厯陽
溫欲有事中原使尙率眾向壽春進號安西永和
中拜尙書僕射出督江西淮南諸軍事鎮厯陽如故進
號鎮西鎮壽陽溫平洛陽請督司州將鎮洛陽以疾
病不行升平初卒於厯陽與此帖事正合 荀侯帖
遠近清和士人平安荀侯定住下邳復遣軍下城此

間民事智愚長歎乃亦無所隱云云按荀羨初鎮下邳在永和六年逸少未至會稽之先至十二年救段龕不及復還下邳定住云者遙度未必之詞此間民事此會稽也又有荀侯佳不帖 又得謝范六日書帖 虞義興帖二帖皆言敗姚襄事 還鎮帖 官舍帖 中夏感懷帖皆言謝仁祖事 又運民帖卽前所云運遲可憂也按升平三年三月甲辰詔以比年出軍糧運不繼王公以下十三戶借一人一年助運所謂運民正當似此時逸少已去會稽而拳拳軍

國益信去郡非如論者云云矣 是年五月寫畫像
讚及黃庭經黃伯思東觀餘論云世傳黃庭真帖爲
逸少書僕嘗考之非也陶隱居真誥翼真檢論上清
真經始末云晉哀帝興甯二年南嶽魏夫人所授弟
子司徒公府長史楊君使作隸字寫出以傳護軍長
史許君及子上計掾掾以付子黃民民以傳孔默後
爲王興先竊寫之始濟浙江遇風飄淪惟有黃庭一
篇得存蓋此經也逸少以穆帝升平五年卒是年歲
在辛酉此仍張氏舊說後三年卽興甯二年始降黃庭于世

安得逸少豫書之又梁虞龢論書表及晉書本傳著
 道士贈驚事皆言道德經未嘗言寫黃庭也然陶隱
 居與梁武帝啟云逸少有名之蹟不過數首黃庭勸
 進告誓等不審猶有存否蓋此啟在著真誥前未之
 考耳至唐張懷瓘作書估云樂毅黃庭但得幾篇即
 為國寶遂誤以為逸少書云云廣川書跋義之自寫黃庭授子敬不為道
士書又云開元中陸元悌奉詔檢按言右軍真行惟
有黃庭告誓知非楷字矣天寶末為張通儒盜去莫
知所在迺知舊書不傳今所見者特後
世重搨鼻摹不得其真按此又一異說
 駁之云伯思之論似若詳悉以予考之書黃庭經換
 王氏法書苑

鷺與道德經換鷺自是兩事伯思謂黃庭之傳在右
軍死後此最失于詳審也道家有黃庭內景經黃庭
外景經及黃庭遁甲緣身經黃庭玉軸經世俗例稱
爲黃庭經內景經乃大道玉晨君所作扶桑大帝君
命暘谷神王傳魏夫人凡三十六章卽真誥所言者
外景經三篇乃老君所作卽右軍所書者與魏夫人
所傳初不同予家舊藏右軍所書外景經石刻一卷
凡六十行末云永和十三此當是二字之譌今年五
月二十五日在山陰縣寫與小歐陽集古錄目校之

與文忠所藏本同則右軍之寫黃庭甚曉然伯思謂
與梁武啟在箬真誥之前此又曲爲之辨也予又嘗
于道藏中得務成子注外景經一卷有序云晉有道
士好黃庭之術意專書寫聞王右軍精于草隸而復
愛白鶩遂以數頭贈之得其妙翰張君房所進雲笈
七籤亦載此序此最爲的據也云云王氏琦李太白
詩注曰按白氏六帖王羲之嘗見山陰道士有羣鶩
求之乃邀右軍書黃庭經以換太平御覽引何法盛
晉中興書曰山陰有道士養羣鶩羲之意甚悅道士

云爲寫黃庭經當舉羣相贈仙傳拾遺山陰道士管
霄霞籠紅鷺一雙遺義之請書黃庭經卽謂仙傳拾
遺或出于僞撰白氏六帖所引又不著本自何書然
太平御覽所引晉中興書則晉史之先鞭也豈亦不
足信乎一同按右軍黃庭梁陳以來更無異論伯思
首滋疑議鳳洲之駁琢崖之辨詳哉允矣且如褚遂
良武平一徐浩韋述之流皆妙精鑒別親直秘府中
禁西堂之晨億殿曝書之夕並睹眞跡簡記燦然隱
居啟事始謂黃庭告誓不審猶有存否後一啟卻云

垂旨以黃庭像讚等諸文可更有出給理前猶疑似
之詞後則較然審矣當時年代匪遠內府寶惜等於
球圖梁武精鑒好文黃庭最其烜赫必無僞謬者焉

丁巳升平元年 五十一歲是年五月謝尙卒以謝奕爲

使持節都督兗豫冀并四州軍事安西將軍豫州刺
史 七月苻堅將張平以并州降遂以爲并州刺史

十二月以太常王彪之爲尙書左僕射有旦夕都
邑動靜帖帖云州將桓公者按桓溫傳選尙南康公
主襲爵萬甯男除琅琊太守遷徐州刺史逸少琅琊

人故稱桓爲州將

舊以具時州將爲句殊未然

無奕外任數書問

無他者按謝奕傳從兄尙有德政旣卒爲西藩所思

朝議以奕立行有素必能嗣尙事乃遷都督豫兗冀

并四州軍事正謂此時仁祖日往

本集作日任非

言尋悲酸

者時仁祖卒已逾月

舊以此爲與周益州書亦無可證據

又一帖君頃

復何以散懷鐵云秋當解褐行復分張想君比爾快

爲樂彥仁書云仁祖家欲至蕪湖單弱令俾何所成

君書得載停郡迎喪甚事宜但異域之乖素已不可

言何時可得發鐵者安石之弟爲永嘉太守故云解

褐仁祖卒於厯陽此言喪柩欲至蕪湖也 太常帖
云太常故患胛灸俞體中可耳僕射事已行以表讓
未知恕不此正指彪之由太常爲僕射事 是年慕
容雋徙都鄴帖云義興何似懸情慕容遂來據鄴可
深憂當此時也

戊午二年 五十二歲是年三月慕容雋陷冀州諸郡詔

安西將軍謝弈北中郎將荀羨北伐 六月并州刺

史張平爲苻堅所逼帥眾三千奔于平陽堅追敗之

八月謝弈卒以吳興太守謝萬爲西中郎將持節

監司豫冀并四州諸軍事豫州刺史以散騎常侍郗
曇爲北中郎將持節都督徐兗青冀幽五州軍事徐
兗二州刺史 十二月北中郎將荀羨及慕容儁戰
于山荏敗績有與桓公牋 誠謝萬書按本傳萬受
任北征矜豪傲物嘗以獻詠自高未嘗撫衆兄安深
憂之自隊主將帥以下安無不慰勉謂萬曰汝爲元
帥諸將宜數接對以悅其心豈有傲誕若斯而能濟
事也萬不能從以至潰散萬雖才器雋秀早獲時名
而綜物應務非其所堪逸少致牋宣武謂是違才易

務其誠萬日願君每與士之下者同甘則盡善矣食
不二味居不重席此復何有而古人以爲美談濟否
所由實在積小以致高大旨哉言乎古人命將應敵
觀其辭氣舉動便知了濟進止尺寸之間儲材竹木
之細昔桓公以竹馬而鄙淵源郝超以履屐而知幼
度豈有居總統之任當一面之寄而邁往不屑欲以
矜簡之韻驅策羣流欲無狼狽胡可幸也世說萬自
壽春敗後與右軍書慚貧宿顧右軍答曰此禹湯之
戒昔以虛談戒安今以積小規萬逸少之于二謝可

謂苦口利病用與不用便爲優劣者也 又一帖適
重熙書如此果爾乃甚可憂張平不立勢向河南者
不知諸侯何以當之熙表故未出不說說荀足下故
爾堪行想不成病耳吾至無賴行尅候疾患想當轉
佳耳若熙自勉此一役當可言淺見實不見今時兵
任可處理當在此時而本集失載按張平本石氏并
州刺史降苻秦爲大將軍冀州牧去年降晉據新興
雁門西河太原上黨上郡夷夏十餘萬戶拜置征鎮
欲與燕秦爲敵國已而復降秦降燕蓋反復梟桀此

云不立勢向河南者恐其侵軼再按郝曇傳荀羨有疾朝廷以曇爲羨軍司羨徵還始除北中郎將都督刺史荀羨傳以疾篤解職後除右軍將軍加散騎常侍讓不拜升平二年卒時年三十八据此則羨旣疾篤始蒙徵還而以軍任授曇曇旣總統羨豈在軍而本紀下升平二年十二月有北中郎將荀羨及慕容雋戡于山莊一事此時羨當綿悒且久去軍中本紀爲不核矣帖中荀足下故爾堪行想不成病正是指羨疾篤徵還讓職不拜事豈有歲終月窮方與雋將

賈堅決戰之理當据以正本紀之誤

通鑿注引燕書及載記亦以山

范之戰在升平二年十二月而疑八月曇為軍司未為刺史然惟燕書繫此事于十二月而載記固未繫月也又羨傳卒後帝聞之歎曰苟令則王敬和相繼凋落股肱腹心將復誰寄敬和亦二年卒則羨卒之年無可疑者疾篤解職後始除右軍望文生義固非旬月間事也是年出王彪之為

會稽內史有向亦得万書帖 賢室委頓帖帖云向

亦得万書委曲備悉使人慨然見足下乃悉叔虎尅

昨發月半略略必至未見勞參軍 知賢室委頓何

以便爾甚助耿耿念勞心知得廿四日亦得叔虎廿

二日書云新年乃得發云云按晉書彪之字叔武唐

人諱虎爲武万者謝萬也彪之傳簡文爲相以彪之爲鎮軍將軍會稽內史居郡八年豪右斂迹以忤桓溫免左降爲尙書頃之復爲僕射再按哀紀興甯三年帝崩廢帝卽位是年冬以前會稽內史王彪之爲尙書僕射据是上推八年當升平二年是彪之爲會稽之年溫免彪之在鎮姑孰之後亦興甯三年事所推皆同前一年冬十二月以太常王彪之爲尙書僕射時羲之免郡家於會稽故遲叔虎來也 王洽卒有羣從凋落將盡帖帖云和方左右時務敬和洽字也

巳未三年 五十三歲是年十月慕容雋寇東阿遣西中

郎將謝萬次下蔡北中郎將郝曇次高平以擊之王師敗績有萬石帖帖云適萬石去月五日書爲慰尋得彭祖送萬九日露版再破賊有所獲想足摧寇越逸之勢萬本傳無破賊事想亦嘗有小勝史不具耶

又一帖云云停雲子代萬頃桓公至今令荀臨淮權領其府雲子桓雲字蓋謝萬敗後欲使雲領其眾而不果荀臨淮名序荀崧之弟子權領事史無聞

庚申四年 五十四歲是年桓雲卒有雲子暴霍亂帖

謝安爲桓溫司馬有謝司馬帖 又一帖云上流近
問不竟何日卽路謝定出居內所宏故重按本傳萬
黜廢安始有仕進志年已四十餘矣安卒于太元十
年乙酉年六十六上推本年正得四十一歲謝萬敗
退正當上年之冬故知爲司馬在此年也居內所宏
故重者以謝才望當處朝廷而棄之征幕非逸少意
西^卒五年 五十五歲是年郝曇卒 二月以鎮軍將軍
范汪爲都督青兗徐冀幽五州諸軍事安北將軍徐
兗二州刺史有與謝萬書云若治風教可宏今_{當是}
_{令字}

忠著于上義行于下雖古之逸士亦將眷然況下此
者觀頃舉厝君子之道盡矣今得護軍還君屈以仲
時立平頃命朝有君子曉然復謂有容足地常如前
者雖患九天不可階九地無所逃何論于世路萬石
僕雖不敏不能期之以道義豈苟且豈苟且若復以
此進退直是利動之徒耳所不忍爲按范汪傳汪字
立平辟司空郗鑒掾參征西庾亮軍事徵拜中書侍
郎桓溫代翼爲荊州以爲安西長史辭溫還京溫甚
恨焉簡文作相甚相親重除都督安北將軍據此逸

少與玄平有幕僚之舊觀其諫翼北伐及不同桓宣武信自守奇士朝有君子不其然乎卒以忤溫廢爲庶人又有范公帖 范生帖似皆謂玄平也

^{壬戌}哀帝隆和元年 五十六歲有賀表臣羲之言伏惟

陛下天縱聖哲德齊二儀應期承運踐登大祚普天率土莫不同慶臣抱疾遐外不獲隨例瞻望宸極屏營一隅臣羲之言按哀以琅琊人繼大統故表云然若康帝奉顯宗命爲嗣與此表少不相應且其時逸少方刺江州職在藩條何得云抱疾遐外也据此益

知卒於辛酉之說爲張氏臆斷也 又一帖得司州
十六日書諸疾患至憂之至深矣有斷未想桓公數
便亦知謝生大得情和至慰安以當至吳興遲見之
也按謝安傳桓溫請爲司馬溫當北征會萬病卒安
投牋求歸尋除吳興太守再考溫傳伊水戰後至隆
和初溫上疏欲還都洛陽卽謝傳所謂溫當北征時
也帖中司州謂謝萬萬監司豫故亦得稱司州非王
胡之之司州也諸疾患至謂萬病也謝生大得情和
溫喜安至歡笑竟日問左右曰頗嘗見我有如此客

不意謂桓重安也以嘗至吳興者萬由吳興監司豫
安後復爲吳興太守故當以官爲家矣 又帖云聞
眞長知吳興想必如意眞長謂劉惔惔妹爲謝安妻
此吳興謂安也

癸亥興甯元年 五十七歲是年四月慕容暉寇滎陽五
月陷密城有慕容乃抄梁下帖

甲子二年 五十八歲有桓公以江州還臺帖按興甯元
年加溫侍中大司馬都督中外諸軍事二年五月以
溫爲揚州牧諭溫入朝不從七月復徵溫入朝八月

溫至赭圻又使尙書車灌止之溫遂居赭圻固讓內
錄遙領揚州明年三月移鎮姑孰江州還臺謂此時
也

乙丑三年 五十九歲義之卒

--	--	--	--	--	--	--	--	--	--

跋

嘗觀王右軍報殷浩書吾素自無廊廟直王丞相時
果欲內吾誓不許之及誦其誓墓之文遠維老氏周
任之誠意其爲人必且沖夷宏放棲心元邈與人事
漠不一接反復貫究它所訓答拳拳軍國之謀綜物
應務有不然者登冶城則戒虛談而黜浮文致會稽
則圖根立而謀終始至于郡荒斲酒備形楮翰原其
本末右軍迺以卓識偉抱用小其材重以內憂方始
斯亡無日捐棄龜組東土優游固已非其心矣史氏

讀論未能綜核微隱而專美細素是猶廣附贅於七
尺誇榮輝於二曜徒申一己之私慕無當論古之豪
睫者也吾友魯君通甫博覽羣籍手披口畫十有餘
年薈爲斯譜其鈎校年月糾定譌謬多搜古人之遁
義手以示余讀而偉之官事多暇詳加緝校贊其付
梓蓋旣以重右軍之爲人而因以歎通甫之先得我
心不使古人宏襟大用晦晦于無窮也咸豐五年仲
秋之月鉛山熊嘉澍書後



自序

從世界藝術以觀，書法為我國特有藝術。其中楷行草書，至東晉而登峰造極。至王羲之而盡善盡美。故六朝隋唐宋元明清至今，尊為書聖。其書跡奉為國寶。游歎偉矣。夫以一垂譽古今之藝人，其生平事蹟，宜有詳贍之年譜，以昭示於世界。然核之紀載，尚未稱是。考羲之事跡，宋劉義慶始片段紀載於世說新語。梁蕭子雲撰二王列傳而未成。唐修晉書，羲之本傳，為房玄齡褚遂良等所撰。太宗親製傳贊，以示優異。然取材於世說諸書，尚闕載生卒年月及官臨川吳興二事。幸而宋虞蘇、梁陶弘景、唐張懷瓘、宋黃伯思等先後補苴。晉書所闕尚可考見，然未有為之譜也。清吳榮光首著羲之生卒入名人年譜，語簡事略，未成專書。且誤信偽羊欣之說，與文徵樞、趙孟頫、王世貞、孫承澤等語，局部考訂，雖非年譜而有其實。書一同志始作右軍年譜，惜其鑿空立異，未足憑信。近人朱傑勤撰評傳，時有卓見，然屬史論。沈子善作研究劉重韓錄，而未貫通。故信今傳後，譜列生平，猶有待也。華卅年來，致力書史，頗識源流。年來頓悟黃文寬氏直指本來之說。飯涼山陰。心摹手追，羹牆如見。爰集諸說之成，取長舍短，參以管見，輯成本譜，首錄本傳。一以見編譜之原；一以省緝檢之

苦。次附世系，譜之源流也。次附生卒考，譜之論據也。而殿以書跡，庶幾義之可得而研究焉。稿凡六易，至庚寅冬先考學賢公八十壽辰，始發憤寫定，將以紀念庭訓也。雖然，此亦稿本耳，回視初稿，十改六七，吾之研究無已時，即吾之修改亦無已時。姑先刊布，冀海內學者商榷。共揚千六百年書聖之休烈，為我大中華藝術之光輝，是所望於先進也夫！番禺麥華三識於廣州大學

北京圖書館惠存



王羲之年譜


凡例

一、東晉大事，與羲之家世有關者；東晉人物，與羲之言行有關者；均錄要。直接發生關係者，詳錄。

二、羲之史料著述之採錄；首採時代之近者。次採考訂有據者。但見著錄而不能定年者，有類從類；無類則繫於最初之年。未附異說，以資傳疑。

三、羲之從政，雖屬失敗。但其政論，切中時弊。論北伐論清運諸書，全文採錄，不嫌冗贅。

四、書跡叙錄，以現存可見者為主。但見著錄而不存者，間亦採之。自註書寫年月者照入。考訂有據者，繫於該年。不能定年者從類，無類可從者，另見拙編王羲之書法之研究一書，故從略。至於偽作，仍附於後加以按語，以資傳疑。



目錄

- 一、畫像
- 二、書跡 另編詳目
- 三、本傳附獻之
- 四、世系
- 五、年譜
- 六、生卒考
- 七、年表附獻之

王羲之書跡目錄

15.	14.	13.	12.	11.	10.	9.	8.	7.	6.	5.	4.	3.	2.	1.	頁次
喪亂帖	孔侍中帖	哀禍帖	淳化閣帖	十七帖	定武蘭亭	定武蘭亭	定武蘭亭	定武蘭亭	東方朔画像贊	黃庭經	黃庭經殘石	樂毅論	宣示帖殘石	臨鍾繇宣示帖	
日本內府藏	日本前田侯爵藏	日本前田侯爵藏	袁生帖	一兒一女帖	故宮博物院藏本	柯九思本(五字未損)	吳炳本(五字未損)	張叔未藏本	鮑東方藏養子玉樹令可壯本原石	陸謹庭藏本	陸謹庭藏本	葉雲谷藏止海本原石	葉雲谷藏大觀帖原刻三行廿一字	張叔未藏本	
.....
23	22	21	20	19	18	17	16	12	11	9	8	4	3	2	頁
24								15		10		7			次

21.20.19.18.17.16.

附

王珣書伯遠帖	王獻之書中秋帖	快雪帖	此事帖	情載帖	奉橘帖	何如帖	遊目帖
--------	---------	-----	-----	-----	-----	-----	-----

故宮博物院藏	故宮博物院藏	故宮博物院藏	張伯英藏	故宮博物院藏	故宮博物院藏	故宮博物院藏	日本安達萬藏藏本
--------	--------	--------	------	--------	--------	--------	----------

32	31	30	29	28	27	27	25
----	----	----	----	----	----	----	----

26

王羲之像



1.
庚寅冬月
王羲之像
畫



王羲之臨鍾繇宣示帖 張叔未藏本

宣示帖 孫權 求詔 今所觀所以博

通于歸 佐必異良方 出於阿是 夢美之

言可擇 郎廟况 豈始以 賤得為 前思 橫

亦巧 體必私 見異 要同 骨肉 殊過 厚寵 以至

2

一、將權所求詔
異良方出於阿日
錄始以踪賤得



大甲而不笑大甲受放而不怨是存大業於
至公而以天下為心者也

天下

必使天下歸心然後能隆合其

聖尚君臣同符此大業定矣于斯時也樂生
之志于斯戰一也也無將之行千載一隆之道豈其
局時也而時已去無所并而此斯夫無所并者非
樂生之所願也



也不... 苟得則... 事不求... 天下者也... 則舉... 所以運其機... 海也... 夫討... 以明... 燕主之... 此其未... 於為... 利矣... 圍城而... 吾不加... 於百姓... 此仁心... 著於... 通矣... 舉國不... 謀其... 此其... 不以... 處力... 此至... 德

此明為止海原石拓本而章溪定為宗翻宗拓且認為越州石氏本

真如吳荷屋帖鏡所謂對面不相識者其 辛卯冬筆三



⑤

樂毅論止海本釋文

夏後春初

論之

夫求古賢之意宜以大者遠者先之必
而難通然後已焉可也今樂氏之趣成者
未盡乎而多方之是使前賢失指於將來
不情我親樂生遠也王言其殆庶乎
大甲而不疑大甲受放而不怨是存大業於
至公而以天下為心者也夫欲拯道之量務以
天下為心者必致其主於盛隆合其趣於先
王苟君臣同符斯大業定矣于斯時也樂生
之志千載一遇也二將行千載一隆之道其
局皆當時心於並行而已哉夫並行者非
樂生之所屑強然而廢道又非樂生之所求
也不屑者得則心無近事不求小成斯意兼
天下者也則樂生之事所以運其機而動四
海也夫討齊以顯無王之義此兵不與於為
利矣國滅而害不加於百姓此仁心著於選
通矣舉國不謀其功除暴不以威力此至德
天下矣道全德以卑列國則氣於湯

古下為樂毅三行女家行二志

行一志其凡事

名不為行無舞舞出以行論止

此八百零一字至四百五十四字

樂毅子道
樂毅子道
樂毅子道




則樂於湯

二成救民則


上顯釋示

則求

漢南廣應



右黃庭經殘石遺字明晉府藏行字與東方本不同各有佳勝此
為陸澄庭本鄧文原本底稿之兄弟乃殘石祖本也



右黃庭經清鮑東方藏本第十行養子玉樹令可壯紙茶脫
 落隱約間尚可辨認子玉樹令可壯六字与趙子昂臨本合為
 祖本之證其子孫本摹作子玉樹不可杖証其祖矣 9

相守升降五行合九玉石谷是吾寶于
司之何不守此形以爲常事服地
人庸措之可受事者心疑吟之
近我地何山何其然中自有真不可
欲以爲此空并城樓依然日月如明珠萬出
其有朝朝暮暮三陽物食玉袖可
王魂欲上天與人爭還以心道自非

10

平原獻次也
 周變通以為濁世不可以富樂也故薄遊以取位苟出不可以真
 道也故薄抗以傲世
 古錄漢大中大夫東方先生畫贊

大夫諱朔字季平原獻次人也魏建安中分獻次以為樂陵郡故
 又為郡人焉先生事漢武帝漢書具載其事先生瓌璋博達思
 周變通以為濁世不可以富樂也故薄遊以取位苟出不可以真
 道也故薄抗以傲世
 古錄漢大中大夫東方先生畫贊

其水有定立... 守... 力...

會稽山... 蘭亭... 永和九年... 暮春之初... 會於會稽山陰之蘭亭... 修禊事也... 群賢畢至... 少長咸集... 此地有崇山峻嶺... 茂林脩竹... 又有清流激湍... 映帶左右... 引以為流觴曲水... 列坐其次... 雖無絲竹管絃之盛... 一觴一詠... 亦足以暢敘幽情...

是且也。平。朗。氣。清。志。風。和。氣。

相。寧。由。之。六。術。察。品。類。之。


既。遊。自。適。景。只。一。以。極。視。聽。之。


上。好。信。可。無。也。夫。人。之。相。與。所。在。

一。世。或。取。諸。也。信。悟。言。一。毫。之。內。

或。因。其。也。浪。形。骸。之。外。

通。合。也。其。也。當。其。





蘭亭序本上有行九思小印五其
盛朝相上冠已指然精未辨
子
增
和

永和九年歲在癸丑暮春之初
會稽山陰之蘭亭脩禊事也
群賢畢至少長咸集此地
有景可領茂林脩竹又有清流激湍映帶左右引以為流觴曲水
一觴一詠亦足以暢敘幽情

16 字或蘭亭 柯九思藏 鴻帶右流天五字損本

定武蘭亭 故宮博物院藏本

知老之將至及其既倦情
隨事遷廢既係矣南之
欣俛仰之間以爲陳止猶不
能不以之興懷况俯仰隨化
期於盡是古人死生之大矣
不痛哉每讀此者必悲之

定武蘭亭 獨孤本

永和九年歲次癸丑暮春之初會於會稽山陰之蘭亭脩禊事也群賢畢至少長咸集此地有崇山峻嶺茂林脩竹又有清流激湍映帶左右引以為流觴曲水列坐其次雖無絲竹管絃之盛一觴一詠亦足以暢敘幽情是日也天朗氣清惠風和暢仰觀宇宙之大俯察品類之盛所以遊目騁懷足以極視聽之娛所以樂未嘗乏也每覽昔人興感之由若合一契未嘗不臨文嗟悼不能喻之懷也後之視今亦猶今之視昔悲夫故列敘時情共敘盛會一死生為虛傳齊彭殤為等類後之視今亦猶今之視昔悲夫故列敘時情共敘盛會一死生為虛傳齊彭殤為等類



定武蘭亭 獨孤本



王羲之書七兒十一女中... 七帖... 子奔... 社...

五... 七... 九... 一... 的... 法... 一... 上... 之... 賦... 焉...
以... 年... 經... 一... 十... 不... 之... 未... 賦... 耳...
而... 以... 一... 賦... 便... 乃... 之... 成... 今... 由... 好...
外... 有... 十... 二... 人... 之... 是... 因... 故... 六...
情... 主... 者... 由... 故... 至... 天... 矣...

吾有七兒一女皆同生婚娶已畢唯一小者尚未婚身過... 今內外探有十六人... 懸目前... 下... 精... 至... 矣... 故...

淳化閣帖王羲之書袁生帖

日者二弟在堂一為出玉生
子多者只道本此生
為之怪至深也



得素二謝書一為慰素生暨至都已遂未此生
至到之懷吾所也 華三



20

類有名家 福也悲 擇切推

割不能自勝奈 去何 奈

何省 慰慰 以少少至增威

王羲之書孔侍中帖 日本前田法齋藏

九月十七日 羲之 報恩因

22

孔侍中信書志想必一不

云領軍疾後問

夏子慈不能治申念須

故故自達取消息達

歌

庚寅十一月十三日先考學賢公八十五壽誕臨臨上壽之喜增一表

以紀念之

書海參華三藏於廣州大學



王羲之書喪亂帖 日本內府藏

羲之頓首喪亂以來之極

先墓存離荼毒追

惟酷甚痛兼摧絕

痛矣心肝痛者皆矣

為難即情復
未稔

毒既飲毒益深

毒以情復深

何言義已為

岩音之下下下別別海珠中其波依去去山山川川培培
 奇奇物物種種奇奇左左太太冲冲三三
 奇奇殊殊為為不不倚倚生生波波之之
 多多奇奇若若今今重重遊遊目目意意已已
 也也可可白白果果以以去去口口眾眾逐逐少少
 人人之之耳耳耳耳不不意意逐逐逐逐

25

期
其
日
為
歲
想
之
其
期
生
以
日
為
年
想
之
其

快
王
有
動
欲
波
去
來
有
為
理
不
要
是

即
在
彼
一
登
文
領
一
峨
眉
及
甲
在
波
兒
沒
兒
一
眉

而
旋
寄
不
朽
威
而
旋
實
不
朽
之
生
子
但

言
此
心
馳
彼
矣
三
言
此
心
馳
於
彼
矣

王羲之書何如姑 故宮博物院藏

羲之白不審 尊體比後

何如遲復奉告 羲之 十冷五

輔尋復白羲之白

王羲之書奉楮帖 故宮博物院藏

奉端三百枚霜未降未

得

王義之書評我姑 此言博考記義

此以平安僧載惠十餘

少入近集存想明

定有以惠力入一三由同

增悅

唐宣宗十一月十三日先考學賢公八十冥壽謹編

王義之手澤一卷以紀念之 卷華三



28

五義之書以事帖 銅山張伯英藏

此乃有此事比与佛共事無思不以法然故工可長 華三錄

王羲之書快雪時晴帖 故宮博物院藏

羲之頓首快雪時晴佳想安善未果為恨不次王羲之頓首 山陰張侯 庚子仲夏 善之敬錄



中秋不復見中秋相見
力而甚甚力而甚
今何處有香大軍

東坡書史卷全文云十二月朔至昏中秋不復不得相見復
引 逐物理為即甚者如何然勝人何處香大軍



江 王 殉 古 伯 遠 詩

故 宮 博 物 院 藏

殉 項 王 公 伯 遠 勝 紫 情

期 身 送 之 買 自 以 為 志

志 在 優 遊 始 獲 此 出 意

不 烈 申 公 別 以 此 以 為 時

古 遠 歸 嶺 嘯 不 相 瞻 臨

王羲之之本傳

——晉書八十列傳第五十——

王羲之字逸少。司徒導之從子也。祖正。尚書郎。父曠。淮南太守。元帝之過江也。曠首創其議。羲之幼訥於言，人未之奇。年十三，嘗謁周顛，顛察而異之。時重牛心炙，坐客未暇，顛先割嚼羲之。於是始知名。及長，辯瞻，以骨鯁稱。尤善隸書（即楷書）為古今之冠。論者稱其筆勢，以為飄若浮雲。矯若驚龍。深為從伯敦等所器重。時陳留阮裕有重名，為敦主簿。敦嘗謂羲之曰：「汝是吾家佳子弟。當不減阮主簿。」裕亦目羲之與王承、王悅為王氏三少。時太尉郗鑒使門生求女婿於導。導令就東廂觀子弟。門生歸，謂鑒曰：「王氏諸少並佳，然聞信至，咸自矜持。惟一人在東廂坦腹，獨若不聞。」鑒曰：「正此佳婿邪。」訪之，乃羲之也。遂以女妻之。

起家秘書郎。征西將軍庾亮請為參軍。累遷長史。亮臨薨，上疏稱羲之清貴鑒裁。遷寧遠將軍江州刺史。羲之既少有美譽。朝廷公卿，皆愛其才器。頻召為侍中、中書、尚書。皆不就。復授護國將軍。又推遷不拜。揚州刺史殷浩，素雅重之，勤使應命。乃遣羲

之書曰：「悠悠者以足下出處，足觀政之隆替。如吾等亦謂為然。至於足下出處，正其隆替對。豈可以一世之存亡，必從足下從容之適，幸徐求衆心，卿不時起復，可以求美政。不若豁然關懷，當知萬物之情也。」羲之遂報書曰：「吾素自無廊廟。直王丞相時，果欲內吾。誓不許之。手跡猶存，由來尚矣。不於足下參政，而方進退。自免娶女嫁，便懷向子平之志。數其親知言之，非一日也。若蒙驅使閑隴巴蜀，皆所不辭。吾雖無專對之能，直謹守時命。宣國家威德，固當不同于凡使。必令遠近咸知朝廷留心於無外。此所益，殊不同于居護軍也。漢末使太傅馬日磾慰撫關東，若不以吾輕微，無所為疑。宜及初冬以行，吾惟恭以待命。羲之既拜護軍，又苦求宣城郡，不許。乃以為右軍將軍會稽內史。時殷浩與桓溫不協。羲之以國家之安在于內外和。因與浩書以戒之。浩不從。及浩將北伐，羲以為必敗，以書止之，言甚切至。浩遂行。果為姚襄所敗。復圖再舉。又遺浩書曰：「知安西敗喪，公私惋怛，不能須臾去懷。以區區江左，所營綜如此，天下寒心，固已久矣。而加之敗喪，此可熟念。往事豈復可追，願思弘將來。今天下寄命有所，自隆中與之業。政以道勝，寬和為本。力爭武功，作非所當。因循所長，以固大業。想識其由來也。自

寇亂以來，處內外之任者，未有深謀遠慮，括囊至計。而疲竭根本，各從所志。竟無一功可論，一事可記。忠言嘉謀，棄而莫用。遂令天下將有土崩之勢。何能不痛心悲慨也。任其事者，豈得辭四海之責，追咎往事，亦何所復及。宜更虛己求賢，當共有識共之。不可復令忠允之言，常屈於當權。今軍破於外，資竭於內。保淮之志，非復所及，莫適還保長江。都督將各復舊鎮。自長江之外，羈縻而已。任國鈞者，引咎責躬，深自貶降，以謝百姓。更其朝賢，思布平正，除其煩苛。省其賦役。其百姓更始。庶可以允塞群望，救倒懸之急。使君起于布衣，任天下之重。尚德之舉，未能事事允稱，當重統之任，而喪敗至此。恐闔朝群賢，未有其人分其誇者。今亟修德補闕，廣延群賢，共之分任。尚未知獲濟所期。若猶以前事為未了，故復求之于分外。宇宙雖廣，自容何所。知言不必用，或取怨執政，然當情概所在。正自不能不盡懷極言。若必親往，未達此旨。果行者，愚智所不解也。願與衆共之。復被州符，增運千石。徵役兼至，皆以軍期。對之喪氣，罔知所厝。自頃年割剝遺黎，刑徒竟路，殆同秦政，惟未加慘夷之刑耳。恐勝廣之憂，無復日矣。又與會稽王戲。陳浩不宜北伐。并論時事曰：「古人耻其君不為堯舜。北面之道，豈不願尊

其所事，比隆往代。况遇千載一時之運，顧智力屈於當年。何得不權輕重而處之也。今雖有可欣之會。內求諸己，而所憂乃重於所欣。傳云：（自非聖人，外事必有內憂。）今外不寧，內憂以深。古之弘大業者，或不謀於衆，傾國以濟一時功者，亦往往而有之。誠獨運之明，足以邁衆。費勞之弊，終獲永逸者可也。求之于今，可得擬議乎？夫廟算決勝，必宜審量彼我，萬全而後動。功就之日，便當因其衆而即其實。今功未可期，而遣黎殲盡。且千里饋糧，自古為難。况今轉運供繼，西輸許洛，北入黃河。雖秦政之弊，未至於此。而十室之憂，便以交至。今運無還期，徵求日重。以區區吳越，經緯天下十分之九，不亡何待。而不度德量力，不弊不已！此封內所痛心歎悼，而莫敢吐誠。役者不可諫，來者猶可追。願殿下更垂三思。解而更張，令殷浩荀羨，遠據合肥。廣陵許昌譙郡梁彭城諸軍，皆還保淮，為不可勝之基。須根立勢舉，謀之未晚。此實當今策之上者。若不行此，社稷之憂，可計日而待。安危之機，易于反掌。考之虛寔，著于目前。願運獨斷之明，定之于一朝也。地淺而言深，豈不知其未易。然古人處間閭行陣之間。尚或于時謀國。評裁者不以為譏。况厠大臣未行，豈可默而不言哉。存亡所係，決在行之。不可復持疑後機。

不定之於此，後欲悔之，亦無及也。殿下德冠宇內，以公室輔朝，最可直道而行之。致隆當年，而未允物望。受殊過者，所以寤寐長嘆，實為殿下惜之。國家之慮深矣。常恐伍員之憂，不獨在昔。糜鹿之遊，將不止林藪而已。願殿下暫廢虛遠之懷，以救倒懸之急。可謂以亡為存，轉禍為福。則宗廟之慶，四海有賴矣。時東土饑荒，義之輟關倉賑貸。然朝廷賦役繁重，吳會尤甚。義之每上疏爭之，事多見從。又遣尚書僕射謝玄書曰：「頃所陳論，每蒙允納。所以令下，小得蘇息。各安其業，若不爾，此一郡久以踰東海矣！今事之大者未布，漕運是也。勿復催下。但當裁終考其殿最。長吏尤殿。命樓車送詣天台。三縣不舉，二十石必免。或可左降，令在疆塞極難之地。又自吾到此，從事常有四五，兼以臺司及郡水御史行臺，文符如雨，倒錯違背，不復可知。吾又曠日循常，推前取重者，及綱紀輕者，在五曹。主者泣事未嘗得十日。吏民趨走，功費萬計。卿方任其重，可徐尋所言。江左平日，揚州一良刺史，便足統之。况以群才，而更不理。正由為法不一，牽制者衆。思簡而易從，便足以保守成業。倉督監耗盜官米，動以萬計。吾謂誅剪一人，其後便斷。而時意不同。近檢校諸縣，無不皆爾。餘姚近十萬斛。重斂以資奸吏。令國用空乏。

、良可歎也！自軍興以來，征役及充運，死亡叛散不反者衆。虛耗至此，而補代循常，所在凋困，莫知所出。上命所差，上道多叛，則吏及叛者，席卷同去。又有常制，輒令其家及同伍課捕。課捕不擒，家及同伍尋復亡叛。百姓流亡，戶口日減，其源在此。又有百工醫寺，死亡絕沒，家戶空盡。差代無所，上命不絕，事起或十年十五年。彈擊獲罪無懈息。而無益寔事，何以堪之。謂自今諸死罪，原輕者及五歲刑，可以充此。其減死者，可長充兵役。五歲者，可充雜工醫寺。皆令移其家以寔都邑。都邑既寔，是政之本。又可絕其亡叛。不移其家，逃亡之患，復如初耳。今除罪而充雜役，盡移其家。小人愚迷，或以為重於殺戮，可以絕奸。刑名雖輕，懲罰實重，豈非適時之宜邪。

羲之雅好服食養性，不樂在京師。初渡浙江，便有終焉之志。會稽有佳山水，名士多居之。謝安未仕時，亦居焉。孫綽李充許詢支遁等，皆以文義冠世。並築室東土，與羲之同好。嘗與同志宴集於會稽山陰之蘭亭。羲之自為之序，以申其志。曰：「永和九年，歲在癸丑，暮春之初，會于會稽山陰之蘭亭，修禊事也。群賢畢至，少長咸集。此地有崇山峻嶺，茂林修竹。又有清流激湍，映帶左右，引以為流觴曲水，列坐其次。雖無絲竹管弦之盛，一

觴一詠，亦足以暢叙幽情。是日也。天朗氣清，惠風和暢，仰觀宇宙之大；俯察品類之感。所以游目騁懷，足以極視聽之娛，信可樂也。夫人之相與，俯仰一世，或取諸懷抱，悟言一室之內。或因寄所託，放浪形骸之外。雖取舍萬殊，靜躁不同，當其欣於所遇，暫得於己，快然自足，不知老之將至。及其所之既倦，情隨事遷，感慨係之矣。向之所欣，俛仰之間，以為陳跡，猶不能不以之興懷。况脩短隨化，終期於盡。古人云：「死生亦大矣，豈不痛哉。」每覽昔人興感之由，若合一契。未嘗不臨文嗟悼，不能喻之於懷。固知一死生為虛誕；齊彭殤為妄作。後之視今，亦猶今之視昔。悲夫！故列叙時人，錄其所述，雖世殊事異，所以興懷，其致一也。後之覽者，亦將有感於斯文。或以潘岳金谷詩序，方其善鳴。求市未得。遂携親友命駕就觀。姥聞羲之將至，烹以待之。羲之歎惜彌日。又山陰有一道士，養好鶴，羲之往觀焉，意甚悅，籠鶴而歸。甚以為樂。其任事如此。嘗詣門生家，見棗几滑淨，因書之。真草相半。後為其父誤刮去之。門生驚異者累日。又嘗在蕺山見一老姥，持六角竹扇賣之。羲之書其扇，各為五字。

燒初有愠色。因謂燒曰：「但言是王右軍書，以求百錢邪。」燒如其言，人競買之。他日，燒持扇來，羲之笑而不答。其書為世所重，皆此類也。每自稱：「我書比鍾繇，當抗行。比張芝草，猶當雁行也。曾與人書云：『張芝臨池學書，池水盡黑。使人耽之若是，未必後之也。』」羲之書初不勝庾翼都惜，及其暮年方妙。嘗以草草答庾亮，而翼深歎伏。因獎羲之書云：「吾昔有伯英草草十紙，過江顛覆，遂乃亡失。常歎妙跡永絕。忽見足下答家兄書，煥若神明，頓還舊觀。」

時驃騎將軍王述，少有名譽，與羲之齊名，而羲之甚輕之。由是情好不協。述先為會稽，以母喪居郡境。羲之代述。止一疋，遂不重詣。述每聞角聲，謂羲之當候己，輒洒掃而待之，如此累年。而羲之竟不顧。述深以為恨。及述為揚州刺史，將就徵。周行郡界。而不過羲之。臨發，一別而去。先是羲之常謂賓友曰：「懷祖正當作尚書耳。投老可得僕射。更求會稽，便自邈然。」及述蒙頭投。羲之耻為之下。遣使詣朝廷分會稽為越州。行人失辭，大為時賢所笑。既而內懷愧歎，謂其諸子曰：「吾不減懷祖，而位遇懸絕。當由汝等不及坦之故邪？」述後檢察會稽郡，辯其利政。主考被於簡對。羲之深耻之。遂稱病去郡，於父母墓前自誓曰：「誰

永和十一年三月癸卯朔，九日辛亥，小子義之。敢告二尊之靈。義之不天，夙遭閔凶。不蒙過庭之訓。母兄鞠育，得漸庶幾。遂因人乏，蒙國寵榮。進無忠孝之節。退違推賢之義。每仰詠老氏周任之誡，常恐斯亡無日。憂及宗祀，豈在微身而已。是用寤寐永歎，若墜深谷。止足之分，定之於今。謹以今月吉辰，肆筵設席，稽顙歸誠。告誓先靈。自今之後，敢渝此心，貪冒苟進。是有無尊之心，而不子也。子而不子，天地所不容載，名教所不得容。信誓之誠，有如皦日！

義之既去官，與東土人士，盡山水之遊，弋釣為娛。又與道士許邁，共修服食，窮諸名山，泛滄海。歎曰：「我卒當以樂死！」謝安嘗謂義之曰：「中年以來，傷于哀樂，與親友別，輒作數日恙。」義之曰：「年在桑榆，自然至此。頃正輯錄竹陶寫，恒恐兒輩覺，損其樂懼之趣。」朝廷以其誓苦，亦不復徵之。時劉惔為丹陽令，許詢嘗就惔宿，牀惟新麗，飲食豐甘。詢曰：「若此保全，殊勝東山。」惔曰：「卿若知吉凶由人，吾安得保此。」義之在坐曰：「令巢許遇援契；當無此言。」二人並有愧色。初，義之既優游無事，與吏部謝萬書曰：「古之辭世者；或披髮佯狂，或污身穢跡。可謂艱矣！今僕坐而獲免，遂其宿心。其為慶幸，豈非天賜。違天不祥。頃

東遊邊。修植桑果。今成敷榮。率諸子。抱弱孫。游觀其間。有一味之甘。割而分之。以娛目前。雖植德無殊逸。猶欲教養子孫。以敦厚運謀。戒以輕薄。庶令舉策教馬。彷彿萬石之風。君謂此何如。比當與安石。東遊山海。并行田視地利。頗養閑暇。衣食之餘。欲與親知時共懽燕。雖不能與言高詠。銜杯引滿。語由里所行故。以為撫掌之資。其為得意。可勝言邪？常依陸費、班嗣、楊王孫之處世。甚欲希風教子。老夫志願。盡于此也。萬後為豫州都督。又遺萬書識之曰：「以君邁往不屑之韻。而俯同群辟。誠難為意也。然所謂通識。正自當隨事行藏。乃為遠耳。願君每與士之下者同。則盡善矣。食不二味。居不重席。此復何有。而古人以為美談。濟否所由。實在積小以致高大。君其存之。」萬不能用。果敗。年五十九卒。贈金紫光祿大夫。諸子遵父先旨。固讓不受。有七子。知名者五人。

附第七子獻之傳

獻之字子敬。少有盛名。而高邁不羈。雖閑居終日。容止不怠。風流為一時之冠。年數歲。嘗觀門生榜滿。曰：「南風不競。門生曰：「此郎亦管中窺豹。時見一斑。」獻之怒曰：「遠慚荀奉倩。近愧劉真長。」遂拂衣而去。嘗與兄徽之操之。俱詣謝安。二兄多言俗

事。獻之寒溫而已。既出。客問安；王氏兄弟優劣。安曰：「小者佳。」客問其故？安曰：「吉人之辭寡。以其少言，故知之。」嘗與徽之共在一室，忽然火發，徽之遽走，不遑取履。獻之神色恬然，徐呼左右扶出。夜卧齋中，而有偷人，入其室，盜物都盡。獻之徐曰：「偷兒；青毡我家蓋物，可特置之。」群偷驚走。工艸隸。善丹青。七八歲時學書，羲之密從後掣其筆，不得。嘆曰：「此鬼後當復有大名！」嘗書壁為方丈大字。羲之甚以為能。觀者數百人。桓溫嘗使書扇，筆誤落，因畫作烏駝特牛，甚妙。起家州主簿秘書郎。轉丞。以選尚新安公主。嘗經吳郡，聞顧辟疆有名園。先不相識，乘平肩輿徑入。時辟疆方集賓友，而獻之游歷既畢，停若無人。辟疆勃然數之曰：「傲主人，非禮也。以貴驕士，非道也。失是二者，不足齒之儉耳！」便驅出門。獻之傲如也，不以屑意。謝安甚欽愛之。請為長史。安進號衛將軍，復為長史。太元中，新起太極殿，安欲使獻之題榜，以為萬代寶，而難言之。試謂曰：「魏時凌雲殿榜未題而匠者深釘之，不可下。乃使韋仲將懸榜書之。比訖，鬚髮盡白。裁餘氣息，還語子弟，宜絕此法。」獻之揣知其旨。正色曰：「仲將，魏之大臣，寧有此事？使其若此，有以知魏德之不長。安遂不之逼。安又問曰：「君書何如君家尊？」答曰

：「故當不同。」安曰：「外論不爾。」答曰：「人那得知！專除建威將軍，吳興太守。徵拜中書令。及安薨，贈禮有同異之議。推獻之徐，共明安之忠勲。獻之乃上疏曰：「故太傅臣安，少振玄風，道譽洋溢。弱冠遐棲，則契齊箕皓。應運釋褐，而王猷允塞。及至戴宣威靈，強猾消殄。功勲既融，投藪高讓。且服事先帝，眷隆布衣。陛下踐阼，陽秋尚富，盡心竭智，以輔聖明。考其潛躍始終。事情繾綣。寔大晉之儒輔，義篤於曩臣矣。伏維陛下，留心宗臣。澄神於省察。考武帝遂加安殊禮。未幾，獻之遇疾，家人為上章。道家法，應首過。問其有何得失？對曰：「不覺餘事。惟憶典却家難婚。」獻之前妻，却曇女也。俄而卒於官。安僖皇后立。以右父追贈侍中。特進光祿大夫太宰。謚曰憲。無子，以兄子靜之嗣。位至義興太守。時議者以為義之艸隸，江左中朝，莫有及者。獻之骨力遠不及父，而頗有媚趣。桓玄雅愛其父子書，各為一袂置左右以執之。

唐太宗制曰：「書契之興，肇乎中古。繩文鳥跡，不足可觀。末代去林歸華，舒機點翰。爭相誇尚，競其工拙。伯英臨池之妙，無足餘蹤。師宜懸帳之奇，罕有遺跡。逮乎鍾王以降，略可言焉。理雖擅美一時，亦為向絕。論其盡善，或有所疑。至於布織濃，

分疎密，霞舒雲卷，無所間然。但其體則古而不今，字則長而逾制。語其大量，以此為瑕。獻之雖有父風，殊非新巧。觀其字勢疎蕪，如隆冬之枯樹。覽其筆蹤拘束，若嚴家之餓隸。其枯樹也，雖槎枿而無屈伸。其餓隸也，則羸羸而不放縱。兼斯二者，故較墨之病歟。子雲進世擅名江表，然僅得成書，無丈夫之氣。行行若紫春蚓，字字如縮秋蛇。卧王蒙於紙中，坐徐偃於筆下。雖老千鬼之翰墨，無一毫之筋。窮萬殺之皮斂，無十分之骨。以茲拙美，非其溢名邪。此教子者，皆譽過其實。所以詳察古今，研精采素，盡善盡美，其惟王逸少乎。觀其点曳之工，裁成之妙。烟霏露結，狀若斷而還連。鳳翥龍蟠，勢如斜而反正。龍之小覺為倦，覽之莫識其端。心慕手追，此人而已。其餘區區之類，何足論哉。

王羲之年譜

青島麥華三編

303 西晉惠帝太安二年癸亥公生

公王氏，名羲之，字逸少。徐州琅琊郡臨沂縣人。晉時全國二十州，第十五為徐州。徐州統郡七，第四為琅琊，琅琊領縣八，第三為臨沂即今山東臨沂縣。祖正。尚書郎。父曠。淮南太守。兄籍之。安成太守。公其次也。起家秘書郎。庾亮請為參軍，累遷長史。歷官臨川太守、吳興太守。遷寧遠將軍、江州刺史。入為護軍將軍，遷右軍將軍、會稽內史。工書，楷行草章優入聖域。世稱王右軍。

華三按：羲之生卒，晉書本傳，但云：「年五十九卒。」不詳何年。查右軍集，題筆陣圖後，有「時年五十有三……永和十四年四月十二日書。」等字樣。是當生於惠帝光熙元年矣。然永和盡於十二年，無十四年。其偽顯然，可以無論。其次，宋羊欣筆陣圖云：「三十三、書蘭亭序。三十七、書黃庭經。」是又當注於元帝太興四年矣。然核共十三歲見周顛之記載，則翌年當得二歲。蘭亭與黃庭之記載，則年歲亦差一年，其為偽作，又可知也。

而吳榮光等竟採用之。至清魯一同著右軍年譜，則據右軍集之還台帖及年垂耳順帖，以懷帝永嘉元年，為公生之歲，然還台帖無羲之署款，其書跡亦不傳。是否本集誤收，尚有問題。至耳順帖，則魯氏誤以周撫逝世之年，為羲之逝世之証，鑿空立論，亦難以取信，是則羲之生卒，應如何推定，實為編譜先決問題矣。考唐張懷瓘書斷云：「王羲之升平五年卒，年五十九。」據此上推，應生於惠帝太安二年癸亥。按唐修晉書時為公元六四四年，張氏著書斷時為公元七二四，僅後八十年。張氏於唐代專治書學，其言當有所本。故宋黃伯思董道，清包世臣等均採用其說。今考吳史實，尚無牴牾。較以上三說，最為可信。本譜從之。（說詳生卒考）

304 惠帝永興元年 甲子 二歲

305 永興二年 乙丑 三歲

306 惠帝光熙元年 丙寅 四歲

307 懷帝永嘉元年 丁卯 五歲

七月，琅琊王睿更建業，以王導為謀主，江東歸心焉。先是，王導以鍾繇尚書宣示帖、衣帶過江，後傳羲之。王廙四疊宗靖七月二十六日帖，綴衣中以渡江。王僧虔云：「王平南廙，是右軍叔。」

自過江東。右軍之前，惟虞為最。西為明帝師，書為右軍法。

按：羲之學書，取精用宏。鍾索二跡，當為其師法之要者。宣示真跡，後既傳與，則寢饋於是，奪胎於是：自在意中。索靖草帖至唐，豆盧器得之。疊跡猶存（據黃長睿說）王虞以叔父而兼師傳，則此帖為當日教本，亦意中事。但閱帖所模失真，殊無銀鈎蠶尾之勢。遠不若王臨宣示，有意外巧妙，以貽今人也。

308 永嘉二年 戊辰 六歲

309 永嘉三年 己巳 七歲

310 永嘉四年 庚午 八歲

311 永嘉五年 辛未 九歲

四月，石勒執王衍，殺之曰：「破壞天下，非君而誰？」殺之。以其清談誤國也。

洛陽饑，人相食。六月，漢劉聰陷洛陽，遷帝於平陽，遂發掘諸陵。時海內大亂，獨江東差安。士民避亂南渡。王導勸客。收其賈俟庾亮等百餘人。亮弟翼，得張伯英草草十紙，過江顧損，遂乃亡失。本傳謂羲之書，初不勝庾翼。蓋指其少年時之作耳。

312 懷帝永嘉六年壬申 十歲

313 愍帝建興元年癸酉 十一歲

二月，劉聰弒帝於平陽，四月，愍帝即位於長安。

314 建興二年甲戌 十二歲

315 建興三年乙亥 十三歲

丞相睿加王敦都督江、揚、荆、湖、交、廣、六州諸軍事。
晉書本傳云：「羲之幼訥於言，人未之奇。年十三，嘗謁周顛。顛察而異之，時重牛心炙，坐客未致。先割啗羲之。於是始知名。」

316 建興四年丙子 十四歲

劉聰陷長安，愍帝出降。丞相睿移檄北征。

317 東晉元帝建武元年丁丑 十五歲

三月，丞相睿，即晉王位。十二月，劉聰弒愍帝於平陽。

318 元帝大興元年戊寅 十六歲

三月晉王即帝位。

朱傑勤撰王羲之評傳云：「王虞嘗画孔子十弟子并贊昇之云：『余兄子羲之，幼而岐嶷，必將隆余堂構。今始年十六，書画過目便能。就余請書画法，余画孔子十弟子以勵之。嗟爾羲之，可不勗哉！』画乃吾自画，書乃吾自書。吾餘事雖不足法，而書画固可法。汝學書則知積學可以致遠，學画可以知師，弟子行己知道。又各為汝贊之。」審此，羲之於書翰之外，又能繪事矣。」

按：十七帖中，有漢時講堂帖，其周撫託摹取三皇五帝壁画，可以參証。特其画名為書名所掩耳。

張懷瓘書斷云：「衛夫人，名鑠，字茂將。汝陰太守李矩之妻也。隸書（楷）獨善規矩鍾公。右軍少常師事之。永和五年卒年七十八。」

按：羲之學書於衛夫人，世多知之。以杜詩有「學書初學衛夫人，但恨無過王右軍之句。而學書於叔父王虞，則鮮知者。王虞有祥除帖，見淳化閣帖。衛夫人有名姬帖，見玉臺名翰。尚可窺見羲之書法淵源。

319 大興二年 己卯 十七歲

320 大興三年 庚辰 十八歲

王敦統征討，王導專機政。群從子弟，布列頭要。時人為之語曰：「王與馬，共天下。」

321 大興四年辛巳 十九歲

以王導為司空錄尚書事。

晉書本傳：「導為從伯敦等所器重。時陳留阮裕有重名。為敦主簿。敦嘗謂敦之曰：『汝是吾家佳子弟，當不減阮主簿。』裕亦目敦之與王導。王悅為王氏三少。」

世說輕詆篇：「王右軍少時，甚澀訥。在大將軍敦許。王廋二公後來，右軍便起欲去。大將軍留之曰：『爾家司空，元規復何所難。』」

按：此正右軍之明哲處，意其詐眠免禍事合着。

世說假譎篇：「王右軍年減十歲時，乃十九歲為也。大將軍甚愛之。恒置帳中眠。大將軍嘗先出。右軍猶未起。須臾，錢鳳入。屏人論事，却忘燕之在帳中。便言逆節之謀。右軍覺。既聞所論，知無活理。乃引吐污頭面被褥，詐熟眠。敦論事造半，方意右軍未起，相與大驚曰：『不得不除之。』及開帳。乃是吐唾縱橫。信其實熟眠。於是得全。于時稱其有智。」——有謂為王允之事——

322 元帝永昌元年壬午 二十歲

教之師王康卒。

正月，王敦反。三月據石頭城。王導帥宗族每日詣臺待罪。觀世系表，則義之當亦在內。周顛將入，導呼之曰：「伯仁，以百口累卿，顛不共言，而上表明導無罪，導不知，恨之。旋釋導，王敦問導曰：『周顛戴淵南北之望，當登三司，無疑也？』導不答。又曰：『止應令僕射耶？』又不答。敦曰：『若不爾，正當誅爾！』又不答。敦遂收顛。殺之。導後見顛救己之表，執之流涕曰：『我雖不殺伯仁，伯仁由我而死，幽冥之中，負此良友。』

按：此為王族存亡與周顛生死關鍵。亦即義之生死關鍵。覆巢之下無完卵，况復為敦導所器重者哉。周伯仁大公無私，至今書林，亦被其澤。

323 明帝太寧元年癸未 二十一歲

四月，王敦移屯姑孰，自領揚州牧。以王導為司徒。八月，敦表郗鑒為尚書令。鑒還臺。遂與帝謀討敦。世說雅量篇：「郗太傅在京口。遣門生與王丞相書。求女婿。丞相語郗信：『君往東廂，任意選之。』門生歸白郗曰：『王家諸郎，亦皆可嘉，聞來覓婿，咸自矜持，唯有一郎，在牀上坦腹卧，如不聞。』郗公云：『此正好！』訪

之，乃是逸少，因嫁女與焉。

按：東床坦腹，本傳不詳何年。今繫於此。以郝懿求婚，似含政治意味。蓋聯婚於導，乃可謀殺。且亦早知導重羲之，故云：「此正好也。」

324 太寧二年甲申 二十二歲 起家秘書郎

六月，加司徒王導大都督揚州刺史。王敦復反。周撫以二十人從。明帝親征，破之。敦死，衆潰。周撫逃入西陽蠻中。十月，詔原赦黨。周撫自歸關下，時羲之為秘書郎與周撫同在都。

325 太寧三年乙酉 二十三歲

明帝崩，太子衍立。太后（庾氏，庾亮之妹）臨朝。以王導錄尚書事，與庾亮輔政，大要皆決於亮。

326 成帝咸和元年丙戌 二十四歲

卞世臣十七帖疏証云：咸和初，司徒王導輔政。復引周撫為從事中郎。（咸和初）掇出為江夏相。（咸和六年）監沔北軍，鎮襄陽。（四年以後）歷守豫章，代母卽與監巴東軍事，刺益州。

按：此為周撫一生官歷，共載之十七帖考証有關。是年周撫為從事中郎，共載之同在都。

327 咸和二年丁亥 二十五歲

周撫出為江夏相，共載之分別。

328 咸和三年戊子 二十六歲

329 咸和四年己丑 二十七歲

330 咸和五年庚寅 二十八歲

331 咸和六年辛卯 二十九歲

332 咸和七年壬辰 三十歲

333 咸和八年癸巳 三十一歲

334 咸和九年甲午 三十二歲 征西參軍，累遷長史

本傳：「起家秘書郎，庾亮請為參軍，累遷長史。」

庾亮都督江、荆、豫、益、梁、雍六州諸軍事。進號征西將軍，鎮武昌。辟殷浩為記室參軍，羲之與殷浩為同僚。

魯一同云：「逸少以咸和九年參庾亮軍事，遷長史。征西幕中，若殷淵源庾稚恭王修齡范玄平之徒。又孟嘉亦嘗在庾武昌幕。孫盛嘗為庾公記室參軍，亦時南桂嘯詠，才俊如林。」

世說容止篇：「庾太尉在武昌。秋夜氣景清，使吏殷浩王胡之之徒登南樓理詠。音調始道。聞函道中，有履聲甚厲。定是庾公。俄而率左右十許人，步步來。諸賢欲起避之。公徐云：「諸君少住，老子於此處，與復不淺！」因便據胡床，與諸人談謔，竟坐甚得任樂。後王逸少下，與丞相言及此事。丞相曰：「元規爾時風範，不得不小頽。」右軍答曰：「唯丘壑獨存。」

335 成帝咸康元年 乙未 三十三歲 臨川太守

華三按：由庾亮鎮武昌，羲之參亮幕起，至亮卒，前後六年中，歷覽世說新語，中興書及虞詡陶弘景等記載，羲之事迹，似尚有1. 為會稽王友。 2. 官臨川太守。 3. 官兵興等事。均在江州刺史之前。述論如次：

世說品藻篇：「三修齡問王長史：「我家臨川，何如卿家宛陵？」長史

未答。修數曰：「臨川嘗貴。」其史曰：「宛陵未為不貴。」

晉中興書：「羲之自會稽王文改授臨川太守，王述從驃騎將軍召籍

功曹，出為宛陵令。」

按：兩書均兩人兩事并舉。可知其時間大致相同。而羲之官臨

川，本傳失載。考王述於咸和九年拜散騎常侍，加驃騎將軍。

述傳稱：「康帝（疑為咸康之誤）為驃騎將軍，召輔功曹出為宛陵

令，以此例彼，想羲之為臨川，亦其時也。姑繫於咸康元年，以

俟博雅。

虞翻論書表云：「羲之所書紫紙，多是少年臨川時迹。既不足觀，

亦無取焉。」

陶弘景云：「逸少自吳興以前，諸書猶為未稱。凡厥好迹，皆是向

在會稽時永和十許年中者。」

按虞翻所謂臨川，陶弘景所謂吳興。史均失載，此時羲之書法

尚未成熟也。

336 咸康二年 丙申 三十四歲

337 咸康三年 丁酉 三十五歲 官吳興或於此年？

338 咸康四年 戊戌 三十六歲

以司徒導為太傅，都督中外諸軍事。都鑿為太尉。庾亮為司空。六月更以導為丞相，罷司徒官。

339 咸康五年 己亥 三十七歲

三月，庾亮請伐趙。丞相導請許之。太尉都鑿以為費用未備，不可大舉。詔諭止之。七月，丞相王導卒。（六十四歲）徵亮為丞相，亮固辭。八月，太尉都鑿卒。以庾冰為揚州刺史，督揚豫兗三州軍事。冰辟謝安下郡縣（時安年廿歲）敦逼起召，月餘告歸。

世說言語篇：「王右軍與謝太傅共登冶城。謝悠然遠想有高世之志。王謂謝曰：『夏禹勤王，手足胼胝。文王旰食，日不暇給。今四郊多壘，宜人人自效，而虛談廢務，浮文妨要，恐非當今所宜。』」謝答曰：「秦任商鞅，二世而亡。豈清言致患耶？」

按：王衍以清談誤國，石勒既殺之矣。羲之針對時病，箴勉謝安，羨賞其國器，欲與之并轡中原。其意甚懇。安雖狡辯，而結果不負蒼生，未始非羲之一箴之力。

340 咸康六年 庚子 三十八歲 寧遠將軍江州刺史

正月，司空庾亮卒。（五十二歲）庾翼都督江荆等州軍事。亮傳

：「亮臨薨，上疏，稱羲之清貴鑒裁，遠字遠將軍，江州刺史。」

有庾雖疾篤帖云：「庾雖疾篤，謂必得治力，豈圖凶問奄至，痛絕

情深，半年之中，禍毒至此，尋念相催，不能已已。况弟情何可

任，庶等荼毒殆盡，豈可忍視，言之酸心，奈何奈何。」

按：五年七月，王導卒，八月郝鑿卒，六年正月庾亮卒，七月

月中，伯父，岳父府主相繼逝世，并有知己之感者，故其辭氣

悽酸如此。

齊王僧虔云：「庾征西翼書。少時與右軍齊名，右軍後進，庾猶不

忿，在荊州與都下書云：（小兒輩乃裁家難，皆學逸少書。須吾

還，當比之。）

宋虞詡諭書表云：「羲之書，在始未有奇殊。不勝庾翼都督惜。迨其

末年，乃造其極。嘗以章草答庾亮。亮以示翼，翼嘆服。因與羲

之書云：「吾昔有伯英草草十紙，通江亡失，常痛妙跡永絕。忽見

足下答家兄書，煥若神明，頓還舊觀。」

按：兩事并觀，不特庾亮稱其清貴鑒裁。而庾翼亦嘆服其書法

矣。

卅咸康七年辛丑 三十九歲

342 咸康八年 壬寅 四十歲

343 康帝建元元年 癸卯 四十一歲

是年詔議經略中原，庾翼移鎮襄陽。

有安西帖云：「一昨得安西六日書，無他，無所如說，故不復付送。」

讓都督表，亦復常言耳。

又有推恭進鎮帖云：「羲之死罪，伏想朝廷清和，推恭遠進鎮，東西齊舉，想慰定有期也。羲之死罪死罪。」

按：庾翼鎮荊州，以石虎哀暴，屢表北伐，時朝議有異同，羲之初見其表，殊未之重，故亦以為常言。及聞其移鎮襄陽，廣農畜穀，綏未招納，經略深遠，又遣使東至遼東，西到涼州。要結二方，欲同大舉，羲之以為剋定有期。是不特庾翼折服羲之之書法，羲之亦折服庾翼之謀略矣。惜夫，天不假年，賁志以歿。翼於永和元年七月卒，年四十一。

王澍云：晉自渡江後，中原淪沒。右軍深痛惜之，故於庾推恭經略中原，桓宣武北征入洛。切切經心，屢書及之，忠愛之意，蓋可見矣。

344 建元元年 甲辰 四十二歲 第七子獻之生

張懷瓘書斷云：子敬為中書令。太元十一年卒於官，年四十三。據此上推，應生於是年。

345 穆帝永和元年乙巳 四十三歲

七月，江州都督庾翼卒。會稽王以撫軍大將軍輔政。引郝曇（右軍妻弟）為司馬。十七日帖行謂郝司馬者是也。

346 永和二年丙午 四十四歲

三月，以殷浩為揚州刺史。

十一月，桓溫率征虜將軍周撫等伐蜀，有速送袍米帖。云：十四日諸問如昨。云西有伐蜀意，復是大事，速送袍米。

按：桓溫周撫皆戰將，故羲之聞訊而賦同袍。及殷浩謝萬總兵戎，羲之即貽書苦諫，蓋非其長也。以此知羲之知人，若遂其宣撫之志，則謝安不得專美於後矣。

347 永和三年丁未 四十五歲

三月，桓溫敗漢兵於笮橋。進至成都。漢主勢降。溫留成都三十

日。振旅還江陵。以周撫督梁州諸軍事。遷平西將軍益州刺史。有嚴君平及譙周有孫（秀）帖。包世臣十七帖疏証云：「唐臨本及大觀帖，兩帖皆連為一。文義為優。從之。此帖定是永和三年，右軍為江州刺史時，聞宣武平蜀而致之者。留意人材表章氣節。乃懷柔反側第一義。宣武薦秀，卒不起。未必非此書啟之。撫欲與之士，觀虞安吉帖，止叙弗論資。是未可共言此也。此帖定與桓温。

本傳：「羲之既少有美譽，朝廷公卿，皆愛其才器。頻召為侍郎吏部尚書。皆不就。後授護軍將軍，又推遷不拜。揚州刺史殷浩，雅重之，勸使應命，乃遺羲之書曰：「悠悠者以足下出處，觀政之隆替。如吾等亦謂為然。至如足下出處，正與隆替對。豈可以一世之存亡，必從足下從容之適。幸徐求衆心，不時起復。可以求美政。不若豁然關懷，當知萬物之情也。羲之遂報書曰：「吾素自無廊廟。直王丞相時，果欲納吾，誓不許之。手跡尚存，由來尚矣。不於足下參政，而方進退。有兒娶女嫁，便懷子平之志，教典親知言之非一日也。若蒙驅使，巴蜀關隴，皆行不辭。吾雖無專對之能，直謹守時命，宣國家威德，固當不同於凡使。必令遠近咸知朝廷留心於無外。此所益，遠不同居護軍也。漢末袁太傅為

日碑慰撫關東。若不以吾輕微，無所為疑。宜及初冬以行，吾惟
恭以待命。

348 穆帝永和四年 戊申 四十六歲 護軍將軍

八月，加桓溫征西大將軍，溫既滅蜀，威名復振。朝廷憚之。會
稽王昱，以殷浩夙有盛名，朝野推服。乃引為心膂，共參綜朝權。
欲以抗溫。浩以羲之為護軍將軍，羲之以內外和協，然後因容
可安。勸浩不宜共溫構隙。浩不從。羲之與人書云：「下官乃勸令
函廉蒞於屏風。所以開解者甚至矣，而浩不悟。
太平御覽載，羲之臨護軍教：「今所在要在於公役均平。其羗太史
忠謹在公者，履行諸營，家至人苦，暢吾乃心。其有老落薦瘡，
不堪從役或有飢寒之色，不能自存者。區分處別，自當參詳其宜。
按：調查疾苦，撫卹軍情，於斯見羲之之盡職。」

十二月廿四寫樂毅論。

張懷瓘書函云：「子敬五六歲時學書。右軍潛於後，掣其筆，不脫
，乃嘆曰：「此兒當有大名，遂書樂毅論與之。」
一說：此說與虞蘇所記事同而年略異，姑并存之。

349 永和五年 己酉 四十七歲

本傳：義之既拜護軍，又苦求宣城郡（此是五年事）不許，乃以
為右軍將軍會稽內史（此是六年事）。

有司州供給帖及太常司州帖，又有司州疾篤帖共同撫。
包世臣云：右軍以永和四年，由江州刺史，入為護軍將軍，在都
城。故問教違也。修載名書之。王廙世將之子，為鄱陽太守，故
云在遠。司州名胡之，字修齡，修載之兄。皆右軍同祖弟。永和
五年，石季龍死，朝議以修齡有聲譽，用為司州刺史。以綏集河
洛。辭有疾，未行而卒。太常帖喜其平復，而疾篤帖則又痛其病
重不果赴任也。

按：以上包說是也。至所云皆盡事勢，吾無間然者，乃指勸殷
浩不宜與桓溫構隙事，似撫來書，亦以為然。其義之有同心也
包氏以為指永和六年殷浩假節督北伐事，則司州已逝一年，不
應有疾篤字樣矣。且晉北伐，亦永和六年開始。此帖仍應繫於
五年。

義之師衛夫人卒。年七十八。

350 永和六年 庚戌 四十八歲 右軍將軍會稽內史

朝廷聞中原大亂，復謀進攻。以殷浩為中軍將軍，督揚豫徐兗青

州諸軍事。

朱傑勤著三藏之評傳云：「羲之臨就會稽內史之職，非其志也。自謂如此鄒郡，江東所發，自非復弱幹斯堪。」辭郡帖「尋復逼，或謂不可。以恭命，遂不獲已，處世之道盡矣。」恭命帖蓋欲報朝廷之知遇也。及苻郡，而荒災迭起，蓋軍興以來，剝削遺黎，刑徒竟路。大軍之後，必有凶年。非具經濟長才，不能解危也。羲之其人書云：「此郡之弊，不謂頽至於此。諸連滯非復一條，獨坐不知何以為治，自非常才行濟。吾無故舍逸就勞，恨無所復及矣。雖屬一時之憤言。而此郡之棘手難理可知。幸羲之富於責任，戮力從事，不避權勢，民有觀色，開倉賑貸。朝廷賦役繁重，吳會尤甚，羲之每上疏爭之，朝廷推重其人，事多見從。羲之懷抱，得以少舒。」

又吳謝安（按此時謝安未出東山，當是謝尚）書曰：「頃所陳論，每蒙允納。所以令下，小得蘇息，各安其業。若不尔，此一郡久以蹈東海矣。今事之大者未布，漕運是也。吾意望朝廷，可由下定期，委之所司，勿復催下。但當歲終，考其殿最，長吏尤殿，命檻車送詣天台，三縣不舉，二千石必免，或可左降，令在疆塞極難之地也。又自吾到此，從事常有四五，兼以臺司及都水御史

行台、文符如雨，倒錯違背，不復可知。吾又曠日循常，推前取重者，及紀綱經者，在五曹，主者蒞事，未嘗得十日，吏民趨走，功費萬計。卿方任其重。可徐尋所言，江左平日，揚州一良刺史，便足統之。况以群才，而更不理，正由為法不一。牽制者衆，愚簡而易從。便足以保守成業，倉督盜耗官米，動以萬計。吾謂誅剪一人，其後便斷，而時憲不同。近檢校諸縣（會稽郡領山陰、永興、餘姚，上虞、剡、剡等縣）無不皆然。餘姚近十萬斛。重斂以資奸吏，令國用空乏，良可嘆也。自軍興以來，征役及充運，死亡叛散，不反者衆，虛耗至此，而補代循常，所在凋困，莫知所出。上命所差，上道多叛，則吏及叛者，席捲而去。又有常制，輒令其家及同伍課捕，課捕不禽，家及同伍，尋復亡叛。百姓流亡，戶口日減，其源在此。又有百工醫寺，死亡絕滅，家戶空盡，差代無所。上命不絕。事起或十年十五年，彈拳獲罪無懈息，而無益貴事，何以堪之。謂自今請死罪，原輕者及伍歲刑，可以充此。其減死者可充兵役。伍歲者，可充雜工醫寺。皆令移其家，以實郡邑。郡邑既實，是政之本，又可誘其亡叛。不務其家，逃亡之患，復如初耳。今除罪而驅雜役，盡移其家，小人愚迷，或以為重於設戮，可以絕姦，刑名雖輕，怨肅貴重。豈

非適時之宜耶？

按：義之漕運賑災諸法，以粟救人，已較移人就粟為進步。其防止作弊，亦洞徹事情，至於民賊監守自盜，殺一警百，雖未徹底，亦可稍紓人民之怨也。其指出百姓流亡癘結所在，及補救之方，均匡時之要略。惜珠顧上下，知此者鮮。普墓去官，蓋有由也。又有斷酒帖云：「斷酒事，終不見許。然守之尚堅。弟亦當思同此懷。此郡斷酒一年，所省百餘萬斛。米乃過於粗，此救民命，當可勝言。」又與謝尚書云：「百姓之命如倒懸，吾夙夜憂此，時既不能開倉庾賑之。因斷酒以救民命，有何不可。斷酒節流，權宜救急，雖為朝議所不許。而救民於倒懸，勇於任過。此亦義之偉大處。不徒以藝術傳世也。」

有1.致邛竹杖帖 2.見諸葛頭帖 3.漢時講堂帖 4.蓋井火井帖 5.朱處仁帖。皆與周撫。包世臣云：「以上五帖，當是一書。先謝遠思，次雜問蜀事，末附致朱書，係由護軍出守會稽後作。」

朱處仁帖，包世臣云：「處仁當是龍驤將軍朱壽。穆帝紀所載，永和五年與撫同擊范贛，平益州者也。」

又有1.戎蓋帖 2.吾服食久帖 3.天鼠膏帖 4.虞安吉帖。皆與周撫者，但不能定為何年類附於此。

又有龍保帖，吾在官帖，彼所須帖。包氏云：三帖不得主名，大都其郡從也，在官帖之永興，即今蕭山。去會稽七十里。玩（在官諸里極差）語氣，當指上述救荒，斷酒，漕運，供役諸事，亦類附於此。（又凡本譜所引十七帖均以張伯英藏勅字祖本為據。）

351 永和七年辛亥 四十九歲

魯一后著方里丘謬，定是年自護軍將軍，遷會稽內史。有辭郡帖恭命帖，殊遇帖及會稽帖，此郡帖，凡在郡論事請帖；如上虞縣事、諸暨、餘姚，諸帖皆是。皆在後四年中，但不可殊晰耳。本傳為會稽，不著何年，按王述傳：出補臨海太守遷建威將軍會稽內史。母憂去職。服闋，代殷浩為揚州刺史。穆帝紀：永和十年二月，廢揚州刺史殷浩為庶人。以前會稽內史王述為揚州刺史。據此上推，則述之居憂去職，當在今年，逸少代述，故知為會稽內史，在此年也。

華三按：羲之代王述為會稽內史，仍以包世臣說在六年為是。蓋十年二月乃王述三年服闋就職之期。上推丁母憂應為七八九三年也。

宋虞絳論書表云：羲之為會稽，子敬七八歲（獻之時年八歲）學

書，義之從後學其筆不脫。嘆曰：此兒，後當有大名。子敬出戲，見北館新泥墜壁白塗，子敬取帚，沾泥汁書方丈（當是尺字）一字。觀者如市。義之見嘆美。問所作？答云：七郎。義之作書，共親故云：子敬飛白，大有意。是因於此壁也。

352 永和八年 壬子 五十歲

秋，安西將軍謝尚共姚襄共攻張遇，秦符堅等救之，尚等戰敗，奔還淮南，殷浩自許昌，還屯壽春。已而浩復謀再舉，義之遺浩書曰：知安西敗喪，公私惋怛。不能須臾去懷。以區區江左，所營綜如此。天下寒心，固已久矣。而加之敗喪。此可熟念。往事豈復可追。願思弘將來，今天下寧命有所，自隆中興之業，政以道勝，寬和為本，力乘武功，作非所當，因循所長，以固大業。想識其由未也。自寇亂以來，處內外之任者，未有深謀遠慮，括囊至計，至疲竭根本，各從所志，竟無一功可論，一事可說。忠言嘉謀，棄而莫用，遂令天下將有土崩之勢，何能不痛心悲慨也。任其事者，豈得辭四海之責。違咎往事，亦何所復及。宜更虛己求賢，當共有識共之。不可復令忠允之言，常屈於當權。今軍破於外，資竭於內，保淮之志，非復所及。莫若還保長江，都督

將各復舊鎮。自長江以外，羈縻而已。任國鈞者，引咎責躬，深
自貶降，以謝百姓。更其朝賢思布乎正，除其煩苛，省其賦役，
與百姓更始。庶可以允塞群望。救倒懸之急。使君起於布衣，任
天下之重，尚德之舉，未能事事允稱，當重統之任，而喪敗至此
，恐國朝群賢，未有其人分其勞者。今亟修德補闕，廣延群賢，
莫之分任，尚未知獲濟所期。若猶以前事為未了，故復求之於分
外，宇宙雖廣，自容何所？知言不必用，或取怨執政。然當情愜
所在，正自不能不盡懷極言。若必親征，未達此旨。果行者，愚
智所不解也。願復與衆共之，復被州符，增運十石。徵役兼至，
皆以軍期，對之喪氣，罔知所厝。自頃年剝削遺黎，刑徒竟路，
殆同秦政，惟未加慘夷之刑耳。恐勝廣之憂，無復日矣。浩不從
，遂進屯河口，寢且以軍興，罷遣大學生徒，學校由此遂廢。
羲之又與會稽王昱機，陳述殷浩不宜北伐，并論時事曰：古人耻
其君不為堯舜北面之道，豈不願尊其所事，比隆往代，况遇千載
一時之運，願智力屈於當年，何得不獲無重而處之也。一指會稽
王為帝所倚重。今雖有可欣之會，內求諸己，而所憂乃重於所欣
。一可欣指中原大亂，可憂指桓溫專橫。傳云：一自非聖人，外
事必有內憂。今外不憂，內憂已深，古之強六者者，或不謀於衆

傾國以濟一時功者，亦往往有之。漢獨運之明，足以遠矣，哲勞之弊，終獲永逸者可也。求之於今，可得擬議乎。夫廟算決勝，必宜審量彼我，為全而後動。功成之日，便當因其衆而即其實。今功未可期，而遣黎曠盡，萬不餘一。且十里饋糧，自古為難。況今轉運供繼，西輸許洛，北入黃河。雖秦政之弊，未至於此。而十室之憂，便以交至。今運無遲期，徵求日重。以運運吳越，經緯天下，十分之九，不亡何待。而不度德量力，不弊不已。此則內斯痛心嘆悼，而莫敢吐誠。往者不可諫，來者猶可道。願陛下更垂三思，解而更張。令殷浩荀羨，遠據合肥，廣陵，許昌，譙郡，梁，彭城諸軍皆還保淮，為不可勝之基，須根立勢舉，謀之未晚。此實當今策之上者，若不行此，杜榘之憂，可計日而待。安危之機，易於反掌。考之虛實，著於目前，願運獨斷之明定於一朝也。地淺而言深，豈不知其未易。然古人處閭闔行陣之間，尚或干時謀國。評議者不以為識。况刑大臣未行，豈可默而不言哉。存亡所繫，決在行之。不可復持疑復機，不定之於此，後致悔之亦無及也。殿下德冠宇內，以公室輔朝，最可直道行之。致隆當年，而未允物望，受殊過者，所以寤寐長嘆，實為殿下惜之。國家之慮深矣！常恐伍員之憂，不獨在昔，麋鹿之游，將不

止林藪而已。願殿下暫廢虛遠之懷，以救倒懸之急。可謂以亡為存，轉禍為福。則宗廟之慶，四海有賴矣。

按：羲之兩箋，針對國策，其經國抱負，抗衛謝安，至於披肝瀝胆，剴切陳辭，其辭則懇，其意則誠。兩牋詞情，溢氣迴腸，其蘭亭一序，為一生三大傑作。無如會稽王、殷浩等，與桓溫心病已深。浩更欲以北伐大功，打擊桓溫。卒不聽羲之忠言，致有山桑之敗，為桓溫疏劾，廢為庶人，重為天下譏笑。親者所痛，仇者所快。其殷浩之謂歎！自負匡時好才略，彼天強派作詩人。其羲之之謂歎！

有與周撫十七日帖云：十七日先書，都司馬未去，即日得足下書為慰。先書以具，示復數字。

又有別廿六年帖云：計與足下別廿六年於今，雖時書問，不解瀟灑，省足下先後二書，但增慨嘆，頃積雪凝寒，五十年中所無，想頃如常，冀耒夏秋間，或復得足下問耳，比者悠悠，如何可言。按兩帖可能是先後書，廿六年為先書，十七日為後書。羲之自稱五十歲，與周撫別廿六年，數字至為明顯。按周撫於咸和元年，王導引為從事中郎。旋出為江夏相。當為二年事，與羲之別亦當在是時。由咸和二年至永和八年，恰為廿六年也。比者悠悠，如

何可言。是指謀尚（安西）敗後，言諛殷浩謀再舉事。包世臣列入永和五年指楮襄北伐敗績事，未確，玩詞意，殊不尔。

353 永和九年癸丑五十一歲

三月，蘭亭修禊，有蘭亭帖。

元帝之過江也，吳人未附。從王導計，藉觀修禊。乘肩輿，具威儀。王導等皆騎從。吳人紀瞻顧榮者，江南之望族也，見之驚異。相帥拜於道左。乃以紀瞻為軍祭酒，顧榮為軍司，加散騎常侍。由是江東歸心焉。自此相沿，是年三月三日，羲之與太原孫統等四十二人，修禊於山陰之蘭亭。脩吳俗也。流觴賦詩，羲之製序云：永和九年，歲在癸丑，暮春之初，會於會稽山陰之蘭亭，修禊事也。群賢畢至，少長咸集。此地有崇山峻嶺，茂林修竹，又有清流激湍，映帶左右，引以為流觴曲水，列坐其次。雖無絲竹管絃之盛，一觴一詠，亦足以暢敘幽情。是日也，天朗氣清，惠風和暢。仰觀宇宙之大；俯察品類之盛，所以遊目騁懷，足以極視聽之娛，信可樂也。夫人之相與，俯仰一世，或取諸懷抱，悟言一室之內，或因寄所託，放浪形骸之外。雖趣舍萬殊，靜躁不同。當其欣於所遇，暫得於己，快然自足，曾不知老之將至。

及其斯之既倦，情隨事遷，感慨係之矣。向之所欣，俛仰之間，已為陳迹。猶不能不以之興懷，况修短隨化，終期於盡。古人云：「死生亦大矣。」豈不痛哉！每覽昔人興感之由，若合一契。未嘗不臨文嗟悼，不能喻之於懷。固知一生死為虛誕，齊彭殤為妄作。後之視今，亦由今之視昔。悲夫！故列敘時人，錄其所述，雖世殊事異，所以興懷，其致一也。後之覽者，亦將有感於斯文。

王羲之、孫統、謝安、謝萬、孫綽、徐豐之、王彬之、王凝之、王徽之、王徽之、袁嶠之等十一人，各成五言四言詩各一首。郗曇、王豐之、華茂、庾友、虞說、魏滂、謝暉、庾嶽、孫嗣、曹茂之、曹西平、桓偉、王玄之、王蘊之、王渙之等十五人，各成一首。謝勝、王獻之（時年十歲）等十六人詩不成，各罰酒三巨觥。羲之詩云：

代謝鱗次，忽焉以周。欣此暮春，和氣載柔。詠彼舞雩，異此同流。乃攜齊契，散懷一丘。

三春啟群品，寄暢在所因。仰瞻碧天際，俯瞰綠水濱。寥朗無涯觀，寓目理自陳。大矣造化功，萬殊靡不均。群籟雖參差，適我無非親。

黃長睿云：右軍生於惠帝太安二年癸亥。歿於穆帝升平五年辛酉。

蘭亭之道，時年正五十有一，是也。

又世說新語企羨篇：「王右軍得人以蘭亭集序，方金谷詩序。又以
己獻石崇，甚有欣色。劉孝標註云：「王羲之臨河叙曰：『永和九年
，載在癸丑，暮春之初，會於會稽山陰之蘭亭，修禊事也。群賢
畢至，少長咸集。此地有崇山峻嶺，茂林修竹。又有清流激湍，
映帶左右，引以為流觴曲水，列坐其次。是日也，天朗氣清，惠
風和暢。仰目騁懷，信可樂也。雖無絲竹管絃之盛，一觴一詠，亦
足以暢敘幽情矣。故列叙時人，錄其所述，右將軍司馬太原孫
丞公等二十六人，賦詩如左。前隸姚令會稽謝勝等十五人不能賦
詩，罰酒各三斗。」

按：此註即李文田據以致疑蘭亭者也。文田之疑頗有理，不知
兩篇，皆羲之作也。蓋蘭紙原稿，為當日與會之作。夫人以下
大段理論，一彈三數，有目共賞。然詞氣不無小類，甚非從政
者所宜。所以刑去該段，或成短篇之臨河叙，即劉孝標所引者，
乃當時所發表之詩序也。果如是，則兩篇文章，皆羲之手筆也。
稿之與發表之文多不同也。蘭紙原稿，書法絕佳。羲之本自珍
之。以貽子孫。至唐始類於世，故本傳引用之也。蘭紙文章，
令人迴腸盪氣。若臨河叙，則按步就班而已。由宋至梁，臨河

叔行世，而蘭然未出，又何怪昭明文選之不收也。蘭然既出，又關昭陵，實為千古恨事。幸而定武石刻，尚存吳炳本柯九思本，獨孤本故宮本等，以嘉惠書林。至今日而得解決蘭亭諸說，一亦一快事也。至於石崇莫得比羲之，金谷之會莫得比蘭亭。潘岳金谷詩序莫得比蘭亭詩序，世說所論，亦屬失當。人才人格，固有天淵之別矣。

是年姚襄屯歷陽，殷浩惡其彊盛。屢遣刺客刺之，客皆以情告襄。七月，浩又潛遣魏懷襲襄，襄斬景，并其衆。十月，浩自壽春帥衆北伐，欲進據洛陽，修復園陵。以襄為前驅。襄引兵北行，度浩將至，偽遁，而陰伏甲於山桑以邀之。浩大敗。走保譙城。浩既與桓溫構隙，又迫姚襄，而欲留北伐功，衆師誤國，果如羲之言。

魯一曰云：彙令簡文納其嘉謀。淵源捐其忿介。將相和同，無生嫌衅，溫雖雄狠，未有窺覷之漸也。石氏內亂，羗姚輸誠，與復之機，無逾此日，誠如逸少本謀，先固根本，因循所長，然後撫輯士衆，招輯河洛，連綴關輔，縱不自勝，規撫所及，或未易量，即萬萬不然，亦未至離披，若斯之甚也。魯氏此論，亦深識羲之偉大者。

354 永和十年 甲寅 五十二歲

正月，殷浩以罪，免為庶人。以王述為揚州刺史。內外大懼，一歸桓溫。浩之廢，桓溫彈勅之也。有吳孔彭祖帖云：「殷廢責事，便行也，令人嘆恨無已！合觀勸令盡廉，於屏風一語，並覺痛心。」二月，桓溫帥師伐秦。四月，大敗秦兵於藍田。進軍灊上，三輔皆降。民持牛酒迎勞，有垂泣者曰：「不審今日復覩官軍。」五月，溫共秦苻雄等戰于白鹿原，不利。溫軍乏食而歸。溫雖善戰，而糧食不繼，始勝終敗，羲之先謀漕運，所見遠矣。庾亮賞其裁鑿，非虛語也。

355 永和十一年 乙卯 五十三歲

三月九日，誓墓去官，其誓文云：「維永和十一年三月乙卯朔，九日辛亥。小子羲之，敢告二尊之靈，羲之不天，夙遭閔凶，不蒙過庭之訓。母兄鞠育，得漸庶幾，遂因人乏，蒙國寵榮，進無忠孝之節，退違推賢之義。每仰詠老氏周任之誡，常恐死亡無日，憂及宗祀，豈在微身而已。是用寤寐永嘆，若墜深谷，止足之分，定之於今。謹以今日吉辰，肆筵設席，稽顙歸誠，告誓先靈。」

自歸之後，敢逾此心，貪冒苟進，是有無尊之心而不子也。子而不子，天地所不覆載，名教所不得容。信誓之誠，有如皦日！
按：羲之誓墓去官，主因在於所謀不用，國事日非，乃藉口。共王述孝意氣事而辭職。其用心亦良苦矣。

魯一同云：「咸康之始，嘗生王度，永和之世，憂在殷桓，小國多門，斯亡無日。」亦深知羲之處境者。又按誓墓帖世無善本，其末署智永二字者亦未佳。

晉書本傳云：「驃騎將軍王述少有名譽，與羲之齊名。而羲之甚輕之，由是情好不協。述先為會稽，以母喪居郡境，羲之代述止一吊，遂不重詣。述每聞角聲，謂羲之當候己，輒洒掃而待之。此此累年，而羲之竟不顧，述深以為恨。及述為揚州刺史，將就徵。周行郡界，而不過羲之，臨發一別而去。」

世說忿捐篇：「王藍田（述）性急，嘗食雞子，以筋刺之，不得。便大怒。舉以擲地。雞子於地圓轉未止。仍下地，以屐齒踏之。又不復得，嗔甚。復於地取納口中，齧破即吐之。右軍聞而大笑。曰：「使安期有此性，猶當無一毫可論。况藍田耶！」又仇隱篇：「王右軍素輕藍田。藍田晚節論譽轉重，右軍尤不平。藍田於會稽丁難。倚山陰治喪，右軍代為郡，屢言出吊，連日不果。後詣門自通，

主人既哭，不前而去，以陵辱之。於是彼此嫌隙大構，後蓋田臨揚州，右軍尚在郡，初得消息，遣一參軍詣朝廷，求分會稽為越州（揚州統郡十八，第八為會稽郡）使人受意失旨，大為時賢所笑。蓋田密令從事數其郡諸不法，以先有隙，今自為其宜。右軍遂稱疾去郡，以憤慨致終。

朝廷以其誓苦，亦不復徵之。

羲之既辭官，其謝萬書曰：「古之辭世者，或披髮佯狂，或污身穢跡，可謂艱矣！今僕坐而獲免，遂其宿心。其為慶幸，豈非天賜！遺天不祥，頃東遊還，脩植桑果，今或敷榮。率諸子，抱弱孫（桓之等）游觀其間。有一味之甘，割而分之，以娛目前。雖植德無殊逸，猶敬教養子孫，以敦厚遐讓，戒以輕薄。庶令舉策數馬，彷彿萬石之風。君謂此何如？比當與安石，東遊山海。（安尚在）」

世說言語篇：謝太傅語王右軍：「中年傷於哀樂。其親友別，輒作」

者志於大、不肖志其小。無陵見君，故悉心而言以當一面。

世說言語篇：謝太傅語王右軍：「中年傷於哀樂。其親友別，輒作」

數日恙。王曰：「年在桑榆，自然至此，正賴絲竹陶寫，恒恐兒輩覺，損欣樂之趣。」

按：兩書合觀，恍與陶潛歸去來辭，先定蓋本。本傳謂羲之。初渡浙江，便有終焉之志。會稽有佳山水，名士多居之，謝安未仕時，亦居焉。孫綽李充許詢支道等，皆以文義冠世，并築室東土，與羲之同好。至是，既辭官，得償素志。優遊山水，此時書法更臻化境。

世說言語篇：王子敬云：「從山陰道上行，山川自相映發，使人應接不暇。若秋冬之際，尤難為懷。」會稽郡記曰：「會稽境特多名山水，峯岩隆峻，吐納雲霧。松栝楓柏，擢幹竦條。潭壑鏡微，清流瀉注。王子敬見之曰：「山水之美，使人應接不暇。」又世說任誕篇：「王子猷居山陰，夜大雪，眠覺，開室命酌酒。四望皎然。因起彷徨，詠左思招隱詩。忽憶戴安道。時戴在剡，即便夜乘小船就之。經宿方至。造門，不前而返。人問其故，王曰：「吾本乘興而行，興盡而返，何必見戴？」觀於二子軼事，可見羲之在山陰時殊多佳興也。有快雪帖，乃其山陰張彥者。帖云：「羲之頓首，快雪時晴，佳想安善，未果為結，力不次，王羲之頓首。」山陰張彥宋虞蘇論書表云：「羲之罷會稽，住蕺山下。一老嫗捉十許六角竹

扇出市。王問一枚幾錢？云值二十許。右軍取筆書扇，扇各五字，拒大恨惋。云：「舉家朝餐，惟御於此，何乃書壞？」王云：「但言：王右軍書字索一百。」入市，市人競市去。燒復以十數扇未請書，王笑不答。又羲之姓好鵝。山陰曇礪村，有一道士，養好鵝十餘。王清旦乘小船，故往。意大願樂。乃告求市易，道士不與。百方譬說，不能得。道士乃言：「性好道，久欲寫河上公老子，嫌素早辦，而無人能書。府君若能自屈，書道德經各兩章，便合群以奉。」羲之便住半日，為寫畢，羸鵝而歸。又嘗詣一門生家。設佳饌，供億甚盛，感之，欲以書相報。見有一新裴牀几，至滑淨，乃書之，草正相半。門生送王歸郡，還家，其父已刮盡。生失書，驚懊累日。孫通庭所謂：「老姥遇題扇，初怒而後請。門生獲書几，父削而子憊。」蓋指此也。

有今在田里帖，來禽帖，皆與周撫。包氏以兩帖合為一書。云：「前人有謂此帖與桓宣武，宣武以永和三年減蜀。右軍以十一年去官。帖云：今在田里。」是去官後語。宣武未再至蜀，何能與宣武耶？」

按：「羲之與周撫索青李來禽櫻桃日始藤四種菓樹子。明言在田里，以種菓為事。與致謝萬書相應，蓋道實也。」

包氏又以：1. 吾前東帖。2. 瞻近無緣帖。3. 叔當西帖三帖。皆與郝惜。并定吾前東一帖，為永和十一年書。云：會稽在全陵東。南朝所謂東郡、東土、東中，皆斥會稽。吾前是辭內史後語，等待也。言同是逸民之志，何以遲遲不決。作方者誤。復及此似夢中語。想右軍去官時，惜有書留之也。此帖當其方面。方回既姻親，又同志。措詞直爽，胡桃帖，（言服食事）未許吾此志之說，所由來也。

淳化閣帖有里人採藥帖云：鄉里人採藥，有發夢而得此藥者，足下豈識之否？乃云：（服之令人仙）不知誰能試者？形色故小異，莫即嘗見者？謝二侯。（謝二侯乃受書者姓名）

按魏晉皆以篡奪得國，猜忌特多。士大夫遁於莊老，初以求免禍。寢而成風氣。清淨無為。服食養性，脫離現實，清談鳴高。王衍既作俑於前，殷浩謝萬，復結惡果於後。清言廢務。羲之知所以誠謝安，而服食求神仙，不遠千里而採藥。則羲之不能自免。本傳謂：羲之雅好服食養性。既去官。與道士許邁共修服食，窮諸名山，泛滄海。曾與周撫索戎鹽，云是服食所須。又謂吾服食久，猶為劣者。則其服食早在四十許時。至去官後更加甚耳。

晉時道家燒丹鍊汞，鍊五石服食，以為長生之術。（抱朴子謂五石者：丹砂，雄黃，白礬石，曾青，磁石也。）昔人謂石含毒素，燒煉不得當，服之不得法，每每致死。羲之所服之戎蓋與五石是不同類，留待藥物學家研究。又云：服食之後，體熱特甚，須遊行發散之。此與晉人愛穿裙及着屐有關。故羲之帖，累言「行散」而謝安好以木屐遊山。此中微妙處，亦留與藥物學家參攷。古詩云：「服食求神仙，多為藥所誤。」蓋笑之也！晉人服五石，猶如近人食鴉片，欲求長生，遂至弱國。習俗移人，雖賢者亦不免歎？

356 永和十二年 丙辰 五十四歲

三月，以桓溫為征討大都督。督諸軍討姚襄。八月，桓溫敗姚襄於伊水。遂入洛陽，修謁諸陵，置戍而還。有喪亂帖云：「羲之頓首，喪亂之極，先墓再罹荼毒，追惟酷甚，號慕摧絕。痛貫心肝，痛當奈何奈何。雖即脩復，未獲荼馳，哀毒並深，奈何奈何，臨紙感哽，不知何言，羲之頓首頓首。觀此則羲之確未至洛。而題衛夫人筆陣圖之洛下之說為偽作明矣。此帖又與關帖中之建安靈樞互帖相應。淳化關帖有桓公當陽帖云：「得都下九日書見桓公當陽，去月九日書，久當至洛。但遲遲可憂耳，蔡公遂委篤，又

加瘠下，日數十行，深可憂慮，得仁祖廿六日問，疾更委篤，深可憂。當今人物眇然，而艱疾若此，令人短氣。

按：桓公者，桓温也。運遲可憂者，温於白鹿原之戰，及枋頭之戰，均以軍糧不繼而敗，此次入洛，幸而獲濟，亦不能久留也。當時漕運辦法，根本未嘗解決，故羲之憂之也。蔡公者蔡謨也，以忤旨廢，永和十二年卒。正當此時，仁祖者，謝尚也。温平洛陽，疏請謝尚為都督，鎮洛陽，以病不行，至書破羗帖時，尚病乃小瘥矣。

又有破羗帖云：知虞河書，桓公以至洛，今摧破羗賊，賊重命，想必倉之，王略始及蓋都，使人恚慨深。此公威略實著，自當求之於古，真可以戰使人嘆息，知仁祖小差，此慰可言。

淳化閣帖又有清和帖云：伏想清和，士人皆佳，適桓公十月末書為慰。云所在荒甚，可憂。殷生數問北事勢，復云何，想安西以呈，能款面不。或云頓歷陽尔耶，無緣同為嘆，遲知問。

按：此羲之得桓温告捷書之後所作，殷生者，殷浩也，時已廢為庶人。安西者，魯一同以為謝尚，升平初病卒於歷陽。與此帖合，是也。

五月十三日，書東宮讀史後，其王羲之，蔡瑛瑗書刻云：王修

字敬仁，濛之子也，官著作郎，善隸（即楷書）。求右軍書，乃爲東方朔畫贊其之，昇平元年卒，年二十四。始王導愛好鍾氏書，喪亂狼狽，猶衣帶中藏尚書宣示帖過江。後吳右軍，右軍借與敬仁，敬仁亡。其母見此書，平生所好，遂以入棺。由是宣示帖真跡遂亡。今所傳者，傳是羲之臨本。張廷濟云：「宣示表，王臨鍾帖也，王書通媚而臨鍾更得十二種意外巧妙。今傳有張叔未藏關帖本宣示表。及葉云谷藏大觀帖殘石宣示表。至畫贊尚未發見祖刻。何義門所藏亦翻本耳。」

五月廿四日書黃庭經與山陰道士。刻本現存鮑東方藏「養子玉樹令可壯」紙條損本，祖刻也。前人云：「初寫黃庭，恰到好處。」此帖點畫撇捺，中規中矩。而和平沖淡，優入化境，誠絕作也。

是年書樂毅論與獻之，現存葉雲谷藏止海本，祖刻也。此即歐陽修集古錄所載：「宋高神學士得止海原石時之搨本也。石在神時，所搨不多。神死，石歸豪門。而豪門失火，遂焚其石。此搨本能歷劫至今尚存，真大寶矣。」翁方綱跋此本時，竟對面不相識，以爲是越州石氏翻刻搨本，而以一翻刻全本爲第一，實屬大錯！

按：樂毅、畫贊、黃庭。爲羲之小楷三大劇跡。樂毅教子，畫贊教姪，黃庭與道士，三者皆抄書。黃庭經道家之書，畫贊文

章，亦雜道家思想。羲之父子，皆奉五斗米道，其服食養生，亦道家之宗教行為也。至夏侯泰初之樂毅論，則其人其事其文皆為羲之所服膺者，故以教子歟？樂毅論書於十二年，此說從推定止海本後發現，今傳各翻本皆作四年，故前人云書於四年十二月廿四日者（歐陽棊古錄亦作四年）不同。查褚遂良右軍書目云：「正書第一樂毅論，四十四行。書付宮奴。褚氏所見為墨跡，惟闕記年月，今觀元祐賈氏翻本末書永和十二年刻有褚遂良等署名，其書法行字大小肥瘦，悉與止海本同。知其底本與止海本同石，而為全文。止海本既為樂毅論祖本，則此帖應書於永和十二年矣。且永和十二年為羲之辭官後一年，優遊田里，樂叙天倫。其時獻之十三歲，故作小楷，其說較之四年作護軍時獻之僅五歲者，似合情理也。」

357 穆帝升平元年 丁巳 五十五歲

有吳周撫桓公告慰帖云：「旦夕都邑，動靜清和，想足下使還，具時州將桓公告慰，情企足下教使命也。謝無美外任，教書問，無他。仁祖日然，言尋悲酸，如何可言。包氏云：「撫以永和九年辭請散文，使還以此。吳時州將，是也。撫已任在安西送平西

言以此功，朝議將進為鎮征。極州將之榮也。入升平果鎮西。其卒也，贈征西。桓公以永和十二年大敗姚襄於伊水，收復洛陽，修五陵。告慰者，言接其告欣慰也。情全數使，撫前助桓公平蜀，或欲引之北伐，有疏請也。仁祖，謝尚字。尚弟奕，字無奕，升平一年五月，尚卒，朝議以尚在，北得人。故以奕代。尚刺豫州，北伐慕容暝，明年卒於軍。外任指此。此升平一年書。魯一同云：州將桓公者，按桓公傳，選尚南唐公主。裴蔚，暝弟。除琅瑯太守。遷徐州刺史。逸少琅瑯人，故稱桓為州將。按魯說亦通。

有太常帖云：太常故患脚，灸俞，體中可耳。僕射事已行，以表讓，未知恕不，未復，司州表告懸疎，鄴陽歲使，應有書，而未得。

按：是年十二月王彪之由太常為僕射，曾上表辭讓故云。司州者，王修齡也。

358 升平二年戊午五十六歲

會稽王昱，欲以桓溫弟雲、為豫州刺史。僕射王彪之曰：溫居上流，已割天下之半，其弟復處西藩。兵權萃於一門，非深根固蒂

之道也。豈乃更以謝萬代之。王羲之與溫嶠云：「謝萬才流經過，使立廊廟，固是後來之秀。今以撫順荒餘，則違才易務矣。」又遺萬書曰：「以君邁往不屑之韻，而俯同群辟，誠難為意也。然所謂通議，正自當隨事行藏，乃為通耳。願君與士卒之下者，同甘苦，則盡善矣。食不二味，居不重席，此復何有。而古人以為美談。濟否所由，實在積少以至高大。君其存之。萬不能用。」

關帖有阮郎帖云：「阮公故尔可憂，時放怒大事，今令速言何。万守篤大爰，不得力；而從事以至，甚無計自必出，唯須小佳，鉄石今出求救，足下可復助，且今得通。」

又有兩快帖云：「三月十六日，羲之白，一昨有，不悉。兩快君可不？万石轉差也。爰得力不，不得復問，懸絕不去懷，君云當有旨信，遲望其至。僕劣劣，故違不具，遲具示，王羲之。」

王澐云：「桓温經略中原，以謝萬為豫州都督，前阮郎帖云：「万守篤大爰，不得力，而從事以至，甚無計。蓋其將往豫時，適有疾也。此云萬石轉差，爰得力不？蓋聞其病少愈，不知其果得力於爰否也。兩帖詞語互相首尾。」

有得万書帖云：「向亦得万書，委曲繕悉，使人慨然。見足下，乃悉。知叔虎勉昨發，月半，略必至。未見勞參軍。」

又有賢室委頓帖云：知賢室委頓，何以便尔，甚助耿耿。念勞心，知得廿四日問。亦得叔虎廿二日書云新年乃得發。

按：叔虎者，王彪之也。萬者，謝萬也。魯一同云，升平二年，王彪之為會稽內史，時羲之免郡，家於會稽，故遲叔虎未也。有昨得熙帖云：昨得熙廿六日書云患氣、懸情。又有重熙書帖云：通重熙書如此，果尔，乃甚可憂。張平不立勢，向河南者。不知諸侯，何以當之。熙表故未出，不說說。荀侯疾患，想當轉佳耳。若熙得免此一役，當可言。淺見實不見。今時兵任，可處理。又有不能帖云：又不能不痛，熙存亡政尔。復何於求之度，政當求之內事餘理，不絕求之，一條當有冀，不信罔然，前途，願具誨之。以悟其心。

王澍云：此卷重熙，凡有三帖，皆道重熙事。按，鄒曇以升平五年卒（四十二歲）一帖知其患氣。二帖正重熙假節鎮下邳時。三帖則其垂死時也（第三帖應入五年先見於此）。

又有夜來腹痛帖云：得書，知問，吾夜來腹痛不堪，見卿甚恨，想行復來，脩齡未經日，今在上虞，月末當去，重熙旦便西，與別不可言，不知安所在，未審時意云何，甚令人耿耿。

按：此亦指重熙鎮下邳，赴任西行時也。安者，謝安也。

359 升平三年 己未 五十七歲

去年冬，荀羨伐燕，不利而還。以都雲督徐兗軍鎮下邳。是年秋，諸葛攸伐燕，敗績。十月，謝萬都雲復伐之。雲病引還。萬衆潰，免萬為庶人，降雲為建武將軍。萬矜豪傲物，但以嘯詠自高，未嘗撫衆，兄安勸之，亦不以為意。羲之勸其共士卒之下者同甘苦。共謝安有同見，實對症下藥。世說輕詆篇：謝萬壽春敗後，還，書與王右軍云：「慙負宿願。」右軍推書曰：「此禹湯之戒！」有老婦疾篤，帖與周撫，不能定於何年，今繫於此。世說賢媛篇：王右軍都夫人謂二弟司空（愔）中郎（曇）曰：「王家見二謝（安萬）傾匡倒度，見汝輩未，平平爾！汝可無煩復往。王家何以輕曇，母亦以見敵而退，以病累國歟？若然，則都夫人或因憤懣而致疾篤，亦事理之可信者。晉重門關，女子爭外家。如謝道韞之稱謝安為阿大中郎，亦此類也。都安卒於升平五年，此當是五年以前事也，姑繫於此，以俟通識。

360 升平四年 庚申 五十八歲

桓溫請謝安為征西司馬。謝安始出東山，時年四十一矣。

361 穆帝升平五年 辛酉 五十九歲卒

本傳：「年五十九卒，贈金紫光祿大夫，諸子遵父先旨，固讓不受。」

張懷瓘書斷云：「王羲之升平五年卒，年五十九。」

有登汶領帖及清晏歲豐帖、吳周撫。包世臣合為一書，極有見地。蓋羲之既去官，吳東土人士盡山水之遊，弋釣為娛。又慕蜀中山水之奇。曾與謝安書謂：「蜀中山水，如峨嵋山，夏含霜雪，碑版之所闕，崑崙之伯仲也。周撫鎮蜀，故約登汶領帖云：『省足下別疏具，彼土山川諸奇，揚雄蜀都，左太沖三都，殊為不備。悉彼故為多奇，益今其遊目意足也。可得果當告卿求迎。少人足耳。』至時示意，遲此期，真以日為歲。想足下鎮彼土，未有動理矣。要欲及卿在彼，登汶領峨嵋而旋，實不朽之盛事。但言此，心已馳於彼矣。」又清晏歲豐帖云：「知彼清晏歲豐，又所出有無，鄉坊是名處。且山川形勢乃然，何可以不遊目。則是初約之函也。撫後復書，羲之又言年垂耳順帖，及七兒一女帖，以堅遊約，云：「足下今年改七十耶？知骨氣常佳，此大慶也。想復勤加頤養。吾年垂耳順，推之人理，得爾以為厚幸。但恐前路轉欲逼耳。以

尔要欲一遊目汶領，非復常言。足下但當保護，以俟此期，勿謂虛言，得果此緣，一稔奇事也。又七兒一女帖云：吾有七兒一女，皆同生，婚娶已畢。唯一小者尚未婚耳。過此一婚，便得至彼，今内外孫有十六人。足慰目前，足下情至委曲，故具示。

按：羲之妻郝璿，字子房。太尉郝鑒之女。生子七人，女一人。長子玄之，早卒。次子凝之，字叔平。工草指，官江州刺史。左軍將軍會稽內史。媳，謝道韞，有才華，亦善書。三子渙之。四子肅之，字幼恭。五子徽之，字子猷，黃門侍郎。六子操之，字子重。侍中尚書豫章太守。七子猷之，字子敬，生於建元二年，卒於太元十一年。四十三歲，工草指，善丹青，與父齊名，世稱羲猷，又稱二王。起家州主簿秘書郎，轉丞。謝安請為長史。尋除建威將軍吳興太守。徵拜中書令。媳郝道茂，司馬郝曇之女。猷之以還尚新安公主，與郝氏離婚。女（愛）嫁南陽劉暢，生子瑾。歷官尚書太常卿。

綜羲之一生，出身貴族，而心乎人民。名為世重，而屈於當權。雖見重於王導，受知於郝鑒，而不聞引之以致治。與殷浩為同僚，共會稽王為友，而不用其匡時之策。甚至為王述所厄，誓墓去官。清貴鑿裁，無由展佈。良由其骨鯁之性。

其濁世不侔也。自負當時好才略，被天強派作詩人。其義之
之謂歟。雖然，書法藝術，至東晉而登高峯。東晉書法至羲
之而集大成。清剛之書，為萬世法。則其成就，在此而不在
彼。

庚寅十一月十三日脫稿於廣州大學。時先考學賢公
壽真紀念也 麥華三識

王羲之生卒考

羲之生卒之考定，為譜表第一要事。其生平事跡及書跡，將於此得一系統。查本傳載：「年五十九卒。」不詳卒於何年。亦不詳生於何年。遂啟後人疑案。茲將諸家考說，括為四點，述論如下：

(一)右軍集：「王右軍題衛夫人筆陣圖後云：『羲之少學衛夫人，將謂大能。及渡江北遊名山。比見李斯曹喜等書。又之許下，見鍾繇梁鵠書。又之洛下，見蔡邕石經三体書。又於從兄洽處，見張昶華岳碑。始知學衛夫人書，徒費年月耳。羲之遂改本師，仍於衆碑學習焉。遂成書術。時年五十有三。或恐風燭奄及，聊述教於子孫耳。可藏之石室，千金勿傳非其人也。永和十四年四月十二書。』若照此推算，當生於惠帝光熙元年丙寅。卒於哀帝興寧二年甲子。

華三按：穆帝永和，盡於十二年，無十四年。其不可信一。東晉諸臣，惟桓溫一度入洛，旋即敗退。羲之無軍旅之任，奚得有入洛事。(用一同說)其不可信二。蔡邕等所書為熹平石經，皆八分書。現存殘石可証。至三體石經，乃魏正始中郎鄚淳書。作古文，小篆，八分三体。非蔡邕書也。現存殘石可証。

張冠李戴，其不可信三。羲之書聖，取精用宏，所師寧止數碑，又羲之雅量，寧有攻擊其師以自炫者？其為偽託無疑。

(二)宋羊欣筆陣圖云：「三十三、書蘭亭序。三十七書黃庭經訖。空中有語（柳書感我，而况人乎？吾天台丈人也。若照此推算，當生於元帝太興四年辛巳，卒於孝武帝太元四年乙卯。」

華三按：此說吳榮光編名人年譜，採用於先。傅抱石著中國美術年表，朱傑勤著王羲之評傳。沈子善編王羲之研究，採用於後，豈以羊欣親師獻之。對於太老師事跡，當最可信，且其時代亦最為接近歟？然與史實不符，最顯著者有四：第一，本傳載：「年十三，嘗謁周顛，顛察而異之。」按元帝永昌元年三月王羲反。據石頭城，殺周顛。若依此說，其時羲之僅二歲耳，焉能謁顛。第二，本傳載：「起家秘書郎征西將軍，庾亮請為參軍，累遷長史。亮臨薨上疏：稱羲之清賞鑒裁。遷寧遠將軍江州刺史，按庾亮於咸帝咸康六年正月卒。若依此說，其時羲之為廿歲。是廿歲以前，已歷任秘書郎、參軍、長史等職多年矣。衡以古人從政年數，羲之雖天縱之資，亦難以孺子膺軍政之任也。第三，獻之為羲之第七子，書斷及東觀餘論均云：「獻之太元十一年卒，年四十三。」湖當生於康帝建元二年甲辰。若依此

說，則羲之生獻之時為二十四歲。東林坦腹，本傳未紀其年。以事理推之，廿四歲能否有第七子。若有可能。何以其後再無第八者？第四，此說本身，亦自矛盾，若蘭亭書於三十三，則書黃庭應為卅六。若黃庭書於三十七，則末行永和十二年，應改為升平元年方可。作偽者，并歷史推算常識而無之，又作天台丈人神話以欺人，適足自露其偽耳。查（一）（二）兩說均見於筆陣圖，而與於唐初。張彥遠曾錄之。則知所有衛夫人、王右軍、及羊欣之名，均為唐以前作偽者所加上，以高其聲價。此說文章蕪雜，乃集合象偽而成。其思想妄誕，當屢道家者流，對書法一知半解，而好以神怪惑世者。殊不知羊欣自有古來能書人名一卷，為王僧虔所上。其文簡括，與此繁瑣不經者迥殊。今真偽并存。一經對照，便自瞭然矣。

（三）清魯一同著右軍年譜云：「考本集有桓公以江州還台帖。桓溫自江陵入朝，乃興寧二年七月事。其移鎮姑孰。則在興寧三年二月。于是國讓內送領揚州，故謂之還台。升平以前，未嘗有還台事也。」又據年垂耳順帖云：「益州名撫，鎮蜀二十年（按史稱三十年）考永和三年減蜀，下至興寧三年，得二十年。」卒於興寧三年六月。據此則年垂耳順，正五十九歲。逸少之卒，又不得至興寧三

年之後矣。故搜証諸帖，推尋記傳，斷以永嘉元年為公生之歲。華三按：魯氏此說之是非關鍵1. 還台帖是否可靠。2. 耳順帖辨釋有無錯誤。查還台帖書跡不傳，淳化閣帖亦無之。其帖文見於張彥遠法書要錄云：「桓公以江州還台選，每事勝也。不可當在誰耳？」十八個字，無月日署款。此類帖文，是否為羲之書？本集有無誤採？實一問題。治史者，對此種材料，宜採闕疑態度。蓋後人輯前人文集，有闕必錄。撰收他作，亦意中事。輯錄之例，失出寧失入，恐有遺珠也。至於引論，則不然矣。必辨真偽，必別精粗。然後立論允當，若論書跡，尤應根據實物，夫淳化所刻，出於宋內府，其真偽尚有問題。（詳見拙編王羲之書法之研究淳化閣帖節）況未見書跡，而又材料不全，而可據為論斷乎？且但據一帖，証據尚弱，而欲以懸村之詞，推翻張懷瓘、黃伯思、董道、包世臣等，歷代相承之說。正如李文田以劉孝標一段臨河序註，而懷疑蘭亭。同犯鑿空之弊。孫過庭所謂：「苟興新說，竟無益於將來者。」也。至於年垂耳順帖，則魯氏更誤解，以賓為主。遷以周撫逝世之年，為羲之逝世之証，而不知帖文不如是也。帖云：「足下今年故七十耶？知體氣常佳，此大慶也。想復勤加頤養。吾年垂耳順，推之人理

得尔以為厚幸，但恐前路轉欲通耳。此帖為羲之最後之筆。桑榆晚景之意，流露於字裏行間。詳其文義，有如下表：

姓 名 當時年齡 當時體魄表現 結 果 享壽

王羲之 五十九 前路欲通衰弱之證 是年卒升平五年 五十九

周 撫 七十 體氣常佳強健之證 活至興寧三年 七十四

兩人體魄，既有強弱，並世自有先後。本文自明。而魯氏誤解為同年卒。故有此錯歎？至於魯氏旁引郝愔、許惔、王恬、王洽等，生卒牴牾之點，以旁證懷瓘之說，未必可據。此乃以枝節問題，攻擊主題之法。與主題無傷。吾人但向懷瓘之說，是否與羲之史實時代相吻合而已。

(四)唐張懷瓘著書斷云：「王羲之升平五年卒，年五十九。照此推算當生於惠帝太安二年癸亥。宋黃伯思著東觀餘論。宋董道著廣川書跋，皆用其說。清包世臣著書譜辨誤，及十七帖疏証。更暢其說。懷瓘精於書學，其所論述，為宋以後書學權輿。予嘗讀晉書本傳，及周顛、周撫、庾亮、殷浩、王述等傳。合之通鑑，以求其呼應。又表列羊欣說、（以吳榮光為代表）張懷瓘說（以包世臣為代表）及魯一同說。三家並列，按年隸事，逐事較量。復羅列羲之書跡，取其流傳有緒可信者，而印證之。結果，知羊說為

得尔以為厚幸，但恐前路轉欲通耳。此帖為羲之最後之筆。桑榆晚景之意，流露於字裏行間。詳其文義，有如下表：

偽託。魯說為鑿空。獨張懷瓘所說。包世臣所考。未發現有孤語之點。最為可信。本譜從之。

註

吳榮光

廣東南海人。生於乾隆卅八年癸巳公元1773年於道光廿三年癸卯1844年七十一。著有歷

代名人年譜。

包世臣

安徽涇縣人。生於乾隆四十年乙未1775年於咸豐五年乙卯1855年八十一。著有藝舟雙楫

魯一同

江蘇山陽人。生於嘉慶九年甲子1804年於同治二年癸亥1863年六十。著有右軍年譜。

既有譜矣，而復編表，不嫌其贅矣乎？曰：譜繁表簡，各有短長。提要比較，則表尚矣。且張懷瓘、偽羊欣、魯一同、三說之異同對照，誰為合理，亦以表為易。不嫌其贅也。

王羲之之年表 獻之附

312	311	310	309	308	307	306	305	304	303	完
壬申	辛未	庚午	己巳	戊辰	丁卯	丙寅	乙丑	甲子	癸亥	干支
					懷帝	惠帝	惠帝	惠帝	西晉	君主紀元
永嘉六年	永嘉五年	永嘉四年	永嘉三年	永嘉二年	永嘉元年	光熙元年	永興二年	永興元年	太安二年	張懷瓘說
十歲	九歲	八歲	七歲	六歲	五歲	四歲	三歲	二歲	一歲	史跡或書跡
										公生
										為羊欣說同說
六歲	五歲	四歲	三歲	二歲	一歲					

328 327 326 325 324 323 322 321 320 319 318 317 316 315 314 313

戊子 丁亥 丙戌 乙酉 甲申 癸未 壬午 辛巳 庚辰 己卯 戊寅 丁丑 丙子 乙亥 甲戌 癸酉

咸和三年 咸和二年 咸和元年 太寧三年 太寧二年 明帝太寧元年 元帝永昌元年 太興四年 太興三年 太興二年 太興元年 建武元年 建興四年 建興三年 建興二年 建興元年 愍帝建興元年

廿六歲 廿五歲 廿四歲 廿三歲 廿二歲 廿一歲 二十歲 十九歲 十八歲 十七歲 十六歲 十五歲 十四歲 十三歲 十二歲 十一歲

之別。 周撫出為江夏相、與羲 郎、與羲之同在都。 王導引周撫為從事中 起家秘書郎 東林坦腹 師王廙卒、周顛殉難(54) 學書於王廙及衛夫人 謁周顛、顛啗以牛心炙

八 七 六 五 四 三 二 一 歲 廿二 廿一 二十 十九 十八 十七 十六 十五 十四 十三 十二 十一 十 九 八 七 歲

343 342 341 340 339 338 337 336 335 334 333 332 331 330 329

癸卯 壬寅 辛丑 庚子 己亥 戊戌 丁酉 丙申 乙未 甲午 癸巳 壬辰 辛卯 庚寅 己丑

康帝建元元年 咸康八年 咸康七年 咸康六年 咸康五年 咸康四年 咸康三年 咸康二年 咸康元年 咸和九年 咸和八年 咸和七年 咸和六年 咸和五年 咸和四年

四一歲 四十歲 卅九歲 卅八歲 卅七歲 卅六歲 卅五歲 卅四歲 卅三歲 卅二歲 卅一歲 卅歲 廿九歲 廿八歲 廿七歲

有安西帖、雜茶進鎮帖。

七月王導卒(卅)八月郗鑒卒。
正月庾亮卒、有庾疾篤帖、還寧遠將軍江州刺史。

官宜興或於此年。

庾亮請為參軍兼遷長史為會稽王友、出為臨川太守、當於此時。

廿三	廿二	廿一	二十	十九	十八	十七	十六	十五	十四	十三	十二	十一	十	九
卅七	卅六	卅五	卅四	卅三	卅二	卅一	卅	廿九	廿八	廿七	廿六	廿五	廿四	廿三

350	349	348	347	346	345	344
庚戌	乙酉	戊申	丁未	丙午	乙巳	甲辰
永和六年	永和五年	永和四年	永和三年	永和二年	永和元年	建元二年
四歲	四歲	四歲	四五歲	四四歲	四三歲	四三歲

穆帝

第七子獻之生。	七月度夏幸	十一月桓温伐蜀有速送袍未帖	三月桓温入蜀至成都首采	君平帖。譙周有孫帖。周撫為	益州刺史。	殷浩參綜朝政。共桓温構陳	官護軍將軍。十二月書樂毅	論帖。	王胡之為司州刺史。有司州供	給帖。太常司州帖。司州疾篤	帖。師衛夫人卒(78)	右軍將軍會稽內史。與謝	尚論漕運書。與周撫致印竹	杖帖。見諸葛顯帖。漢時講堂	帖。益井火井帖。朱處仁帖。戎益	帖。吾服食久帖。天氣膏帖。吳	安言帖。與群從龍保帖。吾在官	帖。彼所須帖。
廿四	廿五	廿六	廿七	廿八	廿九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二

351 辛亥 永和七年 四九歲 獻之八歲學書，羲之密從後掣筆，其筆不得，嘆曰：此兒後當有大名。

352 壬子 永和八年 五十歲 謝尚為符堅所敗，殷浩謀再舉，遣殷浩書諫北伐，又遣會稽王書，共圖撫上七帖，別廿六年帖。

353 癸丑 永和九年 五一歲 三月三日蘭亭詩序帖。十月殷浩北伐，為姚襄連擊敗於山桑。

354 甲寅 永和十年 五三歲 正月，廢殷浩為庶人，有吳孔彭祖帖。二月，桓溫伐秦，四月，進軍灞上，五月，戰于白鹿原，溫軍乏食而歸。

355 乙卯 永和十一年 五三歲 三月九日，王羲之去官，隱居會稽，與同撫今在田里帖，未禽帖，與郝愔吾前東帖，贖近無緣帖，叔當西帖。

356 丙辰 永和十二年 五四歲 八月，桓溫敗姚襄於伊水，遂入洛陽，修陵置戍，有衣亂帖，桓公當陽帖，破羗帖，清和帖。

卅一 四 五

卅二 四 六

卅三 四 七

卅四 四 八

卅五 四 九

卅六 五 十

357

丁巳

穆帝升平元年

五五歲

358

戊午

升平二年

五六歲

359

己未

升平三年

五七歲

360

庚申
辛酉

升平四年
升平五年

五八歲
五九歲

五月十三書畫贊帖 共王敬仁。

五月廿四書黃庭經 共山陰道士。

書樂毅論 共幼子獻之。

共周撫州將桓公告慰帖。五月

謝尚卒。有太常帖。王敬仁卒。

(24) 以宣示表入棺。

謝萬為豫州刺史。公貽書戒

之。有阮郎帖。雨快帖。得萬書

帖。賢室委擲帖。郝曇鎮下邳。

有昨得照帖。重熙書帖。又不能

帖。夜來腹痛帖。

十月。謝萬都雲伐燕。言病引還。

萬忠潰敗。免萬為庶人。降曇

為建武將軍。有禹湯之戒書。共

謝萬。老婦疾篤帖。共周撫。

謝安始出東山。時年四十一歲。

共周撫約登汶嶺帖。年垂耳順帖。清

晏歲年帖。七兒一女帖。是年公卒。壽五

卅七 五一

卅八 五二

卅九 五三

四十五 四

四一 五五

372 371 370 369 368 367 366 365 364 363 362

附 献之年表

壬戌	癸亥	甲子	乙丑	丙寅	丁卯	戊辰	己巳	庚午	辛未	壬申
哀帝隆和元年	哀帝興寧元年	興寧二年	興寧三年	帝奕太和元年	太和二年	太和三年	太和四年	太和五年	帝咸咸安元年	咸安二年
十九歲	二十歲	廿一歲	廿二歲	廿三歲	廿四歲	廿五歲	廿六歲	廿七歲	廿八歲	廿九歲

十九(献之年十八)(都曇卒年也)

周撫卒(74)


十有桓温帝奕立简文帝
 献之起家州主簿秘书郎轉
 采詔尚新安公主与都道茂
 離婚。

五二	五一	五十	四九	四八	四七	四六	四五	五四	四三	四二	公四	欣說	偽羊
							五九	五八	五七	五六	五五	同說	魯一

386 385 384 383 382 381 380 379 378 377 376 375 374 373

丙戌	乙酉	甲申	癸未	壬午	辛巳	庚辰	己卯	戊寅	丁丑	丙子	乙亥	甲戌	癸酉
太元十二年	太元十年	太元九年	太元八年	太元七年	太元六年	太元五年	太元四年	太元三年	太元二年	太元元年	寧康三年	寧康二年	寧康元年
三歲	四二歲	四一歲	四十歲	卅九歲	卅八歲	卅七歲	卅六歲	卅五歲	卅四歲	卅三歲	卅二歲	卅一歲	卅歲

七月桓溫卒(心)謝安為僕射
 謝安總中書
 謝安領揚州刺史
 謝安為中書監、錄尚書事
 七月太極殿成謝安請獻之題
 榜以為萬代室却之時為安長史
 謝安為衛將軍請獻之復為
 長史尋陳建威將軍吳興
 太守徵拜中書令



五九卒
 五八
 五七
 五六
 五五
 五四
 五三

王西文參攷書目

世說新語

宋劉義慶撰公元421距羲之卒僅六十年

晉書本傳

唐太宗撰傳論房玄齡褚遂良等撰本傳公元644

書斷

唐張懷瓘撰公元724

法書要錄

唐張彦遠輯

淳化秘閣法帖考正

清王澐撰公元1730

通鑑輯覽

清乾隆卅二年勅撰公元1767

十七帖疏證

清色世臣撰公元1833

歷代名人年譜

清吳榮光撰公元1843

右軍年譜

清魯一同撰公元1861

全上古六朝文

清嚴可均輯公元1894

王羲之評傳

近人朱傑勤撰公元1940


二王墨影

近人容庚輯公元1936

慧遠大師年譜

陳 統遺稿

大師釋道安弟子，姓釋名慧遠，其師承授受如左：



上表悉據釋慧覺高僧傳及佚名氏十八贊傳。(宋陳旻傳述山足三所載) 道安傳圖澄著高僧傳卷五，頁一下，卷六，頁一下，卷十，頁一上，頁十三上。法初見卷五，頁九下。法汰據頁十一上。曇翼據頁十四下。法遇據頁十六下。曇道立據頁十八上。曇敬據頁十七上。慧寶據卷六，頁五下。法淨法頌據頁六下。道壹曇壹曇威據卷五，頁二十上，頁十二下。慧永據卷六，頁十五下。慧持據頁十三下。僧濟法安據頁十七上下。慧道揚頁十八上。道祖道溫道立慧要曇順曇詵據頁十九上下。道恆道授法幽據頁二十上。道生據卷七，頁八上。道汪據卷八，頁四上。道溫據頁七下。附註據卷九，頁六上。道揚道敬據十八贊傳。(據山經卷三，頁四十二下。)

大師俗姓賈，世為冠族，以後檀帝石弘延熙元年(東晉咸寧四年)生於并州雁門郡樓煩縣。(今山西原區東)附註據晉書卷四十九，沙門釋慧遠雁門樓煩人，本姓賈氏，世為冠族。(按劉孝標世說新語四注所引)(世說新語卷二頁二十二上。)(晉書卷四十九附註據日，法師慧遠，本姓賈，雁門樓煩人。)(宋書志符傳統紀二十六所載。)(頁三十四下。)(元後漢書度遠宗實卷四日，慧遠：生於石越延熙甲午歲，為檀帝咸寧九年。)(大輿經卷四十七，頁三〇下。)(○晉書卷

梁吉十六國徵志(卷二,頁十五下。)

後趙帝石弘延熙元年(東晉成帝司馬衍咸和九年)甲午

一歲

釋道安二十三歲,在冀州(?)據梁釋僧祐出三藏記集十五,

道安傳。(大藏經卷五十五,頁一〇九上。)道安釋經沙序(出三藏記集十

所載。)(大藏經卷五十五,頁七三上。)高僧傳道安傳(卷五,頁一下。)

釋慧徽年十二投道安出家。摺高僧傳慧徽傳(卷五,頁十七上。)

居攝天王石虎建武元年(東晉成康元年)乙未 二歲

國都自襄國徙鄴 宋司馬光資治通鑑(卷九十五,頁八上。)

大和尚竺佛圖澄自襄國至鄴中寺。摺高僧傳佛圖澄傳(卷十,

頁一上。)(唐房山寺晉書佛圖澄傳(卷九十五,頁十九上。)(通鑑(卷

九十五,頁八上。)

道安自冀州入鄴,師事佛圖澄。(?)據出三藏記集道安傳。

傳云:安至鄴,入中寺,遇佛圖澄,則共事證,必在證至鄴後頃。

建武二年(成康二年)丙申 三歲

建武三年(成康三年)丁酉 四歲

弟(釋慧持)生。據高僧傳,慧持傳。(卷六,頁十三下。)

建武四年(成康四年)戊戌 五歲

建武五年(成康五年)己亥 六歲

范寧生。摺高僧傳(卷七十五)

建武六年(成康六年)庚子 七歲

七歲

晉中書監錄尚書事庾冰欲令沙門拜敬王者,以尚書令何充等議不應敬,遂寢。摺何充等奏,沙門不應盡敬表序。(釋

僧祐法苑珠林十二所載。)(頁十一上。)(梁高僧傳何充等奏,沙門不應盡敬表序。

(歷代史表卷十五,頁四下。)

建武七年(成康七年)辛丑 八歲

建武八年(成康八年)壬寅 九歲

建武九年(晉康帝司馬岳建元元年)癸卯 十歲

好學。(?)(唐山法苑珠林,幼而好學。出三藏記十五本傳曰,對面好

書,珪瑛秀發。)(大藏經卷五十五,頁一〇九上。)(按碑傳俱叙此事於十

三歲前頃。

釋慧永年十二,投竺曇現出家。摺高僧傳慧永傳。(卷六,頁

十五下。)

建武十年(建元二年)甲辰 十一歲

鳩摩羅什(摩訶)生。摺高僧傳羅什法師法(唐釋道宣續弘明集

二十六所載。)(頁六上。)

建武十一年(東晉穆帝司馬聃永和元年)乙巳 十二歲

建武十二年(穆帝司馬聃永和二年)丙午 十三歲

離家與弟(?)隨舅令狐氏南適豫州潁川之許昌,(今河南

許昌西府。(洛州河南之洛陽，(今河南洛陽東北。))求學，爲書生。(段野遠注)路曰，年十三隨舅令狐氏遊學許昌。(劉孝標世說新語四注所引。)廣山法師傳曰，十三年隨舅令狐氏遊學許昌，故少爲書生。參洪亮吉十六國紀事本末)

釋曇順生。魏十八賢傳(陳壽所撰)出記三所載。(

建武十三年(永和三年) 丁未 十四歲

天王發近郡男女十六萬人於鄴北，築華林園。(通鑑卷九

十七)釋道祖釋曇順生。(魏高僧傳六道祖傳及十八賢傳。)

建武十四年(永和四年) 戊申 十五歲

十二月大和尚竺佛圖澄寂於鄴。(高僧傳十，晉書九十五本

傳。)道安還冀州。(高僧傳五本傳云，至年四十五，復還冀部；

石虎死，彭城王嗣立，遣中使；請安入華林園。按石虎死及彭城王立，

俱在明年，安還冀當是本年也。若謂安年四十五時還冀，而石虎死，則

時次先後顛倒不可通，蓋此所云安還冀，本廷賞唱名僧傳之說，以得大

元十年安七十二推數所得，若是則安四十五，乃晉升平二年，其時石虎

死已歷十年，且安之兩徒，實因避靈容葬。升平二年冀州已陷於燕，謂

其年安復還冀，於理亦不合。本年安年三十七，就晉太元十年安七十二

之說推之，適年三十五，知魏版本謂安三十五還冀，而魏新十年也。

太寧元年(永和五年) 己酉 十六歲

四月帝石虎崩，太子石世即位，彭城王石遵欲之自立。

(通鑑九十八。)遣中使請道安入華林園(高僧傳五道安傳。)

十一月涼王石鑿欲帝石遵自立，國中大亂。(通鑑九十

八。)

後趙帝石鑿青龍元年魏帝冉閔永興元年(永和六年) 十七歲

庚戌 閏正月大將軍冉閔殺帝石鑿，篡位，改國號魏。(通鑑九

十八。)

是年張野生。(魏十八賢傳。)

魏永興二年(東晉永和七年) 辛亥 十八歲

正月苻健稱天王於長安，國號秦。八月洛州及豫州許昌

降晉。燕王慕容暉遣慕容恪慕容評攻拔中山趙南安諸

郡。

是歲趙所徙所雍幽荆諸州民，及氐羌胡蠻數百萬，欲各

還本土，道路交錯，互相殺掠，中原大亂，因致饑疫，

人相食。(俱見通鑑九十九。)

魏永興三年秦天王苻健皇始二年(東晉永和八年) 壬

子 十九歲

二月豫州許昌降秦。四月燕軍執魏帝攻鄴。五月燕人斬

魏帝冉閔，大旱蝗，鄴中大饑，人相食。七月秦徒許昌

洛陽等地之民五萬餘戶於關中。八月燕軍拔鄴。十月晉

軍克復許昌。(俱見通鑑九十九。)

秦皇始三年(東晉永和九年) 癸丑 二十歲

道安至太行恆山，建寺塔。(高僧傳五本傳。按本傳不云在何

年，指同卷六慧遠傳知在大師二十一歲前頃，姑見是年。)

秦皇始四年(東晉永和十年) 甲寅 二十一歲

與弟適并州太行恆山，詣道安出家。大師博綜六經，尤善老莊，性度弘偉，風姿朗拔，雖宿儒才彥，莫不服其深致。至是欲適晉豫章，就范宣其契，以道阻不果。時釋道安在太行恆山，弘法甚著，乃與弟往歸之，以爲真己之師。尋聞道安講般若經，豁然有悟，歎曰：儒道九流，皆糠粃耳。遂與弟從道安受業，落髮爲僧。易姓名爲釋慧遠。(遺法師銘曰：二十一年欲南渡就范宣子學，道阻不通，遇釋道安以爲師，捨舊落髮，研求法藏。恆山法傳碑曰：二十一年欲渡江就范宣子，於時王路尚艱，有志不遂，於閏左(原作右，據出三藏記集十五本傳)尋爲道安所載此碑，及明正德八年重修碑改。)遇釋道安，一面盡敬，以爲真吾師也，遂捨舊落髮，求直道焉。出三藏記集十五本傳曰：博綜六經，尤善老莊，性度弘偉，風姿朗拔，雖宿儒才彥，莫不服其深致焉。年二十一：乃於閏左遇見安公。高僧傳六本傳曰：年二十一欲渡江東就范宣子共契，值石虎已死，中原寇亂，南路阻塞，志不獲從。時沙門釋道安立寺於太行恆山弘讀佛法，聲著者聞，遂往歸之。：後聞安講般若

經，豁然有悟，乃歎曰：儒道九流，皆糠粃耳。便與弟慧持投符落髮，委身受業。)

經，豁然有悟，乃歎曰：儒道九流，皆糠粃耳。便與弟慧持投符落髮，委身受業。)

是年正月故魏將自宛襲據洛陽(通鑑九十九)

秦天王苻生壽光二年(東晉永和十二年) 丙辰 二十二歲

大師既從道安受業，厲然不羣，常欲總攝綱維，以佛法爲己任。精思艱持，以夜續晝，雖貧旅無資，糲糲常聞，而昆弟格恭，終始不懈，以故爲道安所重。苻以道流晉國，屬之大師。同學釋曇翼亦時給大師以燈燭之費。(遺法師銘曰：釋曇翼每資以燈燭之費，誦經禮道，高情異風。安常歎曰：道流東國，其在遠乎。高僧傳六本傳曰：既入乎道，厲然不羣，常欲總攝綱維，只大法爲己任。精思艱持，以夜續晝。貧旅無資，糲糲常聞，而昆弟格恭，終始不懈。有沙門曇翼每給以燈燭之費。安公聞而喜曰：道士誠知人矣。按高僧傳本傳叙此諸事於二十四歲之前，姑見是年。)

是年八月晉太尉桓溫擊姚襄至伊水。姚襄至并州平陽。并州刺史降姚襄。(通鑑一百)

劉程之生。(晉書地理志三十二大師與劉程之及十八賢傳。)

秦天王苻堅永興元年(東晉昇平元年) 丁巳

二十四歲

就講說，苻有客聽講難實相義，往復移時，罔增疑味。大

師乃引莊子義爲連類解釋，惑者曉然。自是道安特聽大師讀俗書，同學釋法遇釋曼微亦皆推服焉。（高僧傳六本傳曰：『年二十四便就講說，嘗有客過講肆相義，往復移時，彌增疑味。』乃引莊子義爲連類，於惑者曉然。是後安公特聽道安不廢俗書。安有弟子法遇，亦復習風才照灼，志業清敏，並推服焉。』）

竺法汰與其弟子曼壹曼貳等四十餘人去適晉建康。（？）以法汰至晉荊州，遇疾，停江陵。大師奉道安命往晉荊州江陵，視其疾。時有道夜執心無義，大行荆土。法汰曰，此是邪說，應須破之，乃大集名僧，令曼壹難之，不能屈。次日大師乃就席與道夜攻難，關責錄起。道夜自覺義途差異，神色爲動，墜屣扣案，不能還答。大師曰，不疾而速，杆杓何爲？坐者皆笑，自是心無之義遂息。（高僧傳五法汰傳曰，法汰：與弟子曼壹曼貳等沿江東下遇疾。：時恒溫鎮荊州遣使要過：供亦湯藥。安公又遣弟子慧遠下同疾。：時沙門道度頗有才力，常執心無義，大行荆土。汰曰，此是邪說，應須破之。乃大集名僧，令弟子曼壹難之。據經引理，析駁紛紜。恆拔其口辭，不肯交屈。日色既昏，明且更集。慧遠就席攻難數番，關責錄起。恒自覺義途差異，神色微動，屣尾扣案，未即有答。遠曰，不疾而速，杆杓何爲？坐者皆笑。心無之義，於此而息。』按恒溫遣使要過，當是要過江陵，東晉荊州刺史向洽江陵，而恒時亦鎮江陵。又按法汰通晉，車頻奏濟（世說新語八注所引）出三藏記

第五十五，高僧傳五道安傳及此傳，俱謂在道安至新野時。然法汰通晉至荊州，猶及見恒溫。考恒溫爲荊州刺史，在永和元年。興寧二年被昭至南，至六年即解職，鎮姑孰（遠通志）而道安至新野在其後四年。知謂法汰於安至新野時通晉，蓋本傳說，實不免抵牾。然則法汰通晉在何年，考宋劉義慶世說新語八曰：『初法汰北來，未知名，王領軍供養之，每與周旋行，：因此名遂重。』王領軍謂王洽，晉書六十五王導傳曰：『洽……徵拜領軍，：升平二年卒於官，年三十六。』法汰至孫康通王洽爲領軍時，據東晉新東晉持相大臣年表，洽之爲領軍，在升平元年，則法汰通晉即在升平元年二年之間矣。惟不詳洽卒於升平二年何月，故姑見本年，而以大師下荆間疾事增之。

按大師自二十一歲以後行止，皆依道安，其隨道安居太行恒山歷如許時，以及自何處過江陵，何時復自江陵還，俱不能明，故今並闕之。又高僧傳五道安傳云：『道安……後避難至漢，漢在今山西陽城縣西，去恒山甚近。據道安陰持入經等序，知其注經多在漢，似於其地亦曾歷年所。其遺地序云：『皇劉統絕，盤旋潞，山左潞沒，避難漢，師類友折。』（出三藏記卷七所引。）所云「山左」謂冀州，所云「皇統」，詳以安和尚傳所云，『爲慕容所滅，』（世說新語六注所引。）知指慕容。所云「友」。似謂竺法汰，以道安生平道友可知者，惟與竺法汰最莫逆。若然，則道安於慕容陷冀州，法汰入晉之後，已在漢，惟不能確指其漢所在通恒山之前，抑在其後。就地勢由北趨南論之，必通恒山在先，而往

遷葬在後，然俱無佐証，故今亦不具。

佛馱跋陀羅生。(據三藏記集十四本傳)。

秦甘露元年(東晉升平三年)己未 二十六歲

張澄生。(據十八賢傳)。

秦甘露二年(東晉升平四年)庚申 二十七歲

釋曇詵王謚生。

秦甘露三年(東晉升平五年)辛酉 二十八歲

以旱蝗，寇賊縱橫，隨道安等五百餘人入王屋女机山(?)

(出三藏記集十五、道安傳曰：受業弟子：慧遠等五百餘人，……及石氏之

亂，乃謂其衆曰：今天災旱蝗，寇賊縱橫，聚則不立，散則不可，遂率衆

入王屋女机山(王屋山在山西陽城西南，女机一本作女机，高僧傳作女

林，不詳爲何山，既與王屋通稱，其即王屋支脈。)頃之復渡河，依陰澤

山(泗水食修學。俄而王舒遣陸渾，遂南投新野。按魏書至河南注與

二年，所謂陸渾必即其年事。是則道安至陰澤，當在其年以前。共至王

屋窟更居前，惟俱不詳年月，故姑依序列之以備考。

東晉哀帝司馬不興寧元年癸亥 三十歲

隨道安等五百餘人去王屋女机山，渡河至晉司州河南陸渾

山。(今河南臨潁東北。?)參洪亮吉東晉書補遺

東晉興寧二年甲子 三十一歲

二月燕軍略地至河南。四月燕軍攻拔許昌及汝南陳諸

郡。俱見通鑑一〇一。

以燕軍逼陸渾，隨道安等去陸渾山，南投荊州南陽。(今順

南陽縣東南。)出三藏記集十五道安傳曰：『俄而慕容攻陸渾，遂南投

新野。』按此於道安所歷之地，有省略。道安至新野在魏三年。魏一年之

四月，慕容與道安有云：『又聞三千弟子，俱見南陽。』南陽在新野

之北。知道安於未至新野之前，固嘗南陽，蓋由陸渾南征，先次南陽，由

南陽始投新野也。參東晉書補遺。

興寧三年乙丑 三十二歲

正月桓豁爲荊州刺史。(通鑑卷一百一)四月五日習鑿齒與

道安書，勸道安東徂。(書載弘明集十二)

東晉帝司馬奕太和二年丙寅 三十四歲

隨道安等五百餘人去南陽南征，歷新野，(今河南新野縣南)

至梁州襄陽。(安和自傳曰：『於陸渾山水食修學，爲慕容所逼，乃在

襄陽。』出三藏記集十五道安傳曰：『南投新野。復讀曰：今道安年，不依

國主，則法事難立。又教化之體，宜令廣布，咸曰隨法師教，乃令：』法和入

焉。』按與弟子慧遠等渡河夜行，值雷雨，衆危光而趨前，得人家，見門

旁有一雙馬柳，(原竹柳作柳，柳據高僧傳刪。)問懸一馬兜，可容一斛。

安便呼林伯升，主人驚出，果姓林，名伯升，謂是神人，厚相禮接。既而

弟子阿何以知其姓字，安曰爾木爲林，兜容伯升也。遂往襄陽。』阿亦漢

僧曰：後魏安公南遊襄陽。』十八賢傳亦曰：『後魏師南遊至襄陽。』

後魏師南遊至襄陽。』

按道安碑銘首述羅漢抄序云：『昔在漢季十有五載。』(出三藏記本八所載。)又出三藏記本十五本傳亦云：『安在漢季十五載。』考安於太元七年始自漢入秦，自其年溯溯十五載，知其自新野投魏是在是年。

釋法和自新野入蜀。釋慧永去，欲適羅浮山，至江州潯陽，被陶範所留，於廬山爲建西林寺。(高僧傳六釋慧永傳曰，釋慧永姓鄒，河內人；事沙門竺慧然爲師。後又伏膺道安。……業與慧遠共期欲結宇羅浮之軸，遠既爲道安所留，永乃欲先往五嶺，行經潯陽，郡人陶範苦相挽留，於是且停廬山之西林寺。歐陽修集古錄載歐陽詢西林道場碑曰，有邑比丘俗姓竺氏，(?)本爲僧將。……資錫來廬，樹宇山間。……有息烈烈水河內黎氏高足，稱首；紹修主業，安禪結宇。……光祿郡潯陽陶範蓋世清操，遊茲勝地。……具述佛寺，……命曰西林。是歲太和之二年。歐陽修政亦云：『宣太和二年……陶範始爲……慧永造寺，而號西林。』按十八賢傳謂慧永至潯陽，在大元之初，未知所據，疑大元乃太和之誤。道安講放光般若波羅蜜經。自是歲以爲常。(按摩訶鉢羅漢經羅漢抄序出三藏記本十五本傳，參習昇元釋教錄。)

習昇元釋教錄。(長沙太守滕峻捨宅於荊州江陵，告道安，求一僧爲總領。道安命釋曇翼往，曇翼遂去，以其宅建長沙寺。)(高僧傳五漢傳漢曰：『釋曇翼往，既人……高僧傳五漢傳漢曰：……道安在漢時，(?)。……長沙太守陳含之於江陵，捨宅爲寺。告安求一僧爲總領。安

謂翼曰，荆楚士庶始欲仰宗，咸其化者非爾而誰？翼遂杖錫南征，持鉢寺宇，卽長沙寺是也。唐道世法苑珠林二十一日：『長沙太守陳峻以永和二年捨宅爲寺。……承道安法師羅州(?)之遺，請一監護。安弟于翼翼曰：……爾其行矣。』按此法苑羅州道安居羅陽時事，永和二年道安在羅陽，佛圖澄尙未入齊，共「永和」必爲太和之誤。又按陳峻陳含之似卽一人，名峻，字含之。

太和四年己巳

三十六歲

桓玄生。

太和五年(秦建元六年)庚午

三十七歲

大司馬桓溫廢帝司馬爽，立會稽王司馬昱。

孝武帝司馬曜寧康元年(秦建元九年)癸酉

四十歲

七月荊州刺史桓裕加征西將軍鎮江陵。

以桓裕要道安，因道安赴江陵。(今湖北江陵?)高僧傳五漢傳曰：『至西野軍桓嗣(裕)鎮江陵，要安暫往。』同傳六釋漢傳曰：『後

羅安公南遊漢陽。』

按高僧傳五釋僧光傳曰，光乃與安(?)等南遊漢平(晉平齊地)羅州羅林郡，其地當在今廣西境內。(詳道，弘化後還漢陽。據此知羅州羅林郡，自一夏與漢先定。其事則古遺要律傳不載，不詳詳時。就僧推求，似在本平江陵行中。以江陵去其地最近，則羅州羅林可

，且更不知大師曾否發行，故不具。

寧康二年（泰延元年）甲戌

四十一歲

道安自江陵還襄陽。道安以白馬寺狹，別以張殷宅建院

深寺。自是居檀溪寺。（？）高僧傳五道安傳曰：「桓嗣子

江陵，要安前往。朱序西歸，復請還襄陽。安以白馬寺狹，乃更立寺，名

曰檀溪，即請河間張宅也。大富長者並加贊助，建塔五層，起房四百。」

按僧叙此節於道安歸佛前。道安於襄陽檀溪寺結佛像事在寧康三年。明

此還襄陽處事在其年以前。考本年道安撰序錄有「大明崇禘，...而猶有

樂大於雲夜，抱瓮於漢陰者，時有所不足也」云云。所謂「漢陰」其雙關語，

即謂襄陽也。若江陵則不得稱漢陰。是知道安本年中已身還襄陽，故有是

語。其發江陵雖未必在本年，然去年七月後始還江陵，餘時甚促，設於本

年。意者不為過遠。又按朱序歸襄陽在後三年。傳既叙道安還襄陽在襄寺

之先，復謂朱序西歸，始請還，是不免抵牾。尋其用意，蓋欲為下文朱序

失守張本，復不明朱序歸襄在何年，（同書六慧遠傳以苻丕還襄陽為建元

九年事已誤）。故當分別觀之，不可拘泥其說。

道安撰經錄。高僧傳五道安傳曰：「既還襄陽，復宣佛法，...頃歲

許，經來稍多，而傳經之人，名字弗說，後人追尋，莫測年代。安乃撰

英名目，表其時人，詮品新舊，撰為經錄。衆經有據，實由共功。」經

錄曰，此土衆經，出不一時，自李暹光和以來，迄今齊康寧二年近二百

載，值疑出發，遇全出全，非是一人，卒難綜理，為之錄一卷。」（出

）

）

）

）

（三藏經五所載。）（大藏經卷五十五）。按齊書「康寧」年號，「康寧」當作「寧康」，蓋齊書誤。自後漢靈帝元年至本年凡一百九十六年，故謂近二百載也。

寧康三年（建元十一年）乙亥

四十二歲

二月八日與道安等鑄丈六釋迦佛像。（高僧傳道安傳曰：汝州刺史

史陽弘志送銅萬斤，鑄為丈六釋迦。安曰，吾豈已託公營造，欲觀此銅結

像，亦可然乎？弘志而敬諾。於是衆共抽捨，助成佛像光相丈六神好明

著。（卷五，頁三上）釋道安傳通方志曰：「寧康三年二月八日：道安於襄陽

郭西結丈六無量壽佛像。（？）明年季冬，嚴飾成就。」（卷四，頁十一上）大

師言：道安丈六金像頌曰：「蓮生善教末，...徒欣大化，而運乖其會，...沙門

贊明酒極，懸懸神影，每希想光普，髮露容儀，...魂交疑夢，而情憐於

中，遂命門人結而像焉。...于時四眾悅情，道俗齊趨。...撰務者不以作獲

告勞。」（弘明集十六所載）（頁十一下）。按大師頌又云：「佛說釋迦，

興化推移。...知所結法，是釋迦佛像。釋迦方志謂為無量佛像，蓋傳聞之

誤。

）

）

）

）

）

）

）

）

太元元年（建元十二年） 四十三歲

十二月所鑄丈六佛像成。大師隨爲作首襄陽丈六金像頌。

是年四月，釋慧常自涼寄與道安之竺法護等所譯首楞嚴

經須賴經至。五月光讚般若波羅蜜經續至。道安撰合放

光光讚隨略解。十月漸備經至。俱錄扶名氏海備十住序。（出

三藏記卷九所載。）（大藏經卷五十五，頁六十二下。道安合於光光

讀隨略解序（出三藏記所載），（大藏經卷五十五，頁四七上。）

太元二年（建元十三年）丁丑 四十四歲

朱序爲州刺史。荊州刺史桓豁卒，桓冲繼任，移鎮上

明。（今湖北松滋縣西）。俱見通鑑。（卷一百四）

周續之生。據宋書周之傳。（卷九十三）

太元三年（建元十四年）戊寅 四十五歲

二月秦將苻丕來寇城。據通鑑（卷一百四）

以秦軍臨城，道安命秦分散，乃與弟慧持，同學曇優，及

弟子數十人去襄陽南避，至荊州上明寺。據高僧傳本傳，

慧持傳（卷六，頁十三下）爲微傳。（卷五，頁十七下）本傳曰：「慧持存不

寤非妻傷，道安爲朱序所拘，不能得去，乃分張徒衆，各隨所之。隨路諸長

老復復相憂。隨於是與弟子數十人南遁荊州，住上明寺。」（卷六，頁二十七）

太元四年（建元十五年）己卯 四十六歲

二月秦軍陷襄陽。道安等被獲。據出三藏記道安傳通鑑（卷一

百四）

釋曇翼生。據高僧傳曇翼傳（卷十四，頁十六上）

太元五年（建元十六年）庚辰 四十七歲

釋法莊生（？）據高僧傳法莊傳（卷十四，頁四下）云：「宋大明初七

十有六。」

太元六年（建元十七年）辛巳 四十八歲

太元七年（建元十八年）壬午 四十九歲

道安赴秦長安。據出三藏記道安傳，道安比正大威序。（出三藏記

集十一所載。）（大藏經卷五五）。序云：「盛在弱大，自襄陽幸關右。」

太元八年（建元十九年）癸未 五十歲

大師素與同學慧永共約，結宇於羅浮山，至是欲踐舊約，

乃與弟慧持等去上明寺。及屆江州潯陽，見廬山清淨，足

以息心，而同學慧永亦在山，遂即止於廬山龍泉精舍。

據高僧傳本傳（卷六，頁二上）慧永傳（卷六，頁二五下）按佛藏統紀載大師

道讓曰：吾昔以知命之年，託粟此山。（卷二十六，頁八下）又同書廬山

三十七引靈隱年譜曰：太元八年癸未道安來廬山。」

是年正月秦將呂光討西域龜茲諸國。據通鑑（卷一百五）

僧伽提婆（中天）至秦長安。據道安河沙經序（出三藏記集十所

載）（大藏經卷五十五，頁七二下）

釋曇邕從道安出家。據高僧傳卷六，頁十八上參通鑑（卷一百五）

釋僧徹生。據高僧傳卷七，頁二十四下

太元九年（建元廿年）甲申 五十一歲

二月桓伊爲州刺史。

州刺史桓伊因慧永言爲大師於山東建東林寺（？）

據本傳。傳曰：「慧永居在西北與師同門甚好，講要遠共止。永謂刺史桓伊曰，願公方當弘道，今徒屬已廢，而來者方多，貧道所移，福狹不足相區，如何。桓乃爲遠復於山東更立房殿即東林是也。」（卷六，頁二下）

按寺成於後年。創寺當在伊爲刺史之後，而太元十一年之前。

太元十年（秦建元二十一年）乙酉 五十二歲

二月八日道安寂於秦長安五級寺。據三藏記卷十五道安傳。

（大藏經卷五五，頁一〇九上）收弟子釋曇邕。（？）

據高僧傳卷六。傳云，從安公出家。安公既往，乃南投廬山事道公爲師。（卷六，頁十八下）

謝靈運生。據宋書靈運傳。（卷六十七，頁一上）

太元十一年（後秦帝姚苻建初元年）丙戌 五十三歲

東林寺成。大師自是居東林寺。（據十八賢傳本傳）

（廬山記卷三，頁三十六下）

雷次宗生。

僧伽提婆與法印自秦至洛陽譯經。（？）

據出三藏記卷十三

提婆傳。（大藏經卷五十五，頁九九上）

太元十一年（建初二年）丁亥 五十四歲

竺法寂於京師瓦官寺。據大元起居注（後漢書注八注所引）。

（卷四，頁六下）高僧傳卷七。（卷五，頁十二下）

太元十三年（建初三年）戊子 五十五歲

太元十四年（建初四年）己丑 五十六歲

收弟子釋法莊（？）

范寧爲豫章太守。

太元十五年（秦建初五年）庚寅 五十七歲

太元十六年（建初六年）辛卯 五十八歲

僧伽提婆自洛陽來。

請僧伽提婆譯法勝阿毘曇心論山賢僧伽先三法度論。初道安在秦長安命外國沙門譯此諸論，以譯人不習晉語，致所譯多未善。至是僧伽提婆來，大師以其善此二論，因勸令重譯，由道慈筆受，遂成阿毘曇心論四卷，三法度論三卷，大師並爲之序。（據出三藏記卷十所載，大師阿毘曇心序，大藏經卷五五，頁七二下）

三法度序，（頁七三上）佚名氏阿毘曇心序（頁七二下）及同書僧伽提婆傳。（大藏經卷五五，頁九九上）高僧傳本傳，秦唐道安傳內典錄九（大藏經卷五五，頁三三五上）

是年收弟子釋道敬。（據十八賢傳道敬傳）。

太元十七年（後秦建初七年）壬辰 五十九歲

冬十一月，殷仲堪由黃門郎出為荊州刺史，來山詣大師談揚。問大師易以何為體。大師曰，以成爲體。仲堪曰，銅

山西崩，靈鐘東應，便是易耶？大師笑而不答。（宋劉義慶世說新語四）（卷二，頁十一上）高僧傳本傳，通鑑（卷一百八）

是年大師以禪經律藏多未備，命弟子支法領法淨等赴大竺尋經典。據高僧傳本傳（卷六，頁六下）參四分律序，唐智昇開元釋教錄四）。（大藏經卷五五，頁五一七上）

太元十八年（建初八年）癸巳 六十歲

大師自是不復出山。廬山法師碑曰：自以年至耳順，足不越山。

秋戴逵來書，寄所作釋疑論，與大師謂「脩短窮達，自有定分，積善積惡之談，是勸教之言」。周續之見論爲作難釋疑論（？）。據唐道宣廣弘明集（卷二十，頁二上至四下）參隋書（卷九四）宋齊間道之傳。（卷九三）見次年注。

太元十九年（後秦姚興皇初元年）甲午 六十一歲

大師覆戴逵書，示以開結之難，逵覆書，復重申前義。大師因作三報論以明善惡，有現報，生報，後報，以覆戴逵。

（？）據弘明集（卷五，頁二六上）廣弘明集（卷二十，頁十上）按大師周續之與戴逵論難報事，自在周續之來山之後，而戴逵未卒之前。隱卒於太元二十年，續之是年方十八歲，宋書（卷十三，原作二誤）謝靈運居

學數年入廬山，則其來山當在大元十七年左右，故知其事必在此二三年間。又檢大師書云，去秋與諸人共讀君論，知逵書論與大師覆爾事。

太元二十年（皇初二年）乙未 六十二歲

同學釋曇徽寂於荊州上明寺。據高僧傳道世傳（卷五，頁十七上）

戴逵卒。據高僧傳道世傳（卷九十四）

太元二十一年（皇初三年）丙申 六十三歲

弟慧持送姑洸儀尼適京師。據梁釋寶唱比丘尼傳（卷一，頁十一下）高僧傳慧持傳（卷六，頁十三下）

劉程之來山。據廣弘明集卷三十二，頁一上注

東晉安帝司馬德宗隆安元年（皇初四年）丁酉 六十四歲

僧伽提婆與道慈去適京師，與慧持竺道祖等重譯增一阿含經中阿含經，據道世中阿含經序（出三藏記九所載）（大藏經卷五五，頁六四上）。僧元得啟錄三，（大藏經卷五五，頁五〇五上）。出三藏記十三提婆傳（大藏經卷五五，頁九九中）。

隆安二年（皇初五年）戊戌 六十五歲

桓玄征殷仲堪，軍經廬山，要（大師）出虎溪，（大師）

釋道混生。據高僧傳道世傳（卷八，頁七下）

竺道生來山。據出三藏記十五道生傳（大藏經卷五五，頁一〇〇）

雷次宗來山（？）據宋書次宗傳（卷九十三）

隆安二年（皇初五年）戊戌 六十五歲

桓玄征殷仲堪，軍經廬山，要（大師）出虎溪，（大師）

釋道混生。據高僧傳道世傳（卷八，頁七下）

竺道生來山。據出三藏記十五道生傳（大藏經卷五五，頁一〇〇）

雷次宗來山（？）據宋書次宗傳（卷九十三）

隆安二年（皇初五年）戊戌 六十五歲

桓玄征殷仲堪，軍經廬山，要（大師）出虎溪，（大師）

釋道混生。據高僧傳道世傳（卷八，頁七下）

竺道生來山。據出三藏記十五道生傳（大藏經卷五五，頁一〇〇）

雷次宗來山（？）據宋書次宗傳（卷九十三）

隆安二年（皇初五年）戊戌 六十五歲

桓玄征殷仲堪，軍經廬山，要（大師）出虎溪，（大師）

釋道混生。據高僧傳道世傳（卷八，頁七下）

竺道生來山。據出三藏記十五道生傳（大藏經卷五五，頁一〇〇）

稱疾不堪，玄自入山。左右謂玄曰，昔僧仲堪入山禮遠，顧公勿敬之。玄答何有此理，仲堪本死人耳。及見大師，不覺致敬。玄問不敢毀傷，何以爾前。大師答云，立身行道。玄稱善，所懷問難，不敢復言，乃說征討之意。大師不答。玄又問何以見顯。大師云，顯桓越安隱，使彼亦復無他。玄出山謂左右曰，實乃生所未見。（高僧傳本傳卷六，頁九下）（卷一〇，頁八上）

是年大師收弟子釋僧徹。（高僧傳僧徹傳卷七，頁二四上）

桓玄爲州刺史。（魏書卷一〇，頁七下）

豫章太守范曄請慧持講法華經（？）（慧持傳慧持傳卷六，頁一四上）

陶淵明至京口爲鎮軍將軍劉牢之參軍。（宋書陶淵明傳卷九十四）（卷一〇）

隆安二年（後秦弘始元年）己亥

六十六歲

州刺史桓玄有意延致大師，來書勸大師能道，略謂「佛理幽深，豈是悠悠常徒所能習求。先聖有言，未知生，焉知死，而令一生之中，困苦形神，方求冥冥黃泉下福。迷而知反，去道不遠，忽焉將老，可復追哉。聊贈至言，幸能納之」。 大師覆書拒之曰，人生天地之間，如白駒之過隙，以此而尋，孰得久停，豈可不爲將來作資。

一世之榮劇，若電光聚則致離，何足貪哉。貧道形不出人，才不應世，是故毀其形質，被其割殺之服理。未能心冥玄化，遠存大聖之制，豈捨其本懷而酬高誨（？）（慧持傳卷二，頁三二上） （大師答桓南郡書），（同卷二二下） （出三藏記十五本傳），（大藏經卷五，頁一一〇） （高僧傳本傳）。 （卷六，頁一〇上）按高僧傳本傳敘此事於大師會玄之後，玄沙汰衆僧之前，推當時情形，似屬本年玄在府時事，蓋本年十二月以後，玄即適江陵，無暇及此矣。

是年十二月桓玄發兵襲江陵，殷仲堪被害。（魏書卷一，頁六下）

弟慧持辭適成都。（高僧傳慧持傳卷六，頁一四上）

謝靈運始自鏡塘還京師。（宋書謝靈運傳卷七，頁三七上）

隆安四年（弘始二年）庚子

六十七歲

夏五月與交徒三十餘人遊石門，爲五言遊廛山詩，自劉程之王喬之張野皆爲和詩，或更爲序，以記其事。（宋書謝靈運傳卷四，頁六上）按佚名氏廛山諸道人遊石門詩序（載廛山古今遊記叢書卷上，頁六上）

是年五月陶淵明自京師還柴桑。（謝靈運先生集庚子歲五月中從都還阻風于規林詩）（卷三，頁二下）

隆安五年（弘始三年）辛丑

六十八歲

十二月二十日鳩摩羅什(五譯)自涼州至秦長安。據出三

藏記與所載對數(大藏經序)(大藏經卷五五,頁五二一)大智度論(大藏經卷五五,頁七五)同卷十四羅什傳。(大藏經卷五五,頁一〇〇)

陶淵明適江陵 據續通先生集辛丑歲七月赴假還江陵詩。(卷三,

頁二上)謝靈運瓊樓樂縣公(謝靈運傳)(卷六十七)

元興元年(弘始四年)壬寅

六十九歲

二月鳩摩羅什譯阿彌陀經 據唐內典錄三、(大藏經卷五五,頁

二五三)同元傳教錄四、(大藏經卷五五,頁五二二)桓玄發兵入京

師。三月改元大亨。桓玄爲太尉。據通鑑(卷一一二,頁九

上下)

太尉桓玄欲沙汰僧衆，衆情惶惑，大師作書爲論料簡得失。

玄與僚屬教謂『佛所貴無爲，絕慾，比者陵逼，遂失斯道。京師競其奢淫，名器爲之穢黷，避役鍾於百里，通逃盈於寺廟。傷治害政，塵滓佛教。可嚴下在此諸沙門，有能伸述經誥，暢說義理者，或禁行修整，恆爲阿練若者，或山居養志，不營流俗者，皆足以宣寄大化。其有違於此者，皆悉罷道，所在領其戶籍，嚴爲之制。唯廬山道德所居，不在搜簡之例』。大師與玄書曰，『佛教陵逼，穢雜日久，每一尋思，憤慨盈懷。見檢越澄清諸道

人教，實應其本心。夫淫以消分，則濁殊流，枉以直正，則不仁自遠。符命既行，必二理斯得，然後令飾僞取容者自絕於假通之路，信道懷真者無復負俗之嫌。』

『經教所開，凡有三科：一者神思入微，二者風味遺典，三者興建福業。三科誠異，皆以律行爲本。檢越近制，似大同於此，是所不疑，或有與福之人，內不毀禁，而迹非阿練若者，或多誦經，諷詠不絕，而不能暢說義理者，或

年已宿長，雖無三科可記，而體性真正，不犯大非者，凡如此輩，皆是所疑。今尋檢越所遺之例，不應問此，而外物惶惑，莫敢自寧。夫形迹易察，而真僞難辨，自非遠見，得之信難。都邑沙門經檢越視聽者，固無所疑；若

邊局遠司，識不及遠，則未達教旨，或因符命，濫及善人，此最其深憂。若所在執法之官，意所未詳，又時無宿

望，沙門可以求中得令送至大府，以經高鑒者，則於弘。玄遂從大師所議。據弘明集十二所載桓玄與僚屬沙汰僧衆啟，大師與桓太尉論料簡沙門書，(頁三十二上，三十一下)高僧傳本傳。(卷六,頁十七)按佛國記載玄汰僧衆於隆安二年。(卷三六,頁一三上)

然高僧傳本傳載此事在玄勸大師還道之後，今沙門啟王者之前，則非隆安二年事。今尋玄啟及大師書，明是玄還京師，爲太尉時事。玄本年二月至京師，三月封丞相，改大尉，四月即出屯姑孰，如此即本年二月回事

矣。

四月太尉桓玄出屯姑孰，欲令沙門敬王者與八座書，謂『舊諸沙門皆不敬王者，何啻雖已論之，而並率所見未是以理屈也。』佛之爲化，以敬爲本。老子同王侯於三大。原其所重，皆在於資生通運，將以天地之大德曰生。通生理物，存乎王者。故尊其神器，而禮實爲隆。沙門之所以生資存，亦日用於理命，豈有受其德而遺其理；沽其惠而毀其敬哉。時尚書令桓謙領軍將軍王謐並不謂然，皆與玄往復論難。玄乃以其與八座書示大師云，『沙門不敬王者，既是情所不了，於理又是所未說。一代大事，不可令其體不允近，與八座書令示君，君可述所以不敬意。』此便當行之於事，一二令詳遺。王領軍大有任此意。所據理殊未釋所疑。令郭江州取君答可旨付之。大師答書曰，『佛經所明，凡有二科：一者處俗弘教，二者出家修道。出家則是方外之資，遠思累緣於有身，不存身以息患，知生由於稟化，不順化以求宗。故不重運通之資，不貴厚生之益，隱居以求其志，變俗以達其道，變俗服章，不得與世典同禮，隱居則宜高尚其迹。是故內垂天屬之重，而不遠其孝，外闕奉主之恭，而不失其敬。如令一夫全德，則道洽六親，澤流天

下，雖不處士侯之位，固已協契皇極，大庇生民矣。如此豈坐受其德，虛沾其惠。沙非朝宗之服，鉢盂非歸廟之器，剃髮毀形之人，忽則諸夏之禮，竊所未安。明基卷十二所載桓玄與八座書，(頁十四下)與法師書，(頁二五下)大師答桓玄書，(頁二六上)高僧傳本傳，(卷六，頁一〇下)通鑑。(卷一一二，頁十上)

七月二十八日大師結念佛社，延命修往生淨土同志劉程之雷次宗調韻之華頓之宗炳張野敬詮王喬之慧永竺道生及弟子慧寂慧嚴慧觀道暕道敬曇夜曇欒曇翼曇暕僧濟僧讚法安慧慧慧寶慧要等百二十三人，集於山陰般若雲臺精舍阿彌陀佛像前，共期往生淨土。劉程之撰序文，文曰：『推交臂之潛淪，悟無常之期切，審三報之相催，知險趣之難拔，此其同志諸賢，所以夕惕宵勤，仰思悠濟者也。蓋神者可以感涉而不可以迹求，今幸不謀而感心西域，等施一心，登茲同人，俱絕遊域。其有驚出絕倫，首登神界，則無獨善於雲霓。先進之與後升，勉思冀征之道』，(續出三藏記卷十五本傳，(大藏經卷五五，頁一〇九)高僧傳本傳，(卷六，頁四上)十八賢傳(法山記卷三六上至四三下)蓮社高僧傳，(頁一下，頁六下)佛祖統紀(卷二六，頁四下，一七上)蓮宗寶鑑四。(大藏經卷四七，頁三二〇)按舊傳俱不言結社之年，據劉程之序文云，『維歲在攝

提格七月戊辰朔二十八日乙未。知其年為寅年，且七月朔為戊辰。元李公樂

撰編選在謂為我朝十年甲寅。（見清國編年譜考異卷下，頁六下）。

近人游國恩選社年考復定為大元十五年，庚寅。（見國學月報發刊第一

集頁二六五）然對之卒於我朝十年前。大元十五年當次宗方五歲，周顯

之亦僅十四歲，是與入社之說不合。考大師居廬山所歷三寅年，惟本年之

七月朔甲子與之對文合，知新社實本年事。又按同時預社者，蓮社高賢

傳百二十三人。傳所載尚有陶公則及陸修靜二人。考唐道世法苑珠林載陶

公則事，與蓮社高賢傳所叙略同。然尚未及其入廬山事，且謂其「嘗試之

世；死於洛陽」。（卷五五，頁一九上）則其人尚不及見東晉。又考唐陸羽

宋廬山僧菴陸先生傳敘陸修靜事頗詳，亦不言其預蓮社，並謂其宋元嘉末

始入廬山。元徽五年卒，年七十二，則其人迄參廬山記卷一，頁十三下）。

大師之卒年，彼不過十二齡耳。如此，謂二人預社，決為附會。又佛經說

紀卷百二十三人，尚有法淨、法顯、道融、法業、慧表、慧嚴、慧

觀、孟圓諸人。考法淨、法顯，是年尚未歸國；道融、法業，則高僧傳

傳傳乃持弟子，是時自隨持在蜀；法業、慧表、慧嚴，慧觀俱見高僧傳

佛陀跋陀羅傳（卷二，頁十六下），似亦因從佛陀跋陀羅者。考慧持於前三

年已歸山入蜀。道生，佛陀跋陀羅七年始來山，恐即初依羅什，後

始來山，預社不在是年。孟僧玉以下諸人，皆義熙八年以後始來廬山（參

廬山記卷一，頁十三下）今皆不取。

按者按，蓮社卒于義熙十二年八月，年八十三，自元興以後十四年

事，著者原稿，其載本末，情之固既折，遺疑猶存，未為補頁，聊示

悼恨云爾。

道藏子目引得引得第二十五號 翁獨健編

民國二十四年七月出版 每册定價大洋陸元

釋道二家，影響於我國學術思想與社會風俗者，

至深且鉅。引得編纂處前既請許地山先生編佛藏子目引

得出版問世，茲又請翁獨健先生就道藏及道藏輯要，編

為道藏子目引得，以期與佛藏子目引得並行，而為研究

二氏者之助。全書共分四篇：一，分類引得；二，經名

引得；三，撰人引得；四，史傳引得。四篇中，除第

一篇完全依照道藏目錄次序外，餘皆用中國字皮菊法排

列。道藏數量與佛藏相頡頏，檢覓資料，殊為不易；手

此一編，當能省多量之時間，免些許之煩苦也。

八十九種明代傳記綜合引得 引得第二十四號

民國二十四年五月出版 三厚册定價大洋貳拾圓

本書大部分為田繼琛先生所編，所收計有張廷玉明

史，萬斯同明史，王鴻緒明史稿，王世貞嘉靖以來首輔

傳，陳鼎東林列傳，汪有典前明忠義別傳，錢謙益列朝

詩集小傳以及獨立本標艇永懷等八十九種明代傳記。全

書分姓名引得及字號引得二編，都共七百八十頁，十四

萬條，一百二十餘萬字，凡研究明史者當人手一編也。

右唐本春秋左傳杜注校勘記一卷爲遵義節使黎蒨齋先生使東瀛時所錄蓋先生嗜古有年旣刊古逸叢書復聞曰府有初唐寫本左傳意與今本必有同異極欲披覽多方求借始得寓目隨將同異筆之簡端以備攷覈前歲先生分巡川東屬周君楚白摘其有關勘正者錄爲一卷今夏函寄會垣卽命工刊入靈峯草堂叢書中夫近世收藏家及爲校勘之學者獲一宋元槧本便珍若球圖以其可訂正古書鉤攷同異也今此書校錄乃据初唐寫本下距北宋三四百年距南宋元五六百年論古本莫古於此且爲人人必讀之經阮儀徵校十三經所未及見者其寶貴更當何如惜余入宦以來暇日實少攷翼甚難乃就先生舊校審定而刊行之以餉

海內承學之士亦藉以副先生嘉惠士林之盛意云爾
光緒甲午冬貴陽陳矩

年譜於史近紀載實家乘也非有亮節瑰行爲世所共稱者則不足以傳世而行遠方 穆宗毅皇帝中興時其功烈之最著者無以踰會胡駱左諸公咸有年譜詳紀事蹟久已風行海表家有其書厥後吳柳堂先生以死言事 懿旨褒之廷議重之天下士莫不翕然稱之論者至與會胡駱左諸公爲比夫忠義之激昂與勳業之彪炳洵殊途而同歸 矩得傅懋元觀察所纂先生年譜亟校付梓俾景行向往者藉此概見其生平知當與會胡駱左諸公年譜並垂於不朽有斷斷然者

光緒二十二年歲在丙申孟冬貴陽陳矩識

序

宋吳斗南仁傑編輯陶靖節年譜謂之蜀本盛爲當時所稱許畧見馬端臨經籍考而四庫全書提要及阮文達書目均未著錄夔酷嗜陶詩搜集箋注無慮七八本惟傳忠書舍校刊本注引斗南譜說吉光片羽僅見一斑深以未窺全豹爲恨頃庸陳君衡山所示以吳東巖瞻泰陶詩彙注校刊精審注釋詳贍所見箋陶善本無出其右卷端具載斗南原譜尤希世秘笈考證精確胥有根據如援左傳杜註以釋偏喪之義具徵經學湛深論宋檀道濟爲江州先後失序足正史傳舛誤辨明靖節曾未一就桓元劉裕之辟以闢葉少蘊之謬說而證李善選注之非關係靖節一生出處大節洵爲栗里

功臣迥非瑣瑣箋釋蟲魚者比其中間有千慮之失如與子儼等疏年過五十當在義熙十一年乙卯而誤列九年癸丑楚調僂俛六九年當在十四年戊午而誤列十二年丙辰不祇如東巖凡例所云改斜川詩序辛丑爲辛酉之誤至劉懷肅爲建威將軍原本溫公通鑑東巖第據史傳以糾之謂當作劉敬宣各執一說未詳孰是考靖節叅建威軍爲彭澤令賦歸去來辭皆在乙巳譜悉備載不遺不容獨無義熙元年乙巳提綱當是傳鈔脫簡而東巖校證偶未之及今衡山照錄原本刊入叢書屬夔撮序其概以質世之慕陶有同心者宋王質所譜雖博通較遜而互證可因衡山以古帙日稀特過而存之蜀本原附張季長續辨證今不可得見又張氏書


目答問著有丁晏頤志堂靖節年譜亦未見傳本衡山好古
敏求網放失而詳考訂所當期諸異日光緒乙未年孟春德
清傳雲夔

陶靖節先生年譜

宋河南吳仁傑斗南編次

先生晉大司馬長沙郡公侃之曾孫按梁昭明太子著先生傳云自以曾祖晉世宰輔耻復屈身後代自宋高祖王業漸隆不復肯仕惟先生大節如此故義熙初元去彭澤未有著廷之命亦不拜時晉猶未禪也先生雖晉臣未嘗一食宋粟然其卒在元嘉中故晉書有本傳沈約宋書李延壽南史又皆有傳後世因以先生爲宋人隋經籍志稱宋聘士陶潛集吳氏西齋錄稱宋彭澤令陶潛集者誤也今取晉故官表之篇端從先生本志云

晉哀帝興寧三年乙丑



先生生於是年

海西公太和元年丙寅

六年辛未

是年冬簡文卽位改元咸安

簡文帝咸安二年壬申

孝武帝寧康元年癸酉

太元元年丙子

祭程氏妹文云慈妣蚤世我年二六先生生於乙丑至是十
有二歲丁母夫人孟氏憂夫人晉故征西大將軍長史孟嘉
第四女大司馬侃外孫也

十年乙酉

示龐主簿鄧治中詩云弱冠逢世阻按晉紀及五行志太元八年春三月始興南康廬陵大水南康平地五尺十年夏五月大水秋七月旱饑先生時年方冠連年旱潦饑饉故云十六年辛卯

有始春懷古田舍詩二首集本作癸卯字誤也此詩首聯云在昔聞南畝當年竟未踐則是此年方有事於田疇故明年有投耒學仕之語按本傳稱先生躬耕自資亦在爲鎮軍參軍之前以此知始踐南畝決非癸卯歲集本謾明矣

十八年癸巳

是歲爲江州祭酒未幾辭歸州復以主簿召不就飲酒詩云疇昔苦長飢投耒去學仕又云是時向立年蓋先生以二十

九歲始出任實癸巳歲也本傳云親老家貧起爲州祭酒不堪吏職少日自解歸此飲酒詩下句所謂拂衣歸田里者也
十九年甲午

是年先生三十矣有悼亡之戚故示龐主簿鄧治中云始室喪其偏禮三十日壯有室左傳齊崔子生成及疆而寡娶東郭氏杜註偏喪曰寡先生與子儼等疏云汝輩雖不同生當思四海兄弟之義他人尙爾况共父之人哉先生蓋兩娶本傳其妻翟氏志趣亦同能安苦節夫耕於前妻鋤於後則繼室實翟氏

安帝隆安元年丁酉

四年庚子

始作鎮軍參軍有經曲阿詩曲阿今丹陽縣也本傳稱躬耕
自資遂抱羸疾復爲鎮軍建威參軍事按晉官制鎮軍建威
皆將軍官各置屬掾非兼官也以詩題考之先生蓋於此年
作鎮軍參軍至乙巳歲作建威參軍史從省文耳文選經曲
阿詩李善註云宋武帝行鎮軍將軍按裕元興元年爲建威
將軍三年行鎮軍將軍與此先後歲月不合先生亦豈從裕
辟者善註引用非是此年五月又有從都還阻風規林詩云
一欣侍溫顏則先生就辟至是乃挈家居京師故還舊居詩
有疇昔家上京之句葛文康云先生阻風規林詩落句云靜
念林園好人間良可辭是歲春秋三十六明年夜行塗口詩
云投冠旋舊廬不爲好爵縈卒踐其言自彭澤歸優游里巷

者二十有二年

五年辛丑

有七月赴假還江陵夜行塗口詩文選此詩遙遙至西荆李善註云時京都在東故謂荆州爲西也今集本作南荆者非葉少蘊左丞云淵明隆安庚子從都還明年赴假還江陵荆州刺史自隆安三年桓玄襲殺殷仲堪卽代其任至於篡未別授人淵明之行在五年豈嘗仕於玄耶傳云爲鎮軍參軍按劉裕以大亨三年逐桓玄行鎮軍將軍事豈又嘗仕於裕耶桓玄劉裕之際而淵明皆或從仕世多以爲疑此非知淵明之深者未論實爲玄裕否淵明在隆安之前天下未有大故且不肯仕自庚子至乙巳正君臣易位人道反覆之時淵

明乃肯出仕乎蓋潯陽上流用武之地玄與裕所由交戰出入往來者也淵明知自足以全節而不傷生故趙之仕則仕不以輕犯其鋒棄之歸則歸不以終屈其已豈區區一節之士可以窺其間哉自去彭澤劉裕大業已成天下亦少定遂不復出後十四年召爲著作佐郎則淵明可以終辭矣仁傑按先生爲鎮軍非從劉裕已具去歲譜中至仕於江陵則又有不然者先生以庚子歲作鎮軍叅軍乙巳歲去彭澤不復仕故還舊居詩云疇昔家上京六載去還歸自庚子至乙巳凡六年旣云家上京又有從都還阻風詩則是未嘗居江陵使先生果仕於玄不應居京師設居江陵不應以爲上京故先生答龐叅軍序云龐從江陵使上都過潯陽凡言京都皆

指建業則先生未嘗居江陵明甚其祭程氏妹文云昔在江陵重罹天罰兄弟索居乖隔楚越伊我與爾百哀是竊以先生阻風詩推之一欣侍溫顏再喜見友于則先生蓋有兄弟至江陵丁外艱而兄弟乖隔獨與女弟居喪者蓋先生兄弟在京師而女弟居江陵豈先生親闈因過其女以疾留江陵遂不起耶先生以七月還江陵而祭妹文有蕭蕭冬月之語則居憂在是歲之冬

元興元年壬寅

桓玄舉兵犯京師政自己出改元大亨是年先生居憂

二年癸卯

先生服闋閒居有飲酒詩二十首內一篇上云是時向立年

下云亭亭復一紀又別篇云行行向不惑是年三十九矣十
二月桓玄篡晉改元永始是月先生與從弟敬遠詩云寢跡
衡門下邈與世相絕又飲酒詩稱夷叔在西山且當從黃綺
皆有激而云

三年甲辰

先生四十歲有榮木及連雨獨飲詩是歲桓玄伏誅晉帝反
正於江陵未幾桓振反三月建威將軍劉懷肅討振斬之天
子乃還京師是年懷肅以建威將軍爲江州刺史先生實參
建威軍事從討逆黨於江陵有使都經錢溪詩蓋自江陵以
使事如建業尋歸潯陽有還舊居詩八月起爲彭澤令在官
八十餘日解印綬去有歸去來辭并序顏延之爲先生誄云

母老子幼就養勤匱遠惟田生致親之義追悟毛子捧檄之
懷初辭州府三命後爲彭澤令按先生十二歲失所恃今延
之言其母老蓋繼母也韓子蒼舍人云以淵明傳及詩考之
自庚子歲始作建威參軍爲彭澤遂棄官歸凡爲吏者六歲
故云六載去還歸然淵明乙巳歲三月尙爲參軍十一月去
彭澤而云家貧耕植不足以自給何也仁傑以歸去來序考
之不言由參軍爲彭澤蓋自使都之後去官還潯陽其云六
載去還蓋在京師居者六年已而歸潯陽舊居故有還舊居
詩旣歸而耕植不給於是有弦歌之意所謂脫然有懷求之
靡途是也東坡先生言孔子不取微生高孟子不取於陵仲
子惡不情也陶淵明欲仕則仕不以求之爲嫌欲隱則隱不

以去之爲高古今賢之貴其真也先生自庚子歲作鎮軍叅軍至辛丑秋居憂癸卯外除值桓氏亂閒居彌年此年春方在建威府未幾復辭去雖六載居京其實爲吏之日少子蒼疑其遽有不給之歎顧第弗深考又以鎮軍爲建威亦誤也先生之去彭澤也不知者以爲不能爲五斗米折腰鄉里小兒其知者以爲爲女弟之喪也乃若先生之意則有在矣方是時劉寄奴自以復晉鼎於桓氏竊取之餘規模所建漸廣決非臣事晉者故先生見幾而作耳其誨顏延之之言曰獨正者危至方則礙然則先生之不欲爲苟去豈非得明哲保身之道也哉

義熙二年丙午

有歸園田居詩五首味其詩蓋自彭澤歸明年所作也首篇云誤落塵網中一去三十年按太元癸卯先生初仕爲州祭酒至乙巳去彭澤而歸纔甲子一周不應云三十年當作一去十三年此詩今本有六首韓子蒼云陳述古本止五首俗本取江淹種苗在東臯爲末篇乃序行役與前五首不類東坡亦因其誤和之按江淹擬先生田居詩見文選

三年丁未

晉史本傳云義熙三年解印去縣賦歸去來辭按先生自序去縣以乙巳歲實元年此史誤也五月有祭程氏妹文

四年戊申

六月有遇火詩

五年己酉

有九日詩

六年庚戌

九月有西田穫稻詩

七年辛亥

有與殷晉安別詩其序云殷先作晉安南府長史掾因居潯陽後作太尉叅軍移家東下作此以贈按宋武帝紀此年改授太尉又按殷景仁傳爲宋武帝太尉行叅軍則所謂殷晉安卽景仁也先生方避世而景仁乃就辟故其詩云語默自殊勢亦知當乖分又云興言在茲春則此詩在春月作八月有祭從弟敬遠文

八年壬子

有雜詩十一首有句云奈何五十年忽已親此事又有示周
掾祖謝詩周掾名續之隱廬山與先生及劉遺民號潯陽三
隱者江州刺史檀韶苦請續之出州與學士祖企謝景夷三
人共在城北講禮加以校讐所住公廨近於馬隊故其詩云
周生述孔業祖謝響然臻馬隊非講肆校書亦已勤誦之也
事見蕭德施所著先生傳按南史檀韶從征廣固及討盧循
有功後拜江州刺史征廣固在義熙五年討盧循在六年則
韶爲江州當在此年以後

九年癸丑

有與子儼等疏云告儼俟份佚佟吾年過五十云云南史本

傳載此文末云又爲命子詩以貽之今按命子詩是初得子儼時作與疏不合惟責子詩有五男兒然儼時方年十六俟年十四份佚皆年十三佟八歲耳先生悼亡在壯歲而前夫人有所出則責子詩當是四十後所作亦非與子儼等疏時也東坡云淵明臨終疏告儼等今按疏稱年過五十而先生享年六十有三則此文又非屬續時語疏云疾患以來漸就衰損自恐大分將有限則是因多病早衰之故預作治命耳此後十五年先生方物故自祭文及擬挽歌辭乃絕筆也
十二年丙辰

八月有於下撰田舍穫詩又有怨詩楚調示麗主簿鄱治中云僮仰六九年其年先生五十四時顏延之爲江州刺史劉

柳後軍功曹在潯陽與先生情款以周續之傳考之柳以是
年到官云

十三年丁巳

有贈羊長史詩長史名松齡晉史本傳謂與先生周旋者是
歲劉裕平關中松齡以左軍長史銜使秦川故有句云路若
經商山爲我少躊躇多謝綺與角精爽今何如與飲酒詩且
當從黃綺同意當桓劉之世先生不出世如避秦也

十四年戊午

詔除著作郎稱疾不就見南史本傳

恭帝元熙元年己未

是歲王宏爲江州刺史本傳云宏欲識淵明而不能致令人

候知當往廬山乃遣其故人龐通之等先齎酒具於半道栗里間淵明有腳疾使一門生二兒舁籃輿既至便忻然共飲宏乃出與相聞要之還州

二年庚申

夏六月晉禪於宋宋高祖改元永初讀史述九章自註曰余讀史記有所感而述之首章述夷齊云天人革命絕景窮居采薇高歌慨想黃虞二章述箕子云去鄉之感猶有遲遲矧伊代謝觸物皆非當是革命時作近世有校集本者云文選五臣註辛丑歲七月赴假還江陵詩謂淵明詩晉所作者皆題年號入宋所作但題甲子而已意者耻事二姓故以異之思悅考淵明之詩有題甲子者始庚子距丙辰凡十七年間

只九首皆晉安帝時作中有乙巳歲三月經錢溪作此年秋
乃爲彭澤令解印綬去後十六年庚申晉禪宋淵明傳曰自
宋高祖王業漸隆不復肯仕於淵明出處得其實矣寧容晉
未禪宋前二十年輒耻事二姓所作詩題甲子而自取異哉
矧詩中又無標晉年號者仁傑按沈約宋書潛自以曾祖晉
世宰輔不復屈身後代自高祖王業漸隆不復肯仕所著文
章皆題年月義熙已前則書晉氏年號自永初以來惟云甲
子而已嘗考集中諸文義熙已前書晉氏年號者如桃花源
詩序云晉太元中又祭程氏妹文云維晉義熙三年是也至
游斜川詩序在宋永初二年作則但稱辛酉歲自祭文在元
嘉四年作則但稱歲惟丁卯史氏之言亦不誣矣然其祭從

弟敬遠文在義熙中亦止云歲在辛亥要之集中詩文於晉年號或書或否固不一槩卒無一字稱宋永初以來年號者此史氏所以著之也史論其所著文章不專爲詩而發而五臣輒更之曰淵明詩晉所作者皆題年號此所以啓後世之之誤也詳味先生出處大節當桓靈寶僭竊位號與劉氏創業之初未嘗一日出仕而眷眷本朝之意自見於詩文者多矣東坡云讀史述九章夷箕子蓋有感而云去之五百歲吾猶識其意也韓子蒼亦曰余反復述酒詩見山陽舊國之句蓋用山陽公事疑是義熙以後有所感而作故有流淚抱中歎平王去舊京之語淵明忠義如此今人或謂淵明所題甲子不必皆義熙後此亦豈足論淵明哉唯其高舉遠蹈不

受世紛而至於躬耕乞食其忠義亦足見矣

宋高祖永初二年辛酉

有游斜川詩并序別本作辛丑者非是先生是年五十七然詩云開歲倏五十或疑是辛亥歲作是年四十九故言開歲倏五十猶言來歲云爾按馮衍顯志賦云開歲發春則非謂來歲明矣馬永卿云廬山東林舊本作倏五日與序所謂正月五日相應宜以爲正東坡和此篇云雖過靖節年未失斜川游東坡於時年六十二自辛酉歲論之先生五十七歲而東坡又過其五亦無傷也

三年壬戌

營陽王景平元年癸亥八月文帝卽位改元元嘉文選顏延

之爲先生誄李善注引何法盛中興晉書曰延之爲始安郡經潯陽常飲淵明舍自晨達昏南史傳亦云每過潛必酣飲致醉刺史王宏欲要延之坐彌日不得延之臨去留二萬錢潛悉送酒家稍就取酒按延之道過湘州祭屈原文云有宋五年知以是年之郡文帝元嘉二年乙丑

贈長沙公詩其序云余於長沙公爲族祖同出大司馬昭穆旣遠已爲路人經過潯陽臨別贈此詩按陶侃傳曰封長沙郡公贈大司馬有子十七人洪瞻夏琦旗斌稱範岱九人附見侃傳先生大父亦侃子也獨見於先生傳中侃以壬辰咸和七年薨世子夏襲爵及送侃喪還殺其弟斌庾亮奏加放黜表未至而夏卒詔以瞻息宏襲侃爵卒子綽之嗣綽之卒

子延壽嗣宋受禪降爲吳昌侯以世次考之先生於延壽爲諸父行今自謂於長沙公爲族祖意延壽入宋而卒見先生於潯陽者豈其子耶延壽已降封吳昌仍以長沙稱之從晉爵也集本序文良是詩題當云贈長沙公族孫而云族祖者字之誤也一本因詩題之誤輒以意改序文云長沙於余爲族祖按侃子夏襲封長沙公於先生爲大父行史雖不著夏卒之歲月然其卒在庾亮前亮沒以歲庚子實咸康六年距興寧乙丑歲猶一十五年時先生未生也夏固不與先生同時又按禮經高祖之昆弟六世以外然後親屬竭故有從父有從祖有族祖蓋同祖爲從父同曾祖爲從祖同高祖爲族祖使侃諸子而在乃先生祖之昆弟服屬近矣安得云昭穆

既遠當曰從祖亦不得云族祖也至若延壽之子則侃之六世孫與先生同高祖先生視之爲族孫故以族祖自居其詩有云同源分流人易世疎又有禮服既悠之語蓋昭穆至是差遠然至以爲路人則長沙公於宗族之義亦薄矣故又云慨然寤歎念茲厥初觀此則俗本所改序文果非

三年丙寅

是歲五月檀道濟爲江州刺史本傳稱道濟往候先生偃卧瘖餒有日矣道濟謂曰夫賢者處世天下無道則隱有道則至今子幸生文明之世奈何自苦如此對曰潛也何敢望賢志不及也道濟餽以梁肉麾而去之然本傳載此在爲鎮軍參軍之前以道濟傳考其歲月知史誤也葉左丞云陶淵明

晉書南史皆有傳梁蕭統亦有傳嘗以統傳及顏延之所作
誅參之二史大抵南史全取統傳而更其名字統傳云淵明
字元亮或云潛字淵明南史云潛字淵明或云字淵明名元
亮至晉書直言潛字元亮統去淵明最近宜得其實既兩見
則淵明蓋嘗自更其名字所謂或云潛字淵明者其前所行也淵
明字元亮者後所更也統承其後故書淵明爲正而謂潛爲
或說意淵明自別於晉宋之間而微見其意歟顏延之作誄
以潯陽陶淵明稱之此欲以其名見也延之與淵明同時且
相善不應有誤可以知其爲後名與統合不然或謹其名自
當稱元亮何以追言其舊字乎仁傑按石林謂先生更名自
別於晉宋之間得其微意矣至謂潛與淵明爲前所行淵明

與元亮爲後所更以集與本傳考之則有可疑按先生之名淵明見於集中者三其名潛見於本傳者一集載孟府君傳及祭程氏妹文皆自名淵明又按蕭統所作傳及晉書南史載先生對道濟之言則自稱曰潛孟傳不著歲月祭文晉義熙三年所作據此卽先生在晉名淵明可見也此年對道濟實宋元嘉則先生至是蓋更名潛矣山谷懷陶令詩云潛魚願深澗淵明無由逃蓋言淵明不如潛之爲晦此尤深得先生更名之意至云歲晚以字行更始號元亮此則承南史之誤耳延之作先生誄云有晉聘士陶淵明旣以先生爲晉臣則用其舊名宜矣延之與先生厚善著其爲晉聘士又書其在晉之名豈亦因是欲見先生之意耶蕭統不悟其旨乃以

淵明爲本名而以潛爲或說傳中載對道濟之語則又云潛自相抵牾其實先生在晉名淵明字元亮在宋則更名潛而仍其舊字謂其以名爲字者初無明據殆非也本當曰陶淵明字元亮入宋更名潛如此爲得其實其曰深明泉明者唐人避高祖諱故云

四年丁卯

將復召命會先生卒有自祭文及擬挽歌辭祭文云律中無射挽歌云嚴霜九月中送我出遠郊其卒當在九月顏延之誄云疾惟疢疾視化如歸則是以疢疾卒也又云藥劑弗嘗禱祀非恤又紀其遺占之言曰存不願豐沒無求贍省訃却賻輕哀薄歛遭壤以穿旋葬而窆自祭文亦曰奢耻宋臣儉

笑王孫又有不封不植之語嗚呼死生之變亦大矣而先生
病不藥劑不禱祀至自爲祭文挽歌與夫遺占之言從容閒
暇如此則先生平生所養從可知矣顏延之取諡法寬樂令
終曰靖好廉自克曰節合二字之美諡焉

年譜 載雲韜堂紹陶錄

宋泰山王質著

元亮高風發於宋晉去就之際君曾祖事晉懋著勲勞自
宋武帝芟元復馬逆揣其末流卽不出武帝將收賢士以
繫人心見要亦不應陶謝皆世臣君世地色言俱辟而靈
運爲武帝兼任最後乃欲詭忠義雜江海遠師送君過虎
溪而卻靈運不入蓮社素心皆所鑒知譜具左方

興寧三年乙丑

晉哀帝

君生於潯陽柴桑今德安縣楚城市是父軼名命子詩云於

穆集作

仁考淡焉虛止寄迹風雲寘茲愠喜陶氏自侃以武

功擅世後裔稍襲故風多流亂岐蓋折翼之祥發之旁派傳

淡傳君父子皆以隱德著稱侃女適孟嘉嘉女適君父是生

君其氣所傳造化必有可言者

太元元年丙子

晉孝武帝

君年十二失母祭妹文云慈妣早世我年二六

太元九年甲申

君年二十失妾

當作妻下同

楚調詩云弱冠逢世阻始室喪其偏

妻翟氏偕老所謂夫耕於前妻鉏於後當是翟湯家湯莊矯

法賜四世以隱行知名

亦柴桑

太元十九年甲午

君年三十有歸園田詩云誤落塵網中一去三十年初爲州祭酒當在其前不堪乃解歸故云久在樊籠裏復得返自然尋亦卻主簿

隆安四年庚子

晉安帝

君年三十六五月有從都還阻風規林詩當是參鎮軍銜命自京都上江陵故在始作鎮軍參軍經曲阿詩後父在柴桑故云一欣侍溫顏又云久游戀所生父爲人度不肯適都當是己舍單行見還舊居詩軍僚差疆郡吏故云時來苟冥會婉戀憇通衢投策命晨裝暫與田園疏

隆安五年辛丑

君年三十七正月有游斜川詩云開歲倏五十方三十七作
五日是當是故歲五月還潯陽今歲七月適江陵有赴假還
江陵夜行途中詩留潯陽踰年當是予告在鄉至是往赴云
閒居三十載自未叅鎮軍以前得三十六年當是不堪勞役
遂起歸意故云詩書敦宿好園林無俗情如何捨此去遙遙
至南荆失父祭妹文云昔在江陵重罹天罰觸事未遠書疏
猶存當是妹自武昌報江陵時父在柴桑

元興二年癸卯

君年二十九正月有始春懷古田舍詩當是自江陵歸柴桑
復適京都宅憂居家思湓城故有懷古田舍又云良苗懷新

十二月有與從弟敬遠詩云寢迹衡門下在都亦當是處野
元興三年甲辰

君年四十有連雨獨飲詩云僂仰四十年有飲酒詩云是時
向立年志氣多所恥遂盡介然分終死歸田里當在壬辰癸
巳爲州祭酒之時所謂投耒去學仕又云冉冉星氣流亭亭
復一紀至是得十二年

義熙元年乙巳

君年四十一三月有爲建威參軍使都經錢溪詩當是故歲
自都還里卽吉庚子始事鎮軍繼事建威中經羅憂至是得
六年復銜命至都其家尙未歸柴桑還舊居詩云疇昔家上
京六載去還歸往來時經鄉閭不常留稍成蔬故云阡陌不

移舊邑屋或時非履歷周故居隣老罕復遺至是始定居斷
他適十一月有歸去來辭九月家留柴桑身往彭澤至是免
歸當是不堪軍役故求縣不堪縣役故歸家所謂風波未定
心憚遠役彭澤去家百里公田足以爲酒少日眷然有歸與
之情平生之志始決見序及辭甚詳失妹所謂情在駿奔自
免去職是歲劉將軍錄尙書

義熙三年丁未

君年四十三有祭程氏妹文自乙巳至是所謂服制再周

義熙四年戊申

君年四十四有六月遇火詩云奄出四十年

義熙五年己酉

君年四十五有九日詩

義熙六年庚戌

君年四十六有西田穫早稻詩

義熙七年辛亥

君年四十七有祭從弟敬遠文云絕粒委務考槃山陰晨采
上藥夕閒素琴當時同志見文甚詳

義熙十年甲寅

君年五十有雜詩云奈何五十年棄官來歸至是得十年故
云荏苒經十載暫爲人所羈

義熙十一年乙卯

君年五十一有與子儼等疏云年過五十又云見樹木交蔭

時鳥變聲亦復欣然五六月北窻下卧遇涼風暫至自號羲
皇上人

義熙十二年丙辰

君年五十二有下溼田舍穫詩云曰余爲此來三四星火頽
當是得此在癸丑甲寅之間

義熙十四年戊午

君年五十四楚調云僂俛六九年召爲著作佐郎不應是歲
宋公爲相國

元熙元年己未

晉恭帝

君年五十五王休元爲江州自造不得見遣其故人龐通之
等齎酒於半道栗里要之卽引酌野亭休元出與相聞極歡

終日嘗九日抱菊無酒休元餉之有九日閒居詩所謂秋菊
滿園時醪靡至當是未獲所遺休元在江州幾六載未審的
在何年自乙巳至丁卯訖死未嘗他適獨暫爲休元入州

永初元年庚申

宋武帝

君年五十六同隱周續之召至都爲顏延之連挫義熙間檀
韶爲江州邀續之在城北講禮讐書有示周掾祖謝詩云馬
隊非講肆校書亦已勤又云但願還渚中從我潁水濱江城
尙不欲周往奚況京師劉遺民亦同隱有和劉柴桑詩云挈
杖還西廬又云春醪解飢飭其還以春有酬劉柴桑云嘉穗
眷南疇又云慨然知己秋其還至是及秋初自西廬移南村
有移居詩云聞多素心人樂與數晨夕又云過門更相呼有

酒斟酌之遷居殆爲遺民之徒尋還西廬度相距亦不遠與
遺民更相酬酢不改賞文析義之時未審的在何年或恐劉
柴桑似縣令劉或嘗爲此縣存此呼或有命不爲猶續之嘗
命爲撫軍叅軍不就因呼周掾皆不可知但非時爲宰者語
皆冷交非熱官丁柴桑詩云秉直司聽於惠百里此乃當官
無疑尋詩鍾情於劉過厚於周遺民自隱之餘無聞續之在
隱之中微婉君與周劉號潯陽三隱校情義稍有淺深是歲
宋武帝踐祚

景平元年癸亥

宋營陽王

君年五十九顏延之爲始安過潯陽日造飲酣醉臨去留二
萬錢送酒家相知久間驟見益驩延之未審何時來柴桑所

謂目爾分居及我多假伊好之洽接簷隣舍當是不詣劉穆之之時又未審何時去柴桑當是爲豫章世子參軍之時據誄參傳略見

元嘉二年丙寅


宋文帝

君年六十二檀道濟爲江州時抱羸疾多瘖餒往候饋以梁肉不受

元嘉四年丁卯

君年六十三有自祭文云律中無射擬挽歌詩云嚴霜九月
中送我出遠郊當是杪秋下世顏延之誄云視化如歸臨凶
若吉藥劑弗嘗禱祠弗恤其臨終高憲見誄甚詳君平生好
談歸盡蕭統以爲處百齡之內居一世之中倏忽白駒寄寓

逆旅與大塊而榮枯隨中和而放蕩豈能勞於憂畏役於人間最知深心形贈影答神釋本趣略見所謂縱浪大化中不喜亦不懼應盡便須盡無復獨多慮惟患不知既已洞知安坐待此夫復何言杜甫許避俗未許達道識者更詳之



陳衡山丈按刊宋吳斗南靖節年譜既竟 家君以憚子居

集暨傳忠本界礪命詳跋其異同礪謹按是譜功陶在辯就

桓劉辟之謬 家君論之備矣子居獨糾是書誣先生受桓

元之辟攷辛丑條實引葉少蘊說謂先生嘗一就桓劉而斗

南駁之其前按語者葉說也後傅仁傑按者吳說也豈子居

誤葉按為吳按與抑所見本或奪舛與至不主就桓而主就

劉又適蹈斗南所糾矣斗南以先生參鎮軍軍在庚子既符

其不就桓劉之說又與集中六載去還之文合而改游斜川

之辛丑為辛酉懷古田舍之癸卯為辛卯均可無武斷之譏

子居又惜張季長辨證不可得見然傳忠本刊於光緒五年尙數

引之知書固未亡也贈長沙公族祖詩後引辨證糾斗南

改族祖為族孫之非謂當以族字句絕

實未見優
傳忠本於王撫軍座送客詩後傳年譜列在永初

二年辛酉秋云宋書王弘為撫軍將軍江州刺史庾登之為西陽太守被徵還謝瞻為豫章太守將赴郡王

弘送至湓口三人於此賦詩叙別是必元休要靖節預席餞行故文選載謝瞻即席集別詩首章紀座閒四人檢譜

無此條意尙有斂扇與惜傳忠本僅見前三卷不克据以按

補而陸存齋留宋樓所藏舊鈔精本又以道遠無從段按為

可憾也旃蒙協洽夏五汝礪謹跋

顧子中孚生平有愛陶之癖律陶五十首細
意熨貼滅盡針線痕久已膾炙人口矣茲復
有譜陶一帙雖權輿于宋吳河南之年譜然
體裁旣異叅訂復精能補吳氏之闕夫靖節
生於典午之末飢寒困苦至于叩門乞食其
遇可謂窮矣然當易代之際屹然持大節不
肯降志辱身具于史傳者班班可考越幾百

年而得吳氏又千餘年而得中孚讀書尚友
恍若躬履其世而親炙其人不爲五柳先生
開生面哉抑余又有感焉往余亦嘗愛陶手
錄全集置几案間雜誦有年然性踈頑無能
窺作者旨意覽中孚是譜躍然有動于中而
口卒不能道也當與中孚尊酒論之南村李

郁桓書

讀書尚友余于陶公可謂無間然矣譜陶一
帙以傳爲經集爲緯權輿于年譜更旁叅博
考而成之者也稿凡屢易歲且數更簡之又
簡以留此若有不能舍然者蓋公傳有四昭
明所撰具於集晉宋書南史又各列隱逸傳
互有異同年譜編于宋吳斗南先生亦不無
罅隙故別爲斯譜以抒愚見公云竒文共欣

賞疑義相與析世不乏素心人其有與我同
好者夫我則欲出此以就正雍正己酉冬杪

柳村顧 易識

柳村譜陶

新陽顧 易中孚

東晉哀帝興寧三年乙丑

陶公生

公名字蕭傳晉宋書南史顛倒互異惟年譜按得其實云在晉名淵

明字元亮入宋更名潛而仍其舊字曾祖侃晉大司馬見

傳

祖茂武昌太守

獨見父史軼潯陽柴

桑人也

帝奕太和元年丙寅

簡文帝咸安元年辛未

即太和六年十一月改元

孝武帝寧康元年癸酉

寧康二年甲戌

公十歲

歸園田居詩云少無適俗韻顏延之誄曰弱不好弄可以規公之幼

冲矣

太元元年丙子

孝武帝改元

公十二歲

喪母

祭妹文慈妣蚤世我年二六年譜云先生十二

丁母夫人憂夫人孟嘉女見孟府君傳

集本或註曰庶母於下昔在江陵重罹

天罰註母孟氏卒易按祭從弟文曰父

則同生母則從母相及齧齒並罹偏咎

從母偏咎定非庶母之詞公蓋有前後

母但未知孰為孟氏○又集本註偏咎

曰失怙若并齧年失怙何以父亦蚤喪

祭妹獨溯慈妣蚤世耶非也

按齧齒偏咎固非失怙然公二十九起

為州祭酒傳以親老家貧故顏延之誄

但云母老命子詩係近三十時作已稱

仁考則亦蚤喪父矣年譜乃於三十七

歲重罹天罰謂
丁外艱誤也

太元九年甲申

公二十歲
始作叅軍詩曰弱齡寄事外委
懷在琴書此蕭傳宋書南史稱

公少有
高趣也

太元十年乙酉

公二十一歲
年譜示龐主簿鄧治中詩云
弱冠逢世阻按晉紀及五行

志太元八年三月始興南康廬陵大水
十年五月大水七月旱飢先生時年方

冠連年旱潦
飢饉故云

太元十六年辛卯

公二十七歲

始躬耕

年譜紀始春懷古田舍詩於此云集

作癸卯誤也詩云在昔聞南畝當年竟未踐則是此年方有事於田疇傳稱先生躬耕自資亦在爲鎮軍叅軍之前以此知始踐南畝決非癸卯歲或疑是癸巳易按飲酒詩云投耒去學仕公癸巳爲州祭酒先曾秉耒矣作辛卯爲得

太元十八年癸巳

公二十九歲 親老家貧起爲州祭酒不

堪吏職少日自解歸州召主簿不就躬

耕自資遂抱羸疾

晉傳少懷高尚博學善屬文穎脫不羈任

真自得爲鄉隣之所貴嘗著五柳先生傳以自況時人謂之實錄以親老家貧

起爲州祭酒云云按飲酒詩投耒學仕在向立年此年譜推爲二十九始出仕

也○傳稱躬耕自資遂抱羸疾命子詩云顧慚華鬢與子疏云漸就衰損公蓋

多病
蚤衰

太元十九年甲午

公三十歲

喪偶

年譜先生是年三十有悼亡之戚示龐主簿鄧

治中詩云始室喪其偏禮三十曰壯有室左傳齊崔子生成及疆而寡娶東郭

氏杜註偏喪曰寡易按此說甚明王質乃云二十失妾非旋娶翟氏

南史其妻翟氏志趣亦同能安苦節夫耕於前妻鋤於後年譜謂繼室實翟氏

應是○公五子儼俟份佚佟乳名舒宣雍端通命子詩云顧慚華鬢負影隻立

知生儼已晚而年譜因與子疏汝等雖不同生句謂前夫人有所出則生儼在

喪偶前不遠而按責子詩生儼之後
連舉子則再娶亦在喪偶後不遠矣

太元二十年乙未

公三十一歲 始作鎮軍叅軍移家赴任

傳云復爲鎮軍建威叅軍年譜謂按晉
官制鎮軍建威皆將軍官非兼官也韓
子蒼謂作叅軍始庚子年譜亦云然惟
趙泉山謂始乙未易按趙說爲當解見
後○有經曲阿詩曲阿今鎮江府丹陽
縣近都○鎮軍將軍無可考昔人謂桓
元劉裕無論與公作叅軍歲月不合且
公亦豈仕于元裕者哉○移家之說按

責子詩紀年推公在鎮軍幕亦復得子
故云及觀與殷晉安別詩序云殷作太
尉叅軍移家東下而知佐幕者類移家
也○自此任鎮軍事至辛丑冬丁艱解
任

安帝隆安元年丁酉

隆安二年戊戌 七月桓元舉兵反大敗王

師於白石

隆安四年庚子

公三十六歲

五月從都還

有從都還阻風詩○又有

還舊居詩云疇昔家上京六載去還歸
韓子蒼及年譜俱認此詩爲乙巳作蓋
因集本編在乙巳三月使都詩後故誤
認耳惟趙泉山謂自乙未佐鎮軍幕迄
今六載易按阻風詩云計日望舊居此
云還舊居卽此番從都還也六有一作
十者亦誤○疇昔家上京考南康志有
玉京山在城西五里其地有名上京公
故居在焉故集本上京有云一作玉京
者易按無論上京玉京要爲公潯陽舊
居也年譜乃以爲京師指建業而言謬

隆安五年辛丑

公三十七歲

七月赴假還江陵

有赴假還江陵

詩云閒居三十載遂與塵事冥若作參軍在庚子則公年三十六矣作參軍實乙未恰是以前三十載閒居也此句乃因赴假而直追思到初為參軍時語味詩便得○前從都還而此赴江陵想鎮軍移鎮江陵也詩題明云還江陵年譜乃謂未嘗仕冬後母卒解鎮軍參軍任江陵誤矣前歲從都還云一欣侍溫顏再喜見友于而祭妹文云昔在江陵重罹天罰兄

弟索居垂隔楚越伊我與爾百哀是切
黯黯高雲蕭蕭冬月則此歲固奉母到
江陵卒於幕府妹居武
昌過公所而同居喪也

元興元年壬寅

安帝
改元

公三十八歲

居憂

元興二年癸卯

十二月桓元篡位帝蒙塵

於潯陽

公三十九歲

居憂

有十二月作與從弟
詩云寢迹衡門下邈

與世
相絕

元興三年甲辰 五月桓元伏誅閏五月元

故將桓振陷江陵

公四十歲

春服闋

年譜紀服闋在去年
易按在此○有連雨

獨飲詩○又有榮木詩序云念將老也
詩曰脂我名車策我名驥千里雖遙孰
敢不至喻勇往入道之詞刻本誤名爲
行趙泉山遂認爲受建威聘而作非是
夏爲建威叅軍
易按榮木詩固不係爲
叅軍而作而作叅軍實

在此年夏蓋曾讀公詩中荏苒經十載
暫爲人所羈旬而覺公自乙未佐幕至
今甲辰恰荏苒十載而後篇有離鷗鳴
清池涉暑經秋霜愁人難爲辭遙遙春
夜長句故擬公爲叅軍必在今年夏涉
暑經秋至來乍春時作此詩也年譜則
云乙巳叅劉懷肅建威軍事初無據○
建威將軍年譜謂劉懷肅趙泉山謂劉
敬宣易按當時建威將
軍不一亦無可確指

義熙元年乙巳
安帝再
改元
三月桓振伏誅帝乃

還京師
始以劉裕都督中外諸軍事

公四十一歲

三月奉建威命使都

有使都經

錢溪詩曰我不踐斯境歲月好已積蓋

自庚子從都還後久不到此矣年譜乃

云自庚子作叅軍

六載居京誤也

仲秋爲彭澤令

傳皆云謂

親朋曰聊欲弦歌以爲三逕之資可乎

執事者聞之以爲彭澤令○有歸去來

兮辭云余家貧耕植不足以自給幼稚

盈室瓶無儲粟生生所資未見其術親

故多勸余爲長吏脫然有懷求之靡途

會有四方之事諸侯以惠愛爲德家叔

以余貧苦遂見用於小邑於時風波未

靜心憚遠役彭澤去家百里公田之利

足以爲酒故便求之及少日春然有歸
與之情何則質性自然非矯厲所得飢
凍雖切違已交病嘗從人事皆口腹自
役于是悵然慷慨深愧平生之志猶望
一稔當歛裳宵逝尋程氏妹喪於武昌
情在駿奔自免去職仲秋至冬在官八
十餘日因事順心命篇曰歸去來兮乙
巳歲十一月也易按公辭雖作於在官
八十餘日公歸實在來年丙午何以言
之序云猶望一稔當歛裳宵逝是明云
尚俟一年也且在縣公田悉令種秫豈
有仲秋尚能種秫之理是直至來年種
稻時明矣且云當歛裳宵逝尋程氏妹
喪于武昌而祭妹乃在後年丁未故知

此辭乃是一時因事順心之作非卽是解綬去職時作也誤在本傳載此辭于解綬去職句下而辭序有在官八十餘日命篇句世不細考遂相傳爲八十餘日卽解官歸年譜亦謂按自序去縣以乙巳皆錯解也考鑑本晉書曰義熙二年解印去縣爲得其實坊本有刻作三年者字之誤也按祭妹已在三年五月矣那得三年歲終方歸耶歲終歸見蕭傳○蕭傳南史云不以家累自隨送一力給其子書曰汝旦夕之費自給爲難今遣此力助汝薪水之勞此亦人子也可善遇之公之慈祥愷悌如此

義熙二年丙午

公四十二歲

為彭澤令

晉傳在縣公田悉令種秫穀曰

令吾嘗醉于酒足矣妻子固請種秫乃
使一頃五十畝種秫五十畝種秫一頃
別傳皆作二頃易按顏延之誄曰爵同
下士祿等上農下士公田百畝曰一頃
則與公田百畝合猶云使一頃之中一
半種秫一半種稻也于義為優○按晉
書職官志郡國及縣各置散吏幾人農
月為勸農集中勸農詩疑是為令時所
作
歲終解綬去職
晉傳素簡貴不私事上官郡遣督郵至縣

吏白應束帶見之嘆曰吾不能爲五斗
米折腰拳拳事鄉里小人邪義熙二年
解印去縣蕭傳不著何年
獨曰歲終他傳并不詳

義熙三年丁未

公四十三歲

隱居仍躬耕

自此以後栖
隱園田者二

十有一年有歸園田居詩年譜謂自彭
澤歸明年作不謬也但云誤落塵網中
一去三十年自癸巳爲州祭酒至乙巳
去彭澤纔甲子一週不應云三十年當
作十三年易以爲不然按彭澤之歸實
丙午若連癸巳則十四年矣公癸巳少

日卽解歸何嘗落網中惟自乙未至丙
 午心爲形役則十二年也何云十三又
 按壬寅癸卯丁憂居家不可云亦落塵
 網直止十年耳昔史已亥訛爲三豕或
 此三字乃已然已字之訛未可
 知也劉履曰三當作踰亦通 五月祭

程氏妹

有祭文○集中飲酒詩二十首
 雖未能確指其何年作然味詩

語氣決在彭澤旣歸後第十九篇云疇
 昔苦長飢投耒去學仕將養不得節凍
 餒固纏已足時向立年志意多所恥遂
 盡介然分拂衣歸田里冉冉星氣流亭
 亭復一紀世路廓悠悠楊朱所以止明
 是從二十九爲州祭酒不堪吏職解歸

說到爲叅軍爲令乙未至丙午復及一
紀纏擾人事究因世路之岐而決止也
年譜乃因前篇行行向不惑句認爲三
十九歲作易按此是追思語非云現在
况三十九公正居憂詩中語氣全不合
而逝將不復疑吾駕不可回一往便當
已等句尤屬決裂之詞豈有前此說如
許話未幾而又向親朋求仕叅軍未已
復起爲令亦不成公之
爲人矣婉轉諷詩自得

義熙四年戊申

公四十四歲

晉傳云旣絕州郡覲謁惟鄉
親張野及周旋人羊松齡龐

遵等或有酒邀之或要之共至酒坐雖
不識主人亦欣然無忤酣醉便反集中
停雲詩序去思親友也大約卽是此輩
詩曰良朋悠邈曰舟車靡從是未移居
爲隣曲時語氣而曰東園之樹
六月中
枝條再榮應是彭澤歸後年作

遇火

有遇
火詩

義熙五年己酉

公四十五歲

有九日詩○易按命子詩在
三十喪偶前則責子詩亦應

在此前矣詩云阿舒已二八也○洪容
齋以雍端年十三句謂有庶子按詠曰

居無僕妾二子
殆雙生未可定

義熙六年庚戌

公四十六歲

遷南村里

有移居詩公與殷晉安別在來

歲詩云去歲家南里薄作少時隣故知今歲移居也○又有和劉柴桑詩刻本註遺民嘗爲柴桑令詩曰茅茨已就治新疇復應畚刻本註田三歲曰畚靖節自庚戌徙居南村今秋獲後復應畚也是推此詩爲辛亥歲作然易菰蓮社高賢傳遺民沒於義熙六年安得明年和詩耶因按字書鄭康成曰田二歲曰畚

極辨三歲爲會之譌之非乃悟此詩恰
庚戌作也○又有九月中於西田獲早
稻
詩

義熙七年辛亥

公四十七歲

有與殷晉安別詩序云殷作
太尉參軍年譜云按宋武帝

紀此年改授太尉又按殷景仁傳爲宋
武帝太尉行參軍則晉安卽景仁也

仲秋祭從弟敬遠

有祭
文

義熙八年壬子

原
书
缺
页

原
书
缺
页

於江州晉帝紀義熙十二年六月巳酉
柳卒則是年六月以前乃柳在官之日
又按延之傳劉柳以爲行叅軍因轉主
簿豫章公世子中軍行叅軍考宋武帝
紀世子爲中軍在此年八月知是柳卒
延之乃爲世子叅軍也年譜云以周續
之傳考之柳以是年到官易考續之傳
柳曾薦續之於劉裕未見其爲是年到
官也姑依年譜序於此年○有示周祖
謝三郎詩蕭傳時周續之入廬山事釋
慧遠彭城劉遺民亦遁跡匡山淵明又
不應徵命謂之潯陽三隱後刺史檀韶
苦請續之出州與學士祖企謝景夷三
人共在城北講禮加以讐校所住公廨

近於馬隊故淵明示其詩年譜紀於義
熙八年云按南史檀韶從征廣固及討
盧循有功後拜江州刺史征廣固在五
年討盧循在六年則韶爲江州當在此
年以後易按南史韶傳固未明著拜江
州歲月宋書則明云十二年也年譜豈
未之考耶○有八月於下溟田舍獲詩
按公自昔躬耕抱疾至此垂老而猶作
苦然晉傳云不營生業家務悉委之見
僕當是年愈高疾愈劇亦不復能作苦
也此後獲詩
亦不再見

義熙十三年丁巳

公五十三歲

有贈羊長史詩序云長史銜使秦川作此與之詩曰九域

甫已一逝將理舟輿蓋是年五月劉裕克潼關也年譜云長史卽晉傳羊松齡

義熙十四年戊午

六月劉裕受相國宋公

九錫之命十二月裕弒帝於東堂立恭

帝

公五十四歲

徵著作郎不就

宋書南史載在義熙

末皆云著作佐郎又稱公弱年薄宦不潔去就之迹自以曾祖晉世宰輔耻復

屈身後代自宋武帝王業漸隆不復肯
仕蓋自彭澤歸後志已決矣何况此日
哉○有怨詩楚調詩云僂俛六九年年
譜紀於十二年丙辰歲公止五十二也
乃亦註云其年先生五十四然後知爲
推算之誤而前此雜詩及與子疏皆可
知矣

恭帝元熙元年己未

公五十五歲 刺史王弘臨州甚欽遲公

按王弘傳義熙十四年遷江州刺史晉
傳未嘗有所造詣所之惟田舍及廬山

遊觀而已刺史王弘以元熙中臨州甚
欽遲之後自造焉潛稱疾不見既而語
人曰我性不狎世因疾守閑幸非潔志
慕聲豈敢以王公紆軫爲榮耶夫謬以
不賢此劉公幹所以招謗君子其罪不
細也弘每令人候之密知當往廬山乃
遣其故人龐通之等齎酒先於半道要
之潛旣遇酒便引酌野亭欣然忘進弘
乃出與相見遂歡宴窮日潛無履弘顧
左右爲之造履左右請履度潛便於坐
伸脚令度焉弘要之還州問其所乘答
云素有脚疾向乘籃輿亦足自反乃令
一門生二兒共舉之至州而言笑賞識
不覺有羨於華軒也弘後欲見輒於林

澤間候之至於酒亦乏絕亦時相贍宋
 書南史又云嘗九月九日無酒出宅邊
 菊叢中坐久之值弘送酒至即便就酌
 醉而歸集中有九日閒居詩序云秋菊
 盈園而持醪靡由乃無酒詩也○有於
 王撫軍座送客詩所送客不知何人刻
 本乃引文選謝瞻王撫軍庾西陽集別
 詩謂公必預此席故謝瞻詩首章紀座
 間四人可按文
 選知其妄也

元熙二年庚申 六月甲子帝遜位於劉裕

裕廢帝為零陵王自立國號宋改元永

初

公五十六歲

年譜讀史述九章自註曰余讀史記有所感而述之述夷

齊云天人革命絕景窮居述箕子云矧伊代謝觸初皆非嘗是革命時作

宋武帝永初二年辛酉 九月宋主裕弒帝

於秣陵

公五十七歲

有遊斜川詩年譜謂序作辛丑非是先生是年五十七又

謂詩云開歲倏五十廬山東林舊本作倏五日與序所謂二月五日相應宜以

爲正易按辛丑公止三十七而序中悲日月之既往悼吾年之不留何遽作如許語作辛酉爲是又年譜謂或疑是辛亥是年四十九易按辛亥公止四十七此皆由前推算之誤也○宋書南史云所著文章皆題年月自義熙以前明書晉氏年號未初以來惟云甲子而已按如此篇遊斜川序祇稱辛酉後自祭文祇稱歲惟丁卯是也年譜謂考集中詩文於晉年號或書或否固不一概卒無一字稱宋永初以來者此史氏所以著之也○有述酒詩前人多推爲義熙後有感而作湯東澗曰按晉元熙二年六月劉裕廢帝爲零陵王明年以毒酒一

原
书
缺
页

原
书
缺
页

之會則撫而和之曰但識琴中趣
何勞絃上聲可以想見一時風致

元嘉二年乙丑

公六十一歲

年詔紀贈長沙公詩
于後無門據闕之

元嘉三年丙寅

公六十二歲

江州刺史檀道濟餽公梁

肉糜而去之

蕭傳南中江州刺史檀道
濟往候之偃卧瘠飯有日

矣道濟謂曰賢者處世天下無道則隱
有則至今子生大明之世奈何自苦

考曰潛也何望賢志不及也餽
 以梁肉麾而去之全善云是歲五月檀
 道濟為江州刺史傳載在為叅軍之前
 以道濟傳考之知其加也易按王弘欽
 遲公則餽之酒而受延之情欵公則餽
 之義而受至道濟則獨麾其梁肉觀道
 濟所云全非知已矣所以薑桂之性到
 老心辣也然於梁肉則麾之而對道濟
 之言則甚溫粹孔子云危行言
遜藉非涵養深詎易臻此境地哉

元嘉四年丁卯

公六十三歲

得疝疾九月卒

蕭傳元嘉四年將復

徵命會卒時年六十三世號靖節先生
年譜云有自祭文
挽歌辭祭文云
出

遠郊其

疴疾

之

節人

元嘉

然

靖節先生年譜攷異上

後學安化陶澍撰

宋李巽巖燾撰靖節新傳三卷今其書已佚
陳振孫書錄解題有吳仁傑斗南年譜蜀人
張縝季長爲作辨證今吳譜獨傳而辨證僅
見李公煥注中先是王雪山質著紹陶錄亦
撰栗里年譜陶南村載入輟耕錄 國朝新
安吳東巖瞻泰撰陶詩彙注以二譜並冠卷
首今按二譜各有發明而攷覈之精王不如
吳余於先生出處之際嘗事搜討偶有一孔

之見竊倣季長辨證之例以王吳二譜並列於前參攷宋元以來諸家所說爲攷異如右王譜元亮高風發於晉宋去就之際君曾祖事晉懋著勲勞自宋武帝芟元復馬逆揣其末流卽不出武帝將收賢士以繫人心見要亦不應陶謝皆世臣君世地色言俱避而靈運爲武帝秉任最後乃欲詭忠義雜江海遠師送君過虎谿而卻靈運不入蓮社素心皆所鑒知譜具左方

吳譜先生晉大司馬長沙郡侃公之曾孫按梁昭明太子著先生傳云自以曾祖晉世宰輔恥復屈

身後代自宋高祖王業漸隆不復肯仕惟先生大節如此故義熙初元去彭澤末有著廷之命亦不拜時晉猶未禪也先生雖晉臣未嘗一食宋粟然其卒在元嘉中故晉書有本傳沈約宋書李延壽南史又皆有傳後世因以先生爲宋人隋經籍志稱宋聘士陶潛集吳氏西齋錄稱宋彭澤令陶潛集者誤也今取晉故官表之篇端從先生本志云

澍按顏延之爲先生誄稱有晉徵士潯陽陶淵明隱示史筆沈約撰宋書收入隱逸傳特著其恥事二姓之節亦以表微是在當時何

嘗以先生爲宋人哉惟顏誅直稱淵明沈傳則云陶潛字淵明或云淵明字元亮蓋淵明其本名後更名潛耳說具元嘉三年下

澍又按先生爲桓公會孫見於命子詩而晉宋諸史皆無異辭自元李公煥於贈長沙公

詩序祖同大司馬注云謂漢高帝時陶舍

李公

煥雖以大司馬爲愍侯然仍以先生爲桓公會孫觀命子詩注引陶茂麟家譜可見近

時太原閻氏父子遂據其說厯辨先生非桓

公之裔長洲何焯讀書記嘉定錢大昕讀陶詩跋力闢其誣妄然不知誤始於公煥也錢

之跋曰靖節爲桓公曾孫載於晉宋之書千
有餘年從無異議近有山陽閻詠乃據贈長
沙公詩序昭穆旣遠已爲路人二語辨其非
侃後且謂元亮自有祖何必藉侃以重詠旣
名父子詠爲百
詩之子說又新奇恐後來通人惑於
其說故不可不辨靖節自述世系莫備於命
子詩首溯得姓之始次述遠祖愍侯舍丞相
青然後頌揚勲德卽以祖考承之此士行爲
淵明曾大父之實證也六朝最重門第百家
之譜皆上於吏部沈休文撰宋史在齊永明

之世親見譜牒故於本傳書之梁昭明太子
作靖節傳不過承宋書舊文而閻乃云始於
昭明誤讀命子詩其謬一也昭明傳云自以
曾祖晉世宰輔恥於屈身異代此亦出宋書
之文而閻以訾昭明則是宋書亦未寓目曾
不知休文卒時昭明才十有三歲即使傳有
舛誤亦當先訾休文况傳本不誤乎其謬二
也且使士行與元亮果屬疏遠如路人也者
則命子篇中何用述其勲德攀援貴族鄉黨
自好者不爲元亮千秋高士豈宜有此

謝按
如果

攀援貴族則司空溧陽宛陵康樂何以不並數其謬三也閭所據者
惟有贈長沙公詩序而序固言同出大司馬
矣大司馬之稱非侃而誰雖閭亦知其不可
通也詞遁而窮因檢史漢表陶舍曾以右司
馬從漢王遂謂序中大司馬當作右司馬謂
舍非謂侃也不知漢初軍營有左右司馬品
秩最卑不過中涓舍人之比舍位爲列侯不
稱侯而稱右司馬在稍通官制者且知其不
可豈得以誣靖節乎夫擅改古書以成曲說
最爲後儒之陋況此大司馬又萬無可改之

理澗按右司馬乃愍侯始官正與初入關時

燕代百官公卿表中尉秦官掌徼循京師武帝太和元年改名執金吾秩中二千石縱不

稱侯亦當稱中尉世未有稱人官爵不從其後歷之尊而從其始進之卑者況子孫之於

乎祖宗其謬四也惟是長沙公與靖節屬小功

之親而云昭穆既遠已為路人似有罅隙可

指澗按延壽為桓公元孫先生為曾孫總服非小功也禮大夫絕總謂大夫於旁親之

服無總服若依吳譜為延壽之子則與先生直無服矣故云昭穆既遠已為路人猶今律

言五服之外今以晉書考之士行雖以功名

同凡論也終而諸子不協自相魚肉再傳之後視如路

人澗按諸子魚肉亦出固其宜矣昭穆猶言

廣亮之誣未可盡信

兩世兩世未遠而情誼已疏故有慨然寤歎

念茲厥初之句

尚按贈長沙公詩殆因長沙公路過潯陽修理家廟而贈

之詩故有允構斯堂之語以為情誼已疏慨然寤歎未免以辭害意其云昭穆

既遠者隱痛家難不忍斥言之耳若以為同

出於舍則自漢初分支已閱六百餘年人易

世疏又何足怪其謬五也閻又云侃廬江人

元亮潯陽人柴桑人其址貫不同攷潯陽郡

即廬江所分南渡後移於江南士行生於未

分之前元亮生於僑立郡之後史各據實書

之似異而實同也

謝按晉書地理志永興元年分廬江之潯陽武昌之

柴桑二縣置尋陽郡屬江州閻氏以地理自詡而云址貫不同何也顏延之作靖節誄雖不敘先世而其詞曰韜此洪族蔑彼名級苟非宰輔之冒焉得洪族之稱此亦一證也按辛楣此論反復以箴閻氏之失最爲明晰近時洪稚存作陶氏族譜序仍用閻說正辛楣所云新奇易惑也

又按晉書陶桓公傳有子十七人惟洪瞻夏

琦旗斌稱範岱見舊史餘者並不顯先生傳

云祖茂武昌太守

江西通志引豫章書亦云孟嘉以二女妻陶侃子茂

之二子一生淵明一生敬遠

父名爵則史未載李公煥命

令贈光祿大夫潛潛生族人熙之宋度支尙

書熙之生梁邵陵內史測測生吏部尙書具

旻生隋散騎常侍元安元安生陳夔州都督

尙書令金陵縣公琮琮生唐韶州始興令處

寂滁江二州刺史銳謝按資治通鑑銳於天寶中為大鴻臚似又是

人一賀州錄事參軍文楨處寂生唐滕王府陪

戎副尉先期先期生光庭光庭生如革及江

州刺史祥如革生進金進金生淮南威毅第

二十將茂麟茂麟生左中衛將軍若思若思

生左驍衛將軍鑑公煥泉山所引當即名世

此篇也但徑以爲茂麟家譜則似未然今昌
邑陶氏族譜有宋仁宗至和元年江州從事
贊皇李慶孫舊序茂麟孫鑑立石其文曰夫

晉

謝按此晉字
疑當作陶

自東晉太尉陶公迄於今日

所謂本支百世也太尉之傳備於晉史又節
史而爲錄載於建康有識皆知今僅六百年
有孫曰鑑仕聖朝爲左班殿直公暇因出數
紙示僕僕覽焉且見或中而斷或尾而續或
行而闕或字而破雖羅蟲蠶潰蝕然有可究
其一二者第一行則有潯陽二字次行則缺

其左只右有同字

鄧書則云望出丹陽侃祖父同始居焉

下云

娶十五妻生二十此下無字不知二十者男

耶只曰太守以上梁天監二年而已

鄧書則云生二

十三子二子少亡二
十一子官至太守

次行曰歷臺省官六百

一十八人次行曰今潯陽郡西北山下迺吳

朝太子舍人丹之墓即侃之父也次有九行

即大略唐朝以來名公紀頌祭吊之事十行

曰祖妣江夏孟氏五男次行曰十代祖熙之

南宋仕本州別駕除武陵內史次行曰大府

度支尚書大中正

鄧氏書則云潛生族人熙之宋度支尚書

次行

曰祖妣

鄆鄆

王氏次行曰九代祖側

鄆氏書作測

梁朝本州別駕邵陵內史開國侯廣府都督

食邑七百戶祖妣

鄆鄆

王氏八代祖旻梁大

同二年州辟主簿授望蔡縣主簿西臺承制

授金部郎中開遠將軍左散騎常侍義安太

守封重安縣開國侯食邑三百戶陳宣帝卽

位賜金紫光祿大夫度支吏部二尙書黃門

侍郎祖妣清河張氏父崇本別駕七代祖元

安隋朝州辟主簿除戶部員外郎遷左散騎

常侍祖妣樂安任氏父爽左散騎常侍六代

祖琮唐武德二年州辟主簿補右門府步兵
校尉初以隋之失馭擢琮爲盟主上柱國開
國公匡州刺史詔使王宏讓改本州別駕大
中正夔州都督兼中書令儀同三司祖妣汝
南周氏五代祖處寂唐韶州始興縣令祖妣
安城劉氏叔祖銳左散騎常侍江州刺史叔
祖文禎唐賀州錄事四代祖先期唐滕王府
陪戎副尉三代祖光庭不仕精習五經祖如
革考進金並不仕叔祖祥唐進士及第授祕
書省校書郎屯田郎中唐僖宗乾符四年除

江州刺史遇寇盜起詔歸京留別手札一道
衣段巾冠等物留題五柳先生廟皆有祝辭
此上卽斷簡之中所略載者所有前之九行
中云唐乾符四年遠孫江州刺史祥祭拜有
文唐顏魯公白太傅孔侍郎李中丞前後賢
達經過悉留詩榜自經兵燹放失不可復記
旣而有嗣孫茂麟爲江州左威毅裨將江南
紀年曰吳王楊溥太和五年九月五日列狀
訴節度使中書令楊公徹具述太尉墳寢乞
禁樵採幸中書令楊公判曰陶太尉聲光克

盛門族顯然矧彼子孫在明朝宜加委用顧
惟墳寢在藩室不爲保持何以敬前賢何以
勸後世餘云云自茂麟而後又幾代云云其
家藏數世詔書綸誥約十通有叔可大攜之
江南應進士舉沈湏於酒淪棄而不收一紙
且古語有之禮失求諸野又曰天子失官守
在四夷太史公登龍門探禹穴網羅天下放
佚舊聞然後爲史記一百三十卷嵩山有落
簡之類皆古昔國史家譜因事不守故俾聖
賢遑遑孜孜而探討之勤如此云云今直殿

陶君以僕從事於史氏之後迺命譜之以永
陶氏之世謹序今按此序卽據茂麟所編錄
出自熙之以上世系剥落不全至其孫鑑已
無從稽考故序之如此疑以傳疑信以傳信
春秋夏五郭公之義也鑑旣以序勒石則其
其譜卽用乃祖剥落之本可知而鄧氏所云
祖岱散騎常侍父逸安城太守先生贈光祿
大夫生族人熙之似皆非鑑譜所有鄧氏書
成於紹興四年去鑑勒石時八十餘載其所
載生族人熙之等語亦似有脫落非全文豈

當日更有別本據以成書耶

又按李公煥命子詩注謂先生父姿城太守
生五子鄧氏書謂先生生族人熙之舊序十
行曰祖妣江夏孟氏五男次行曰十代祖熙
之先生生母夫人孟氏從弟敬遠母亦孟氏
皆孟嘉女未知此孟氏是先生母抑敬遠母
也熙之亦未知是孟氏下一代抑二代如係
一代卽五男之一或先生同母兄弟或敬遠
同母兄弟如係二代卽五男中一男所生或
先生同母兄弟之子或敬遠之子敬遠同母

兄弟之子俱未可定要不得以爲先生子也
先生子五人儼俟份佚佟小名舒宣雍端通
無名熙之者茂麟系出熙之似非先生嫡派
矣又姿城鄧作安城考晉書地理志宋書州
郡志皆無姿城惟安城太守領縣七吳孫皓
寶鼎二年分置當以安城爲是

又按安成舊屬長沙郡今爲江西吉安府廬
陵安福各境府志載安福有陶淵明讀書臺
或幼隨父任讀書於此耶

晉哀帝興寧三年乙丑

王譜君生於潯陽柴桑今德化縣楚城市是

按

市當作鄉父軼名命子詩於穆仁考澹焉虛止寄跡

風雲冥茲愠喜陶氏自侃以武功授世後裔稍涉故風多流亂岐蓋折翼之祥發之旁派傳淡傳君父子皆以隱德著稱侃女適孟嘉嘉女適君父是生君其氣所傳造化必有可言者

吳譜先生生於是年

澍按李公煥陶集總論引祁寬曰先生以義

熙元年秋爲彭澤令其冬解綬去職時四十一歲矣後十六年晉禪宋又七年卒是爲宋

文帝元嘉四年南史及梁昭明傳不載壽年
晉書隱逸傳及顏延之誄皆云年六十三以
歷推之生於晉哀帝興寧三年乙丑歲今攷
先生年六十三始見於沈約宋書昭明傳因
之晉書亦因之惟文選載顏延之誄作春秋
若干此云昭明不載壽年顏誄年六十三當
是誤記顏誄爲蕭傳也

又按李公煥注引張縝云先生辛丑游斜川
詩開歲倏五十若以詩爲正則先生生於壬
子歲自壬子至辛丑爲年五十迄丁卯考終

是得年七十六并記之按開歲條五十當從
 湯東澗本作五日為是若以先生為生於壬
 子則集中是時向立年等句合之時事皆不
 可通近見餘姚黃璋宗義之子著辨數則力主季
 長以生壬子為是然既據飲酒詩投耒去學
 仕是時向立年之句謂先生為州祭酒時年
 二十九不思詩固又云冉冉星氣流亭亭復
 一紀世路廓悠悠楊朱所以止是先生之止
 止於四十也若生壬子則二十九為州祭酒
 歲當庚辰少日自解去中間州召主簿不就

並未仕也何待歷十餘年至四十始賦止且
既止矣何又歷十餘年至五十復出爲參軍
乎惟生乙丑至彭澤解綬正四十一歲

澍又按宋書昭明傳皆云先生尋陽柴桑人
而晉書不載爲失之今攷先生故居舊說有
三處名勝志曰君舊宅在柴桑山晉史家於
柴桑卽今之楚城鄉也去宅北三里有靖節
墓唐白居易有訪陶公舊宅詩明一統志曰
元亮故里在新昌縣東二十五里圖經云元
亮始家宜豐後徙柴桑暮年復歸故里宜豐

今新昌也輿圖備考曰新昌義鈞鄉之七里
山有元亮讀書室洗墨池藏書塚遺跡尙存
又江州志云先生始居上京山星子西七里
戊午當作戊申六月火遷柴桑山九江西南九十
里古栗里今之楚城鄉也舊碑題晉陶靖節
先生故里澍攷集中有移居詩及還舊居詩
其首句曰疇昔家上京則江州志所說爲信
當是始居上京因火而徙柴桑之南村後又
還居上京也圖經謂始家宜豐未知所本

海西公太和元年丙寅

二歲

太和二年丁卯 三歲

太和三年戊辰 四歲

太和四年己巳 五歲

太和五年庚午 六歲

太和六年辛未 七歲

吳諧是年冬簡文卽位改元咸安

簡文帝咸安二年壬申 八歲

澍按先生祭從弟敬遠文曰相及韶齷並罹
偏咎湯東礪注韶與齷義同毀齒也家語曰
男子八歲而齷靖節年三十七母孟氏卒是

立言卷之三十一
偏咎爲失怙也按顏延之陶徵士誄有家貧
母老捧檄致親云云則以偏咎爲失怙良是
惟齟乃髻之俗字玉篇髻小兒髮廣韻髻小
兒髮俗作齟不與齟通則先生失怙不定在
八歲時又按先生詩凡兩用偏字此云偏咎
又有始室喪偏之語蓋妻之言齊喪一則偏
具慶失一故曰偏咎也

孝武帝寧康元年癸酉 九歲

寧康二年甲戌 十歲

寧康三年乙亥 十一歲

太元元年丙子 十二歲

王譜君年十二失母祭妹文曰慈妣早世我年

二六

吳譜祭程氏妹文云慈妣早世我年二六先生
生於乙丑至是十有二歲丁母夫人孟氏憂夫
人晉故征西大將軍孟嘉第四女大司馬侃外

孫也事見集中孟府君傳

吳瞻泰本無事見以下八字

澍按顏延之誄云母老子幼就養勤匱遠惟
田生致親之義追悟毛子捧檄之懷似為州
祭酒以後母夫人尚在若十二歲即失母無

所爲田生毛子云云也延之與先生同時宜
所審知及攷湯東澗注祭妹文以慈妣爲庶
母於昔在江陵重罹天罰注云晉安帝隆安
五年秋七月赴江陵假還是冬母夫人孟氏
卒于是積年之疑始釋然則慈妣早世者蓋
程氏妹之生母而先生之庶母也又先生詩
久游戀所生蓋謂母孟夫人故有凱風負我
心之句卽集中孟府君傳曰淵明先親君第
四女凱風寒泉之思實鍾厥心也乃吳王二
譜並以江陵之喪爲丁太公憂豈知凱風念

母則是父先母亡故命子詩於皇仁考卽云
嗟予寡陋瞻望弗及若隆安五年太公始卒
則是年先生已三十七歲胡得云弗及乎說
者亦知難通乃以顏誅之母老爲繼母曾不
思州辟之時太公果在則當云親老子幼烏
得舍父而耑稱繼母乎此云慈妣或是程氏
妹生母乃先生慈母喪服傳慈母如母斷非
謂孟夫人也

太元二年丁丑 十三歲

太元三年戊寅 十四歲

太元四年己卯 十五歲

太元五年庚辰 十六歲

太元六年辛巳 十七歲

太元七年壬午 十八歲

太元八年癸未 十九歲

太元九年甲申 二十歲

王譜君年二十失妾楚調詩云弱冠逢世阻始
室喪其偏妻翟氏偕老所謂夫耕於前妻鋤於
後當是翟湯家湯莊矯法賜四世以隱行知名

原注亦
柴桑

澍按此謂失妾非也湯東礪楚調注云其年
二十喪偶繼取翟氏据顏誅居無僕妾則湯
說近是古人不當有未妻先妾之事況年僅
弱冠耶吳斗南亦以此爲悼亡而引杜元凱
春秋傳注偏喪曰寡以釋偏義其實本詩明
言始室古者男有室指妻而言若繼配則曰
繼室妾則曰側室此云始室非元配而何又
斗南以喪偏爲三十歲事蓋以始室弱冠爲
偶句義亦可通

太元十年乙酉 二十一歲

吳譜示龐主簿鄧治中詩云弱冠逢世阻按晉紀及五行志太元八年春三月始興南康廬陵大水南康平地五尺十年夏五月大水秋七月旱饑先生時年方冠連年旱饑饉故云

澍按是時秦兵入寇天下分裂所謂世阻固不止於旱潦饑饉也

太元十一年丙戌 二十二歲

太元十二年丁亥 二十三歲

太元十三年戊子 二十四歲

太元十四年己丑 二十五歲

太元十五年庚寅 二十六歲

太元十六年辛卯 二十七歲

吳譜有始春懷古田舍詩二首集本作癸卯字之誤也此詩首聯曰在昔聞南畝當年竟未踐則是此年方有事於田疇故明年有投耒學仕之語按本傳稱先生躬耕自資亦在爲鎮軍參軍之前以此知始踐南畝決非癸卯歲集本誤明矣

對按先生躬耕自資史敘於辭州主簿之後而詩云投耒去學仕是前此已躬耕矣癸卯

懷古田舍乃曰在昔聞南畝當年竟未踐豈
前此所謂躬耕不過隱於隴畝之辭實未嘗
沾體塗足耶吳說不爲無見然徑以懷古田
舍詩系於辛卯謂此年方有事於田疇則似
不免於滯躬耕本無年可紀也

太元十七年壬辰 二十八歲

太元十八年癸巳 二十九歲

吳譜是歲爲江州祭酒未幾辭歸州復以主簿
召不就飲酒詩曰疇昔苦長飢投耒去學仕又
云是時向立年蓋先生以二十九歲始出仕實

癸巳歲也本傳云親老家貧起爲州祭酒不堪
吏職少日自解歸此飲酒詩下句所謂拂衣歸
田里者也

澍按湯東澗赴假還江陵夜行塗口詩注亦
云癸巳爲州祭酒以飲酒詩是時向立年推
之則東澗斗南之說爲然也王景文不能定
其爲何年但云當在壬辰癸巳之間然攷飲
酒詩云亭亭復一紀自癸巳數至乙巳適一
紀於年爲合

太元十九年甲午三十歲

王譜君年三十有歸園田詩曰誤落塵網中一
去三十年初爲州祭酒當在其前不堪乃解歸
故云久在樊籠裏復得返自然尋亦却主簿

澍按景文之意以墮地爲塵網故繫此詩於
年三十說近釋氏先生胸中無此塵網當以
仕途言之劉坦之履曰一去三十年三當作

踰或在十字下何燕泉

孟春

曰太元十八年

靖節起爲州祭酒時年二十九正合飲酒詩
投耒去學仕是時向立年之句以此推之至
彭澤退歸才十三年此云三十年誤矣按吳

譜亦以歸園田詩爲義熙二年彭澤歸後所作景文引本傳不堪吏職少日乃解歸二語夫少日亦不得云久在樊籠均未審也

吳譜是年先生三十矣有悼亡之戚故示龐主簿鄧治中詩云始室喪其偏禮三十曰壯有室左傳齊崔子生成及彊而寡娶東郭氏杜注偏喪曰寡先生與子儼等疏云汝等雖不同生當思四海兄弟之義他人尙爾況共父之人哉先生蓋兩娶本傳稱其妻翟氏志趣亦同能安苦節夫耕於前妻鉏於後則繼室實翟氏

澍按先生長子儼蓋前妻所生餘或翟出故
疏言雖不同生若份佚同歲以顏詠居無僕
妾證之當是孿生耳

太元二十一年乙未 三十一歲

澍按湯東澗於先生還舊居詩注引趙泉山
曰自乙未佐鎮軍幕迄今六載又辛丑赴江
陵詩閒居三十載注云是年靖節年三十七
中間除癸巳爲州祭酒乙未至庚子參鎮軍
事三十載家居矣是皆以先生爲鎮軍參軍
在乙未歲景文斗南則以始作鎮軍參軍經

曲阿詩作於庚子歲然不題庚子於此詩之首而題於規林阻風詩首以乙巳爲建威參軍題例之知曲阿詩非作於庚子始爲參軍亦不在庚子也說具後

太元二十一年丙申 三十二歲

安帝隆安元年丁酉 三十三歲

隆安二年戊戌 三十四歲

隆安三年己亥 三十五歲

澍按始作鎮軍參軍當在是年說具後

隆安四年庚子 三十六歲

王譜君年三十六五月有從都還阻風規林詩
當是參鎮軍銜命自京都上江陵故在始作鎮
軍參軍經曲阿詩後父在柴桑故云一欣侍溫
顏又云久游戀所生父爲人度不肯適都當是
已舍單行見還舊居詩軍僚差彊郡吏故云時
來苟冥會婉戀憩通衢投策命晨裝暫與田園
疎

澍按先生垂髫失怙何得此時有父在柴桑
詩云久游戀所生如果庚子始作參軍此詩
作於庚子五月亦不得云久游說具後

吳譜始作鎮軍參軍有經曲阿詩曲阿今丹陽
縣也本傳稱躬耕自資遂抱羸疾復爲鎮軍建
威參軍事按晉官制鎮軍建威皆將軍官各置
屬掾非兼官也以詩題攷之先生蓋於此年作
鎮軍參軍按當在己亥吳氏所攷爲差一耳至乙巳歲作建威
參軍史從省文耳文選經曲阿詩李善注云宋
武帝行鎮軍將軍按裕元興元年爲建威將軍
三年行鎮軍將軍與此先後歲月不合先生亦
豈從裕辟者善注引用非是此年五月又有從
都還阻風規林詩云一欣侍溫顏則先生就辟

至是乃挈家居京師故還舊居詩有疇昔家上
京之句葛文康云先生阻風規林詩落句云靜
念園林好人間良可辭是歲春秋三十六明年
夜行塗口詩云投冠旋舊廬不爲好爵榮卒踐
其言自彭澤歸優游里巷者二十二年

澍按挈家京師一語誤甚先生未嘗有居京
師之事上京乃山名非上都也說具後

隆安五年辛丑 三十七歲

王譜君年三十七正月有游斜川詩云開歲倏
五十方三十七作五日是當是故歲五月還潯

陽今歲七月還江陵有赴假還江陵夜行塗口
詩留潯陽踰年當是予告在鄉至是往赴云閒
居三十載自未參鎮軍以前得三十六年當是
不堪勞役遂起歸意故云詩書敦宿好園林無
俗情如何舍此去遙遙至南荆失父祭妹文云
昔在江陵重罹天罰觸事未遠書疏猶存當是
妹自武昌報江陵時父在柴桑

吳譜有七月赴假還江陵夜行塗口詩文選此
詩遙遙至西荆李善注云時京都在東故謂荆
州爲西也今集本作南荆者非葉少蘊左丞云

淵明隆安庚子從都還明年赴假還江陵荊州
刺史自隆安三年桓元襲殺殷仲堪卽代其任
至於篡未別授人淵明之行在五年豈嘗仕於
元耶傳云爲鎮軍參軍按劉裕以大亨三年逐
桓元行鎮軍將軍事豈又嘗仕於裕耶桓元劉
裕之際而淵明皆或從仕世多以爲疑此非知
淵明之深者無論實爲元裕否淵明在隆安之
前天下未有大故且不肯仕自庚子至乙巳正
君臣易位人道反覆之時淵明乃肯出仕乎蓋
潯陽上流用武之地元與裕所由交戰出入往

來者也淵明知自足以全節而不傷生故迫之
仕則仕不以輕犯其鋒棄之歸則歸不以終屈
其已豈區區一節之士可以窺其間哉自去彭
澤劉裕大業以成天下亦少定遂不復出後十
四年召爲著作佐郎則淵明可以終辭矣仁傑
按先生爲鎮軍非從劉裕已具去歲譜中至仕
於江陵則又有不然者先生以庚子歲作鎮軍
參軍乙巳歲去彭澤不復仕故還舊居詩云疇
昔家上京六載去還歸自庚子至乙巳凡六年
旣云家上京又有從都還阻風詩則是未嘗居

江陵使先生果仕於元不應居京師設居江陵
不應以爲上京故先生答龐參軍序云龐從江
陵使上都過潯陽凡言京都皆指建業則先生
未嘗居江陵明甚其祭程氏妹文云昔在江陵
重罹天罰兄弟索居乖隔楚越伊我與爾百哀
是切以先生阻風詩推之一欣侍溫顏再喜見
友于則先生蓋有兄弟至江陵丁外艱而兄弟
乖隔獨與女弟居喪者蓋先生兄弟在京師而
女弟居江陵豈先生親闈因過其女以疾留江
陵遂不起耶先生以七月還江陵而祭妹文有

蕭蕭冬月之語則居憂在是歲之冬

澍按王譜以赴江陵爲赴官葉少蘊以安帝
隆安三年桓元襲殺荊州刺史殷仲堪卽代
其任疑赴江陵爲嘗仕元又以劉裕大亨三
年逐桓元行鎮軍將軍疑作鎮軍參軍爲嘗
仕裕吳譜謂裕元興元年爲建威將軍三年
行鎮軍將軍與此前後歲月不合先生亦豈
從裕辟者證葉之誤并規李善文選注以鎮
軍爲劉裕之失其說當矣抑猶未盡按先生
歷仕之蹟初爲州祭酒自解歸繼召主簿不

就既乃爲鎮軍參軍又爲建威參軍終於彭澤令賦歸去來未嘗更爲別官其始作鎮軍參軍詩編於庚子之前庚子有五月中從都還阻風規林詩則作參軍在庚子前可知題曰經曲阿曲阿今丹陽縣則鎮軍之爲何人開府何地亦可推尋而得攷晉宋二書晉孝武帝安帝宋武帝本紀王恭劉牢之桓元等傳太元十五年庚寅二月以中書令王恭爲都督青兗幽并冀五州諸軍事前將軍青兗二州刺史假節鎮京口安帝隆安二年戊戌

七月王恭舉兵以討王愉司馬尙之兄弟爲
辭九月車騎將軍劉牢之背恭歸朝廷使子
敬宣擊敗恭恭死遂代恭爲都督鎮京口三
年己亥十一月妖賊孫恩作亂於會稽前將
軍劉牢之東討牢之以劉裕參府軍事四年
庚子十一月以前將軍劉牢之爲鎮北將軍
五年辛丑五月孫恩寇吳國殺內史袁山松
牢之使參軍劉裕討之元興元年壬寅正月
桓元舉兵犯京師三月牢之降於元元以爲
征東將軍會稽太守牢之自縊而死桓元從

兄修以撫軍鎮丹徒三年甲辰二月劉裕舉
義兵討元元司徒王謐推裕行鎮軍將軍徐
州刺史都督揚徐兗豫青冀幽并八州諸軍
事假節鎮石頭輔國將軍晉陵太守劉牢之
子敬宣與諸葛長民破桓歆於芍陂遷建威
將軍江州刺史鎮尋陽義熙元年乙巳三月
加鎮軍將軍劉裕爲侍中車騎將軍都督中
外諸軍事十月旋鎮丹徒東晉各鎮雖皆握
兵柄尤以北府爲盛其鎮在京口先生始作
鎮軍參軍詩題曰經曲阿鎮軍在京口故曲

阿有必經也自太元十五年庚寅至隆安二年戊戌九月鎮京口者爲王恭趙泉山湯東澗謂先生以乙未作參軍則仕於恭者四年自戊戌十年至元興元年壬寅三月鎮京口者爲劉牢之王景文吳斗南謂先生以庚子作參軍則仕於牢之者二年要其參牢之軍固有年可紀也若桓元未舉兵之前鎮在夏口先生如參元軍不得途經曲阿若謂至江陵爲仕元則題固云赴假還江陵集韻假休沐也應劭漢官儀五日一假休沐晉書王尼

傳護軍與尼長假豈得反以假還爲趨職意必以事使江陵路出潯陽事畢便道請假歸視其辭簡猶曰赴假還自江陵云爾至劉裕則辛丑方爲牢之參軍甲辰始行鎮軍將軍先生以辛丑冬月居憂甲辰服闋次年乙巳三月有爲建威參軍使都詩蓋因居憂潯陽值敬宣以建威將軍刺江州鎮潯陽先生舊參牢之軍與敬宣世好故敬宣卽辟參其軍若裕甲辰行鎮軍時鎮石頭至乙巳十月始旋鎮丹徒先生正在彭澤賦歸去來矣何得

有參裕軍事也惟東晉為鎮軍將軍者卻愔

以後至裕始復見此號

孝武帝太元元年春正月以領軍將軍卻

愔為鎮軍大將軍六年十一月以鎮軍大將軍卻愔為司空會稽人檀元之反鎮軍參軍

謝謫之討平之自愔後無以鎮軍為號者故李善文選注引臧榮

緒晉書曰宋武帝行鎮軍將軍辟公參其軍

事以鎮軍為裕遂以臆謂公參其軍

選注辟公參其

軍事非晉書原文也文獻通考劉裕起兵討桓元為鎮軍將軍淵明參其軍事即因李善

之誤注而沿其謬攷晉書百官志有左右前後軍將

軍左右前後四軍為鎮衛軍王恭劉牢之皆

為前將軍正鎮衛軍即省文曰鎮軍亦奚不

可先生贈龐參軍詩序曰龐為衛軍參軍其

時衛將軍王宏省文曰衛軍即其例矣吳斗

南謂先生豈肯從裕辟者裕之辟否無可攷

若先生未參裕軍取詩與史互勘自明惟裕

為牢之參軍先生亦為牢之參軍澗按晉書王恭傳恭

為都督兗青冀幽并徐州晉陵諸軍事平北將軍兗青二州刺史假節鎮京口初都督以

北為號者累有不祥故桓冲王坦之刁彝之徒不受鎮北之號恭表讓軍號以超受為辭

而實惡其名於是改號前將軍據此則又別牢之不稱鎮北而稱鎮軍蓋時忌也

有參軍劉襲張暢之元集衆大議參軍劉襲

不可又會稽王道子傳元顯迴入宣晉制將

陽門劉牢之參軍劉暢之率衆擊之

軍開府位從公爲持節都督者增參軍爲六人先生與裕同僚則有之耳

又按王恭自隆安元年丁酉四月舉兵以討王國寶王緒爲名二年戊戌又舉兵爲劉牢之所敗誅死牢之因代其任先生若是乙未卽參恭軍豈容數年之間見恭包藏禍心而不拂衣告去乃因循濡忍坐觀恭之舉兵以至於死卽非從亂不亦有味知幾乎況恭死由牢之恭敗卽轉仕牢之揆諸故吏之義亦有媿於纒布之哭彭越矣是則泉山東礪以

正倉院藏書目録卷之二十一

先生參軍在乙未歲者未嘗細攷先生所參

誰軍與鎮軍之為何人也今為反復推尋先

生始作參軍實在己亥鎮軍實為牢之按通

鑑元興元年三月劉牢之遣敬宣詣桓元降

元入京師以牢之為會稽內史牢之曰始爾

便奪我兵禍其至矣私告劉裕當北就高雅

之於廣陵舉兵卿能從我乎裕曰將軍以勁

卒數萬望風降服朝野人情已去廣陵可得

至耶裕當反服回京口耳何無忌謂裕曰我

將何之裕曰吾觀鎮北必不免卿可隨我回

京口牢之帥部曲北走至新洲縊死按牢之

此時已進號前將軍而裕以其必敗故仍呼為鎮北耳 蓋戊戌九月恭
死而牢之代其任開府京口即在此時先生
還舊居詩曰六載去還歸曰今日始復來明

乙巳以前去來靡定從甲辰逆數至己亥正
六載而始作參軍詩編於庚子之前亦可知
爲己亥惟己亥佐牢之軍庚子五月假還辛
丑七月再還至甲辰又爲建威參軍去而歸
歸而還所謂六載去還歸也已亥十一月孫
恩陷會稽牢之率衆東討先生飲酒詩曰在
昔曾遠遊直至東海隅此行誰使然似爲飢
所驅正追賦其嘗從軍討恩馳驅海隅事也
足爲先生參牢之軍之明証特先生無汗馬
功故史但載劉裕從行不及先生耳其時牢

之威名甚盛幕府正可藉以進身非先生所
欲庚子五月卽乞假歸省故曰恐此非名計
息駕歸閒居正追賦其乞假事也蓋牢之未
路不終先生早已窺見其微自辛丑假還繼
以居憂去職久矣不能相累所謂見幾之哲
非歟統計先生參軍不及三載注家以爲六
年誤也又按吳譜謂先生未嘗居江陵據祭
妹文女弟在江陵疑親闈過女先生因省親
赴之親以疾留江陵遂不起故祭妹文有蕭
蕭冬月之語於情事亦近但玩詩中如何舍

此去遙遙至西荆懷役不遑寐中宵尙孤征
等語似因奉使宵征不見有特爲省親乞假
之意與規林詩之欣侍溫顏喜見友于者不
類嘗通攷先生出處前後始參鎮軍就辟京
口故有始作鎮軍參軍經曲阿詩鎮軍在京
口故經曲阿庚子五月請假回里途必由建
康故有從都還阻風規林詩懷所生而念友
于遂留潯陽踰年故明年辛丑正月有游斜
川詩疑旋入都免假至七月有江陵之役自
都往江陵必由潯陽故有赴假還江陵詩而

王事靡盬只可便道乞假不能久留故其辭
意與國風小雅行役告勞相似攷晉書是年
六月孫恩寇丹陽進圍建康中外戒嚴時桓
元以荊州刺史鎮江陵上表請入衛會恩退
朝廷以詔書止之恩退在六月先生江陵之
行在七月或卽奉詔止元之役耶李善文選
注引江國自沙陽縣下流一百五十里至赤
圻赤圻二十五里至塗口今武昌府之嘉魚
蒲圻二縣皆晉沙陽縣地嘉魚縣北尙有沙
陽故城遺址以里計之塗口當在九江府上

流八九十里

桓石綬傳桓元敗石綬走江西塗中疑卽此塗口也王鳴盛謂

塗中當作涂卽今滁州恐未是

桓元不臣久著先生若是使

彼固宜其詞之有憾矣然亦未有以見爲必然姑識所疑如此近日陽湖惲子居元据本傳州召主簿不就謂此詩卽是以疾乞假至假滿則赴之而終以疾辭時桓元方兼領荆江二州刺史駐南郡先生以辭主簿至江陵云云不知先生此時方參鎮軍及服闋復參建威軍皆在辭主簿之後有本傳及詩題歲月可攷若此時方辭主簿則爲參軍又在何

年郭且既辭主簿稱疾不就則正宜家居不起乃反千里詣府天下有如是之稱疾辭官者邪至吳譜力辨先生未嘗參佐桓元憚氏反謂其誣先生佐桓元而著論以非之則是未見吳氏原書近於道聽塗說矣

元興元年壬寅 三十八歲

吳譜桓元舉兵犯京師政自己出改元大亨是年先生居憂

元興二年癸卯 三十九歲

王譜君年三十九正月有始春懷古田舍詩當

是自江陵歸柴桑復適京都宅憂居家思湓城
故有懷古田舍又云良苗亦懷新十二月有與
從弟敬遠詩云寢跡衡門下在都亦當是處野
澍按先生未嘗有挈眷居京師事其庚子從
都還阻風規林詩曰行行循歸路計日望舊
居一欣侍溫顏再喜見友于是眷屬皆在舊
居明證規林地今無攷詩曰凱風負我心戢
柹守窮湖高莽渺無界夏木獨森疎誰言客
舟遠近瞻百里餘延目識南嶺空歎將焉如
則去舊居不過百里窮湖無界疑卽彭蠡官

亭南嶺疑卽采菊東籬悠然所見之南山矣
若眷屬已在京師何歸而有侍温顏見友于
之喜若謂至京師者妻子留舊居者母與兄
弟則舍老親而以妻子自隨尤非情事且先
生爲參軍未久庚子五月從都還辛丑正月
有斜川之游七月赴假還江陵卽以是冬居
憂壬寅癸卯皆在憂中王譜旣以從都還爲
還潯陽游斜川爲留潯陽踰年則固知舊居
之在潯陽矣又以癸卯懷古田舍之作爲自
江陵歸柴桑復適京都宅憂居家思湓城夫

在官則遲迴於故里居憂反留戀於京師揆
之人情殊爲不近況平疇良苗卽事多欣乃
田家實景卽寢跡衡門邈與世絕亦豈在京
師語邪於是求其說而不得則謂在都亦當
是處野總緣誤以還舊居詩之疇昔家上京
六載去還歸上京爲上都謂先生六載居京
師不知上京非上都也

又按懷古田舍古人文簡語倒當是于田舍
中懷古也觀詩中稱顏子丈人先師可見王
氏似以舊居爲古則於文爲不辭

吳譜先生服闋閒居有飲酒詩二十首內一篇
上云是時向立年下云亭亭復一紀又別篇云
行行向不惑是年三十九矣十二月桓元篡晉
改元永始是月先生與從弟敬遠詩云寢跡衡
門下邈與世相絕又飲酒詩稱夷叔在西山且
當從黃綺皆有激而云

澍按是年癸卯二月辛丑建威將軍劉裕破
徐道覆于東陽乙卯桓元自稱大將軍八月
又自號相國楚王十一月壬午遷帝于永安
宮十二月壬辰篡位以帝爲平固王辛亥帝

蒙塵于尋陽

澍按行行句斗南謂飲酒詩作於是歲較王說爲是蓋飲酒詩作於秋月明年先生爲建威參軍非閒居矣況明年桓元出奔乘輿已反正亦不應復有夷叔西山等語也又詩中悠然見南山攷南山卽指廬阜證以拂衣歸田里句及與父老問答語決非在都可知益見景文之誤

元興三年甲辰 四十歲

王譜君年四十有連雨獨飲詩云僂俛四十年

有飲酒詩云是時向立年志氣多所恥遂盡介
然分終死歸田里當是在壬辰癸巳爲州祭酒
之時所謂投耒去學仕又云冉冉星氣流亭亭
復一紀至是得十二年

吳譜先生四十歲有榮木及連雨獨飲詩是歲
桓元伏誅晉帝反正於江陵未幾桓振反

澍按甲辰是年二月帝在尋陽乙卯建武將
軍劉裕帥沛國劉毅東海何無忌等舉義兵
斬桓修于京口桓宏於廣陵丁巳義師濟江
三月桓元潰而逃庚申劉裕置留臺具百官

壬戌桓元司徒王謐推劉裕行鎮軍將軍徐
州刺史都督揚徐兗豫青冀幽并八州諸軍
事假節裕以謐領揚州刺史錄尚書事辛未
桓元逼帝西上四月己丑大將軍武陵王遵
承制總萬機庚寅帝至江陵何無忌等大破
賊將桓元復逼帝東下五月癸酉劉毅破元
於崢嶸洲己卯帝復幸江陵辛巳帝居南郡
壬午督護馮遷斬元于貊盤洲乘輿反正于
江陵閏月桓振陷江陵劉毅何無忌退守尋
陽帝復蒙塵于江陵

義熙元年乙巳 四十一歲

王諧君年四十一有爲建威參軍使都經錢谿
詩當是故歲自都還里卽吉庚子始事鎮軍繼
事建威中經罹憂至是得六年復銜命至都其
家尙未歸柴桑還舊居詩曰疇昔家上京六載
去還歸往來時經鄉里不常留稍成疏故云阡
陌不移舊邑屋或時非履歷周故居鄰老罕復
遺至是始定居斷他適十一月有歸去來辭九
月家留柴桑身往彭澤至是免歸當是不堪軍
役故求縣不堪縣役故歸家所謂風波未定心

憚遠役彭澤去家百里公田足以爲酒少日眷
然有歸與之情平生之志始決見序及辭甚詳

失妹所謂情在駿奔自免去職是歲劉將軍錄

尙書

樹按劉將軍未知所指何人若劉裕則是
年三月爲侍中車騎將軍都督中外諸軍

事至四年正月甲辰始以車騎
將軍爲揚州刺史錄尙書事也

樹按義興元年乙巳帝在江陵南陽太守魯

宗之起義兵襲破襄陽己丑劉毅次于馬頭

桓振以帝屯於江津宗之次紀南爲賊所敗

振武將軍劉道規擊桓謙破之乘輿反正帝

與琅玕王幸道規舟戍戍下詔獎鎮軍將軍

五卷之二
三十一
裕大赦改元義熙又案李公煥還舊居詩注
引南康志云近城五里地名上京有淵明故
居又名勝志南康城西七里爲玉京山亦名
上京有淵明舊居其詩曰疇昔家上京卽此
當湖之濱一峰最秀東西雲山煙水數百里
浩淼縈帶皆列凡席前又朱子語錄廬山有
淵明古跡曰上原淵明集作京今土人作荆
江中有一盤石石上有痕云淵明醉臥其上
名淵明醉石又朱子在南康與崔嘉彥書云
前日出山在上京坡遇雨中履沾濕又吳師

道禮部詩話上京在栗里原去郡一舍據諸說則上京之爲山山有先生舊居鑿然無疑惟答龐參軍詩作使上京是京師耳王景文吳斗南均誤舊居之上京爲京師故有挈妻子入都父留柴桑諸臆說辨見前

又按歸去來辭序曰家叔以余貧苦家叔當卽孟府君傳所謂叔父太常夔也太平御覽引俗說曰陶夔爲王孝伯參軍三日曲水集陶在前行坐有一參軍督護在坐陶于坐作詩隨得三五句後坐參軍督護隨寫取詩成

陶猶更思補綴後坐寫其詩者先呈陶詩經
日方呈大怪收陶參軍乃復寫人詩陶愧愕
不知所以王後知陶非濫遂彈去寫詩者又
魏書司馬氏傳曰德宗復立於江陵改年義
熙尙書陶夔迎德宗達於板橋大風暴起龍
舟沈沒死者十餘人當亦卽此陶夔惟太常
與尙書應是前後所歷官不同耳

吳譜三月建威將軍劉懷肅討振斬之天子乃
還京師是年懷肅以建威將軍爲江州刺史先
生實參建威軍事從討逆黨於江陵有使都經

錢谿詩蓋自江陵以使事如建業尋歸潯陽有
還舊居詩八月起爲彭澤令在官八十餘日解
印綬去有歸去來辭並序顏延之爲先生誄云
母老子幼就養勤匱遠惟田生致親之義追悟
毛子捧檄之懷幼辭州府三命後爲彭澤令按
先生十二歲失所恃今延之言其母老蓋繼母
也韓子蒼舍人云以淵明傳及詩攷之自庚子
歲始作建威參軍爲彭澤遂棄官歸凡爲吏者
六歲故云六載去還歸然淵明乙巳歲尙爲參
軍十一月去彭澤而云家貧耕植不足以自給

何也仁傑以歸去來序攷之不言由參軍爲彭澤蓋自使都之後去官還潯陽其云六載去還蓋在京師居者六年已而歸潯陽舊居故有還舊居詩旣歸而耕植不給于是有弦歌之意所謂脫然有懷求之靡途是也東坡先生言孔子不取微生高孟子不取於陵仲子惡不情也陶淵明欲仕則仕不以求之爲嫌欲隱則隱不以去之爲高古今賢之貴其真也先生自庚子歲作鎮軍參軍至辛丑秋居憂癸卯外除值桓氏亂閒居彌年此年春方在建威府未幾復辭去

雖六載居京其實爲吏之日少子蒼疑其遽有
不給之歎顧第弗深攷又以鎮軍爲建威亦誤
也先生之去彭澤也不知者以爲不能爲五斗
米折腰鄉里小兒其知者以爲爲女弟之喪也
乃若先生之意則有在矣方是時劉寄奴自以
復晉鼎於桓氏竊據之餘規模所建漸廣決非
臣事晉者故先生見幾而作耳其誨顏延之曰
獨正者危至方則礙然則先生之不欲爲苟去
豈非得明哲保身之道也哉

此條吳瞻泰本誤連上年甲辰未幾

桓振反下今從汲古閣本系於是耳

澍按吳瞻泰曰年譜是年劉懷肅爲建威將軍江州刺史辟公參軍攷宋書懷肅傳其年爲輔國將軍無建威之說惟晉書劉牢之傳云劉敬宣與諸葛長民破桓歆於芍陂遷建威將軍江州刺史鎮尋陽宋書劉敬宣傳所載亦同實安帝元興三年甲辰則公爲敬宣建威參軍未可知也年譜失考今按斗南謂是年劉懷肅以建威將軍爲江州刺史先生實參懷肅軍事從討逆黨於江陵蓋據晉書義熙元年乙巳三月桓振襲江陵荊州刺史

司馬休之奔于襄陽建威將軍劉懷肅討振
斬之而先生詩題云乙巳三月爲建威將軍
使都故遂以此事當之東巖謂懷肅爲輔國
將軍無建威之說誤也惟懷肅雖亦號建威
將軍而時爲淮南歷陽二郡太守非江州刺
史江州刺史則敬宣以建威將軍爲之鎮尋
陽已先在甲辰三月先生爲江州柴桑人得
佐本州戎幕且素參牢之軍事敬宣爲牢之
子與先生世好其特辟先生有由也斗南謂
先生從討江陵亦與題云使都相戾使都何

能從討乎東巖又以乙巳年事繫於甲辰亦
誤今從汲古閣本改列於此

澍又按是年乙巳正月帝在江陵改元義熙
二月留臺備法駕迎帝於江陵三月桓振復
襲江陵建威將軍劉懷肅討斬之帝至自江
陵乙未百官詣闕請罪劉裕及何無忌等抗
表遜位不許庚子以琅玕王德文爲大司馬
武陵王遵爲太保加劉裕爲侍中車騎將軍
都督中外諸軍事夏四月劉裕旋鎮京口戊
辰餞於東堂五月桓元故將桓亮符宏刁預

寇湘州守將擊走之

樹按通鑑元興三年甲辰三月劉裕等復京師桓元挾帝西上劉敬宣來歸以爲晉陵太守四月元兄子歆引氏帥入寇敬宣與諸葛長民等共破之劉裕以長民都督淮北諸軍鎮山陽以敬宣爲江州刺史五月劉毅等遇元于崢嶸洲大敗之元故將劉統馮稚等聚黨四百人襲破尋陽城毅遣建威將軍劉懷肅討平之懷肅懷敬之弟也元挾帝單舸走江陵元旋爲益州都護馮遷所殺傳首大桁

立倉之左左言一
閏月桓振復陷江陵何無忌等進擊大敗退
還尋陽與劉毅等上牋請罪又曰劉敬宣在
尋陽聚糧繕船無忌等雖敗賴以復振元兄
子亮自稱江州刺史寇豫章敬宣擊破之劉
毅何無忌劉道規等復自尋陽西上十二月
劉毅等進克巴陵義熙元年正月諸軍至馬
頭桓振挾帝出屯江津桓謙留馮該守江陵
毅等擊破之入江陵振逃於澗川劉懷肅追
斬馮該於石頭二月丁巳留臺備法駕迎帝
于江陵甲午帝至建康是月桓振襲江陵建

威將軍劉懷肅引兵與振戰于沙橋敬宣遣將助之臨陣斬振復取江陵又曰初劉毅嘗爲敬宣寧朔將軍人或以雄傑許之敬宣謂不然毅聞而恨之及敬宣爲江州辭以無功不宜先毅等裕不許毅使人言於裕曰敬宣不豫建義聞已授郡實爲過優尋復爲江州尤用駭惋敬宣不自安自表解官乃召爲宣城內史四月劉裕旋鎮京口

澍按桓亮符宏寇湘州安帝本紀但言守將擊走之未言何人按劉敬宣傳破桓歆于芍

陂遷建威將軍鎮尋陽又破桓亮符宏於湘
中安帝反正徵拜冠軍將軍宣城內史領襄
城太守譙縱反以敬宣督軍與臧喜西伐入
自白帝所向皆克云云則是湘中守將乃敬
宣也敬宣自義熙元年五月破桓亮等三年
八月以冠軍將軍持節監征蜀諸事也



靖節先生年譜攷異下

後學安化陶澍撰

義熙元年丙午 四十二歲

吳譜有歸園田居詩五首其詩蓋自彭澤歸明年所作也首篇云誤落塵網中一去三十年按

太元癸卯 按卯當作巳 先生爲州祭酒至乙巳去彭

澤而歸纔歲星一周不應云三十年當作一去十三年此詩今本有六首韓子蒼云陳述古本止五首俗取江淹種苗在東臯爲末篇乃序行役與前五首不類東坡亦因其誤和之按江淹

擬先生田居詩見文選

澍按韓云田園六首末篇乃序行役與前五首不類今俗本乃取江淹種苗在東臯爲末篇云斗南割取不甚明晰但亦不知子蒼所見何本行役詩已逸尙存也

義熙三年丁未 四十三歲

王譜君年四十三有祭程氏妹文自乙巳至所謂服制再周

吳譜晉史本傳云義熙三年解印去縣賦歸去來辭按先生自序去縣以乙巳歲實元年此史

誤也五月有祭程氏妹文

義熙四年戊申

四十四歲

王譜君年四十四有六月遇火詩云奄出四十年

澍按李公煥陶集注云先生舊居居于柴桑縣之柴桑里至是屬回祿之變越後年徙居於南里之南村按徙居年歲李氏不知何據吳譜六月有遇火詩

義熙五年己酉

四十五

王譜君年四十五有九日詩

吳譜有九日詩

澍按是歲宋公滅燕九月加太尉韓範曰裕起布衣滅桓復晉今伐燕所向皆克此殆天授非人力也遂降于裕張邵稱裕曰主公命世人傑知此時宋公不臣之節已形先生詩中哀蟬叢雁及念之心焦等句蓋亦有爲而言與

義熙六年庚戌

四十六歲

王譜君年四十六有西田穫早稻詩

吳譜九月有西田穫早稻詩

澍按是歲海寇自始興東下進泊淮口江州
豫章兩郡爲盧循等出入抄掠之地使先生
尙爲彭澤令豈止折腰之煩哉故詩曰田家
豈不苦庶無異患干又曰遙遙沮溺心干載
乃相關蓋是歲宋武受黃鉞詩中所云皆非
無故之呻吟也

又按蓮社高賢傳同隱劉遺民卒於是歲則
集中酬劉柴桑兩詩當作於是歲前又祭從
弟敬遠文曰每憶有秋我將其刈與汝偕行
舫舟同濟三宿水濱樂飲川界疑卽是歲穫

立身之要
三十一
三十一
稻時也

義熙七年辛亥 四十七歲

王譜君年四十七有祭從弟敬遠文云絕粒委
務考槃山陰晨采上藥夕聞素琴當時同志見
文甚詳

吳譜有與殷晉安別詩其序云殷先作晉安南
府長史掾因居潯陽後作太尉參軍移家東下
作此以贈按宋武帝紀此年改授太尉又按殷
景仁傳爲宋武帝太尉行參軍則所謂殷晉安
卽景仁也先生方辟世而景仁乃就辟故其詩

云語默自殊勢亦知當乖分又云興言在茲春則此詩在春月作八月有祭從弟敬遠文

澍按裕辟景仁事在三月詩題下原注云景仁名鐵攷劉湛傳湛黨劉敬文父成詣殷景祿又南史范泰傳泰卒議贈開府殷景仁曰泰素望未重不可王宏撫棺哭曰君生平重殷鐵今以此爲報劉知幾史通模擬篇曰凡列姓名罕兼其字苟前後互舉則觀者自知裴子野宋略上書桓元則下云敬道後敘殷

鐵則先著景仁此必殷本名鐵後或以字行
耳

義熙八年壬子 四十八歲

吳譜有雜詩十一

按當作
十二

首有句云奈何五十

年忽已親此事又有示周掾祖謝詩周掾名續
之隱廬山與先生及劉遺民號潯陽三隱者江
州刺史檀韶苦請續之出州與學士祖企謝景
夷三人共在城北講禮加以校讐所住公廨近
於馬隊故其詩云周生述孔業祖謝響然臻馬
隊非講肆校書亦已勤諠之也事見蕭德施所

著先生傳按南史檀韶從征廣固及討盧循有功後拜江州刺史征廣固在義熙五年討盧循在六年則韶爲江州當在此年以後

澍按是歲先生年四十八詩言五十吳譜繫於是年誤也檀韶爲江州在義熙十二年秋說具後又與子儼疏李公煥引趙泉山說答龐軍詩在四十八歲不知何據

義熙九年癸丑

四十九歲

吳譜有與子儼等疏云告儼俟份佚佟君年過五十云云南史本傳載此文末云又爲命子詩

以貽之今按命子詩是初得子儼時作與疏不合惟責子詩有五男兒然儼時方年十六俟年十四份佚皆年十三佟八歲耳先生悼亡在壯歲而前夫人有所出則責子詩當是四十後所作亦非與子儼等疏時也東坡云淵明臨終疏告儼等今按疏稱年過五十而先生享年六十有三則此文又非屬續時語疏云疾患以來漸就衰損自恐大分將有限則是因多病早衰之故預作治命耳此後十三年先生方物故自祭文及擬挽歌辭乃絕筆也

澍按先生是年四十九斗南以與子儼疏繫
於是年誤又斗南謂前夫人有所出儼爲長
子必前夫人出也先生悼亡在壯歲計得儼
必在三十以前命子詩曰於皇仁考必太公
已前沒故稱仁考江陵罹罰在辛丑歲先生
年已三十七王吳二譜謂丁外艱則得儼時
太公尙在詎有預稱爲考者耶

義熙十年甲寅

五十歲

王譜君年五十有雜詩云奈何五十年棄官來
歸至是得十年故云荏苒經十載暫爲人所羈

澍按先生雜詩有奈何五十年句李公煥注
云此詩靖節年五十作也時義熙十年甲寅
初廬山東林寺主釋慧遠集緇素百二十有
三人於山西巖下般若臺精舍結白蓮社歲
以春秋二節朝宗靈像及是秋七月二十八
日命劉遺民撰同誓文以申嚴斯事其間譽
望尤著爲當世推重者號社中十八賢劉遺
民張詮雷次宗宗炳周續之張野等預焉時
祕書丞謝靈運才學爲江左冠而負才傲物
少所推挹一見遠公遽改容致敬因於神殿

後鑿二池植白蓮以規求入社遠公察其心
雜拒之靈運晚節疎放不檢果不克令終中
書侍郎范甯直節立朝爲權貴潛忌出守豫
章遠公移書邀入社甯辭不至蓋未能頓委
世緣也靖節與遠公雅素爲方外交而不願
齒社列遠公遂作詩博酒鄭重招致竟不可
訕按梁僧慧皎高僧傳遠公持律精苦雖豉
酒米汁及蜜水之微且誓死不犯乃欽靖節
風槩顧我能致之者力爲之不暇卹靖節反
麾而謝之或與樵蘇田父班荆道舊於何庸

流能窺其趣哉靖節每來社中一日謁遠公甫及事外聞鐘聲不覺顰容遽命還駕法眼禪師晚參示衆云今夜撞鐘鳴復來有何事若是陶淵明攢眉却回去此靖節洞明心要惟法眼特爲揄揚張商英有詩云虎溪回首去陶令趣何深謝無逸詩云淵明從遠公了此一大事下視區中賢略不可人意遠公居山餘三十年影不出山跡不入俗送賓遊履常以虎溪爲界他日傾靖節簡寂禪觀主陸修靜語道不覺過虎溪數百步虎輒驟鳴因

相與大笑而別石恪遂作三笑圖東坡贊之
李伯時蓮社圖李元宗紀之足標一時之風
致云澍按先生與遠公往還無歲月可攷而
劉程之誓願文則作於是年七月遠公亦旋
以十二年八月示寂姑依李注附次於此

義熙十一年乙卯 五十一歲

王譜君年五十一有與子儼等疏云年過五十
又云見樹木交蔭時鳥變聲亦復欣然五六月
北窗下臥遇涼風暫至自號羲皇上人見疏甚

詳

澍按吳譜以疏作於癸丑固非王譜繫於是年恐亦未然李公煥於與子儼等疏引趙泉山曰吾年過五十少而窮苦每以家做東西游走五十當作三十乃追敘少壯之時蓋靖節從此十年間自潯陽至建康返又赴江陵再返故云東西遊走及四十一歲序其倦游于歸去來曰心憚遠遊四十八歲答龐參軍詩云我實幽居士無復東西緣若年過五十時投閑十年矣尙何遊宦之有澍謂與子儼疏當在宋受禪後必非作於甫過五十之時

疏末曰濟北范稚春晉時操行人也若五十
一歲尙在義熙年間宜云今之操行人不當
謂晉時也年過五十以事蹟攷之趙氏追敘
之說亦長

義熙十二年丙辰

五十二歲

王譜君年五十二有下澗田舍穫詩云曰余作
此來三四星火積當是得此在癸丑甲寅之間
吳譜八月有於下澗田舍穫詩又有怨詩楚調
示龐主簿鄧治中云僂俛六九年其年先生五
十四時顏延之爲江州刺史劉柳後軍功曹在

潯陽與先生情欵以周續之傳攷之柳以是年到官云

澍按六九年一本作五十年若以爲五十四則當繫於後年戊午是年先生方五十二自壬子至丙辰吳譜每早二年誤也劉柳爲江州刺史晉書柳本傳不紀年月攷宋書孟懷玉傳懷玉義熙十一年卒于江州之任晉書安帝紀義熙十二年六月新除尙書令劉柳卒南史劉湛傳父柳卒于江州是柳爲江州實踵懷玉之後以義熙十一年到官十二年

除尚書令未去江州而卒延之來潯陽與先生情款當在此兩年也又按南史周續之傳曰武帝北討世子居守迎續之館于安樂寺延入講禮月餘復還山江州刺史劉柳薦之武帝柳卒在六月宋武北伐事在八月其薦續之當在前南史周傳誤敘於北討後也北討時檀韶爲江州刺史通鑑安帝紀十二年八月丁巳劉裕伐秦發建康青州刺史檀祗自廣陵率衆至涂中掩討亡命劉穆之恐祗爲變議欲遣軍時檀韶爲江州刺史張邵曰

今韶據中流道濟爲軍首云云則柳卒之後
繼爲江州者韶本傳稱韶延續之及祖謝等
城北校書當在是兩年間先生示周掾祖謝
詩亦當作於其時至後年戊午則王宏爲江
州矣

義熙十三年丁巳 五十三歲

吳譜有贈羊長史詩長史名松齡晉史本傳謂
與先生周旋者是歲劉裕平關中松齡以左軍
長史銜使秦川故有句云路若經商山爲我少
躊躇多謝綺與角精爽今何如與飲酒詩且當

從黃綺同意當桓劉之世先生不出世如避秦也

澍按錢大昕養新錄曰史稱朱齡石以右將軍領雍州而先生詩序云左軍小異攷宋書朱傳義熙十二年已遷左將軍左右將軍品秩雖同而左常居右上朱鎮雍州必仍本號不應轉改爲右則此云左軍者爲可信按冊府元龜亦引朱以左將軍鎮雍州作右必傳寫之訛

又按湯東澗以飲酒詩作於是歲恐未是說

具飲酒詩注

義熙十四年戊午 五十四歲

王譜君年五十四楚調云僂俛六九年召爲著作佐郎不應是歲宋公爲相國

吳譜詔除著作郎稱疾不就見南史本傳

澍按宋書義熙末徵著作佐郎亦不必定其十四年顏誅蕭傳皆作著作郎

又按何孟春於歲暮和張常侍詩注引劉坦之曰晉史義熙十四年十二月宋公劉裕幽安帝於東堂而立恭帝靖節和歲暮詩蓋亦

適當其時而寄此意焉按張常侍疑卽本傳所稱鄉親張野也蓮社高賢傳野字萊民南陽人居尋陽柴桑與淵明有婚姻契州舉秀才南中郎府功曹州治中徵拜散騎常侍俱不就據此則以其嘗徵散騎常侍故稱張常侍也野入廬山依遠公有遠法師塔銘序文見廬山記及劉孝標世說注又隋書經籍志有張野集十卷藝文類聚引張野廬山記今並不傳蓮社傳野卒於義熙十四年詩意亦似哀輓之詩蓋旣傷國步之將更復感窮交

之永逝也但野旣死不當云和攷蓮社傳又有張詮野之族子亦徵散騎常侍不就入廬山事遠公宋景平元年卒或此常侍詮也豈詮有輓野之詩而先生和之耶

恭帝元熙元年己未 五十五歲

王譜君年五十五王休元爲江州自造不得見遣其故人龐通之等齎酒於半道栗里邀之卽引酌野亭休元出與相聞極歡終日嘗九日把菊無酒休元餉之有九日閒居詩所謂秋菊滿園時醪靡至當是未獲所遺休元在江州幾六

年未審的在何年自乙巳至丁卯訖死未嘗他適獨暫爲休元入州

吳譜是歲王宏爲江州刺史本傳云宏欲識淵明而不能致令人候知當往廬山乃遣其故人龐通之等先齋酒具於半道栗里間淵明有脚疾使一門生二兒舁籃輿旣至便忻然共飲宏乃出與相聞要之還州

澍按休元王宏字宋書義熙十四年王宏遷撫軍將軍江州刺史斗南云是歲誤也宏領江州最久至宋文帝元嘉三年始以司徒中

書徵入朝代其任者爲檀道濟前此謀廢營
陽暫詣建康雖加勲爵仍領江州在尋陽幾
九年景文云六載亦誤暫爲休元入州者據
本傳宏要先生還州也然集中又有王撫軍
座送客詩撫軍卽休元事在宋武帝永初二
年則入州亦不止一事

又按先生有答龐參軍四言及五言詩又有
怨詩楚調示龐主簿遵吳正傳詩話曰本傳
江州刺史王宏欲識潛不能致潛遊廬山宏
令其故人龐通之齎酒具半道栗里邀之此

答龐參軍四言及後五言皆敘鄰曲契好明
是此人又有怨詩示龐主簿者豈卽參軍邪
半道栗里亦可證移家之事按吳說以龐遵
卽龐通之是也晉書云周旋人龐遵等或有
酒要之又云王宏遣其故人龐通之等齎酒
要之明是一人古人之文上下名字互稱者
甚多如裴子野宋略上書桓元下稱敬道劉
知幾史通所謂姓名兼字前後互舉則觀者
自知是也宋書裴松之傳元嘉三年分遣大
使巡行天下司徒主簿龐遵使南兖州卽此

龐主簿遵矣至疑使江陵之龐參軍卽主簿
遵則似未然參軍主簿皆公府所辟屬掾不
相兼官先生答參軍詩并非素識因結鄰始
通殷勤冬春僅再交爲時尙淺故曰相知何
必舊傾蓋定前言而於主簿遵則爲怨詩楚
調示之厯敘生平備訴艱苦至以鍾期相望
視參軍交情有淺深之別矣此可卽兩詩對
勘而得也時衛軍將軍王宏鎮潯陽宋文帝
方爲宜都王以荊州刺史鎮江陵參軍奉宏
命使江陵又奉宜都之命使都故曰大藩有

命作使上京非宜都不得稱大藩也四言五
言疑皆營陽王景平元年所作五言是參軍
奉使之時先賦詩爲別先生作此以答四言
則參軍自江陵回使建康先生又作詩以贈
也蓋王宏兄弟王曇首王華皆爲宜都參佐
後皆以定策功貴顯營陽之廢王宏亦至建
康與謀時衆欲立豫州而徐羨之以宜都有
符瑞宜承大統此必王宏兄弟先使參軍往
來京都與徐傅等深布誠款故江陵符瑞得
聞於中朝特其事秘外人莫知故史不載耳

其後文帝討徐傅謝三人之罪而宏獨蒙顯
寵良有故矣觀四言末章云勗哉征人在始
思終敬茲良辰以保爾躬此必先生陰察參
軍使都當有異圖故以慎終保躬勗之且序
稱龐爲衛軍參軍從江陵使上都詩言大藩
有命作使上京其私交之跡詞國之情具見
蓋詩而史矣此詩當作於營陽王景平元年
景平元年卽文帝元嘉元年宏進
號車騎大將軍衛軍別授謝晦附識於此
以俟好古君子審焉

又按世說注引續晉陽秋曰陶元亮九日無

酒宅邊東籬下菊叢中摘盈把坐其側未幾
望見白衣人至乃王宏送酒也即使就酌醉
而後歸史傳但記送酒無白衣人事附錄於
此

元熙二年庚申

五十六歲○是年宋武帝踐阼改元永初

王諧君年五十六同隱周續之召至都爲顏延
之連挫義熙間檀韶爲江州邀續之在城北講
禮讐書有示周掾祖謝詩云馬隊非講肆校書
亦已勤又云但願還渚中從我潁水濱江城尙
不欲周往奚況京師劉遺民亦同隱有和劉柴

桑詩云挈杖還西廬又云春醪解飢飭其還以
春有酬劉柴桑云嘉穗眷南疇又云慨然知己
秋其還至是及秋初自西廬移南村有移居詩
云間多素心人樂與數晨夕又云過門更相呼
有酒斟酌之遷居殆爲遺民之徒尋還西廬度
相距亦不遠與遺民更相酬酢不改賞文析義
之時未審的在何年或恐劉柴桑似縣令劉或
嘗爲此縣存此呼或有命不爲猶續之嘗命爲
撫軍參軍不就因呼周掾皆不可知但非時爲
宰者語皆冷交非熱官丁柴桑詩云秉直司聰

于惠百里此乃當官無疑尋詩鍾情于劉厚過
子周遺民自隱之餘無聞續之在隱之中微婉
君與周劉號潯陽三隱校情義稍有深淺是歲
宋武帝踐阼

澍按蓮社高賢傳劉程之字仲思彭城人漢
楚元王之後妙善莊老旁通百氏少孤事母
以孝聞自負才不預時俗初解褐爲府參軍
謝安劉裕嘉其賢相推薦皆力辭性好佛理
乃之廬山傾心自託遠公曰官祿巍巍欲何
不爲答曰君臣相疑吾何爲之劉裕以其不

屈乃旌其號曰遺民及周續之等同來廬山

遠公曰諸君之來豈思淨土之游乎程之乃

鑿石爲誓文

文見廬山記

義熙六年卒年五十九

豫章書作澄之又攷世說注引何法盛晉中

興書劉麟之一字遺民麟之卽桃花源記中

南陽劉子驥晉書有傳是遺民之號不獨程

之二劉孰曾爲柴桑令無攷未審先生所酬

是程之抑子驥也隋書經籍志有柴桑令劉

遺民集五卷錄一卷老子元譜一卷

吳譜夏六月晉禪于宋宋高祖改元永初讀史

述九章自注曰余讀史記有所感而述之首章
述夷齊云天人革命絕景窮居采薇高歌慨想
黃虞二章述箕子云去鄉之感猶有遲遲矧伊
代謝觸物皆非當是革命時作近世有校集本
者云文選五臣注辛丑歲七月赴假還江陵詩
謂淵明詩晉所作者皆題年號入宋所作但題
甲子而已意者恥事二姓故以異之思悅攷淵
明之詩有題甲子者始庚子距丙辰凡十七年
間只九首皆晉安帝時作中有乙巳歲三月經
錢溪作此年秋乃爲彭澤令解印綬去後十六

年庚申晉禪宋淵明傳曰自宋高祖王業漸隆
不復肯仕於淵明出處得其實矣寧容晉未禪
宋前二十年輒恥事二姓所作詩題甲子而自
取異哉矧詩中又無標晉年號者仁傑按沈約
宋書潛自以曾祖晉世宰輔不復屈身後代自
高祖王業漸隆不復肯仕所著文章皆題年月
義熙已前則書晉氏年號自永初以來惟云甲
子而已嘗攷集中諸文義熙已前書晉氏年號
者如桃花源詩序云晉太元中又祭程氏妹文
云維晉義熙三年是也至游斜川詩序在宋永

初二年作則但稱辛酉歲自祭文在元嘉四年作則但稱歲惟丁卯史氏之言亦不誣矣然其祭從弟敬遠文在義熙中亦止云歲在辛亥要之集中詩文於晉年號或書或否固不一槩卒無一字稱宋永初以來年號者此史氏所以著之也史論其所著文章不專爲詩而發而五臣輒更之曰淵明詩晉所作者皆題年號此所以啟後世之誤也詳味先生出處大節當桓靈竊僭竊位號與劉氏創業之後未嘗一日出仕而眷眷本朝之意自見於詩文者多矣東坡云讀

史述九章夷齊箕子蓋有感而云去之五百年
吾猶識其意也韓子蒼亦曰余反復述酒詩見
山陽舊國之句蓋用山陽公事疑是義熙以後
有所感而作故有流淚抱中歎平王去舊京之
語淵明忠義如此今人或謂淵明所題甲子不
必皆義熙後此亦豈足論淵明哉惟其高舉遠
蹈不受世紛而至於躬耕乞食其忠義亦足見
矣

澍按晉標年號宋題甲子著於沈約宋書自
僧思悅始爲異論最易惑人其實非也說詳

第三卷首近時吳騫拜經樓詩話謂蜡日詩作於是歲與述酒篇同意今攷魏晉之間俗有賀蜡先生詩不知所謂未敢強解吳說恐

未必然

六月宋降五公封爵長沙公降封醴陵縣侯

永初二年辛酉

五十七歲

吳譜有游斜川詩并序別本作辛丑者非是先
生是年五十七然詩云開歲倏五十或疑是辛
亥歲作是年四十九故言開歲倏五十猶言來
歲云爾按馮衍顯志賦云開歲發春則非謂來
歲明矣馬永卿云廬山東林舊本作倏五日與

序所謂正月五日相應宜以爲正東坡和此篇
云雖過靖節年未失斜川游東坡於時年六十
二自辛酉歲論之先生五十七歲而東坡又過
其五亦無傷也

澗按五十當從舊本作五日不必改丑爲酉
爲亥是歲宋酖弒零陵王湯東礪以述酒詩
爲此而作說詳卷三述酒詩注

又按李公煥於王撫軍座送客詩注曰按年
譜此詩永初二年辛酉秋作也

此年譜不知何人所撰

宋書王宏爲撫軍將軍江州刺史庾登之爲

西陽太守被徵還謝瞻爲豫章太守將赴郡
王宏送至湓口三人於此賦詩敘別是必休
元要靖節與席餞行故文選載入瞻卽席賦
別詩首章紀坐間四人澍按今文選瞻序僅
紀三人無先生名字豈宋本有之今本奪去
邪通鑑永初二年謝瞻爲豫章太守則此詩
決當作於是歲明年則瞻死矣

永初三年壬戌

五十九歲

王譜君年五十九顏延之爲始安過潯陽日造
飲酣醉臨去留二萬錢送酒家相知久間驟見

益懽延之未審何時來柴桑所謂自爾分居及
我多假伊好之恰接簷鄰舍當是不詣劉穆之
之時又未審何時去柴桑當是爲豫章世子參
軍之時據誅參傳略見

澍按顏出爲始安太守當從通鑑在元嘉元
年此系景平元年誤也宋書顏本傳少帝立
出爲始安太守又曰延之之郡道經汨羅潭
爲刺史張邵作祭屈原文今攷文曰惟有宋
五年月日宋五年景平二年實元嘉元年也
蓋景文未攷顏文又誤會書少帝立之句不

不知文帝以景平二年八月卽位始改爲元
嘉元年自八月以前仍爲景平二年延之出
守時少帝猶未廢宋書本不誤也

又按劉柳爲江州刺史在義熙十一十二兩
年延之爲柳後軍功曹其來柴桑卽在此時
其去當因柳卒也說詳義熙十二年丙辰下
王意顏來在不詣劉穆之時誤延之不詣穆
之在作後軍功曹前

營陽王景平二年甲子

六十歲

吳譜八月文帝卽位改元元嘉文選顏延之爲

先生誅李善注引何法盛中興晉書曰延之為始安郡經潯陽常飲淵明舍自晨達昏南史本傳亦云每過潛必酣飲致醉刺史王宏欲要延之坐彌日不得延之臨去留二萬錢潛悉送酒家稍就取酒按延之道過湘州祭屈原文云有宋五年知以是年之郡此條吳瞻泰本系於永初三年壬戌下汲古閣本系於營陽王景平元年癸亥下皆誤斗南既據史八月文帝即位改元元嘉又據祭屈原文有宋五年其不系於壬戌癸亥明矣今正

文帝元嘉二年乙丑 六十一歲

吳譜贈長沙公詩其序云余于長沙公為族祖

同出大司馬昭穆既遠已爲路人經過潯陽臨別贈此詩按陶侃傳侃封長沙郡公贈大司馬有子十七人洪瞻夏琦旗斌稱範岱九人附見侃傳先生大父亦侃子也獨見於先生傳中侃以壬辰咸和七年薨按桓公薨于咸和九年六月乙卯此云七年從晉書誤也晉書公本傳云年七十六又周訪傳云訪少公一歲訪卒于大興三年年六十一以此推之咸和九年公乃七十六耳且咸和七年十一月朝廷方進公爲大將軍公上表固辭今表亦載晉書本傳則七年之誤不辨可知世子夏襲溫公通鑑以公薨紀于咸和九年

爵及送侃喪還殺其弟斌庾亮奏加放黜表未至而夏卒詔以瞻息宏襲侃爵卒子綽之嗣綽

立集之序言百二
三三
之卒子延壽嗣宋受禪降爲吳昌侯以世次攷
之先生於延壽爲諸父行今自謂於長沙公爲
族祖意延壽入宋而卒見先生於潯陽者豈其
子邪延壽已降封吳昌仍以長沙稱之從晉爵
也集本序文良是詩題當云贈長沙公族孫而
云族祖者字之誤也一本因詩題之誤輒以意
改序文云長沙於余爲族祖按侃子夏襲封長
沙公於先生爲大父行史雖不著夏卒之歲月
然其卒在庾亮前亮沒以歲庚子實咸康六年
距興寧乙丑歲猶二十五年時先生未生也夏

固不與先生同時又按禮經高祖之昆弟六世以外然後親屬竭故有從父有從祖有族祖蓋同祖爲從父同曾祖爲從祖同高祖爲族祖使佩諸子而在乃先生祖之昆弟服屬近矣安得云昭穆旣遠當曰從祖亦不得云族祖也至若延壽之子則侃之六世孫與先生同高祖先生視之爲族孫故以族祖自居其詩有云同源分流人易世族又有禮服旣悠之語蓋昭穆至是差遠然至以爲路人則長沙公於宗族之義亦薄矣故又云慨然寤歎念茲厥初觀此則俗本

所改序文果非

澍按吳以贈長沙公詩作於是歲不知何據
楊時偉云長沙公於余爲族一句祖同出大
司馬一句題中族祖二字乃後人誤序文之
句讀因而妄增也餘具前及卷一詩注

又按李公煥引西蜀張續辨證謂延壽已爲
吳昌侯其子又安得稱長沙公要是此詩作
於延壽未改封之前意在規斗南之失其實
例以永初以來不紀宋號卽謂稱長沙公爲
仍從晉爵可也惟吳以序文余於長沙公爲

族祖族叔二字連讀謂題當作族孫不如作
衍文爲安

又按宋書武帝紀永初元年六月詔曰晉氏
封爵旋隨運改降殺之儀一依前典可降始
興公封始興縣公廬陵公封柴桑縣公各千
戶始安公封荔浦縣侯長沙公封醴陵縣侯
康樂公可卽封縣侯各五百戶以奉晉故丞
相王導太傅謝安大將軍溫嶠大司馬陶侃
車騎將軍謝元之祀是長沙公降爲醴陵侯
晉書陶侃傳謂宋受禪延壽降封爲吳昌侯

者誤也吳譜亦沿其誤又王伯厚小學紺珠
謂宋改晉封爵獨置五公以奉導安嶠侃元
之祀以五公爲宋置尤誤

元嘉三年丙寅

六十二歲

王譜君年六十二檀道濟爲江州時抱羸疾多
瘠餒往候饋以梁肉不受

吳譜是歲五月檀道濟爲江州刺史本傳稱道
濟往候先生偃臥瘠餒有日矣道濟謂曰夫賢
者處世天下無道則隱有道則至今子幸生文
明之世奈何自苦如此對曰潛也何敢望賢志

不及也道濟饋以梁肉麾而去之然本傳載此
在爲鎮軍參軍之前以道濟傳攷其歲月知史
誤也葉左丞云陶淵明晉書南史皆有傳梁蕭
統亦有傳嘗以統傳及顏延之所作誄參之二
史大抵南史全取統傳而更其名字統傳云淵
明字元亮或云潛字淵明南史云潛字淵明或
云字淵明名元亮至晉書直言潛字元亮統去
淵明最近宜得其實旣兩見則淵明蓋嘗自更
其名字所謂或云潛字淵明者前所行也淵明
字元亮者後所更也統承其後故書淵明爲正

而謂潛爲或說意淵明自別於晉宋之間而微見其意歟顏延之作誄以潯陽陶淵明稱之此欲以其名見也延之與淵明同時且相善不應有誤可以知其爲後名與統合不然或謹其名自當稱元亮何以追言其舊字乎仁傑按石林謂先生更名自別於晉宋之間得其微意矣至謂潛與淵明爲前所行淵明與元亮爲後所更以集與本傳攷之則有可疑按先生之名淵明見於集中者三其名潛見於本傳者一集載孟府君傳及祭程氏妹文皆自名淵明又按蕭統

所作傳及晉書南史載先生對道濟之言則自稱曰潛孟傳不著歲月祭妹文晉義熙三年所作據此卽先生在晉名淵明可見也此年對道濟實宋元嘉則先生至是蓋更名潛矣山谷懷陶令詩云潛魚願深渺淵明無由逃蓋言淵明不如潛之爲晦此尤深得先生更名之意至云歲晚以字行更始號元亮此則承南史之誤耳延之作先生誄云有晉聘士陶淵明旣以先生爲晉臣則用其舊名宜矣延之與先生厚善著其爲晉聘士又書其在晉之名豈亦因是欲見

先生之意邪蕭統不悟其旨乃以淵明爲本名
而以潛爲或說傳中載對道濟之語則又云潛
自相牴牾其實先生在晉名淵明字元亮在宋
則更名潛而仍其舊字謂其以名爲字者初無
明據殆非也本傳當書曰陶淵明字元亮入宋
更名潛如此爲得其實其曰深明泉明者唐人
避高祖諱故云

澍按何孟春陶集注引晁氏曰陶淵明一名
潛蕭統云淵明字元亮宋書云潛字淵明或
云淵明字元亮按集中孟嘉傳與祭妹文皆

自稱淵明當從之張縝曰梁昭明太子傳稱
淵明字元亮或云潛字淵明顏延之誄亦云
有晉徵士潯陽陶淵明以統及延之所書則
淵明固先生之名非字也先生作孟嘉傳稱
淵明先親君之第四女嘉於先生爲外大父
先生又及其先親義必以名自見豈得自稱
字哉統與延之所書可信不疑晉史謂潛字
元亮南史謂潛字淵明皆非也先生於義熙
中祭程氏妹亦稱淵明至元嘉中對檀道濟
之言則云潛也何敢望賢年譜云在晉名淵

明在宋名潛元亮之字則未嘗易此言得之
矣

元嘉四年丁卯 六十三歲

王譜君年六十三有自祭文曰律中無射擬挽
歌詩云嚴霜九月中送我出遠郊當是杪秋下
世顏延之誄云視化如歸臨凶若吉藥劑弗嘗
禱祠弗恤其臨終高態見誄甚詳君生平好談
歸盡蕭統以爲處百齡之內居一世之中倏忽
白駒寄寓逆旅與大塊而榮枯隨中和而放蕩
豈能勞於憂畏役於人間最知深心形贈影答

神釋本趣略見所謂縱浪大化中不喜亦不懼
應盡便須盡無復獨多慮惟患不知既已洞知
安坐待此夫復何言樞甫詳避俗未許達道識
者更詳之

吳譜將復召命曾先生卒有自祭文及擬挽歌
辭祭文云律中無射挽歌云嚴霜九月中送我
出遠郊其卒當在九月顏延之誄云疾惟疢疾
禮化如歸則是以疢疾卒也又云藥劑弗嘗禱
祀非恤又紀其遺占之言曰存不願豐沒無求
贍省訃却贈輕哀薄斂遭壤以穿旋葬而窆自

祭文亦曰奢恥宋臣儉笑王孫又有不封不植
之語嗚呼死生之變亦大矣而先生病不藥劑
不禱祀至自爲祭文挽歌與夫遺占之言從容
閒暇如此則先生平生所養從可知矣顏延之
取謚法寬樂令終曰靖好廉自克曰節合二字
之美謚焉

澍按朱子綱目於元嘉四年特書晉徵士陶
潛卒書法曰潛卒於宋書晉何潛始終晉人
也綱目予節故通鑑不書綱目獨書之是故
晉亡潛心乎晉則卒書晉唐亡張承業心乎

唐則卒書唐徵士書卒終綱目一人而已矣
按稱先生曰晉徵士不繫宋綱目亦本顏延
之誄最合春秋之義

又按先生墓在德化縣楚城鄉之面陽山東
距星子縣二十五里蓋廬山之西南麓也明
李夢陽爲江西提學求得之置田以奉其祀
至今代有祀生見江西通志

晉陶靖節年譜

山陽丁晏編

梁蕭統撰陶淵明傳敘次時事前後錯迕史家因之轉相承譌宋王質紹陶錄有栗里年譜明陶宗儀輟耕錄備載之編次甚疎頗有謬誤怨詩弱冠逢世阻始室喪其偏謂弱冠始喪妻室失耦則爲偏非必妾也舊譜謂二十喪妾凡說無據其謬一也宋書檀韶爲江州刺史在義熙十二年請周續之祖企謝景夷三人在城北講禮陶詩所云周生述孔業祖謝響然臻是也舊譜誤繫之永初元年其謬二也宋書王宏爲江州在義熙十四年而舊譜繫王休元於元熙元年移下一年其謬三也宋書檀道濟爲江州在

景平二年是歲甲子而舊譜繫道濟於元嘉三年丙寅與
正史不合其謬四也蜀張績又謂淵明生於壬子尤誤攷
之正史靖節卒於元嘉四年年六十三逆推其生年當晉
哀帝興寧三年是歲乙丑非壬子也余嘗依据本集參稽
史文立為斯譜不敢沿襲前人貽誤來哲後之覽者幸詳
正焉其詩文之可系年者則分系之它無年月者亦不敢
虛造妄測強繫歲年其所不知蓋闕如也

晉哀帝興寧三年乙丑 一歲 昭明太子傳陶淵明字

元亮或云潛字淵明潯陽柴桑人也

張績辨證云義熙中祭程氏妹稱淵

明至元嘉中對檀道濟曰潛也何敢望賢在晉名淵明在宋名潛

晉書隱逸傳大司

馬侃曾孫祖茂武昌太守 陶茂麟家譜祖岱父佚其

名姿城太守 案祖茂見於正史此作岱非也姿城於

地志無攷家譜不足據也 自述世系有命子詩於皇

仁考澹焉虛止寄迹風雲寘茲愠喜俾其父之美也又

有贈長沙公詩序長沙公於余為族祖同出大司馬漢高

帝時陶舍晉書載長沙公侃卒此序長沙乃侃之後裔襲爵

也 陶集孟嘉傳娶大司馬長沙桓公陶侃第十女又

云淵明先親君之第四女也凱風寒泉之思實鍾厥心

案此則靖節之母孟氏征西大將軍長史孟嘉女也

海西公太和元年丙寅 二歲

太和二年丁卯 三歲

太和三年戊辰 四歲

太和四年己巳 五歲

太和五年庚午 六歲

簡文帝咸安元年辛未 七歲

咸安二年壬申 八歲

孝武帝寧康元年癸酉 九歲

寧康二年甲戌 十歲

寧康三年乙亥 十一歲

太元元年丙子 十二歲

太元二年丁丑 十三歲

太元三年戊寅 十四歲

太元四年己卯 十五歲

太元五年庚辰 十六歲

太元六年辛巳 十七歲

太元七年壬午 十八歲

太元八年癸未 十九歲

太元九年甲申 二十歲 是時喪妻怨詩弱冠逢世

始室喪其偏

太元十年乙酉 二十一歲

太元十一年丙戌 二十二歲

太元十二年丁亥 二十三歲

太元十三年戊子 二十四歲

太元十四年己丑 二十五歲

太元十五年庚寅 二十六歲

太元十六年辛卯 二十七歲

太元十七年壬辰 二十八歲

太元十八年癸巳 二十九歲

祭酒不堪更職少日自解而歸州召主簿不就

集癸巳爲江州祭酒史無明文姑系於此

太元十九年甲午 三十歲

太元二十年乙未 三十一歲

太元二十一年丙申 三十二歲

安帝隆安元年丁酉 三十三歲

隆安二年戊戌 三十四歲

隆安三年己亥 三十五歲

隆安四年庚子 三十六歲 始作鎮軍叅軍經曲阿五

月中從都還阻風於規林

隆安五年辛丑 三十七歲 遊斜川序辛丑正月五日

詩開歲條五日一本誤作五十或据以編年失之七月

赴假還江陵詩閒居三十載是年三十七歲舉成數言
三十載 祭程氏妹文昔在江陵重罹天罰伊我與爾
百哀是切黯黯高雲淒淒冬月感惟崩號與言泣血粟
里舊譜謂是失父

元興元年壬寅 三十八歲

元興二年癸卯 三十九歲 始春懷古田舍詩十二月

與從弟敬遠詩

元興三年甲辰 四十歲 榮木詩四十無聞斯不足畏

又連雨獨飲詩儻仰四十年

義熙元年乙巳 四十一歲 三月爲建威叅軍使都經

錢溪詩 南史後爲鎮軍建威參軍謂親朋曰聊欲絃

歌以爲三徑之資可乎執事者聞之以爲彭澤令公田

悉令吏種秫稻妻子固請種粳乃使二頃五十畝種秫

五十畝種粳郡遣督郵至縣吏白應束帶見之潛歎曰

我不能爲五斗米折腰向鄉里小人卽日解印綬去職

賦歸去來以遂其志 歸去來辭序仲秋至冬在官八

十餘日乙巳歲十一月也 序當乙巳年晉書作義熙三年誤 有歸田園

居詩

義熙二年丙午 四十二歲

義熙三年丁未 四十三歲 五月甲辰祭程氏妹文

義熙四年戊申 四十四歲 六月中遇火詩總髮抱孤

念奄出四十年言四十亦舉成數也柴桑舊宅既燬移

居南村有移居詩

義熙五年己酉 四十五歲 九月九日詩

義熙六年庚戌 四十六歲 九月中於西田穫早稻詩

義熙七年辛亥 四十七歲 祭從弟敬遠文歲在辛亥

月惟仲秋 是歲劉裕為太尉宋書武帝紀武與殷晉安別詩

後作太尉參軍太尉謂裕也

義熙八年壬子 四十八歲

義熙九年癸丑 四十九歲

義熙十年甲寅 五十歲 雜詩昔聞長老言掩耳每不
喜奈何五十年忽已親此事裕將篡晉其勢已成歎其
不幸而親見此事也是年東林寺釋慧遠結白蓮社七
月劉遺民撰同誓文張詮雷次宗宗炳周續之張野等
預焉靖節與遠公爲方外交有酬和劉柴桑詩遺民曾
爲柴桑令 案慧遠結白蓮社在義熙十年社中十八
賢有劉遺民雷次宗諸人是秋七月二十八日遺民撰
同誓文詳見廬山紀略近有蓮社高賢傳妄謂遺民卒
於義熙六年此書隋唐志不著錄晁陳書目皆無之乃
後人僞撰不足據 南史與子書以言其志并爲訓戒

曰吾年過五十而窮苦荼毒性剛才拙與物多忤

義熙十一年乙卯 五十一歲

義熙十二年丙辰 五十二歲 昭明太子傳後刺史檀

韶宋書檀韶傳韶為江州刺史在義熙十二年苦請周續之出州與學士祖

企謝景夷三人共在城北講禮加以讐校所住公廨近

於馬隊是故淵明示其詩云周生述孔業祖謝響然臻

馬隊非講肆校書亦已勤 是年劉裕都督中外伐秦

有贈羊長史松齡詩九域甫已一謂裕將滅秦一海內

羊銜使往秦川故有是作 八月中於下巽田舍穫詩

義熙十三年丁巳 五十三歲

義熙十四年戊午 五十四歲 沈約宋書義熙末徵著

作佐郎不就 晉書既絕州郡覲謁其鄉親張野及周

旋人羊松齡寵遵等或有酒邀之或要之共至酒坐雖

不識主人亦欣然無忤酣醉便反未嘗有所造詣所之

唯至田舍及廬山遊觀而已 王宏爲撫軍將軍江州

刺史

宋書王宏傳
是年遷刺史

於王撫軍座送客詩 南史潛嘗往

廬山宏令潛故人龐通之齎酒具於半道栗里要之潛

有腳疾使一門生二兒舉籃輿及至欣然便共飲酌俄

頃宏至亦無忤也 是年劉裕弒安帝立恭帝故靖節

不就徵聘桃源之避秦亂殆謂此歟

晉恭帝元熙元年己未 五十五歲 王宏仍在州甚欽

遲之

晉書刺史王宏以元熙中臨州

宋高祖劉裕永初元年庚申 五十六歲 昭明太子傳

自以曾祖晉世宰輔恥復屈身後代自宋高祖王業漸

隆不復肯仕 宋書所著文章皆題其年月義熙以前

則書晉氏年號自永初以來唯云甲子而已

南史同

案陶

集義熙以前備書甲子不始於永初也但自永初以後

不書劉宋年號爾

永初二年辛酉 五十七歲 是年恭帝被弒述酒詩山

陽歸下國蓋以魏弒山陽公喻恭帝也飲酒詩以東陵

瓜自喻又以叔夷西山自喻擬古詩飢食首陽薇渴飲
易水流枝條始欲茂忽值山河改皆在晉亡之後讀山
海經詩巨猾肆威暴欽馭違帝旨明明上天鑒爲惡不
可履痛斥劉裕故以精衛刑天自喻詠三良荆軻詩亦
當作於此時美昔人從死報仇所以自傷也

永初三年壬戌 五十八歲

宋少帝景平元年癸亥 五十九歲 宋書先是顏延之

爲劉柳後軍功曹在尋陽潛與情款後爲始安郡

之傳少帝卽位經過日日造潛每往必酣飲致醉臨去

畱二萬錢與潛潛悉送酒家

宋文帝元嘉元年甲子 六十歲 昭明太子傳江州刺

史檀道濟往候之偃臥瘠餒有日矣

宋書少帝紀景平元年江州刺史檀

道濟入朝通鑑道濟為江州在元嘉三年失考

道濟謂曰賢者處世天下無道

則隱有道則仕今子生文明之世奈何自苦如此對曰

潛也何敢望賢志不及也道濟饋以梁肉麾而去之

案道濟宋室元勳靖節心鄙之故不受其饋視延之故

人之誼為不侔矣乞食詩當在是時

元嘉二年乙丑 六十一歲

元嘉三年丙寅 六十二歲

元嘉四年丁卯 六十三歲 自祭文歲惟丁卯律中無

射又擬挽歌辭嚴霜九月中送我出遠郊亦在無射之
月靖節之絕筆也文選顏延年陶徵士誄元嘉四年卒
於潯陽昭明太子傳元嘉四年將復徵命會卒時年六
十三世號靖節先生南史妻翟氏志趣亦同能安苦
節夫耕於前妻鋤於後云子儼俟份佚修五人先是有
責子詩與子儼等疏鎮江柳興恩案梁書安成康王秀
傳天監六年出爲江州都督聞前
刺史所徵士陶潛曾孫爲里司秀歎曰陶
潛之酒豈不可及後世卽日辟爲西曹唐沈旣濟陶
峴傳彭澤令孫開元中家於崑山

陶徵士年譜引用書目

本集

宋刻黃刻

南宋刻乾隆吳刻

明刻

康熙道光李刻

晉書

宋書

南書

晉略

顏光祿集

昭明太子集

昭明文選

山谷集

王觀國學林

容齋隨筆

羅鄂州集

吳草廬集

潛研堂集

張楊園集

慎道堂集

江西通志

采自類書

雲仙雜記

廬山紀略

蓮社高賢傳

陶詩析義

陶詩析義

晉陶徵士年譜

江右新城楊希閔鐵傭編

晉哀帝興寧三年乙丑徵士生

徵士陶氏名淵明一名潛字元亮尋陽柴桑人大司馬侃

之曾孫祖茂武昌太守父某未仕母孟氏晉征南大將軍

長史嘉女

參晉書宋書本傳

閱案梁昭明太子傳顏延之誄均作陶淵明字元亮晉

書宋書南史本傳均作名潛晉書作字元亮宋書南史

作字淵明其不一如此今以陶公自言證之孟府君傳

稱淵明先親君之弟四女此義當稱名不稱字則蕭顏

以為名淵明者信也他日對檀道濟曰潛也何敢望賢

此亦稱名之證則宋書南史作名潛者亦信也昔人云
在晉名淵明在宋名潛元亮之字則一確無疑義矣
又案山谷宿舊彭澤懷陶令詩云歲晚以字行更始號
元亮淒其望諸葛翫驪猶漢相則似本名潛字淵明後
乃以字行字元亮此亦存備一說

晉帝奕太和元年丙寅二歲

一年丁卯三歲

三年戊辰四歲

四年己巳五歲

五年庚午六歲

晉帝昱咸安元年辛未七歲

二年壬申八歲

晉孝武甯康元年癸酉九歲

二年甲戌十歲

三年乙亥十一歲

太元元年丙子十二歲

是年丁母憂

閔案祭程氏妹文慈妣早失時尙孺嬰我年二六汝才

九齡知在此年

二年丁丑十三歲

三年戊寅十四歲

四年己卯十五歲

五年庚辰十六歲

六年辛巳十七歲

七年壬午十八歲

八年癸未十九歲

九年甲申二十歲

是年悼亡

閔案公怨詩云弱冠逢世阻始室喪其偏偏謂失偶

十年乙酉二十一歲

十一年丙戌二十二歲

十二年丁亥二十三歲

十三年戊子二十四歲

十四年己丑二十五歲

十五年庚寅二十六歲

十六年辛卯二十七歲

十七年壬辰二十八歲

十八年癸巳二十九歲

親老家貧起為州祭酒不堪吏職少日自解而歸州召為
主簿不就躬耕自資遂抱羸疾參史傳

閔案陶公為州祭酒史無年月集作癸巳從之

十九年甲午三十歲

二十年乙未三十一歲

二十一年丙申三十二歲

晉安帝隆安元年丁酉三十三歲

二年戊戌三十四歲

三年己亥三十五歲

四年庚子三十六歲

是年爲鎮軍參軍移家都下

閱案出爲參軍或在上年未定存疑姑依詩集始作鎮軍參軍經曲阿詩次此 史及本集陶公參鎮軍軍本無主名臧榮緒晉書以爲作宋武參軍近周保緒晉略意陶公必不爲宋武屬謂爲武陵王遵鎮軍參軍攷史遵無鎮軍之名似未合又有指爲參劉牢之軍者攷劉爲鎮北將軍去北字謂兵家所忌似強爲之辭亂世史

書紀載斷續書闕有間存疑爲得

五年辛丑三十七歲

是年丁父憂

閱案察程氏妹文昔在江陵重罹天罰伊我與爾百哀
是切感惟崩號興言泣血此是丁父憂也但未審在江
陵定屬此一歲否或前後皆有在江陵時也既別無攷

姑系於此

晉安帝元興元年壬寅三十八歲

二年癸卯三十九歲

三年甲辰四十歲

義熙元年乙巳四十一歲

是年三月為建威參軍八月為彭澤令十月解官歸 初

為建威參軍謂親朋曰聊欲絃歌以為三徑之資可乎執

事者聞之以為彭澤令公田悉令吏種秫稻妻子固請種

粳乃使二頃五十畝種秫五十畝種粳郡遣督郵至縣吏

白廳東帶見之潛歎曰我不能為五斗米折腰向鄉里小

兒即日解印綬去職賦歸去來辭以遂其志 參南 史 在任

送一力給其子書曰汝旦夕之費自給為難今遣此力助

汝薪水之勞此亦人子也可善遇之 同上 歸去來辭序曰

余家貧耕植不足以自給幼穉盈室瓶無儲粟生生所資

未見其術親故多勸余為長吏脫然有懷求之靡途會有

四方之事諸侯以惠愛為德家叔以余貧苦遂見用於小

邑於時風波未靜心憚遠役彭澤去家百里公田之利足以爲酒故便求之及少日眷然有歸與之情何則質任自然非矯厲可得饑凍雖切違已交病嘗從人事皆口腹自役於是悵然慷慨深愧平生之志猶將一稔斂裳宵逝尋程氏妹喪於武昌情在駿奔自免去職仲秋至冬在官八十餘日因事順心命篇曰歸去來兮乙巳歲十一月也本集

閱案陶公參建威軍史亦無主名周保緒晉略謂是劉敬宣放敬宣去職在前未合或曰朱齡石然又遠在後亦未合且闕疑 自免去職據史傳是因不欲束帶見督郵據陶公歸去來序是因奔程氏妹喪蓋二者皆有之陶公不欲自形簡傲言欲奔妹喪於武昌此措辭得

體處也

二年丙午四十二歲

三年丁未四十三歲

四年戊申四十四歲

是年柴桑舊宅既燬移居南村

本集

五年己酉四十五歲

六年庚戌四十六歲

七年辛亥四十七歲

八年壬子四十八歲

九年癸丑四十九歲

十年甲寅五十歲

是年劉遺民爲柴桑令故集中有贈劉柴桑詩 東林寺

釋慧遠集緇素百二十有三人於山西巖下般若精舍結

白蓮社七月彭城劉遺民撰同誓文南陽張銓豫章雷次

宗南陽宗炳雍門周續之南陽張野等與焉其間譽望尤

著爲世推重爲社中十八賢陶公與遠公爲方外交獨不

入社廬山紀略淵明常往來廬山使一門生二兒舁籃輿以

行遠法師與諸賢結蓮社以書招淵明淵明日若許飲酒

則往許之遂造焉忽攢眉而去蓮社高賢傳當時周續之劉

遺民並遁迹匡山陶公又不應徵命謂之尋陽三隱昭明太子

所作傳

十一年乙卯五十一歲

十二年丙辰五十二歲

十三年丁巳五十三歲

十四年戊午五十四歲

義熙末徵著作郎不就

宋書

既絕州郡覲謁其鄉親張野

乃周旋人羊松齡龐遵等或有酒邀之或要之共至酒坐

雖不識主人亦欣然無忤酣醉便反未嘗有所造詣惟至

田舍及廬山游觀而已

晉書本傳

刺史王宏以元熙中臨州

甚欽遲之後自造焉稱疾不見既而語人云我性不狎世

因疾守閒幸非潔志慕聲豈可以王公紆軫為榮耶宏每

令人候之密知當往廬山乃遣其故人龐通之等齎酒先

於半道要之潛既遇酒便引酌野亭欣然忘進宏乃出與

相見遂歡宴窮日潛無履宏顧左右爲之造履左右請履
度便於坐申脚令度焉宏要之還州問其所乘荅曰素有
脚疾向乘籃輿亦足自反乃合一門生二兒子共舉之至
州而言笑自適不覺其有羨於華軒也宏後欲見軼於林
澤間侯之至於酒米乏絕亦時相贍其親朋好壽或饋酒
肴而往潛亦無所辭焉每一醉則大適融然又不營生產
家務悉委之兒僕未嘗有喜愠之色惟過酒則飲或無酒
亦雅詠不輟嘗言夏月虛閒高臥北窗之下清風颯至自
謂羲皇上人性不解音而畜素琴一張絃徽不具每朋酒
極會則撫而和之曰但識琴中趣何勞絃上聲 當九月
九日無酒出宅邊蒹葭中坐逢宏送酒見白衣人至卽便

就酌酣醉而歸 貴賤造之者有酒輒設潛若先醉便語
容我醉欲眠卿可去其真率如此 郡將侯潛逢其酒熟
取頭上葛巾漉酒畢還復著之 周續之在尋陽三隱中
後刺史檀韶請續之出州與學士祖企謝景夷三人共在
城北講禮加以校讎所住公廨近於馬隊潛乃示以詩曰
周生述孔業祖謝響然臻馬隊非講肆校書亦已勤蓋諷
之也 參晉宋南史各本傳及昭明太子作傳 夏日聞田水聲輒倚杖歎曰
此水過吾師丈人遠矣 雲仙雜記

晉恭帝元熙元年己未五十五歲

天初元年庚申五十六歲

二年辛酉五十七歲

三年壬戌五十八歲

宋少帝景平元年癸亥五十九歲

先是顏延之爲劉柳後軍功曹在尋陽與潛情款後爲始安郡經過尋陽日日造潛每往必酣飲至醉臨去留二萬

錢與潛潛悉送酒家稍就取酒

宋書本傳

閱案此條昭明太子所作傳與王宏刺江州時混同一敘攷宋書顏出爲始安郡在少帝卽位後故次此

宋文帝元嘉元年甲子六十歲

江州刺史檀道濟往候之偃臥瘠餒有日矣道濟謂曰賢者處世天下無道則隱有道則仕今子生文明之世奈何自苦如此對曰潛也何敢望賢志不及也道濟遺以梁肉

妻勤於後子儼俟份佚修上同

墓在今德化縣楚城鄉西

陽山麓

江南通志

潛少懷高尚博學善屬文頽脫不羈任真自得為鄉鄰之所責嘗作五柳先生傳以自況曰先生不知何許人不詳姓字宅邊有五柳樹因為號焉閑靜少言不慕榮利好讀書不求甚解每有會意便欣然忘食性嗜酒而家貧不能常得親舊知其如此或置酒招之造飲輒盡期在必醉既醉而退曾不恡情環堵蕭然不蔽風日短褐穿結簞瓢屢空晏如也常著文章自娛頗示已志忘懷得失以此自終其自序如此時人謂之實錄參晉書本傳 潛弱年薄宦不潔去就之迹自以曾祖晉世宰輔恥復屈身後代自宋武

帝王業漸隆不復官仕所著文章皆題其年月義熙以前

明書晉代年號自永初以來惟云甲子而已

宋書本傳

閱案所云在晉書年號入宋惟書甲子此指文章言如序記之類不指詩詩何必定有甲子年號集文九卷今存者才數首就此數首攷之桃花源詩序稱太元中祭程氏妹文稱義熙三年此書晉代年號之證也自祭文但稱丁卯此永初以後書甲子之證也休文生元嘉中見其全集所言必不誤五臣誤讀宋書妄欲以詩證史謂休文誤休文初無誤也此錢竹汀先生說

陶公有與子書以言其志并爲訓戒曰天地賦命有往必終自古賢聖誰能獨免子夏言曰死生有命富貴在天四友之

人親受音旨發斯談者豈非窮達不可妄求壽夭永無外請
故耶吾年過五十而窮苦荼毒家貧弊東西遊走性剛才拙
與物多忤自量爲己必貽俗患僂仰辭世使汝幼而饑寒耳
常感孺仲賢妻之言敗絮自擁何慙兒子此旣一事矣但鄰
靡二仲室無萊婦抱茲苦心良獨罔罔少來好書偶愛閑靜
開卷有得便欣然忘食見樹木交蔭時鳥變聲亦復歡爾有
喜嘗言五六月北牕下臥遇涼風暫至自謂是羲皇上人意
識淺陋日月遂往緬求在昔眇然如何疾患以來漸就衰損
親舊不遺每以藥石見救自恐大分將有限也恨汝輩釋小
家貧無役柴水之勞何時可免念之在心如何可言然雖不
同生當思四海皆兄弟之義鮑叔敬仲分財無猜歸生伍舉

班荆道舊遂能以敗爲成因喪立功他人尙爾况共父之人
哉潁川韓元長漢末名士身處卿佐八十而終兄弟同居至
於沒齒濟北汜幼春晉時操行人也七世同財家人無怨色
詩云高山仰止景行行止汝其慎哉吾復何言

顏延之陶徵士誄曰夫璿玉致美不爲池隍之寶桂椒信芳
而非園林之實豈其深而好遠哉蓋云殊性而已故無足而
至者物之藉也隨踵而立者人之薄也若乃巢高之抗行夷
皓之峻節故已父老堯禹錙銖周漢而綿世浸遠光靈不屬
至使菁華隱沒芳流歇絕不其惜乎雖今之作者人自爲量
而道路局塵輟塗殊軌者多矣豈所以昭未景泛餘波有晉
徵士尋陽陶淵明南岳之幽居者也弱不好弄長實素心學

非稱師文取指達在衆不失其寡處言愈見其默少而貧病
居無僕妾并白弗任藜菽不給母老子幼就養勤匱遠惟田
生致親之義追慕毛子捧檄之懷初辭州府三命後爲彭澤
令道不偶物棄官從好遂乃解體世紛結志區外定迹深棲
於是乎遠灌畦鬻蔬爲供魚菽之祭織絢緯蕭以充糧粒之
費心好異書性樂酒德簡棄煩促就成省曠殆所請國爵屏
貴家人忘食者與有詔徵爲著作郎稱疾不到春秋若干元
嘉四年月日卒於尋陽縣之某里近職悲悼遠士傷情冥默
福應嗚呼淑貞夫實以誅華名由謚高苟允德義貴賤何算
焉若其寬樂令終之美好廉克己之操有合謚典無愆前志
故詢諸友好宜謚曰靖節徵士其辭曰物尙孤生人貴介立

豈伊時邁曷云世及嗟乎若士望古遙集韜此洪族蔑彼行
級睦親之行至自非敦然諾之信重於布言廉深簡潔貞夷
粹溫和而能峻博而不繁依世尙同詭時則異有一於此兩
非默置豈若夫子因心違事畏榮好古薄身厚志世霸虛禮
州讓推風孝惟義養道必懷邦人之秉彝不隘不恭爵同下
士祿等上農度量難鈞進退可恨長卿棄官穉賓自免子之
悟之何悟之辨賦詩歸來高蹈獨善亦既超曠無適非心汲
流舊巘葺宇家林晨烟暮靄春煦秋陰陳書綴卷置酒絃琴
居備勤儉躬兼貧病人否其憂子然其命隱約就閑遷延辭
聘非直也明是惟道性糾纏幹流冥漠報施孰云與仁實疑
明智謂天蓋高胡魯斯義履信曷憑思順何寘年在申身歿

維疴疾視死如歸臨凶若吉藥劑弗嘗禱祀非恤僚幽告終
懷和長畢嗚呼哀哉敬述靖節式尊遺占存不願豐沒無求
贍省訃却賻輕哀薄斂遭壤以穿旋葬而窆嗚呼哀哉深心
追往遠情遂化自爾介居及我多暇伊好之洽接閭鄰舍宵
盤晝憩非舟非駕念昔宴私舉觴相誨獨正者危至方則闕
哲人卷舒布在前載取鑒不遠吾規子佩爾實愀然中言而
發違衆速尤迕風先蹙身才非實榮聲有歇睿音永矣誰箴
予闕嗚呼哀哉仁焉而終智焉而斃黔婁旣沒展禽亦逝其
在先生同塵往世旌此靖節加彼康惠嗚呼哀哉

宋洪文敏公

邁

容齋隨筆卷八云陶淵明高簡間靜爲晉宋

第一輩人語其饑則簞瓢屢空瓶無儲粟其寒則短褐穿結

三陸律
三
絺綌冬陳其居則環堵蕭然風日不蔽窮困之狀可謂至矣
其與子儼等疏云恨室無萊歸抱茲苦心汝等雖不同生當
思四海皆兄弟之義管仲鮑叔分財無猜他人尙爾况同父
之人哉然則猶有庶子也責子詩云雍端年十三此兩人必
異母爾淵明在彭澤悉令公田種秫曰吾常得醉於酒足矣
妻子固請種秫乃使二頃五十畝種秫五十畝種粳其自敘
亦云公田之利足以爲酒故便求之猶望一稔而逝然仲秋
至冬在官八十餘日卽自免去職所謂秫粳蓋未嘗得顆粒
入口也悲夫

宋羅端良願鄂州集陶令祠堂記略云淵明生百代之後雖
清風高節邈然難嗣而言論所表篇什所寄率書生之素業

或老農之嘗務真風所播直埽魏晉澆習嘗有詩云義農去
我久舉世少復真汲汲魯中窳彌縫使其涓嗚呼自頃諸人
祖莊生餘論皆言涓漓樸散繫周孔禮訓使然孰知魯窳爲
此將以涓之耶蓋淵明之志及此則其處己已審矣在縣日
民事雖不具然不以家累自隨送一力助其子而慈祥繾綣
之意與視儼等不殊只此一語便可祠之百世

元吳文正公澄陶集補註序云予嘗謂楚之屈大夫韓之張
司徒漢之諸葛丞相晉之陶徵士是四君子者其制行也不
同其遭時也不同而其心一也一者志明君臣之義而已欲
爲韓而斃呂矜秦者子房也欲爲漢而誅曹矜魏者孔明也
雖未能盡如其心然亦略得伸其志願矣靈均逆睹讒臣之

喪國淵明坐視強臣之移國而俱末如之何也略伸志願者
其事業見於世末如之何者將歿世而莫之知則不得不託
之空言以泄忠憤此予所以每讀屈辭陶詩而爲之流涕太
息也屈子之辭非藉朱子之註人亦未能洞識其心陶子之
詩悟者尤鮮其泊然沖澹而甘無爲者安命分也其慨然感
發而欲有爲者表志願也近世東澗湯氏稍稍窺探其一二
吾鄉詹麟若麟因湯氏所注而廣之考其時考其地原其序
以推其志意於是屈陶二子之心粲然暴白於千載之下若
麟之功蓋不減朱子嗚呼陶子無昭烈之可輔以圖存無高
皇之可倚以復讐無可以伸其志願而寓於詩倘使後之觀
之者又昧昧焉豈不重可悲也哉屈子不忍見楚之亡而先

死陶子不幸見晉之亡而後死死之先後異爾易地則皆然其亦重可哀已夫晉興甯乙丑歲淵明生越六十有三年而卒自昔丁卯至今丙寅凡九百年

閱案昭明太子有陶集序止中一段佳云有疑陶詩篇篇有酒吾觀其志不在酒亦寄酒爲迹者也其文章不羣詞采精拔跌宕昭彰獨超衆類抑揚爽朗莫之與京橫素波而旁流干雲霄而直上語時事則指而可思論懷抱則曠而且真加以貞志不休安道苦節不以躬耕爲恥不以無才爲病自非大賢篤志與道污隆孰能如此乎自此一段外不如吳序之切實故置彼錄此

又案張楊園先生云蕭統陶淵明傳無一語得淵明之實

所載五柳先生傳雖其自作亦非本來如此蓋必其晚年
文字隱居以後所著也性嗜酒三字全非隱乃有託而然
自以曾祖晉世宰輔恥屈身後代亦非其本指然則劉裕
未篡以前何爲卽不仕乎淵明學識晉宋間人無能及之
者讀其詩自見之

黃山谷宿舊彭澤懷陶令詩云潛魚願深渺淵明無由逃彭
澤當此時沈冥一世豪司馬寒如灰禮樂叩金刀歲晚以字
行更始號元亮淒其望諸葛骯髒猶漢相時無益州牧指揮
用諸將平生本朝心歲月閱江浪空餘詩語工落筆九天上
向來非無人此友獨可尙屬予剛制酒無用酌杯盞欲招千
載魂斯文或宜當

閱案詠彭澤者當以此爲得其深

宋王觀國學林卷第七云梁昭明太子作陶集序曰白璧微瑕惟在間情一賦幸無諷諫何必搖其筆端觀國熟味此賦詞意宛雅傷已之不遇寄情於所願其愛君憂國之心惓惓不忘蓋文之雄麗者也昭明責以無諷諫則誤矣古之言美人佳人皆以比君子詩曰西方美人九歌曰望美人兮未來張衡四怨詩依屈子以美人爲君子以珍寶爲仁義故其詩曰美人贈我金錯刀美人贈我金琅玕美人贈我貂襜褕美人贈我錦繡段間情賦之寄意遠矣以爲微瑕者其不見知耶

晉江黃鮪菴

文煥

陶詩新義謂其註陶有三例古今論陶統

歸平淡非知陶者陶詩字字奇奧險峭多端也鍾嶸品陶爲
隱逸之宗不知陶公憂時念亂思扶晉衰而抗宋禪經濟憤
腸涌若海立乞若劍飛也若夫理學標宗聖賢自任重華孔
子耿耿不忘六籍無親悠悠生歎漢魏諸家誰及此解斯則
靖節品行竟當俎豆孔廡之間者也開此三例方免埋沒否
則靡詰韋孟群附陶派誰察其霄壤者

陶案右論亦殊精確節錄於此

乾嘉間建甯府徐經字芸圃慎道堂集文鈔有擬上徵士陶
潛從祀疏云臣游鄉校歷觀兩廡從祀類皆崇氣節明道術
關風化者臣愚以爲若晉徵士陶潛似不宜漏之也潛世家
子博學不羣可以大用乃躬耕自資徵召不就觀其胸中實

有所得夫當風俗頹敗之際而更加以逆謀篡亂之時士爭
放慢人無廉恥潛生其間獨能樂天知命守道不移易謂乾
初九確乎其不可拔潛龍者真其人也終綱目徵士書卒者
惟潛一人朱子表其節義以激千載之清風而臣謂其德性
可爲羣儒之雅範蓋真理學不在講解亦視其操履何如耳
潛之持躬旣無所苟而發爲言語又復怡然理順藹然可親
惟心純則無乎不純故讀其書但覺其言之可味初不知其
忠義之氣所發此等造詣三代而下末易到此前明歸有光
亦推陶子之道可以進於孔氏之門而病世之論者不究其
實所宜亟表而出之願卽 敕下有司集議從祀俾海內曉
然知 國家發潛德之幽光必能有所嚮慕天下幸甚

閱案古論亦自歸震川黃敏菴發之存一說可也

福州吳玉田鐫字

陶靖節年譜

嘉應古直層冰著

先生名潛字元亮小名淵明

宋書隱逸傳

以後省稱宋傳

陶潛字淵明或云淵明字元亮蕭統

陶淵明傳

以後省稱蕭傳

陶淵明字元亮或云潛字淵明晉書隱

逸傳

以後省稱晉傳

陶潛字元亮南史隱逸傳

以後省稱南傳

陶潛字淵

明或云字深明名元亮顏延之陶徵士誄

以後省稱顏誄

有晉徵

士尋陽陶淵明案先生名字各史互歧莫知誰是葉夢得

云淵明蓋嘗自更其名字所謂或云潛字淵明者前所行

也淵明字元亮者後所更也意淵明自別於晉宋之間而

微見其意歟吳仁傑靖節年譜云

以後省稱吳譜

石林謂潛與淵

明爲前所行淵明與元亮爲後所更以集與本傳攷之則有可疑按先生之名淵明見於集中者三其名潛見於本傳者一集載孟府君傳及祭程氏妹文皆自名淵明又蕭統所作傳及晉書南史載先生對道濟之言則自稱曰潛孟傳不著歲月祭妹文晉義熙三年所作據此卽先生在晉名淵明可見也此年對道濟實宋元嘉則先生至是蓋更名潛矣梁任公陶淵明年譜云以後省稱梁譜古者君子已孤不更名謂先生晚年改名殆不近理考先生五子皆有兩名先生蓋亦爾爾淵明其名而潛其小穆歟羅先生翺雲曰梁譜不主先生晚年更名之說極是第以淵明爲名而潛其小名余尙不謂然竊疑潛乃其名而淵明其小名也

何言之孟嘉者先生之外祖父程氏妹者先生之胞妹也
外孫對外祖稱小名胞兄對胞妹稱小名親親之誼有然
對道濟則俗所謂官場應酬者也安得不稱官名顏誅亦
稱淵明者延之與先生厚善所謂引而親之也明乎此則
不疑於名字之紛歧矣案易乾初九潛龍勿用九四或躍
在淵四爲初之應四之淵卽初所潛處故小名淵而大名
潛廣雅潛訓隱說文隱訓蔽隱蔽皆有暗義暗者明之對
也亮說文作倮云明也是亮與潛爲對文亮與明爲同訓
王引之曰古人名字有五體一曰同訓二曰對文尋對文
之例如哆字子斂沒字子明後世韓愈字退之朱熹字元
晦皆是也潛字元亮例蓋同此羅先生之說於是爲不可

易也

尋陽柴桑人也

宋傳尋陽柴桑人也蕭傳南傳同案先生里居舊說多不能僚余嘗攻之先生蓋少長栗里遷居上京再遷南村終焉上京南村後當祥證今且先明栗里潯陽記云陶潛栗里今有平石如砥從廣丈餘相傳靖節先生醉臥其上在廬山南寰宇記云栗里原在廬山南當澗有陶公醉石又云柴桑山近栗里原陶潛此中人廬山記云淵明所居栗里兩山間有大石可坐十數人淵明嘗醉眠其上名曰醉石朱子跋顏魯公詩云栗里在今南康軍西北五十里谷中有巨石相傳是陶公醉眠處名勝志云陶潛家於柴桑

卽今楚城鄉也去宅北三里許有靖節墓唐白居易有訪
陶公舊宅詩案以上諸說多以今之醉石當栗里惟名勝
志謂在今之楚城鄉江西通志主之最得其實攷今楚城
鄉卽故柴桑縣城集中酬丁柴桑詩曰屢有良由由與明
游同
栗里附柴桑城故得與縣令朝夕游燕其徵一明正德七
年楚城鄉鹿子坂大水衝出一碑曰陶靖節先生故里提
學李夢陽據之以恢復先生墳墓田廬桑喬廬山紀事記
之其徵二古曰栗里今日鹿子栗鹿雙聲子里疊韻音雖
小變猶不離其語祇其徵三合三者觀之栗里在此而不
在彼亦恍然矣

曾祖侃晉使持節侍中太尉都督荆江雍梁交廣寧益八州

諸軍事荆汝二州刺史長沙郡公追贈大司馬諡曰桓

宋傳曰曾祖侃晉大司馬蕭傳晉傳南傳同案集中命子

詩曰桓桓長沙伊勳伊德天子疇我專征南國下卽承之

曰肅矣我祖明長沙為先生曾祖與史相應閣詠據贈長

沙公詩序昭穆既遠已為路人二語謂非侃後可謂盲人

道黑白也錢竹汀讀陶詩跋已闢其謬李審言曰孫志祖讀書脞錄云觀命

子詩敘長沙桓公之勳而繼之以肅矣我祖於皇仁考緊相承接淵明高士必非妄攀勳貴以他人之祖為祖者直

案此說實先獲我心又案全紹衣結騎亭集外編陶淵明世系攷云淵明當為桓公七世孫此說之謬亦不待言何

則桓公薨于咸和九年淵明生于太元元年相距僅四十年耳滋乳雖速豈遽能及七世又云或曰孟嘉之妻為桓

公女其女則淵明母以親表輩行言之淵明似當為桓公會孫予曰屬盡則同姓亦疏於親表乎何有云云考桓公

薨庾亮鎮武昌時孟嘉部廬陵從事嘉年雖無考此時必壯歲左右無疑嘉與桓公年輩相接故得眷以昏姻若

淵明爲桓公七世孫則嘉女所嫁爲桓公六世孫矣假定
一世三十年則六世者百八十年也嘉女雖壽豈有百歲
之後始嫁之理全氏史學宗師
此說無稽殆同閻氏亦足異矣

祖茂武昌太守

晉傳祖茂武昌太守案晉書陶侃傳有子十七人茂不見
侃傳命子詩曰肅矣我祖慎終如始直方三臺惠和千里
據此是茂又嘗爲臺郎等職也李公煥引陶茂麟家譜謂
先生祖名岱陶澍靖節先生年譜考異已辨其誤矣

父某

先生父名爵無考案命子詩云於皇仁考淡焉虛止寄跡
風雲冥茲愠喜玩詩意或亦嘗爲方鎮參佐也李公煥引
陶茂麟家譜云父名逸姿城太守生五子陶考已辨其誤

矣

母孟氏

集中晉故征西大將軍長史孟府君傳云淵明先親君之

第四女也

晉孝武帝太元元年丙子生

案先生生年各史不載而卒年則沈約宋書本傳云元嘉

四年卒時年六十三蕭傳南傳晉傳同

譚嗣同筆識云陶淵明集首載昭明

太子陶淵明傳卒年六十三案祁寬曰南史及梁昭明太子傳不載壽年然則此語實傳中所無而後人所增案據

此則陶公年歲之誤前人已疑之矣準此上溯生于晉哀帝興甯三年乙丑

然校以先生詩文及顏延之所為誄則宋書實誤也證之

如次

第一證明先生必無六十三歲

自證一 與子儼等疏云天地賦命生必有死吾年過五十

自證二 挽歌詩云早終非命促早終則不得有六十三

歲也與年過五十之言相應案子孟嘉五十一歲卒先生為

非命促者故為曠達之辭爾

他證 顏延之陶徵士誄云年在中身書無逸文王受命

惟中身鄭康成曰中身謂中年與年過五十之言相應

自證他證若合符節先生必無六十三歲可以證明矣

第二證明先生亦無五十六歲

宋書之誤直至梁任公陶淵明年譜始發其覆然云五十

六歲則仍未得其碻也案梁譜云先生十二歲丁憂明見於祭程氏妹文其辭曰誰無兄弟人亦同生惟我與汝特百尋常慈妣早世時尙孺嬰我年二六汝纔九齡自注云陶攷於八歲條下引祭從弟敬遠文相及齟齬并罹偏咎語謂八歲爲齟疑先生丁憂在彼年不知彼文言已與敬遠年齒相及幼年皆罹偏咎耳先生蓋長敬遠數歲十二正屬髫年敬遠正向齟耶梁氏此說是也然適足證明先生無五十六歲矣祥見下條又梁譜先生去官歸田在三十四歲而先生飲酒詩作于向不惑之歲其時距去官之時則亭亭復一紀如梁譜則去官僅距作飲酒詩時五六歲耳此亦先生無五十六歲之明證也

第三證明先生止有五十二歲

自證一 祭從弟敬遠文云相及齠齠并罹偏咎先生與

敬遠年齡之差數即於相及齠齠一句定之說文男八歲

而齠及齠則尙未齠止七歲耳齠童子髮也證以祭程氏

妹文引見上條則先生罹偏咎時年止二十二正齠年也詳

此先生與敬遠年齡之差僅為五歲敬遠卒于辛亥祭敬遠文

云歲在辛亥年甫過立祭文云年甫過立甫始也始過而立則為

三十一歲辛亥之年敬遠三十一歲先生長敬遠五歲則

為三十六歲矣由辛亥上溯生年為太元丙子下推卒年

丁卯得五十二歲與與子儼等疏吾年過五十顏誅年在

中身相應此一證矣

自證二 歸園田居詩云誤落塵網中一去三十年此詩雖不明紀甲子然去官歸田在義熙乙巳著于歸去來辭則乙巳歲先生年正三十無疑義也由乙巳三十上溯生年爲太元丙子下推卒年丁卯得五十二歲與由祭敬遠文所求得之年歲相應此二證矣

自證三 飲酒詩第十六首云行行向不惑第十九首云疇昔苦長飢投耒去學仕是時向立年志意多所恥遂盡介然分拂衣歸田里冉冉星氣流亭亭復一紀案行行向不惑爲先生作飲酒詩時之年是時向立年爲先生投耒時之年亭亭復一紀爲先生歸田後至作飲酒詩時之年然投耒果在何年乎攷癸卯始春懷古田舍詩首章云在

昔聞南畝當年竟未踐則癸卯之前尙未秉耒第二章云
秉耒歡時務解顏勸農人則秉耒之事實始癸卯又攷先
生有乙巳歲三月爲建威參軍使都經錢谿詩則其投耒
必在乙巳之前矣癸卯之後乙巳之前則甲辰也先生乙
巳歸田爲三十歲則甲辰爲二十九歲矣二十九歲正當
向立三十歸田之歲至向不惑之歲正爲一紀紀有二義
晉語蓄力
一紀韋昭注十二年歲星一周爲一紀周語若土國不過
十年數之紀也韋昭注數起於一終於十則更故曰紀
三十歲歸田至二十九歲首尾十年適爲一紀與前舉二證相應此三證矣

他證 史稱義熙末徵著作佐郎不就飲酒詩作于其時

先生向不惑之則有且共歡此飲吾駕不可回之卻聘詩
歲正義熙末也

史又稱自高祖王業漸滲不復肯仕義熙末年劉裕誅劉

藩謝混劉毅諸葛長民等芟鋤異已不遺餘力王業漸隆
路人皆見飲酒詩作于其時則有覺悟當念還鳥盡廢良
弓之諷刺詩本事史事參校互證同條相屬共理並貫先
生之年止有五十二歲于是爲不可破矣竊不自揆重爲
斯譜將以正舊史之失誤補前修之未密而據懷舊之蓄
念發思古之幽情又適當其地也千慮一得自信不誣如
謂不然請俟來哲

是年謝安錄尚書事執國政

太元二年丁丑先生二歲

是年周續之生

太元三年戊寅先生三歲

太元四年己卯先生四歲

是年釋慧遠初至廬山
程氏妹生

太元五年庚辰先生五歲

太元六年辛巳先生六歲

是年從弟敬遠生

太元七年壬午先生七歲

太元八年癸未先生八歲

是年秦苻堅自將入寇號百萬謝安遣謝玄等擊破之

太元九年甲申先生九歲

是年顏延之生

太元十年乙酉先生十歲

是年謝安薨司馬道子領揚州錄尚書都督中外代謝安
執國政

太元十一年丙戌先生十一歲

太元十二年丁亥先生十二歲

梁譜云先生十二歲丁憂明見於祭程氏妹文其辭曰誰
無兄弟人亦同生惟我與汝特百尋常慈妣早世時尙孺
嬰我年二六汝纔九齡爰從靡識撫髻相成據此文則是
喪母也然顏誄云母老子幼就養勤匱顏延之與先生交
舊語當可信此兩文不能相容必有一爲傳寫之誤非顏
誄父誤母則祭文考誤妣矣案命子篇稱其父曰仁考是
長子儼生時先生父已沒又庚子歲從都還篇云歸子念

前塗凱風負我心是庚子歲先生母尚存然則祭文妣字

必誤也殆原作慈考俗子傳鈔以慈當屬妣故妄改耶注自

云湯注以慈妣為庶母亦附會文意固明明丁憂也陶攷於八歲條下引祭從弟敬遠文相及髻鬣并罹偏咎語謂

八歲為鬣疑先生丁憂在彼年不知彼文言已與敬遠年齒相及幼年皆罹偏咎耳先生蓋長敬遠數歲十二正屬

髻年敬遠正如此詳見上文案梁說是也左傳國人望君如所質定正如如此詳見上文

望慈父母焉墨子雖有慈父不愛無益之子漢書楚元王

傳延陵慈父後漢書竇融傳垂涕相送慈父恩也陳思王

集矜愚愛能慈父之恩文選李密陳情表慈父見背晉書

溫嶠傳退嘗以慈父雪愛子之痛是則稱父為慈蓋常語

也生稱慈父故沒稱慈考毫不足異世人泥于父嚴母慈

之說逞臆妄改所謂知二五而不知一十者也案詩書所載有昭考

烈考文考皇考而無仁考然漢書敘傳則曰定國之祚于其仁考名不嫌于創也漢書有仁考後世率稱顯考皇考直至靖節復稱仁考仁慈同訓史傳中慈仁連言者不勝枚舉如莊子曰薰然慈仁謂之君子韓詩外傳曰爲人父者必懷慈仁之愛漢言楚元王傳陛下慈仁鄒陽傳慈仁殷勤霍先傳慈仁愛人史丹傳安有人不慈仁而可爲人父母者乎由是言之慈考猶仁考耳夫生父死考禮也考之上加仁加慈加皇加顯則隨人所感其父之德以表之定禮律者未嘗限之卽定文例者亦未嘗限之也能知此意始不膠于其名矣徵之祭從弟敬遠文曰父則同生母則從母相及齟齬并罹偏咎周語曰目以踐德口以庇信耳以聽名者也偏喪有咎韋昭注步言視聽四者而亡其二爲偏喪偏喪者有咎咎及身也潘安仁寡婦賦少伶傳而偏孤兮李注偏謂喪父也又梁書安成康王秀傳所生母吳大妃亡少偏孤偏咎猶偏孤矣父母分舉正謂已髫年喪父敬遠向齟喪母耳湯漢注亦謂偏咎爲失怙陶考曰具慶失一故曰偏咎惟陶不察祭妹文慈妣之誤遂從湯注以爲庶母且曰是程氏妹生母

與祭敬遠文所謂偏咎離爲二事果爾先生特置喪父情
事不舉而舉庶母之喪以與母喪對稱曰重罹天罰有此
情理有此文法邪況祭妹文曰誰無兄弟人亦同生嗟我
與汝特百尋常其爲同母兄妹先生固明言之歷來注家
皆不能舉本文明證以訂慈妣之誤而陶考反傳以喪服
慈母如母之條其失益重大矣案儀禮喪服云慈母如母
傳曰慈母者何也傳曰妾
之無子者妾子之無母者父命妾曰女以爲子命子曰女
以爲母若是則生養之終其身如母死則喪之二年如母
貴父之命也今靖節豈妾子之無母者乎陶引喪服其失
不小又案日知錄引南史司馬筠傳禮言慈母有三條一
卽上述慈母如母者二則嫡妻子無母使妾養之喪服小
功章所云庶母慈已者三則子非無母擇賤者視之義同
師保而不無慈愛者今靖節
長猶有母三慈皆無所麗也

太元十三年戊子先生十三歲

太元十四年己丑先生十四歲

是年侍中王國寶諷八座請進道子丞相假黃鉞加殊禮
初孝武帝親政委任謝安安卒後道子總錄帝不復親覽
萬幾日與道子酣飲恆舞國寶因得竊柄左右近習交通
賄賂朝政大壞

太元十五年庚寅先生十五歲

是年王恭拜前將軍兗青都督假節鎮京口 殷景仁生

太元十六年辛卯先生十六歲

太元十七年壬辰先生十七歲

太元十八年癸巳先生十八歲

案桃花源記爲先生心中之安樂國作記年歲無攷然記

首特標晉太元中四字則必作于太元時矣蕭傳云少有高趣博學善屬文桃花源記卽其高趣善文之初表現者耳又五柳傳之慕懷葛與子疏之想羲皇皆先生高趣隨時流露者

太元十九年甲午先生十九歲

太元二十年乙巳先生二十歲

宋傳云家貧親老起爲州祭酒不堪吏職少日自解歸州召主簿不就又云潛弱年薄宦不潔去就之迹則是先生起爲州祭酒在弱冠時也證以與子疏云少而貧苦每以家弊東西遊走亦與弱年薄宦不潔去就之迹之說相應又案雜詩云苒苒經十載暫爲人所羈由二十爲州祭酒

至三十爲彭澤令歸田適經十載此亦足爲一證

太元二十一年丙申先生二十一歲

是年孝武帝遇弒崩安帝卽位案安帝闇弱無慧政由道子寵任國寶以召外兵晉室自此亂靡寧日江州尤爲兵衝先生適當斯時斯地故怨詩楚調示龐主簿鄧治中有弱冠逢世阻之歎非泛指也 案顏延之誄云母老子幼

就養勤匱遠惟田生致親之義近悟毛子捧檄之懷是先生未仕前已有子也歸去來兮序云幼稚盈室是三十以前已有多子也諸子歲次見於責子詩者舒長宣二歲宣長雍端一歲雍端長通五歲凡九歲而有五子然則先生此時長子儼蓋已生矣

安帝隆安元年丁酉先生二十二歲

是年王恭舉兵上表罪狀國寶道子殺國寶謝恭恭兵罷
荊州刺史殷仲堪亦抗表舉兵得道子書亦罷

隆安二年戊戌先生二十三歲

是年王恭殷仲堪桓玄庾楷以除譙王尚之王愉爲辭再
舉兵八月玄至湓口元顯密使說恭前鋒劉牢之圖恭恭
死牢之代其位仲堪等旋亦罷去

隆安三年己亥先生二十四歲

是年妖賊孫恩因民怨以作亂自海島入會稽殺長吏八
郡應之劉牢之率軍東討牢之子敬宣參軍劉裕力戰破
恩恩走入海 有始作鎮軍參軍經曲阿詩一首陶攷曰

始作鎮軍參軍當在是年案先生為何人參軍舊說多不

能僚惟陶考反復尋究斷為參劉牢之軍說最精鑿時牢

之以禽王恭功代恭鎮京口詩題曰經曲阿鎮在京口故

曲阿有必經也惟牢之此時為前將軍詩題曰鎮軍參軍

則異義從此起案文選始作鎮軍參軍經曲阿詩李善注

又注名下曰沈約宋言陶潛字淵明為鎮軍建威參軍孫

志祖文選李注補正引趙曦明曰此年劉裕才參劉牢之

軍事至元興三年始行鎮軍將軍事題注非也考晉書職

周濟晉略又謂為武陵王遵鎮軍參軍尤誤官志有左右前後軍將軍左右前後四軍為鎮衛軍牢之

為前將軍正鎮衛軍也題曰鎮軍乃省文耳王宏為衛將

軍先生贈龐參軍詩序省曰衛軍朱齡石為左將軍先生

贈羊長史詩序省曰左軍即其例矣案梁譜曰考是時牢

之軍號為鎮北將軍

鎮軍或鎮北之誤非也牢之爲鎮北將軍乃隆安四年間事梁失考證以飲酒第十一首云在昔曾遠遊直至東海隅道路阻且長風波阻中塗此行誰使然似爲飢所驅正追賦參牢之軍時從討孫恩事也特先生無汗馬功史不書耳

以上隱括陶考兼參己見

隆安四年庚子先生二十五歲

是年五月孫恩陷會稽謝琰戰死十一月以牢之爲鎮北將軍兼督浙東五郡恩轉入浙西有庚子歲五月中從都還阻風於規林詩二首案由京口回尋陽塗必由建康故曰從都還詩曰一欣侍溫顏又曰凱風負我心蓋歸省母氏也

隆安五年辛丑先生二十六歲

是年五月孫恩陷吳殺內史袁山松六月浮海至丹徒牢
之遣劉裕奔擊破之恩欲寇京師知有備乃北至郁洲別
將盧循寇廣陵桓玄上疏請討恩詔止之八月拜劉裕下
邳太守討恩郁洲破之 有辛丑歲七月赴假還江陵夜
行塗口詩一首先生江陵之行頗難索解陶考曰玩詩中
如何捨此去遙遙至西荆懷役不遑寐中宵尙孤征等語
其辭意與國風小雅行役告勞相似似因奉使宵征不見
有特爲省親乞假之意考晉書是年六月孫恩入寇桓玄
以荊州刺史鎮江陵上表請入衛會恩退朝廷以詔書止
之恩退在六月先生江陵之行在七月或卽奉詔止玄之
役耶桓玄不臣久著果爾固宜其辭之有憾矣案陶揣度

近情但無解於詩題赴假還三字考禮記鄭注赴疾也釋
文急疾也赴假猶言急假先生柴桑人而言還江陵者江
陵本陶桓公舊鎮後雖移鎮武昌而田宅墳墓不能俱徙
兄弟宗族必多留居所以言還示不忘本卽曲禮去國三
世爵祿有列於朝出入有詔於國若兄弟宗族猶存則反
告於宗後之意也蓋先生不樂此行不便明言江陵本開
源所自而母妹時亦在此故遂託之赴假還江陵耳不然
軍國多虞何能常假庚子五月才自都還非有大故何爲
急假惟奉詔止玄遲恐無及然後非窮日盡夜星言兼邁
不可題特著夜行二字詩則曰懷役不遑寐中宵尙孤征

王事孔亟之情形繳如矣

案奉詔得遣先生者先生爲牢
之參軍牢之握北府重兵晉室

所倚以抗桓玄者軍
國大事理宜咨之也

梁譜曰庚子年詩有欣侍溫顏語乙巳賦歸去來辭僅言
稚子候門以後詩中亦不復見言侍養事則先生丁艱必
當在此數年中然則何年耶祭程氏妹文云昔在江陵重
罹天罰兄弟索居乖隔楚越伊我與爾百哀是切黯黯高
雲蕭蕭冬月白雪掩晨長風悲節感惟崩號興言泣血所
謂重罹天罰者對上文慈妣早世言若妣爲考之誤則此
文所述爲喪母也江陵其地也冬月其時也蓋七月赴假
還江陵不數月遂遭大故也知必爲本年而非次年者先
生以元興三年甲辰應辟爲建威參軍若次年壬寅冬月
丁憂則服未闋不容出仕也案梁說是也惟先生去年省

母尚在舊居今歲何以忽在江陵吳譜謂因過女愚謂或是歸寧蓋母孟嘉女嘉固江夏鄂人也然鄂與江陵雖同一州相距尚遠或者孟氏衣冠世族習居都會原籍在鄂僑寓江陵乎此則無可取徵聊以存疑而已

又案赴假還江陵詩云閒居三十載遂與塵事冥詩書敦宿好林園無世情攷先生閒居只有二十載耳三當爲二之譌其證如次

始作鎮軍參軍詩云弱齡寄事外委懷在琴書被褐欣自得屢空常晏如飲酒第十六首云少年罕人事游好在六經與子疏云少學琴書偶愛閒靜開卷有得便欣然志食見樹木交蔭時鳥變聲亦復歡然有喜以上皆言弱齡閒

居讀書之樂與還江陵詩意相同此正證也

與子疏云少而貧苦每以家弊東西游走宋傳云潛弱年薄宦不潔去就之迹以上皆弱年以後不得閒居之狀此反證也

案二三形近每易互譌如書咨女二十有二人王引之經義述聞曰上二字當作三傳寫者脫去一畫耳史記高祖紀注年六十三太平御覽引史記云年六十二漢書地理志二都得百里者百汲古閣本作三都得百里者百禮記舜葬蒼梧之野蓋三妃未之從也後漢書趙咨傳作二妃不從沈欽韓疏證曰二當使三後漢書徐防傳奉事二帝姚本續漢書作奏事三世蜀志向朗傳優游林下垂三十

年裴松之注朗免長史至卒整二十年耳此云三十字之誤也皆與還江陵詩二十譌爲三十同其比例也又尙書謁者御史名爲三臺先生命子詩直方三臺謂此也集本皆誤作二臺惟紹熙壬子曾集刻本注云一作三臺是則二三互譌本集亦有其例矣

元興元年壬寅先生二十七歲

是年正月下詔討桓玄以劉牢之爲前鋒都督三月牢之降玄旋謀叛玄不成自縊死子敬宣奔廣陵相高雅之後奔南燕玄入京師殺元顯遷道子旋復殺之自爲丞相孫恩死盧循代領其衆 七月東林寺釋慧遠集緇素百二十有三人於般若雲臺精舍建齋立誓共期西方彭城劉

遺民豫章雷次宗雁門周續之新蔡畢穎之南陽宗炳張
萊民張季碩等皆與焉劉遺民爲誓文世所謂蓮社者也
蓮社高賢傳曰遠公以書招淵明淵明曰許飲則往許之
遂造焉忽攢眉而去案高僧傳遠病不飲豉酒米汁遠持
律如此宜不爲先生破戒抑先生亦豈肯壞人所守但先
生已與蓮社周續之等雅故其與遠公往還自意中事也
又案劉遺民誓文云維歲在攝提格但記歲陰不記歲陽
結社之年遂生疑問但宗臯以爲在太元十五年庚寅陶
考以爲在義熙十年甲寅梁譜從之考宋書周續之傳景平元
年卒年四十七宗炳元嘉二十年卒年六十九雷次宗元
嘉二十五年卒年六十三若如但說則結社之年續之十

三炳十五次宗僅四歲失之過早若如陶說則結社之年
劉遺民卒已四年遠公逾二年亦卒失之過遲愚詳攷之
而知結社之年實爲元興元年壬寅宋書雷次宗傳與子
姪書以言所守曰雖在童穉之年已懷遠迹之意暨于弱
冠遂託業廬山逮事釋和尚元興元年次宗年十七故曰
弱冠案漢後冠禮不必二十始行漢書東方朔傳年十八而冠後漢書胡廣傳終賈揚聲亦在弱冠章懷注終
軍年十八爲博士弟子賈誼年十八以誦詩屬文稱於郡
中文帝召爲博士梁書阮孝緒傳十五冠而見皆其例也
以此證之可釋然矣

元興二年癸卯先生二十八歲

是年桓玄篡位遷帝于尋陽 有癸卯始春懷古田舍詩

二首發端云在昔聞南畝當年竟未踐是先生本年始躬

耕也又曰夙晨裝吾駕啓塗情已緬秉耒歡時務解顏勸
農人雖未量歲功卽事多所欣皆寫躬耕之情景也終之
曰聊爲隴畝民則大有終焉之意矣蓋先生公相之後少
年猛志非無意於家國及至出爲鎮軍參軍見朝政日非
方鎮日肆內無王謝之倫外無陶溫之侶大廈之傾吾末
如何所以望絕當年心存往古願興沮溺爲徒也雖以後
復作參軍縣令亦因去家不遠聊復爲之已耳又有癸卯
歲十二月中作與從弟敬遠一首詩曰平津苟不由栖遲
詎爲拙不肯撓節干時之意見乎辭矣後爲祭敬遠文曰
每憶有秋我將其刈與汝偕行舫舟同濟三宿水濱樂飲
川界是先生躬耕敬遠實與同志而相樂也

元興三年甲辰先生二十九歲

是年劉裕何無忌劉毅等建義討玄裕入京師立留臺且迎帝玄挾帝西奔爲毛修之等所斬敬宣歸自南燕授晉陵太守四月以破桓歆功遷建威將軍江州刺史 案本

年春先生服滿起爲建威參軍當在此時也陶考梁譜皆謂爲劉敬宣建威參軍其說良是蓋先生前參劉牢之軍與敬宣有舊且在本州故可強起焉 遷居上京當在是

年

說詳後

各勝志云南康城西七里有玉京山亦名上京有

淵明故居其詩曰嚮昔家上京卽此朱子語錄云廬山有淵明古迹處曰上京淵明集作京今土人作荆江中有一盤石石上有痕云淵明醉臥其上名淵明醉石案今玉京

山前里許九峯橋側有部婁上有盤石可坐多人湖水盛時正在江中土人相傳謂淵明嘗在此望開先瀑布醉眠其上云與朱子語錄符合先生所居上京必在玉京山前無疑也陳令舉廬山記云淵明所居栗里兩山間有大石可坐數十人淵明嘗醉眠其上名曰醉石案記所稱醉石在離溫泉里許窮谷中余嘗登之石甚小只能坐二三人耳先生此處蓋有先疇祭敬遠文云每憶有秋我將其刈與汝皆行舫舟同濟三宿水濱樂飲川界殆即來溫泉附近收穫舫舟三宿必在錢家湖濱因收穫來此倘伴谷中醉眠石上後人因名醉石要之先生遇酒輒飲其醉石必不止一二處也

義熙元年乙巳先生三十歲

是年三月帝還建康劉毅與劉敬宣有隙使人言於劉裕曰敬宣不預建義奔亡之餘爲郡已幸何至便爲方伯敬宣不自安三月自表解職 有乙巳歲三月爲建威參軍

使都經錢溪詩一首當是爲敬宣奉表辭官敬宣已去先
生嘗亦罷歸也八月起爲彭澤令十一月自免去職賦歸
去來兮其序曰余家貧耕植不足以自給幼稚盈室餅無
儲粟生生之資未見其術親故多勸余爲長吏脫然有懷
求之靡塗會有四方之事諸侯以惠愛爲德家叔以余貧
苦遂見用於小邑于時風波未靜心憚遠役彭澤去家百
里公田之利足以爲酒故便求之及少日眷然有歸與之
情何則質性自然非矯厲所得飢凍雖切違已交病常從
人事皆口腹自役於是悵然慷慨深愧平生之志猶望一
稔當斂裳宵逝尋程氏妹喪于武昌情在駿奔自免去職
仲秋至冬在官八十餘日因事叙心命篇曰歸去來兮乙

已歲十一月也案先生去官原因史傳以爲因督郵自述
則以爲因妹喪以愚觀之皆託辭也飲酒詩追述其事曰
疇昔苦長飢投耒去學仕案學仕謙詞也祭敬遠文曰余
咸稱學仕足以知其爲謙詞也又案後漢書袁安傳爲河
南尹未嘗以臧罪鞠人嘗稱曰凡學仕者高則望宰相下
則希牧守錮人於聖世尹不忍爲也時
安已爲河南尹猶稱學仕非謙詞而何將養不得節凍餒
固纏已是時向立年志意多所恥遂盡介然分拂衣歸田
里是先生所恥甚多不盡關於督郵蓋先生少年嘗有志
于用世矣時來苟冥會踈轡憩通衢猛志逸四海騫翮思
遠翥其心事往往形諸篇什其出爲鎮軍參軍卽欲乘時
得志以救宗國乃府主非人一飽興歎朝端昏亂商歌豈
聞恐此非名計息駕歸閒居蓋在鎮軍幕中已作山林長

往之計矣躬耕甫踐耒耜旋投斯不遇聊爲祿仕以活幼
稚先生所恥當在於是所以深惟平生悵然慷慨督郵不
來妹氏不喪行亦斂裳宵逝督郵已來妹氏復喪則適有
辭可藉矣顏延之誄之曰長卿棄官稚賓自免子之悟之
何悟之辨誠辨也哉 吳譜先生三十歲條下曰先生三
十有悼亡之戚故示龐主簿鄧治中詩曰始室喪其徧禮
三十曰壯有室左傳齊崔杼生成及疆而寡娶東郭氏杜
注徧喪曰寡先生與子儼等疏云汝等雖不同生當思四
海兄弟之義他人尙爾況同父之人哉先生蓋兩娶本傳
稱其妻翟氏志趣亦同能安苦節夫耕於前妻鉏於後則
繼室實翟氏家內則二十而冠始學禮三十而有室始理

男事四十始仕始室語例猶之始仕內則不言三十始室者避始理男事而變文耳吳以始室爲三十是也又案詩鴻雁哀此鰥寡毛傳偏喪曰寡杜注正承用毛傳

義熙二年丙午先生三十一歲

是年論建義功封劉裕豫章郡公劉毅南平郡公何無忌安成郡公自餘封賞有差 吳譜義熙二年下曰有歸園

田居詩五首其詩蓋自彭澤歸明年所作也案此說是也但又云先生爲州祭酒至彭澤歸纔歲星一周不應云三十年當作一去十三年則非是誤落塵網猶云誤生塵世耳若解爲入仕豈特不應云三十年卽十三年亦多星終一歲矣 梁譜先生三十二歲條曰歸園田居六首似本

年作故云誤落塵網中一去三十年時先生正三十一二
歲也案謂三十一歲作是也但又云舊譜多以此詩爲乙
巳彭澤棄官歸後作然彼年出山至解組前後不過一歲
篇中久去山澤遊云云皆久客新歸語情景不合也則非
是詩人比一日於三秋沉一歲耶題曰歸園田居詩則曰
羈鳥戀舊林池魚思故淵開荒南野際守拙歸園田明是
棄官歸後當春而理常業之作也 命子詩梁譜以爲作
于長子未滿三歲次子未生以前非是羅先生曰梁云日
居月諸漸免於孩
用論語二年免懷語意案詩云漸免於孩非謂漸免於懷
竟因一免字牽涉論語于生三年免於父每之懷句失之
附會漸免於孩者言日
月易邁漸已長大云耳 古人二十冠而字先生雖不必遵
古其不加虛號於襁褓之兒明矣竊謂名子而字之復諄

諄然望之以才其子必已稍有知識也詩作于本年前後
爲近詩有云顧慚華鬢負影隻立先生此時已過顏回髮
白之年將及潘岳二毛之歲華鬢宜矣

義熙三年丁未先生三十二歲

是年有祭程氏妹文文曰誰無兄弟人亦同生維我與汝
特百尋常明爲先生胞妹也陶考謂庶出非是說詳上感
士不遇賦云寧固窮以濟意不委曲而累己旣軒冕之非
榮豈緼袍之爲恥誠謬會以取拙且欣然而歸止擁孤襟
以畢歲謝良賈於朝市意與歸去來今相發明殆彭澤去
官後作也案五柳先生傳云嘗著文章自娛頗示已志集
中二賦皆示志之作而昭明獨譏閑情賦謂卒無諷諫何

足搖其筆端是昭明猶未真知先生也賞音之難千古同歎

義熙四年戊申先生三十三歲

是年劉裕入爲揚州刺史錄尚書自是政出於裕 戊午
六月中遇火詩各本作戊申江州志作戊午今從之說詳
後

義熙五年己酉先生三十四歲

是年劉裕率師討南燕克廣固大城 有己酉歲九月九

日詩一首

義熙六年庚戌先生三十五歲

是年裕克南燕執慕容超送京師斬之盧循徐道覆陷江

州裕督師破之 司馬國璠及弟叔璠叔道奔後秦秦王
興曰劉裕方誅桓玄輔晉室卿何爲來對曰裕削弱王室
臣宗族有自修立者裕輒除之方爲國患甚於桓玄耳
劉遺民卒 有庚戌歲九月中於西田穫早稻詩一首
移居詩當作于此年時殷景仁居南村故曰聞多素心人
樂與數晨夕也說詳後案南村亦曰南里果在何處李公煥曰
卽栗里何孟春曰柴桑之南村梁譜云此雖揣測之辭亦
頗近理其實不然也愚通考先生詩文以及誄傳而知南
村實在尋陽負郭試舉其證如左

義熙七年有與殷晉安別詩

序云殷先作晉安南府長史掾因居尋陽後作太尉

參軍移家東下 詩云去歲家南里薄作少時鄰

義熙十一年顏延之爲劉柳後軍功曹

宋傳云顏延之爲劉柳後軍功曹在尋陽與潛情款
顏誄云自爾介居及我多暇伊好之洽接閤鄰舍宵
盤晝憩非舟非駕卽道此時情事

義熙十二年有示周續之祖企謝景夷三郎時三人共
在城北講禮校書一首 詩云藥石有時閒念我意
中人相去不尋常道路邈何因周生述孔業祖謝響
然臻蓋謂路遠難見不圖子因講禮而來喜之所以
示以詩也題曰城北不特標何城之北明此城彼我
皆共之矣

義熙十三年有贈羊長史詩一首

序云銜使秦川作此與之案使秦川必經尋陽故得

相贈

永初二年有於王撫軍座送客詩一首

景平元年春有答龐參軍詩一首

序云自爾鄰曲冬春再交詩曰有客賞我趣每每顧

林園

景平元年冬有答龐參軍詩一首

序云從江陵使上都過尋陽見贈詩曰懽心孔洽棟

宇惟鄰

元嘉元年顏延之爲始安郡

蕭傳云顏延之爲治安郡經過尋陽日造淵明飲焉
元嘉二年有贈長沙公族祖詩一首

序云經過尋陽臨別贈此

元嘉四年卒於尋陽縣之某里

顏誅云元嘉四年月日卒於尋陽縣之某里

此據文選時本

作尋陽縣之柴桑里非是案此時尋陽縣已省入柴桑縣顏猶稱其故名

先生挽歌云嚴霜九月中送我出遠郊杜子春周禮
注曰百里爲遠郊尋陽距栗里九十里正遠郊也今
墓在距栗里五里之面陽山

右自義熙七年至元嘉四年凡十七年先生蹤跡皆在尋
陽其尤顯著者如因家尋陽如過尋陽見贈如經過尋陽

臨別贈此如在尋陽與潛情款如經過尋陽日造淵明飲
馬皆確指其地不可假借然則南村之在尋陽負郭萬無
可疑已又案晉傳宏每令人候之密知當往廬山乃遣其
故人龐通之等齎酒先於半道要之曰當往廬山
明先生居不在廬山也曰每令人候之明先生
居邇尋陽乃可密知其出入也此亦足爲一證

義熙七年辛亥先生三十六歲

有祭從弟敬遠文文曰歲在辛亥月惟仲秋從弟敬遠卜
辰云窆又曰年甫過立奄與世辭又曰父則同生母則從
母相及齟齬并罹偏咎案說文男八歲而齟及齟則七歲
也敬遠七歲先生則在齟年明相差不過數歲若照舊譜
辛亥先生已四十七歲相差十六歲卽照梁譜辛亥先生
亦已四十歲相差九歲均不得云相及齟齬也得此一證

足奠萬譁矣互詳上文

是年盧循徐道覆先後授首 吳譜曰有與殷晉安別詩
其序云殷先作晉安南府長史掾因居尋陽後作太尉參
軍移家東下作此以贈案宋武帝紀此年改授大尉又案
殷景仁傳爲宋武帝太尉行參軍則所謂殷晉安卽景仁
也先生方避世而景仁乃就辟故曰語默自殊勢亦知當
乖分又曰興言在茲春則此詩在春月作八月有祭從弟
敬遠文案與殷詩曰去歲家南里薄作少時鄰知先生移
居南村在庚戌年也由庚戌上溯甲辰適滿六載爲疇昔
家上京之年 責子詩云阿舒已二八假定先生二十一
生舒則詩作于本年詩曰白髮被兩鬢肌膚不復實有疑先生

髮白不應若是早者案顏回二十九髮白勿論卽論晉人
 晉書王彪之年二十須鬢皓白世說顧悅與簡文同年而
 髮蚤白劉孝標注顧凱之爲父傳曰君以直道凌遲入見
 王王髮無二毛而君已班白致悅爲殷浩別駕永和十年
 浩廢爲庶人直道凌遲隱指此事時簡文三十四歲悅與
 同年則是三十四髮白也以此例之則先生三十六歲髮
 白不足異已 雖有五男兒總不好紙筆阿舒儼名已二八懶惰固
 無匹阿宣侯名行志學而不愛文術雍份名端佚名年十三不識
 六與七通子名垂九齡但覓梨與栗天運苟如此且進杯
 中物陶考曰份佚同歲以顏誅居無僕妾證之當是孿生
 耳梁譜曰先生諸子不同母與子儼等疏云汝等雖不同
 生是其證也然先生又有妻無妾顏誅中居無僕妾一語
 可證又曰份佚同歲先生旣無姬妾當是孿生耶案陶梁
 說非也妾有二義妻妾對稱則妾爲不娉者內則所謂聘

則爲妻奔則爲妾也此一義也僕妾連言則妾爲給事者
說文僕給事者妾有辜女子給事者僕妾猶曰臣妾周禮
大宰以九職任萬民八曰臣妾注臣妾爲男女貧賤之稱
韋昭晉語納女工臣妾三十人注妾給使者此又一義也
後漢書黃香傳香家貧內無僕妾躬執勤苦顏誅少而貧
苦居無僕妾并白弗任義與此同皆謂無給使者也先生
五子皆生于三十歲前見而與子疏則云汝等雖不同生
自非有妾不足以處此矣

義熙八年壬子先生三十七歲

是年劉裕矯詔殺兗州刺史劉藩尚書左僕射謝混引兵
向荊州襲劉毅毅敗自殺

義熙九年癸丑先生三十八歲

是年劉裕殺前將軍諸葛長民及其弟輔國大將軍黎民
大司馬參軍幼民從弟寧朔將軍秀之

義熙十年甲寅先生三十九歲

飲酒詩第十六首云行行向不惑則是本年所作也第八
首云清晨聞叩門倒裳往自開問子爲誰與田父有好懷
壺漿遠見候疑我與時乖縵縵茅簷下未足爲高栖一世
皆尙同願君汨其泥深感父老言稟氣寡所諧紆轡誠可
學違己詎非迷且共歡此飲吾駕不可回詳味此詩實爲
卻聘之作宋傳云義熙末徵著作佐郎不就又云自高祖
王業漸隆不復肯仕此時劉裕誅鋤異己不遺餘力誠所

謂王業漸隆者矣先生不特吾駕不回亦欲他人共喻詩曰行行失故路任道或能通覺悟當念還烏盡廢良弓蓋歎劉毅諸葛長民輩與裕共功功成之後旋就夷滅而諷助裕者及時覺悟也史紀諸葛長民之言曰劉毅被誅長民謂所親曰昔年醢彭越今年殺韓信禍其至矣長民之智亦見及此然啜其泣矣何嗟及矣前車已覆來軫方遒傅亮謝晦等不戒復次之矣 梁譜云飲酒詩二十首非作于一時今案詩序云余閒居寡歡兼比夜已長偶有名酒無夕不飲顧影獨盡忽然復醉既醉之後輒題數句自娛紙墨遂多辭無詮次聊命故人書之以爲歡笑爾曰比夜已長明是秋之夜也

湯本比一作秋

曰既醉之後輒題數句自

娛明是秋夜醉後作也以其皆醉後所作故題曰飲酒云
爾据序此詩雖非成于一夕而實作于一時一年分四時
三月爲一時
梁說非也

義熙十一年乙卯先生四十歲

是年劉裕率兵攻荊州刺史司馬休之休之亦抗表舉兵
拒裕兵敗奔後秦 宋傳云顏延之爲劉柳後軍功曹在
尋陽與潛情款陶考曰劉柳爲江州刺史晉書柳本傳不
紀年月攷宋書孟懷玉傳義熙十一年卒於江州之任晉
書安帝紀義熙十二年六月新除尙書令劉柳卒南史劉
湛傳父柳卒于江州是柳爲江州實踵懷玉之後以義熙
十一年到官十二年除尙書令未去江州而卒延之來尋

陽與先生情款當在此兩年也案先生卒延之爲誄曰自爾介居及我多暇伊好之洽接閤鄰舍宵盤晝憩非舟非駕卽述此時情況宋書稱延之文章冠時劉穆之欲仕之而不肯先見好酒疏誕不能斟酌當世肆意直言曾無遏隱居身清約不營財利布衣蔬食獨酌郊野當其爲適旁若無人又好騎馬遨遊里巷遇知舊輒據鞍索酒得酒必頽然自得其任真處略似先生宜乎先生與之深交也

義熙十二年丙辰先生四十一歲

是年八月劉裕率大軍伐後秦十月克洛陽十一月裕長史王宏還都求九錫十二月以裕爲相國揚州牧封十郡爲宋公加九錫位在諸侯王上讓不受 釋慧遠卒

高僧傳作

義熙十二年卒年八十三謝靈運
誄作義熙十三年卒年八十四

有丙辰歲八月中於

下澗田舍穫詩一首 蕭傳云周續之入廬山事釋慧遠

彭城劉遺民亦遁迹匡山淵明又不應徵命謂之尋陽三
隱後刺史檀韶苦請續之出州與學士祖企謝景夷三人
共在城北講禮加以讐校所住公廨近於馬肆故淵明示
其詩云周生述孔業祖謝響然臻馬隊非講肆校書亦已
勤案宋書檀韶傳以本年遷江州刺史先生示周掾詩當
作于此時也又周續之傳曰江州刺史每相招請續之不
尚峻節頗從之遊俄辟太尉掾不就高祖踐阼復召之乃
盡室俱下本同末異先生此詩已著微詞矣

義熙十三年丁巳先生四十二歲

是年八月劉裕滅後秦執姚泓送京師斬之十月詔進裕
爵宋王不受 贈左軍羊長史詩當作於此年詩序云左
軍羊長史銜使秦川作此與之案晉傳其鄉親張野及周
旋人羊松齡龐遵等或有酒要之云云疑卽此羊長史也
時左將軍朱齡石守衛殿省羊銜其命殆賀平關中乎九
域雖一晉祚亦從此終矣先生所以慨然而懷綺角也
義熙十四年戊午先生四十三歲

是年六月劉裕受相國宋公九錫之命十二月裕弒帝於
東堂而立恭帝裕聞讖曰昌明孝武帝名之後有二帝故稱詔
立之 張野卒 王宏爲江州刺史 晉傳曰宏每令人
候之密知當往廬山乃遣其故人龐通之等齎酒先與半

道要之潛既遇酒便引酌野亭欣然志進宏乃出於相見
遂歡宴窮日宏要之還州言笑賞適不覺有羨於華軒也
宋傳云嘗九月九日無酒出宅邊菊叢中坐久值宏送酒
即便就酌醉而後歸案王宏爲江州自本年至元嘉三年
正月凡八年先生有於王撫軍座送客詩知頗從王宏飲
酌也 有戊午歲六月中遇火詩一首諸本作戊申陶考
引江州志作戊午以本詩徵之良信詩曰草廬寄窮巷甘
以辭華軒案閔二年左傳杜注軒大夫車定九年左傳杜
注犀軒卿車華軒者卿大夫之車也先生詩凡再用華軒
字詠二疏云華軒盈
道路二疏爲太子太傅少傅餞送傾皇朝
盡卿大夫也又晉傳曰不覺有羨於華軒華軒往來之所
必爲方州重地詩曰甘辭正足見其邇密若居深山華軒

自不能至何待避入窮巷以辭之耶故先生遇火之廬必
在南村其時必爲戊午而非戊申戊申尚居上京安
得華軒而辭之江州
志所據陶集爲可保信矣案詩曰一宅無遺宇舫舟蔭門
前則所居正臨水也愚因此鉤稽全集而知先生三十以
後居皆瀕水歸去來兮云舟搖搖以輕颺風飄飄而吹衣
乃瞻衡宇載欣載奔又云或命巾車或棹孤舟此一證也
祭從弟敬遠文云每憶有秋我將其刈與汝偕行舫舟同
濟此二證也丙辰歲於下渼田舍穫詩云揚楫越平湖汎
隨清壑迴此三證也時運詩云洋洋平澤乃漱乃濯此四
證也連此而五證矣蓋先生前居上京固瀕湖今居南村
亦必瀕湖或江故舫舟可蔭門前也

恭帝元熙元年己未先生四十四歲

是年七月裕受宋王之命十二月加殊禮

讀山海經第十一首巨猾肆威暴云云陶澍謂爲宋武弒
逆而作 詠荆軻詩當作于此年劉履曰此靖節憤宋武
弒奪之變欲爲晉求得如荆軻者往報焉

元熙二年卽宋武帝永初元年庚申先生四十五歲

是年六月恭帝遜位于劉裕裕奉帝爲零陵王晉亡 擬
古詩第二首云聞有田子春節義爲士雄黃文煥謂裕初
廢帝爲零陵王以兵守之行在消息未知生死故元亮寄
慨于春也案魏志田疇字子泰後漢書注引魏志作子春右北平無終
人董卓遷帝長安劉虞欲奉使展節署爲從事疇選家客

與勇壯慕從者循間徑去遂至長安致命詔拜騎都尉不受得報馳還虞已爲公孫瓚所害疇至謁祭虞墓陳發章表哭泣而去 讀史述述夷齊曰天人革命絕景窮居述箕子曰矧伊代謝觸物皆非蘇軾曰讀史述九章夷齊箕子云云蓋有感而作去之五百載吾猶識其意也

永初二年辛酉先生四十六歲

是年九月宋武帝遣兵逾垣弑零陵王于內室 述酒詩
湯漢謂決爲零陵哀詩其說曰裕以毒酒一盃授張偉使酖王偉自飲而卒繼又令兵人逾垣進藥王不肯飲遂掩殺之此詩所爲作故以述酒名篇案事見晉書忠義傳愚考之良是詳述酒詩箋 於王撫軍座送客詩李公煥注

案年譜此詩宋武帝永初二年秋作也宋書王宏爲撫軍將軍江州刺史庾登之爲西陽太守被徵還謝瞻爲豫章太守將赴郡王宏送至湓口三人於此賦詩敘別是必休元要靖節預席餞行故文選載謝瞻卽席賦別詩首章紀座間四人案文選有謝宣遠王撫軍庾西陽集別時爲豫章太守庾被徵還東詩一首李謂瞻卽席賦詩者此也李注殆全襲選注但此詩所紀止休元登之及瞻自己李云四人誤也陶考曰豈宋本有之今本奪去耶通鑑永初二年謝瞻爲豫章太守則此詩決當作於是歲明年則瞻死矣

永初三年壬戌先生四十七歲

是年五月宋武帝崩少帝義符立 還舊居詩云常恐大
化盡氣力不及衰禮記曰五十始衰論語及其老也血氣
已衰邢疏老謂五十以上詩曰不及衰則作于此年前後
可知也 案詩曰疇昔家上京六載去還歸今日始復來
惻愴多所悲此謂由舊居遷于上京六載之中尙時往還
六載之後再由上京遷于南村時越十載始復來視頓覺
人民城郭一時皆非故愴然而悲也若如陶澍說去還歸
者謂以己亥出庚子假還辛丑再還甲辰服闋又爲本州
建威參軍去而歸歸而去故曰六載去還歸果爾六年之
中數來數去何至一見舊居有如隔世邑屋或非鄰老罕
遺乎陶亦知不可通故惻愴多所悲以下情事卽不復道

矣梁譜謂綠君亭本上京一作上荆乃知先生家于荆州者六年荆名上者以其在上游猶言西荆云爾此說尤誤案庚子歲從都還詩云計日望舊居先生果家荆州亦僑居耳何以得稱舊居一語道破即知其不然矣至綠君亭本上京一作上荆蓋本之朱子語錄引見上

少帝景平元年癸亥先生四十八歲

是年周續之張詮卒 答龐參軍四言五言詩皆當作于

本年詩曰昔我云別倉庚載鳴今也遇之霰雪飄零是五言作于春四言作于冬也陶考曰時宋文帝方爲宜都王以荊州刺史鎮江陵龐參軍奉衛將軍王宏命使江陵又奉宜都命使都故曰大藩有命作使上京非宜都不得稱大藩也蓋營陽之廢王宏亦至建康與謀其後文帝誅傅亮等而宏始終蒙寵良有故矣觀四言末章曰敬茲良辰

以保爾躬此必先生陰察參軍使都當有異圖故以保躬
島之此詩嘗作于景平元年

景平二年即宋文帝元嘉元年甲子先生四十九歲

是年五月少帝廢為營陽王六月被弒宜都王入即帝位
是為文帝 顏延之為始安郡經過尋陽日造先生飲焉
元嘉二年乙丑先生五十歲

遊斜川詩發端曰開歲倏五十正先生五十歲作也詩序

乙丑正月五日而諸本有作辛丑者有作辛酉者又有作

辛亥者北宋蘇過所見本作辛丑老學庵筆記云陶淵明

年五十蘇叔黨宣和辛丑亦年五十蓋與淵明同甲紹興

子也是歲得園於許昌之西湖上故名之曰小斜川紹興
十年刻本亦作辛丑此本出汲古閣據南宋曾集本湯漢

本作辛丑一作酉王質栗里年譜從辛丑吳仁傑靖節年譜從辛酉云別本作辛丑又云或疑是辛亥據上所考知北宋皆作辛丑南宋始改辛酉與辛丑並行或疑是辛亥則當有改作辛亥者焉然稽之宋傳先生卒于元嘉四年年六十三逆數至興寧三年乙丑生乙丑至辛丑爲三十七至辛酉爲五十七至辛亥爲四十七無一能合五十歲者一再塗改終不能合于是乃有別出方法改十爲日者吳譜云廬山東林舊本作倏五日與序正月五日相應宜以爲正殊不知開歲倏五日吾生行歸休此二語如何能相連成意慨歎於歲月擲人者豈以日計耶況序中明言各疏年紀若作開歲五日所疏年紀何在耶於是復有據

辛丑五十之說謂先生實得年七十六者

李箋引張績語

然則乙

巳辭彭澤令時先生已五十四與飲酒篇是時向立年句

又衝突矣

殊不知以下用梁譜語

竊謂原序必爲乙丑正月五日因

依宋傳年歲乙丑先生已六十有一讀者不知宋傳年歲之誤以爲不與開歲倏五十句合各以私意改竄遂致莫可校理特丑字改竄之迹尙可考見而乙字改竄之迹則已泯耳愚根據先生詩文質定先生卒年五十有二以乙丑五十推算他篇他歲皆無不合辛丑爲乙丑之譌無可疑矣 雜詩第四首云我願不知老第六首云奈何五十年怨詩楚調云僂俛五十年有會而作云老至更長飢此諸詩皆當作于此年前後案先生秉性貞剛故至老而志

氣不衰見諸雜詩者如古人惜寸陰念此使人懼及時當
勉勵歲月不待人日月擲人去有志不獲騁丈夫志四海
我願不知老皆是也曹孟德樂府曰烈士暮年壯心未已
可爲先生誦之

元嘉三年丙寅先生五十一歲

是年檀道濟繼王宏爲江州刺史蕭傳云道濟往候之偃
臥瘠餒有日矣謂曰賢者處世天下無道則隱今子生文
明之世奈何自苦如此對曰潛也何敢望賢志不及也道
濟餽以梁肉麾而去之 傳亮徐羨之謝晦先後伏誅惜
其不讀先生覺悟當念還鳥盡廢良弓之句也

元嘉四年丁卯先生五十二歲九月卒于尋陽縣之某里

自祭文曰歲惟丁卯律中無射陶子將辭逆旅之館永歸于本宅 挽歌曰有生必有死早終非命促又曰嚴霜九月中送我出遠郊 與子儼等疏曰吾年過五十少而窮苦每以家弊東西遊走性剛才拙與物多忤自量爲己必貽俗患僂俛辭世使汝等幼而飢寒余嘗感孺仲賢妻之言敗絮自擁何慚兒子此已一事矣 顏延之誄曰有晉徵士尋陽陶淵明元嘉四年月日卒于尋陽縣之某里詢諸友好宜諡曰靖節徵士又曰年在中身疾惟店疾視化如歸臨凶若吉藥劑弗嘗禱祀非恤僚幽告終懷和長畢案挽歌曰早終非命促與子儼等疏曰吾年過五十顏誄曰年在中身三文如一宋書本傳六十三歲之誤灼然無

疑然沈約生時距先生卒時才十三載即撰宋書成時亦
僅後六十四年耳時代相接何以致誤意者宋書殘闕不

知而補者誤之乎此則無可徵驗愚不能決之矣案史記高祖本

紀高祖崩長樂宮注引皇甫謐曰高祖以秦昭王五十一
年生至漢十二年而漢書高帝紀注引臣瓚曰

帝年四十二即位即位十二年壽五十三又太平御覽引
史記云高祖崩長樂宮時年六十二其五六互譌之迹略

與此 返葬故里墓在距栗里今鹿坂五里之面陽山 子

五人儼俟份佚修無顯者後九十年梁天監六年梁安成康王

秀為江州刺史及至州聞前刺史取徵士陶潛曾孫為里

司歎曰陶潛之德豈可不及後侑即日辟為西曹見南史列傳梁

宗室
下

陶靖節年譜附錄

錢大昕讀陶詩跋

靖節爲桓公會孫載於晉宋之書千有餘年從無異議近有山陽閣詠乃據贈長沙公詩序昭穆旣遠已爲路人二語辨其非侃後且謂元亮自有祖何必藉侃以重詠旣名父子爲詠百詩說又新奇恐後來這人惑於其說故不可不辨靖節自述世系莫備於命子詩首溯得姓之始次述遠祖愍侯舍丞相青然後頌揚勳德卽以祖考承之此士行爲淵明曾大父之實證也六朝最重門第百家之譜皆上於吏部沈休文撰宋史在齊永明之世親見譜牒故於本傳書之梁昭明太子作靖節傳不過承襲宋書舊文而閣乃云始於昭明誤讀命

子詩其謬一也昭明傳云自以曾祖晉世宰輔恥復屈身異代此亦出宋書之文而閻以訾昭明則是宋書亦未寓目曾不知休文卒時昭明才十有三歲即使傳有舛誤亦當先訾休文況傳本不誤乎其謬二也且使士行與元亮果屬疏遠如路人也者則命子篇中何用述其勳德攀援貴族鄉黨自好者不爲元亮千秋高士豈宜有此其謬三也閻所據者惟有贈長沙公詩序而序固言同出大司馬矣大司馬之稱非侃而誰雖閻亦知其不可通也詞遁而窮因檢史漢表曾以右司馬從漢王遂謂序中大司馬當作右司馬謂舍非謂侃也不知漢初軍營有左右司馬品秩最卑不過中涓舍人之比舍位爲列侯不稱侯而稱右司馬在稍通官制者且知其

不可豈得以誣靖節乎夫擅改古書以成曲說最爲後儒之陋況此大司馬又萬無可改之理其謬四也惟是長沙公與靖節屬小功之親而云昭穆旣遠已爲路人似有罅隙可指今以晉書攷之士行雖以功名終而諸子不協自相魚肉再傳之後視如路人固其宜矣昭穆猶言兩世兩世未遠而情誼已疏故有慨然寤歎念茲厥初之句其云昭穆旣遠者隱痛家難不忍斥言之耳若以爲同出於舍則自漢初分支已閱六百餘年人易世疏又何足怪其謬五也閻又云侃廬江人元亮潯陽柴桑人其址實不同攷潯陽郡卽廬江所分南渡後移於江南士行生於未分之前元亮生於僑立郡之後史各據其實書之似異而實同也顏延之作靖節誄雖不敘

先世而其詞曰韜此洪族蔑彼名級苟非宰輔之冒焉得洪族之稱此亦一證也

沈約蕭統生卒攷

靖節卒後十三年宋元嘉十七年沈約生

靖節卒後三十九年太始初沈約撰晉史

靖節卒後六十年齊永明初沈約晉史成

靖節卒後六十四年永明五年沈約撰宋書逾年書成表上之

靖節卒後七十九年中興元年梁昭明太子統生

靖節卒後九十二年梁天監十二年沈約卒

靖節卒後百一十五年大統三年昭明太子統卒其編陶集嘗在表冠左右距靖

節之卒約百年也

陶靖節年譜附錄

華陽譜

孝建三年

宋世祖

丙申

君生于丹陽秣陵今上元縣

治村是母郝氏夢兩天人持爐焚香來前有娠今世

為君再世為孫思邈兩世肇啟于郝故其兆先形當
是本居天仙趣報盡還入人趣植根弗凡受形亦異
生以火年火月又夏至極陽日悉稟純陽多起飛心
累功積行所升當益高推佛言參君迹略見 大
明四年庚子 君年五歲常持菽畫灰學書 泰

始元年 宋明 乙巳 君年十歲得葛洪神仙傳即有

志養生語人仰青天睹白日不覺為遠及長博讀書
邃解文武諸伎自後天文地理人事雖至淵妙咸臻
底極當時已罕傳歷年愈遠行世寢稀梁傳所載十
二種今傳惟三種傳不能紀十種唐志所載九種今

傳惟四種傳有志無八種傳無志有五種本草後人

增衍攷証益詳間與集註差異

元徽二年

宋蒼梧王

甲寅 君年十九蕭將軍錄尚書引爲諸王侍讀故

事止典文學無他務除奉朝請故事止奉朝會請召

本不爲官雖在官途亦居靜地及求縣乃不遂緣勢

可見 永明十年

齊世祖

壬申

君年三十七家貧

求宰縣不遂脫朝服挂神武門去止句曲山體卽輕

捷性嗜山水所歷必吟咏盤旋不已語人曰吾見朱

門廣廈雖適其華樂而無欲往之心望高巖瞰大澤

知難立止自常欲就之永明中求祿得輒差舛不爾

豈得為今日之事亦緣勢使然此語甚真是事先有
根次有緣次有勢相符乃入所謂道生之德畜之物
形之勢成之惟難契故曠世難就

隆昌元年

齊

林王癸酉 君年三十八沈約為東陽屢要不至自棲

句曲不出所謂遍歷名山求訪仙藥或未然一至句
章禮育王塔一至丹陽太子召他適皆無效又言往
東陽從孫遊嶽受符圖經法亦無效惟楊羲靈寶五
符傳句容葛粲粲以傳陸靜修陸以傳孫許翺翺二
景歌東陽章靈民出都遇得以與孫度所得止在秣
陵句曲之間非遠適而後傳

永元二年己卯

齊

昏侯

君年四十四在句曲築樓凡三層身處其上弟子居其中賓客止其下與物遂絕不娶無子他眷亦不通先斷此根可議他事特愛松風庭院皆植松聆響為樂間獨遊泉石此門忌濁便清神仙上景多雲霞下景多山水物多金玉色多紫碧他皆類是所謂熟之養之覆之若欲成辦必加將護大要離塵換境為上

中興元年

齊和帝

辛巳

君年四十六蕭都

督至新林遣弟子戴猛之迎謁初齊末作水丑木之歌至是援讖文成梁字令弟子進之遂以梁建國後覆沒亦預言朱默已巳詩嘆朝陽重離七元卒驗雖

隱茅山不卻人主詢謀中大通初獻善勝成勝二刀
度武帝狃陳慶之覆魏洛陽好大之心寢移參會侯
景大觸駭機豈盡忘救世者但觀時爾早慕張良甚
深黃石編書蓋傳眞秘謀兵法其間餘事推己及物
亦致平緒術此門隱除魔顯定亂學道者聞及君著
水鏡握鏡當是早爲豈挂晚念

天監元年

梁高祖

壬午 君年四十七梁武帝在西邸與遊及卽位恩
禮彌篤問訊勿絕屢招不出畫兩牛一放水草之間
一金絡頭人執杖驅之知不可復致旁族季直亦不
肯事梁武帝常歎梁有天下遂不見此人門風何由

乃爾 天監四年乙酉 君年五十移居積金澗
泉石益奇無蛇虜有佳木及雜藥初乏青林及來居
皆自茂在句曲東壟 中大通元年己酉 君年七
十四遇異人宣問以本草用虫蟲水蛭之屬傷物遲
一紀可解形至期果化尸解凡十餘種世傳闔自青
城來句曲先昇以君聞帝錄其積水之功化後爲蓬
萊都水監見仙傳及拾遺甚略今茅山相傳稍詳但
微涉異 大同二年丙辰 君年八十一雙眼或
方夢勝力菩薩授菩提記乃詣鄖縣禮阿育王塔自
誓受戒世傳呂崑從鍾離權授劍訣後二百年來參

黃龍惠南始竟佛言不脩正覺別得生理休止深山
大島絕于入境報盡還來散入諸趣晚年始堅此願
唐志有所著草堂法師傳當時佛教雖隆禪宋未開
圓覺以大通元年至以是年去畱臺城十九日度君
不及相見 大同六年庚申 君年八十五逆尅
亡日乃爲告逝詩及卒顏色如常香氣彌山華陽頌
云號期行當滿亥數未終丁迨乃承唐世將賓來聖
庭化後一遇丁亥爲陳海陵王光大元年再遇丁亥
爲唐太宗貞觀元年昇平之盛隆古所稀聖庭當是
此時初隨文帝輔周以國子博士召孫思邈不應密

言後五十年有聖人出吾且助以濟人宣政元年至
貞觀元年適滿五十年應命來見太宗官之不受辭
歸太白山風素極類隱居它無種不類形有轉移神
無變易自是至丁卯獨孤信鎮洛陽之時正七歲至
丁亥太宗召至長安之時得八十七歲暮齡有少容
所以驚嗟虛照隣稱其自謂生開皇辛酉當時已不
信若爾豈得聖童之稱博士之召貞觀丁亥方二十
七歲豈得少容之歎若言數百歲豈得七歲弱冠之
譽度思邈之生適繼隱居之沒其爲後身何疑挺契
頌又云重離倘或似謂簡文與武帝俱非令終又云

七元乃扶胥謂武帝凡七改元世稱推戴爲策立侯
景嘗爲懷朔鎮功曹史至是纂梁稱漢故云扶胥所
謂篇中字皆有義旨後人自以篇中字求之則機萌
一頌二十字願豈虛設矧又彰明業運頌又云濟神
既有在去畱從所宜神旣濟矣在於何所華原孫氏
卽其所在也已當知佛言報盡還來及舍生趣生至
確可信識者更推之癸卯二月泰山王質譜

栗里華陽窩辭

移南村詩

見集謀居南村甚久所謂謀此頗有年今日

從茲役戀南村甚堅所謂此理將不勝無爲
忽去茲未審何時復還西廬所謂山澤久見
招胡事乃躊躇直爲親友故未忍言索居當
是居南村經多時

多柴多桑兮繁陰栗熟兮山前山後而多聞有人兮
素心林密林踈兮溪山自爲秋春不見兮相思相思
兮起下牀而攬衣南疇兮嘉穉北牖兮新葵轉南村
兮西廬夫豈眾芳兮要之何所獨無芳草兮惟吾宇
其增菲紛有此內美兮奚適而非良期勿知太元兮
又焉知義熙